


278  
62



1650



Bibliotheca  
i Coll. Rom.  
ociet. Jesu


I. 4. c

1. 4. 3. 3. 1  
I. S. C. 37-5. E. 15.

320

9.16 - 1

31




*volv. Rom. ove. f. m. Catal. Inscrip. B. 5.*

LITTERÆ  
ANNIVÆ  
SOCIETATIS IESV  
ANNI MDC.



ANTVERPIÆ  
Apud Heredes MARTINI NVTII,  
&  
IOANNEM MEVRSIUM.  
ANNO M.DC.XVIII.



Patribus Fratribusq; Societatis IESV pax  
& gratia Christi Domini, &c.

**L**IENIS proloquor, non  
meis : quinimò nec alienis,  
quia vestris & communis no-  
stræ Societatis annalibus. So-  
lent Annæ prouinciarum  
Litteræ alterius genio ingenioque digestæ,  
ac propemodum alienum in succum san-  
guinemq; conuersæ prouinciis redhiberi.  
nunc aliter Superioribus est visum : vt ni-  
mitum eodem ordine ac stylo in lucem  
prodeant, quo fuerint in prouinciis exara-  
tæ. Fuerat hoc multorum votum, qui non-  
nunquam in Annis nostris aliquid deside-  
rabant : affirmabantque, dum elegantiam  
consecitamur, ita subinde res gestas ad sciti-  
tiis coloribus aliam induere faciem ; vt  
qui maximè gerendis interfuerint, peregrina  
sibi legere videretur. Et verò tametsi  
qui Litteras haec tenus concinnarūt, fuerint  
veritatis studiosissimi ; necessum est tamen  
dum conformitas mutando stylo queritur,  
semper aliquid de veritate deteri. Nam &  
lima dum polit, carpit : & fontes tametsi  
defæcatissimis decurrent riulis, tamen eo  
plus limi contrahunt, quo longius à prima  
scaturigine deriuantur. Quare satius visum

est autographa , quam apographa prælo  
committere,ceteraque negligere, ut auto-  
graphi integritati consulatur, rebusque ge-  
stis omni ex parte sua constet auctoritas.  
Quid si & hoc emolumenti accessorum  
est, ut qui remissius, & quasi perfunctoria  
opera res suas litteris consignabant (ut po-  
te quas nouerant alieno calamo subiicien-  
das) eas in posterum paulo frequentius ad  
incudem reuocent , & secundis curis red-  
dant exactiores, ac omnino tales, quæ do-  
ctorum oculos lucemque non reformi-  
dent? Has interim, quamuis nonnullis lo-  
cis impolitas, & qui bonique consulite. cer-  
tè qui harum sunt auctores, si quæ fuerint  
errata, facilè sibi ipsi condonabunt: ceteri  
si minus ornatus , plus fortassis historicæ  
simplicitatis inuenient.

## PROVINCIA ROMANA.

**I**N Romana prouincia Socij numerati sunt hoc anno plerumque ad sexaginta supra sexcétos; nempe in Professa domo centum, in Collegio Romano fermè viginti supra ducentos. Ex his sacerdotes quidem ad sexaginta, in quibus quindecim variarum disciplinarum professores, viginti auditores: magistri tamen ipsi omnino sunt quatuor ac viginti, auditores nostri quatuordecim supra centum, Adiutores in domesticis munib; quatuor & quadraginta. Ad idem Collegium præterea pertinent nouem, qui in Tusculana residentia coimorantur, quorum sacerdotes tres, duplo plures Adiutores; septem itidem in Maceratensi, quæ sancti Marci dicitur, duo scilicet sacerdotes, Adiutores reliqui: quatuor in Neapolitana, quoru; unus est sacerdos, Adiutores tres. Porro in doino Probationis versantur ferè centum: in quibus sacerdotes fuere duodetriginta, & ex iis tredecim tertio anno ex nouitorum disciplina instruuntur; Adiutores veterani quidem quindecim, tirones autem vndeviginti, scholastici denique futuri sex & quadraginta. In Collegio Anglicano degunt ex nostris decem: ex quibus quatuor sunt sacerdotes, duo repetitionum præfeti, quatuor Adiutores. In Germanico quatuordecim, nempe sacerdotes septem, repetidores, quos dicimus, tres, Adiutores quatuor. Octo in Græcorum Collegio: ex his quinque sacerdotes, repetitionū præfeti duo, Adiutor unus. In Collegio Maronitarum quatuor, duo sacerdotes, totidem Adiutores. In Seminario Romano sex ac viginti, sex eorum sacerdotes, septem repetidores, præfeti cubiculorum nouem, quattuor Adiutores.

tores. In Collegio Pœnitentiariorum ad sancti Petri Basilicam vigintitres: ex quibus quidē septemdecim sacerdotes, sex reliqui fratres. In Senensi Collegio unus ac viginti ferme cominorantur, decem sacerdotes, magistri tres, Adiutores octo. In Florentino, sex ac viginti, nempe sacerdotes duodecim, duo præceptores, scholastici tres. Adiutores nouem. In Perusino cuncti septemdecim: ex his octo quidem sacerdotes, magistri vero tres, duplo plures Adiutores. Totidem in Maceratensi, hoc est sacerdotes quidem septem, magistri autem duo, Adiutores octo. In Recinetensi quindecim: in his sacerdotes septem, duo magistri, sex Adiutores. In Anconitano decem, quorum sacerdotes quinque, magistri duo, Adiutores tres. In Lauretano quatuor ac triginta: ex quibus unus ac viginti sacerdotes, cæteri Adiutores. In Tiburtino quatuordecim: sex in his sacerdotes, duo præceptores, Adiutores sex. In Setino denique nouem, hoc est, sacerdotes duo, magistri totidem, Adiutores quinque. Vita quidem functi omnino sexdecim: ex quibus octo sacerdotes, scholasticus unus, sex Adiutores, nouitius unus: in Societatem vero sex & quinquaginta, ex quibus quindecim ad munera exercenda domestica, sunt adscripti.

### *Collegium Romanum.*

O CTO è nostris hoc anno partim ex Romano Collegio, partim aliunde, qui ad illud tamen pertinebant, in cælesti, ut speramus, collegium demigrarunt: ex iis tres erant sacerdotes, scholasticus unus, Adiutores domestici quatuor. Singuli o ipso ordine, quo sunt vita functi, videntur esse recensendi. Ac primus quidem Ioan. Baptista Maglioccus, xvii. Auḡsti mensis die, cum adhuc emptoris

emptoris manus diligenter exequeretur, paucis diebus, febri acuta consumptus, cælum petiit, ut speramus, quod sibi caritatis officiis emerat. Annos erat natus fermè quadraginta, quorū septendecim Deo in Societate seruicerat. Eum biduo post consecutus est Ioannes Vezettus, Pedemontanus, annos natus fermè sex & quadraginta, cùm in Societate propè triginta vixisset, ipse quoque Marthæ contentus officio. Tertius eiusdem Augusti mensis die vigesimo septimo ad beatam est euocatus vitam P. Lepidus Senensis, clara in primis & peruetusta ortus Piccolominea familia, ex qua duo Pontifices Maximi prodierunt. Annum agebat septimum & quadragesimum: duodecim fermè in Societate traduxerat. Nam etsi puer olim in studiis Humanitatis ac Philosophiæ, nostris operā dederat: deinde tamē Iuris utriusq; disciplinā coluerat, eamq; in patria nouem annos publicè fuerat, tanta cum laude professus, vt Romā ab Urbano VII. tum Cardinali accersitus, & apud eū Auditoris, vt dicimus, aliquātis per munere functus, deinde biennio ferè antequam ille Romanæ Catholicæque Pastor Ecclesiæ renūciaretur, se in Societate nostra Christo Pastoriū Principi cōsecrarat. Apud nos quoad vixit magnam sibi vim inferre, vt se ipse vinceret, visus est. quippe prouecta iam vir ætate tum in domo Probationis, ut cæteri tirones, demissionem animi religiosam amplexus, nouitiorum magistro, tum in Collegio, rursus ex magistro discipulus, Theologis Doctoribus operam dedit. Deinde rationes officiorum fructuosè ad quinque annos explicauit. Postremò acuta febre correptus, etsi perpetuò fermè delirauit; admonitus tamen de instantे morte, ita ad se diuino beneficio, rediit; vt, illato facto viatico, repente in suo lectulo sana mente considererit, atque in ea verba pio animi sensu pro

## PROVINCIA ROMANA.

ruperit, Venimus in hanc horam. Itaque vim lacrymarum profundens, oratione pietatis plenissima (vt cæteri quoque, qui aderant, commoueri viderentur) Deo benignissimo gratias egit, qui se ad hoc sanctum vitæ genus (ita enim illud appellabat) perducere voluisset: deinde generalis confessionis verbis, vt erat lacrymabundus, pronuntiatis, & piè admodum in singula, quæ rogabatur à sacerdote respondit, & sumpto viatico, solus aliquamdiu multa cum Deo suauissimè collocutus; non ita multo post ad pristinam delirationem reversus, nullum tamen verbum protulit aliquando, quod minus religiosum virum decere videretur. Proxime decepsit, hoc est, Kalendis Octobris, Sebastianus Diacetus, Florentinus, annos natus fermè triginta, vix quinque in Societate consumptis. Dum enim Grammaticam doceret, non vulgari diligentia, modestia, religionis exemplo, dumque discipulos ad omnē genus Christianæ virtutis instrueret, in lethalem incidit morbum. Ergo cum graui febrium æstu iactaretur, neque ita mentem, vt cupiebat, in Deo deprecando posset tenere defixam, moderatores exorauit, vt assiduè sibi recitandos à fratribus vicissim pios libellos curarent; aut certè scripta quædā sua de iis, quæ inter precandum diuinitus acceperat. Idq; se èò velle dicebat, quo facilius beneficiorū acceptorum posset, renouata memoria, Deo gratias agere, atque illum vehementius redamare. Quare dum ea recitarentur, tum variè afficiebatur, tum anagnosten interpellabat identidem; quod animum silentio cum Deo arctius copularet. Igitur quim duodecimtriginta dies (tamdiu enim ægrotauit) in hac pia commentatione perstitisset; ad extremum ita se in lectulo supinum, iunctis ante pectus manibus, signum Christi tenens cruci suffixi, cum sacrarum reliquiarum theca,

theca, beatæque Virginis Dei Matris corona compo-  
suit, vt ita se diceret mori velle. Itaque paucis  
post horis Sacramentorum præsidio communitus  
emigravit. Quintus est superiores consecutus pri-  
die Nonas Nouembbris, P. Petrus Paulus Rossius  
Romanus, spiritualis adiutor, eruditione, solertia,  
concionandi facultate non contemnenda. quadra-  
gesimum rum quidem agebat annum; in Societa-  
te verò quatuor ac viginti, functus etiam aliquan-  
diu qua magistri, qua econofhi, qua concionato-  
ris officio, non sine laude posuerat. Sextus dein-  
ceps triduo post hunc, Laurentius Paretanus Pe-  
ruinus, domesticus administer, ex hac vita migra-  
uit, octo annos fermè supra quinquaginta natus,  
vnde quadragesimo postquam in Sociorum nume-  
rum esset adscriptus. Octauus agmē clausit P. Ho-  
ratius Martellus Traiectensis, spiritualis adiutor,  
annum agens quinquagesimum sextum. Is Iuris  
scientiæ insignibus ornatus ad nos venerat. In So-  
cietate nostra tribus ac viginti annis magna reli-  
gionis & obedientiæ laude traductis, dum Colle-  
gij Romani prædiis excolendis, quæ sunt in agro  
Neapolitanø, præcipua fide, sedulitate, industria  
præcesset, venit, vt sperare fas est, in agri illius cæ-  
lestis & amoenissimi possessionem. Insignis profe-  
cto in hoc viro fuit animi submissio, morumque  
modestia. Nam multos annos in Societate procu-  
ratori nostro generali adiutor fuit in rebus ini-  
noris ponderis: quo in munere tantam alacrita-  
tem, patendiæ studium præ se ferebat, vt à non-  
nullis etiam ex nostris, domesticus adiutor habe-  
retur. Ipse verò non modò sui doctoratus insignia  
dissimulabat; verùm etiam nihil se scire, nihil ho-  
minem se esse dictitabat: atque adeò obiurgatio-  
nes quascunque non æquo tantum, sed etiam latro  
animò ferre videbatur. Cæterum quæ de Collégij

statu dici possent, præfertim verò de auditorum nobilitate, numero, assiduitate, pietate: de Sodalitatibus B. Virginis, atq; aliis generis eiusdem, partim cum proximo anno communia sunt, partim etiam perulgata. Pauca quædam videntur esse propria, nec indigna litteris annuis. Sereniss. Dux Parmensis Ranuccius Farnesius, eiusq; germanus frater Odoardus Cardinalis amplissimus, perhū maniter Collegium inuisere, atque in cœnatione nobiscum prandere voluerunt. Versibus quamplurimis, emblematisque pictura condecoratis excepti sunt, & vario inter epulas genere linguarum, tum ipsi tum tota Farnesiana familia collaudata: cui profectò nostra Societas tantum debet, quantum persoluere se non satis vñquam posse profiteatur. Multi ex auditoribus, tum Collegiorum alumnis, tum nobilium virorum liberi theses publicè, siue Philosophicas, siue Theologicas in magna Cardinalium ac Principum virorum corona disserendo defenderunt. Quæ res cæteros quoque, viros præfertim primarios, videntur alicere, ut suos nobis liberos instituendos certatum auideq; committant. Et verò plurimi proiecta iam ætate sunt, & ad altiores honorum gradus eucci, qui suam omnem doctrinam & institutionem secundum Deum Societati acceptam referre non dubitent. Et quoniam instituti nostri ratio postulat, ut præcipue ac maxime auditorum nostrorū saluti semperiternæ consulatur; data est diligenter opera, ut non modò multi magnos in litteris, sed etiam in virtute non pauci processus efficerent: ergo ab improba viuendi ratione alijs reuocati, ad meliorem alijs perfæctioremq; traducti; vt iam variæ Religiosæ familiæ dictinent, scholas nostras Religiosorum Ordinum videri posse seminaria. Ergo multi tum nostrum, tum aliorum Ordinum institutum ceperunt;

nunt, quorum numerus iniri vix potest. Insignis  
cette fuit adolescentis prudentia, pari constantia  
iuncta. Nam cum id illi iam certum esset ac deli-  
beratum, ut se nostrae Societati applicaret, non ta-  
men ei coram nobiscum agere licebat. quippe qui  
in eorum esset potestate, qui alias non obscurè si-  
gnificassent, non placere sibi res huiusmodi tracta-  
ti. Ego rem omnem clam per literas transigendam  
sibi esse decernit. Verum quum iam ad exitum esset  
propè perducta, detegitur. Neque tamen ullis ipse  
vel minis, vel illecebris potuit de sententia dimo-  
ueri. Quocirca strenue superatis rebus omnibus,  
quæ salubri consilio aduersabantur, ad nouitiam  
latus atque alacer aduolat. Magnum in pri-  
mis auditores nostri specimen pietatis atque mo-  
destie, hoc anno sæculari, confluentibus vndique  
populis, præbuere. Atque ut omittantur ea, quæ  
singillatim de cæteris alumnorum Collegiis, quæ  
Romæ à nostris administratur, scribenda videren-  
tut; illud vnuin in hoc genere persequemur. Con-  
cesserat Clemens VIII. Pont. Max. iubileum, quod  
appellamus, Collegij Romani tum nostris, tum  
externis auditoribus, magistris quoque ac cæteris  
e Societate, qui scholis aliqua ratione præcessent:  
modò aliquoties quatuor constitutas urbis basili-  
cas cuncti simul adirent. Adeundi ratio inibatur  
huiusmodi: Prima luce, dato de more signo, scholæ  
complebantur suis quæque discipulis. Inde singu-  
la deinceps cum suis quæque magistris procede-  
bant. Infima Grammaticorum classis prima præ-  
batur, penultima, ac deinceps reliqua tum Gramma-  
ticæ, tum Humanitatis, & Rhetoricæ conseque-  
bantur; continentet vero Philosophi in suas ipsi  
quoque classes distributi; tum qui præcepta de of-  
ficiis audiunt: agmen cludebant postremi Theo-  
logi. ita cuncti facile plus duo millia numeraban-  
tur.

tur. Erat autem is ordo, ea modestia & pietas omnium, ut vniuersae in se ciuitatis oculos facile conuerterent. Ergo & Cardinales amplissimi non pauci & alij Principes, virisque clarissimi, ut eo spectaculo fruerentur, consultò alij pro ædium fenestris, in rhedis siue esedis alij præstolabatur. Ad S. Pauli in via Ostiensi primùm veniebatur; ibique ordine (quod sit ædes amplissima) nulla ex parte interrupto, res diuina siebat, sacræ reliquiæ proferebantur. Supplicationem in templis, atque in ipso itinere celebriorem reddebat grauis æquè ac iucunda, qua Germanici Collegij, qua Seminarij Romani symphonia. Inde ad S. Petri procedebatur. Vbi piè sanctis Apostolis consalutatis, conspectaque sacra Christi vultus effigie, nec opinantes ad benedictionem summi Pontificis invitantur. Quapropter è sacra S. Petri Basilica, in pontificiam descendunt, quibus ex fenestra Pontifex Max. benedictionem eo gratiorem, quo minus exspectata fuerat, imperitiuit. Inde omnes, ut se reficerent, in suas quisque domos dimissi. A prandio eadem prorsus ratione, modò litanis, modò aliis precationibus piè decantandis, itum est ad S. Ioannis Lateranensis Basilicam: prius tamen in templo domus nostræ Professæ, toto agmine transeunte, ubi nostri B. Patris Ignatij sepulcrum non ita pridem exornari cœptum variis tabellis ac monumentis beneficiorum, quæ alij alia eo deprecante à Domino se indies testantur accipere. in eo, inquam, templo actæ Deo optimo gratiæ: quod ita benignè hoc opus erudienda iuuentutis eiusdem Ignatij famuli sui operâ institutum tueatur & prouehat. In Lateranensi Basilica primùm sacrosancta Principum Apostolorum capita, deinde cæteras reliquias, ut singulæ deinceps à linteatis Canonicis producebantur, piè venerati, ad ædem sanctæ Mariæ Maioris perrexerunt.

rexerunt. Vbi post vſitatem precationem, conspectusque reliquias, ad Augustæ cali Reginæ simulacrum à B. Euangelista Luca depictum, sunt laudes, iucundo vocum concentu, celebratæ. Atque ita sub noctem discessum est; vt Roma nunquam se antea eiusmodi spectaculum vidisse testaretur. Neque minus in Humanitatis, quam in pietatis, aut Philosophiæ ac Theologiæ studiis suam omnibus industriam ac diligentiam magistri simul ac discipuli probauere. Nam præter alia vſitata, & propè quotidiana, quæ tum soluta oratione tum carmine priuatim ac publicè pronuntiantur, & parietibus affiguntur identidem; tragœdia noua data est Flavia quater, magno semper procerum nobiliu[m]nique concursu, nec minore cum plausu; quem & argumenti grauitas, & carminis dignitas, & decora actorum pronuntiatio, & modorum suauitas, & apparatus ipſe propè flagitabat.

### *Miffio.*

Iussu Pontificis Max. Clementis VIII. duo sacerdotes è nostris in suburbanum agrum ac finitima oppida dimitti, vſitatis muneribus excolenda; non exiles animarum fruges, Deo benignissimo incrementum dante, retulere: eademque ferè ratio seruata, quæ biennio antè erat ab aliis inita. Permoti præterea plurimi ad Vrbem iubilei causa petendam, expiatis antea ritè confessione animis: in quibus non pauci totius vitæ maculas eluerunt. Quin etiam publicæ offendentes multæ sublatæ, à prava consuetudine alij reuocati. Curatum ut controuersiæ quædam litesque terminentur, criminæ falsè obiecta diluantur, vincit[ur]is quibusdam iniuriæ ab aduersariis condonentur, ipsique vinculis exsoluantur. Simultates depositæ inter quosdam Ecclesiasti-

clesiasticos inueteratae, qui etiam cum publica offensione à mutuis colloquiis ac salutationibus abstinebant, atque oppidum tenebant vniuersum in partes factionesque dissectum. Pax quoque tum inter propinquos, tum inter alios complures & viros & feminas conciliata. Duo à cædibus deterriti, quas omnino perpetrassent, nisi se alter è nostris interposuisset. In custodia detentis consolandis, docendis, confessione expurgandis opera nauata. Vbi etiam inscriptiones famosæ, lasciuæque obliteratae pieturæ. Curatum ut Catechismus à Parochis quidem diebus festis in templis, sabbatis vero à magistris tradatur in scholis: atque ad eam rem appositi libelli relicti. In singula oppida pagosque salutaris est inducta consuetudo sacra Pœnitentiæ & Eucharistiæ mysteria singulis mensibus obeundi; serioque Parochis denunciatum id summuin velle Pontificem. Inter imbuendos Christiana doctrina pueros ratio cunctis est proposita matutinæ, pomeridianæ, vespertinæ precationis, coronæ itidem rosariique B. Virginis recitandi, iubilei hoc anno sæculari consequendi: scita præterea facilisque formula proposita ita loquendi, vt ab impiis in Deum cælestesque maledictis abstineatur. Denique tum pecunia & fama quibusdam, eorumdem operâ restituta, tum cohortationibus populi ad fidem suis præstandam dominis concitati.

### *Domus Probationis.*

QVADRAGINTA circiter hoc anno ex diuersis fere nationibus Itali, Angli, Transsyluani, Galli, Illyrici, Belgæ, Germani relicto sæculo ad hanc cælestis tirocinij domum conuenerunt: in quibus etiam tres, qui à Societate recesserant, Deo iam reuocante, rediere. Longum esset, ac fortasse difficultius,

dificilius, varias persequi seu vias, quibus huc à  
Domino singuli deducuntur, siue rationes quibus  
huc ab eodem benignissimè prouehuntur. Nonnulli  
amen attingentur, ex quibus liceat de reliquis  
facere coniecturam. Quidam etsi demortui patris  
loco & matrem sua præsentia atque operâ solaba-  
tur, & unus ipse administrationis pondus dome-  
sticæ sustinebat; idem tamen non modò faculta-  
tum & pecuniarum, sed matris etiam amore supe-  
rato, ita cum illa egit, ut ab ipsamet sponte, supre-  
mo omnium parenti dicaretur. Alter patrem, cui,  
quippe liberum postremus, carissimus esset, eò tan-  
dem perduxit, ut & filium prosequeretur ad nos  
venientem, & hostiam Deo tanquam Abrahamus  
alter offerret. Alij duo vehementius à parentibus  
oppugnati, ut religiosæ vitæ consilium abiicerent.  
nullis vñquam comminationibus ab eo dimoueri  
potuerunt. Atque adeò eorum alter est ad Pontifi-  
cis Maximilegatum, ita Deo statuente, perductus,  
ut eius vocatio perpenderetur. Verum, menstruo  
illi tempore præstituto, quo tempore si à consue-  
tudine nostrorum abstineret, pollicebatur pater se  
illi religiosæ vitæ complectendæ potestatem esse  
facturum. Obtemperauit filius. Extremo men-  
sis die ad vesperam parentem adit, &c, Elapus, in-  
quit, est mensis, pater, iamq; liberaui fidem meam:  
ergo tandem liceat mihi per te ad Christi vexil-  
lum euolare. Admiratus pater filij siue memoriam,  
siue constantiam, quod aliás obfirmato animo de-  
negarat, id ei non sine dolore permisit. Non minor  
in duobus germanis fratribus virtus eluxit. hi  
communicato inter se de nostra ineunda Societa-  
te consilio, cùm illam natu maior minori iam sci-  
ret esse promissam, quòd existimaret, vel ne in hoc  
quidem oportere minori concedere, vel ita facilio-  
rem alteri quoque aditum paratum iri, neq; valde  
speraret

speraret ab alterutro, nedum ab utroque patente, veniam impetrari facile posse, statuit, fratre inscio, ad nostram Probationis domum proficisci: sed fuga cognita parens, mutatis equis, filium in eodem astlequitur diuersorio, quod is forte diuerterat. quem adolescens tum quidem frustra mitigare conatus, iterum deinde ad nos ita cautè profugit, vt eò parens quoque postea profectus, & saepius filij constantia variis collocutionibus explorata, non modò discedens ipsi ultrò sit benè precatus; sed neminori quidem natu filio, eodem contendenti, negotium exhibere sit ausus. Quare is quoque paulò post maiorem consecutus, dedit operam, vt cum hoc religiosæ vitæ spatium anno seriùs quam frater esset ingressus, veniendi tarditatem celeritate currendi compensaret. Nec minus fuit unico filio cum utroque parente & quidem sene pugnandum. Is primò quidem piis precibus diuinisque mystériis crebro usurpandis, à Deo religiosæ vitæ seständæ consilium impetravit. Deinde verò cum diu de genere religiosæ familiæ diligendo deliberraret, secumq; ita configeret, vt saepè omnem eius rei cogitationem abiicere propè decerneret; tandem benignissimus Dominus, qui suos non deserit, hanc adolescenti mentem dedit, vt nostræ se Societati non dubitaret adiungere. Hic verò pater adolescentis, re cognita, furere, nostrum filio gymnasium & consuetudinem ita severè interdicere; vt mortem, si forte unquam inibi amplius illum offenderet, minitaretur. Negauit adolescentis posse iam se vel sine causa, inchoatis literarum studiis, prohiberi, suamque salutem se non aliis, nisi quibus censeret, velle committere. Verumtamen obfirmato pater animo filium, etiam stricto aliquando in eum gladio, à scholis nostris ad alias ita pertraxit, vt ad nostras redire, aut ad Sodalitatem

B. Virginis venire omnino vetuerit. At is clam ad nostram ædem , & ad Sodalitatem ventitare pergens, nostrum concionatorem rogat, ut pro conione inuehatur in eos, qui à religioso viuendi instituto liberos conantur auertere. Matrem ipsam quoque suis consiliis aduersantem delinire conatus, ad extremum , patrem audacter aggreditur, obsecrat, ne velit se iam triennium in saluberrimo de religiosa ineunda vita consilio persistentem retardare diutiū. tandem illud impetrat , ut secum semel in templo nostro ineat cælestē cōuiuium. In eo conuiuio præpotēs Deus ita hominis animum flexit ; vt non modò Deo filium vlt̄o dicarit , verū etiam eundem ad constantiam, & corā tum sit, & postea receptū inter nostros per litteras cohortatus. Neque verò diuinę Maiestatis vis minor ac benignitas cernitur in superandis diuitiarum ac voluptatum illecebris, quām in patria benevolentia tantisper propter Dei caritatem negligenda . Præcipua fuit in eo genere virtus adolescentis diuitiis circumfluentis; quibus tanquam laqueis irretitus, eo arctius tenebatur , quod utroque orbatus parente beatius ac liberius sibi videbatur posse in omnium rerum copia viuere. Ergo ut pecuniarum fragilitas & vanitas diuinitus indicata ipsius animum ab eis auellere videbatur ; ita contrā earundem nescio quæ fucata dulcedo retinebat. Verū tantam in eo vim habuit diuina sapientia, ut iis tandem diuitiarū vinculis exsolutus ad inopias voluntariæ libertatem euolarit. Quamquam communis hostis omnium , quem semel hisce opum præstigiis cepert, non continuò solet è manibus clapsum spem abiicere recipendi. Quapropter saepius quidem adolescentem in hoc tirocinij religiosi stadio decurrentem depellere conatus est, & ad relictas opes deliciasque retrahere : semper ta-

men inferior, Deo propulsante discessit. Cum aliquando ita vehementer oppugnaretur, ut propè decadere de statione cogitaret, Magistro rem aperit: à quo iubetur ad piam precationem confugere, (cuius tum fortè signum de more dabatur) ac simul de ratione abigendæ cogitationis admonetur. Post precationem redit ad Magistrū, funiculo de collo suspenso, cumque positis genibus obsecrat, ut si quando postea suam cōstantiam vacillare sentiat, se ea ipsa reste constrictum ne cubiculo exire patiatur. Iam verò quæ artes ad virtutes inserendas, vitiorumque fibras euellendas adhibentur, et si alioquin usitatæ sunt, hīc tamen propter nouitiorum multitudinē non videntur usquequaque vulgares. Hic enim tirones non modò pañim sine culpa plectuntur; sed etiam eorum nonnulli, data opera, quædam agunt: quæ et si culpa omnino vacant, nonnullam tamen culpæ speciem præ se ferant, ut pœnæ locus aliquis, atq; occasio præbeatur. Illud vñū, exempli causa, satis erit adscribere. Nonnulli impetrata clam à moderatoribus potestate, esculentum quippiam, ut poium aut aliquid eiusmodi, apud se de industria recondunt, ut eo deinde deprehenso, pœnam subeant, & helluones à commilitonibus habeantur. Tres in primis grandes natu viri, qui que in sæculo auctoritate pollebant, humiliis quibusque muneribus obeundis magno ardore animi ceteris præire contenderunt, omnemque, ut dicitur, lapidem mouerunt, ut se omnium esse iniurios atque infimos profiterentur. Multi precibus urgunt ut sibi in publicis valentinariis etiam vesci & pernoctare liceat, non modò inibi ægrotantibus deseruire diutius. Ita nonnulli ut easdem vestes induerent, quibus nosocomiorum famuli utuntur, impetrarunt. Ex hijsmodi ægrotis resipuit quidam religiosi instituti

tuti desertor, & nostroruin op̄e, receptusā suis huc venit, vt iis gratias ageret, quibus tantum beneficium referebat acceptū. Catechismo, qui in platis à nouitiis traditur diebus festis, adiuti permulti: qui & ad vicina deinde templa perducebantur, vbi aliquot ex nostris Patribus eos peccata ritè confitentes exciperent. E tironibus alii panosis induiti vestibus ad S. Mariæ Maioris, & ad S. Ioannis in Laterano pro ianuę foribus, quæ ideo Sancta vulgò dicitur, quod anno tantum sacerulari & sacro sancto pandatur, stipem vnā cum ceteris ab ingredientibus precabantur. Nec defuerunt ex veteranis, qui non secūs ac tirones denuò ad omnem religiosi officij partem instruuntur, qui in agrum Campanū excurserint, & vberes inde fructus retulerint, simulatibus aliisque scelerum verpribus extirpandis, crebro mysteriorum usū inserendo, aliisque nostræ Societatis propriis rationibus animos excolendo. Hoc anno uno quinquaginta viri sunt Nostri Patris Ignatij piis commendationibus instituti. In quibus Episcopi censemunt ac Præsules, Marchiones præterea, Comites, & ex Pontificia familia nonnulli, Melitenses equites, aliisque viri primarij. Sanctissimus D.N. Clemens VIII. per cestatem & autunnum, quo tempore sepe valetudinis causa ad hortos, quos habet in monte Quirinali, diuertit; saepē etiam pro sua humanitate nostram hanc domum suę vicinam interuisit. Verum hoc anno cunctos vlt̄rō tirones accessitos ad sacram pedum osculum comiter admisit, eisque bene precatus est illis verbis: Dominus vos benedicat, & faxit, vt sitis Ecclesię suę sanctę fructuosí. Vnus hoc anno P. Iosephus Lombardus desideratus. Is Iuris utriusque peritus, qui amplissimo ciudam Cardinali fuerat à secretis, ad nostrum Ordinem vocatus à Christo, non modò alacri animo

paruit; sed etiam quandiu apud nos vixit, ita se  
gessit, ut vix expleto quadriennio, ex hac domo in  
cælestem sit, ut par est sperare, translatus, annum  
agens fermè tertium & quadragesimum, sexto  
Calend. Octobris.

### *Collegium Pænitentiariorum ad S. Petri.*

**Q**UONIAM h̄ic aliud nullum Societatis munus  
exequimur, præter id, quod ad confessiones  
pertinet audiendas, illud vnum breuissimè dici po-  
test, cùm ex variis nationibus nostri Patres in sa-  
crosancta B. Petri Basilica aures vndique conflu-  
tibus ad Apostolorum limina præbeant; hoc anno  
sæculari longè maximos, vt pat erat, factos esse  
concurrus; vt propterea necesse fuerit, (ita etiam  
Pontifice Max. jubente) nostrorum sacerdotum  
num̄erum ad tempus dumtaxat augeri. Quare non  
modò multa millia cuiusvis generis hominū apud  
nostros ritè animos expiarunt; sed etiam quam-  
plurimi totius anteaetæ vitæ noxas eluerunt. At-  
que vt ex uno liceat de reliquis facere conjectu-  
ram; is qui extra ordinem pro Illyrica lingua sa-  
cerdos erat constitutus, septem dumtaxat men-  
sium spatio, sexcentorum eius nationis, confessio-  
nes totius ætatis unus excepit. In iis centum erant  
indigenæ simul atque incolæ, magna ex parte no-  
biles earum regionum, quæ Turcarum sunt pote-  
stati subiectæ: vt Præsules nonnulli, multiq; ex  
variis religiosis familiis prætereantur.

### *Collegium Germanicum.*

**H**OC anno ineunte vsque ad Paschatis ferias,  
alumni ipsi in plura contubernia seu cubicula  
distributi, centum h̄ic sunt ac vigintiquinque  
comino-

commorati. Ut si iis quindecim adscribas ex nostris, qui res Collegij administrat, & familiam, quæ circiter triginta censebat, octoginta cuncti fermè supra centum numerarentur. Multis enim, quibus fuisset alioquin Autumno proximo discedendum, potestas data est primis anni sacrosancti mensibus remanendi. Res externæ Collegij in eodem ferè loco, in quo proximis annis, perstitere. Nam etsi æs alienum haud est contractum nouum; vetus tamen nulla est ex parte dissolutum: quod fuerit & maior solito numerus alumnorum sustentandus, & satis ampli templi ruina sarcienda, quod est in Abbatia S. Petri Laudi, quæ ad Collegium spectat: quod quidem templum vix est decem aureorum millibus restitutum; cum fuerit à fundamētis ipsis reficendum. Huc accessit, quod ex maxima propemodum post hominum memoriam Tyberis inundatione detrimenta, quæ cum cetera Collegij ædificia, tum verò S. Apollinatis ædes acceperat, non nisi magno sumptu compensari potuere. Sacerdotio alumni sexdecim iniciati. Quatuor & viginti, studiorum spatio confecto, in Germaniam reuersi. Vnus hoc anno Philosophiæ pronunciata, publica disputatione, defendit. qua in retribus Cardinalibus, ceterisque qui aderant, suam operam probauit egregiè. Non pauci variis tentati morbis, Dei beneficio incolumes evasere. Sacras ædes quatuor iobelei causa constitutas, turmatim quidem crebro alumni lustrarunt: maiore tamen pompa semel atque iterum cuncti simul. Ac prima quidem cum ceteris Romani Collegij auditoribus, ut suprà suo loco narratum est: deinde verò quinā impetrato, pro Collegio Germanico, ad unum diem iobeleo, lineteati processerunt. Interfuere in primis Cardinalis amplissimus Paravicinus, & Clarissimus Cæsarex Maiestatis Orator, isque in S. Pauli Basilica

cum alumnis sacroſanctum Christi corpus, Cardinali rem diuinā faciente ſuſcepit. & quamquam cantus pia elegansque symphonia, qua tum viæ ipsæ, tum verò templa personabant, erat omnibus periucunda: insignis tamen alumnorum incedentium ordo, pietas, modestia, oculos omnium ad ſpectandum confluenter permouebat. Eadem eft eorundem ſpectata religio & moderatio, non modò quum ampliſſimi Cardinalis Austriaci, & paulò antè Madrutiſ huius Collegij patroni funus longa per vrbem via proſecuti ſunt, mutatis identidem per vices, qui feretrum ad conſtitutum ſepulturæ locum deportabant: verū etiam quin eidem patrono poſtea per triduum iusta funebraria in Collegij templo perſoluerunt: pro cuius valetudine antea fuerant (dum grauiter laboraret) publicè Deum priuatimque deprecati. Sancti Martyris & Epifcopi Rauennatis Apollinaris, qui eft ædis Collegio adiunctæ Patronus, natalem diem ac ſolennem, deinde verò SS. Martyrum Eufratij & ſociorum, quorum ſacra corpora inibi religioſè aſſeruantur, alumni præcipua religione ac cæremonia celebrarunt. Neque ſolum fuit ſacræ ſupelleſtis ornatus maior; vix ut Romæ ſuperari ab aliis, Pontificis Max. aris exceptis, exiſtimetur; verū illud etiam ornementum accessit exiinium, aliud nimirum è S. Apollinaris ossibus, ex vetusto Cœnobio Seburgensi à P. Ioanne Viuario Aquensi Societatis noſtræ allatum, Collegioque donatum: quod eft in ſacram ædem magna tuin alumnorum lētitia & pompa, tum populi frequentia deportatum. Templi quidem ipſius paumentum ita iam erat humi depreſſum, quod plerisque aliis ob vrbis ruinas euenit; vt multis ad illud gradibus deſcenderetur. Quare quum ad ea pericula & incommoda vitanda, quæ ob infestam Tyberis reſtagnationem,

nem, crebro superioribus annis acciderant, altius esset elatum, ac propterea aram quoque maximam oporteret denuo consecrare; Elfeustriæ Archiepiscopi suffraganeus, huius olim Collegij alumnus eo munere functus est, qui paucis ante diebus in eadem S. Apollinaris æde fuerat solenni ritu Episcopus consecratus. Vnus dumtaxat hoc anno ex iis, qui in Germaniam reuertitunt, nostrę se Societati dicavit. Pleriq; in Canonicorum ordinem adscripti. Præpositi alij, alij Decani delecti, atque ad alios aliarū Ecclesiarum gradus dignitatis euecti.

### *Collegium Anglicanum.*

ALVMN I hoc anno fuere duodequadraginta: ex his Logicæ studia coluere nouem, Rheticæ quatuor, vndecim Physicæ, Metaphysicæ septem, Theologicæ septemdecim. In sena domi contubernia, siue conlaquia, à cibo in tres veluti turmas distributi inter se colloquuntur. Sacerdotio sunt iniciati hoc anno septem. Studiorum curriculum emensi quatuor. Totidem in patriam redierunt ad messem. Philosophicas theses vnuis publicè disceptando defendit. Vnus in cælestem patriam, ut speramus, euocatus prius tamen in Societatē nostram receptus, quam paulo antè expetierat. Duo in tironum nostrorum numerum adscripti. Quidam annos natus iam sex & quadraginta, & quidem loco in primis nobili, patrimonio diuendito, sacerdos est factus. Is dum adhuc in Anglia degeret, multa est orthodoxæ religionis causa perperitus. Illud sanè commemorandum: quod idem aliquando à Ministro Caluinista, die Dominico, ac frequenti populo est à Christianorum cœm-publicè pulsus, hoc est, ut nos loquimur, excommunicatus. Aliquā enim adhuc retinent in Anglia hæretici censuræ Ecclesiasticæ

siasticæ imitationem. Quod cùm ei esset à suo ger-  
 mano fratre renunciatum, esse nimis diris pu-  
 blicis notatum, esse ab Ecclesia turpiter electum,  
 Ego verò, inquit, in Ecclesia Catholica sum; quod  
 vestra prohibeat, non laboro. At ecce tibi die  
 item proximo Dominico, Minister ille ex eodem  
 loco dum Euangeliū recitat, qua hora excom-  
 municatum octo antè diebus hominem pronun-  
 ciarat, eadem repente, graui morbo corripitur, an-  
 cillam iubet properare domum, sibi que lectulum  
 interea sternere: vixque dum execrando sacro per-  
 acto domum reuersus, biduo extinctus est. Neque  
 tamen vir Catholicus ac pius pro inimico, quam-  
 diu vitæ spes fuit simul ac venia, Deum destitit  
 deprecari. Anglia verò etiam nunc habet in messe  
 sacerdotem hunc, operarium sanè perutilem. Alius  
 impij cuiusdam hominis oratione inductus, non  
 esse ad sempiternam salutem consequendam, Ca-  
 tholicæ Ecclesiæ, religionisve cultum necessarium  
 existimat: idque amicis quibusdam persuadere  
 conatus erat. At repugnante deinde conscientia, &  
 à sacerdote admonitus, errorem agnouit, statim-  
 que iis ipsis, quos deceperat, errorem eripuit: iam-  
 que est præclara Martyrij corona donatus. nempe  
 hunc Odoardum Thuringum esse suspicamus.  
 Nam is huius Collegij alumnus post carceris æ-  
 rumnas religionis Catholicæ causâ necatus est.  
 Alius itidem per iniquam suspicionem detentus  
 in Gallia, ubi se de suspicione purgauit, in Colle-  
 gio vixit, non modò magno diligentiae exemplo  
 Christianæque modestiæ, sed etiam in litteris pro-  
 gressu; quarū huc propè rudis accesserat. Robertus  
 Widletonus sacerdos hinc profectus, captus in An-  
 glia, & in carcerem detrusus, anno cōsequente pro  
 fidei Catholicæ causa tuēda Martyrij gradibus ascē-  
 dit in cælum. Adolescens annorum ferme septen-  
 decim;

decim, cui nomen Odoardus Cottingonus, cum  
sæpe hæreticos multa pro cōcione aduersus ignem  
purgantem, atque alia fidei capita disputantes au-  
diret, neque sciret quid contrā posset afferri; hære-  
sim tamen eo ipso auersari cœperat, quod maledic-  
endi studio illos cerneret ista dissērere. Fortè eue-  
nit, ut Oxonij aliquando, vbi litteris operam da-  
bat, in bibliothecam veniens incideret in Cardi-  
nalis Bellarmini cōtrouersiam de Purgatorio con-  
scriptam. Quo euentu exhilaratus, dum ad sitim  
explendam multa lectitaret, Catholicam fidem  
fitire cœpit. Ergo ad sacerdotem adductus, & Ec-  
clesiæ reconciliatus, clam suis, vno tantum cognato,  
Catholico homine conscio, Romā ad hoc semi-  
narium venit. Inde exacto triennio, siue studiorum  
labore, siue cælo Romano debilitatus, medicorum  
consilio discessit in Belgium. Is tamen erat ante  
discessum in Societatem nostram receptus, quam  
exoptarat. Quare cum ingrauescente morbo, mor-  
tem sibi cerneret imminere, facilè impetravit, ut  
vota ederet, nostroque indutus more sepeliretur.  
Alius denique summo loco natus adolescens in ea-  
dem custodia cum patre degebat, in quam eum  
hæreticorum iniquitas coniecerat, quod scilicet  
illorum cœtus frequentare nollet. Is parente in eo  
carcere demortuo, vel ad vitam potius veram bea-  
tamque profecto, & auctor sororifuit perpetua se  
virginitate Christo consecrandi, & ipse eidem Iesu  
Christo Domino se ac Societati nostræ simul ad-  
dixit. Tantam porro aiebat eo tempore Catholicorum  
hominum penuriam in ea vrbe fuisse, vbi  
parens detinebatur in carcere, ut ciues illuc fre-  
quentes Papistam (ut ipsi appellant) spectaturi con-  
fluerent. Vanis enim Ministrorum fabulis delusi,  
Catholicos vix cæteroruū hominum similes aut hu-  
mano more viuere suspicabantur. Verum perspecta

deinde illius viri & statura prægrandi, & pacatis moribus, & orationis suauitate atque prudentia; non modò rem aliter ac putarant, se habere mirabantur; sed etiam veram religionem adamabant: quam tamen amplecti miseri non audebant.

### *Collegium Tiburtinum.*

**S**Getulij Sodalitas, vt aliàs perscriptum est, ex viris huius vrbis primariis constat, qui sunt item omnes in Collegij huius Sodalitium B. Virginis dicatum adscripti. Ea verò se ostendit hoc anno sacrosancto; sui patroni in hospitij iure colendo vestigia persequi. Nam & sàpe diuersoria multis egentibus peregrinis, externis præsertim, aliasque res necessarias Christiana prorsus charitate suppeditauit, & (quod caput est) vniuersis feminarum cœtibus Romam potentibus magno studio curaq; subuenit. Neq; verò nostra Societas destitit pium hoc ciuium officium fouere pro viribus. Nam & aliqui ex Patribus stipem ad eam rem per urbem emendicarunt, & ex ipsa Collegij supellectili, culitra, stragula, linteamina, hospitibus vtēda transmissa. Porrò ritè confitentium concursus hoc anno ad nos incredibiles facti sunt; labori verò nostrorū in iis audiendis inusitato, inusitati quoque vberetque fructus respondisse, Dei beneficio, existimantur. Etenim pleruinque fuerunt confessiones ad multam noctem audiendæ, & quidem penè maxima ex parte totius vitæ superioris, non ipsorum modò ciuium, sed etiam peregrinoru:n:quum Sodalitia cuncta confitendi causa atque opida vicina confluenter. Magna vis pecuniæ, aliarumque rerum, nostrorum operâ, dominis restituta. Inueterata odia, & quidē periculosa restincta: ex quibus etiam cedes parentibus, liberis, coniugibus imminebat.

uebat. Multi, qui magna facinora conceperat, duo præsertim, qui duobus item necem veneno parabant, à consilio deterriti. Mulier quædam remediis cælestibus à cæde facienda reuocata. Alia non modò è flagitiosa vita erepta: verum etiam emendata dote, honesto est addicta coniugio. Multorum pellices nostrorum item operâ sunt eiectæ, curatumque ut alij cum iis legitima connubia iungarent, alii dote attributa easdem honestè in matrimonium collocarent. Neq; verò hanc urbem quibuscumque nostræ Societatis muneribus adiuuare destitimus, tum assiduis habedis in templo nostro concionibus, tum Catechismi explicatione, tum præsertim multarum virginum pietate tuenda, quæ in patriis ædibus pudorem suum Christo magna ciuitatis approbatione consecrarunt. Quæ profectò virgines, vitæ integritate, Christianatumque virtutum exemplo, alias quoque videntur ad se imitandas allicere. Nostri persépe & noctu & interdiu ad ægrotorum confessiones audiendas accessuntur, eosdemque ad feliciter è vita migrandum pro viribus adiuuandos. Qua in re sæpius accidit, vt multis omni ope destitutis animabus in supremo illo tempore subueniretur: quæ alioquin sine Sacramentorum præsidio decessissent. Ad vincitos quoq; subsidia eleemosynarum delata: quibus nimirum subsidiis & multi eorum, egentes aliquin, subleuati. & quidā ære alieno dissoluto, cuius causa constricti in custodia tenebantur, ipsi quoque sunt vinculis exsoluti. Similis est opera ægrotis in valetudinariis nauata permultis. Excursum præterea in opida finitima, vbi & religionis nostræ summa enucleanda, & confessionibus, ad quas plurimi confluunt, excipiendis, & multorum inter se dissidentium animis conciliandis, cōpiosi percepti sunt fructus: tanta opidanorum lætitia, ut nostros

nostros ægrè dimitterent, à quibus tantā sibi opem ad beatam vitam afferri sentirent. Triduo ante quadraginta solemnis ieunii dies, Sodales, quos suprà scripsimus, B. Virginis, solemnem quoque horarum quadraginta supplicationē, ornatū præclaro, maiore ad cælestē conuiuium accendentium numero, nec sine symphonia celebrarunt. Hoc demum anno discipulorum nostrorum Sodalitas, quæ frequens magnam Dei Matrem colit, ad Romanam Sodalitatem primariam aggregata est; ac propterea solenni ritu, & orationes, & carmina tum latinè, tum græcè sunt habita.

### *Collegium Florentinum.*

TVRCAE duo, alter ab Etruriæ, à Bugiani Duce alter ad nos missi, ut summa Christianæ fidei capita docerentur, sacro deinceps fonte abluerendi, acceperunt commodè disciplinam. Nobilis quidam, sed à Catholica religione infelix transfuga, à nostro præcone de sua salute commonitus diligenter, ad signa desertæ militiæ se recepit. Sacerdos è nostris Magno Etruriæ Duce postulante, conciones Pisis habuit per Quadragesimæ, quam dicimus, tempus, tanto studiosorum auditorum sensu; ut ne Dux quidem ipse vñquam, præter paucos dies, quibus ab ea vrbe abfuit, abesse voluerit. In templo itidem nostro, diuersi temporis conciones auditorum frequentia commendauit. Per dies aduentui Christi dicatos Collegij Rector iterum est in æde primaria concionatus, idq; cum insigni vellaude, vel fructu. Ergo multos iam annos per id tempus nostrorum Concionatorum vocibus templū illud, Cardinalis amplissimi Medices eiusdemque Florentini Archiepiscopi rogatu, personauit. Eodem tempore pomeridianis horis institu-

tæ sunt sacræ in templo nostro conciones. Dum anniversarius dies B. Ignatij nostri institutoris obitus instaret, accurate inuestigatum quid Romæ appararetur. Sed re propè nulla comperta, hic tamen in templo nostro eiusdem est B. Patris effigies collocata, & à prima Vespera ad alteram symphonia cantusq; adornatus. Nostri autem Fratres priuata flagellatione domi priùs adhibita, cuncti publicè ad sacras Christi corporis epulas accessere. id quod externi quoque complures imitati sunt. Deinde verò B. quidem Patri nostro argentea sigilla septemdecim, B. verò Francisco (cuius itidem effigies in tabula depicta, in eodem fuerat templo proposita) quatuor, à reis votorum constituta sunt: quibus illi se siue recuperatæ valetudinis, siue domus à laruarum vexatione liberatæ, siue alia huiusmodi accepta referre beneficia testarentur. Nostri porrò Aloysij Gonzagæ sanctitatem testatus est Deus prodigio sanè mirabili. Sacra quædam Virgo ex iis, quæ in Angelorum Cœnobio degunt, diu multumque occulto quodam morbo laboraverat; quem deinde periti viri cancrum existimauit, nec sine acerbo sensu doloris. Vtrumque tamen illa siue pro verecundia virginali, siue pro tolerantiae exercitatione suppressivebat, donec inter pias Patris Ignatij commentationes religioni sibi duxit id silentium. Ergo rem totam magistræ aperit: illa discipulæ suadet, vt morbi curationem à B. Aloysio deprecetur: cuius non modò breuem totius vitæ narrationem manu descriptam antea legerant, verum etiam digitum piè allerauabant. Parat magistræ Virgo: & primò quidem, dolore leuat, iterum autem ac tertio quum preces nihil proficerent, medicum tandem iubet adhibere. Quod illa vt faceret quum adduceretur inuita, pridie eius diei, quo erat imperata factura, vehementius pre-  
cando

cando cœpit virginere, ut ab eodem omnino exsolueretur, à quo iam cœperat relaxari res mira. Inter precandum visa sibi est 'Aloysium non videre solum præsentem, quem obsecrabat, sed etiam sentire extorquentem sibi è pectore quidquid inesset mali: qua ex re cum ita indoluisset, ut viribus destituta langueret, prætereuntē fortè magistram conspicata; Curata sum, inquit. Illa verò accurrit: labentem discipulam sustentat: sodalibus conuocatis, reficit semiuiuam, futuram tamen ex eo tempore semper incolumem. Ea verò res ne vlla caret fide, publicis est deinde litteris consignata. Plures tum laici homines, tum Clerici, atq; in iis optimates nonnulli totius anteaetæ vite delicta ritè confitentes auditи. Id quod non in vrbe modò, sed etiam inter peregrinandum, in quodam opido, gestum. Sacris virginibus & peccata confitentibus, aliorum rogatu, audiendis, & colhortationibus habendis, nostri præstò fuere. Accessit Collegij vectigalibus fundus; cuius aestimatio non longe abest ab aureis nummis octingentis. quamquam in aliis quoque rebus liberalitatem ciuium sumus experti: nam & calix argenteus, quem facile centum & quinquaginta nummis aureis aestimes: & lampas item argentea aureorum centum & quadraginta vel eo amplius, & numerata pecunia, modò ducenorum, modò quinquagenorum, modò alia ad sacras ædes dona delata. Denique nobilis adolescens seipsum in Societate nostra Iesu Christo donauit. eum nempe videtur oportunè benignissimus Dominus, in locum P. Hugonis Rossetti Bituricensis, submisisse: quem hoc eodem anno Septembri mense ex itinere quod Florentia in Galliam instituerat, cum propè iam abesset Lucerna, ad nostram omnium patriam, bonisq; omnibus cumulatam ciuitatem, idem qui ciuis lucer-

nam est Agnus, euocauit, ut piè sperare fas est, annos  
natum septem ac triginta, quorum vndecim in So-  
cietate nostra traduxerat.

## *Collegium Perusinum.*

ANNO Iobelie Perusiae septem sunt eodem die  
extremo affecti supplicio: ex quibus tres sum-  
moloco nati, & mulier itidem ex prima nobilita-  
te. In his adiuuandis, & confirmandis, ita est à no-  
stris opera posita, ut & ciuitatis Praefectus, & alij  
palam affirmarent facilè futurum fuisse, ut ea ope  
destituti, non modò haud ita piè sancteque mo-  
terentur, ut mortuos esse perspexerant, verum et-  
iam ut in interitum animorum ruerent sempiter-  
num: quum præsertim ex iis nonnulli sacra pecca-  
torum confessione, & Eucharistia multos annos  
abstinuissent. Iam verò multi, inter quos graues  
intercedebant inimicitiae, nostrorum industria ad  
concordiam pacemq; traducti. Ex his duo patruus  
& nepos claro genere orti P. Rectoris operâ, Car-  
dinali amplissimo Beuilacqua iubente, inter se re-  
conciliati. quæ res non ipsi modò Cardinali, sed et-  
iam viris clarissimis Marchioni Corneo, Reueren-  
dissimo Episcopo Neapolioni Comitolo, toti deni-  
que ciuitati incredibilem attulit voluptatē: quum  
ea re intelligerent, multis alioquin impendentibus  
malis occursum. Piarum B.P.N. Ignatij commen-  
tationū vsus longo est interuallo reuocatus. Nam  
& honestissimi viri nonnulli, & in iis quidam ex re-  
ligiosis Ordinibus, & ingenuarum artium studiosi  
iuvenes hisce meditationibus in Collegio nostro  
sunt diligenter exculti. Collegium verò tanto aere  
alieno premitur, ut fuerit ad R.P.N. Praepositi Ge-  
neralis charitatem confugiendum. Qui ea re per-  
motus, primò quidem trecentis nummis aureis,

Colle-

Collegium subleuauit. Deinde verò cùm eò redactum esset, vt vel claudendum videretur, vel nostrorum numerus imminuendus, rem totam idem noster omnium Pater in se recepit, atque vniuersum in se transferri voluit æs alienum, ne ciuitas hæc nostrorum auxilio destitueretur. Quam benignitatem tanto parente dignissimam & Cardinalis Legatus, & Episcopus ciuitatis, & Marchio Cornneus, & quicunque postea cognouerunt, vehementer, vt par erat, admirati sunt. Notabilis itidem videtur, & commemorandus Legati amplissimi clarissimique amor in Societatem nostram propè singularis; de qua is ita sentit magnificè, atque ita honorificè cùm priuatim tum publicè loquitur, vt dici vix queat. Ergo quum de illa, vt fit, sermo indicat, liberè profiteri solet Collegia nostra vbiunque sint, decus esse ciuitatum. Neque verò verbis dumtaxat, sed re ipsa quoque, quantum nos amet, non semel ostendit. Nonnullis etiam Collegij negotiis ex sententia conficiendis mirificè fauit. Adolescentem ex fratre nepotem, quem apud se habet, scholis nostris addixit instituendū: etiamsi alia ab aliis proponerentur non contemnenda Gymnasia. Neque verò illud videtur silentio prætereundum, eundem vbi primum pedem domo extulit, recta ad templū nostrum, vt rem diuinam faceret, contendisse. Multa Episcopi quoque hoc anno argumenta non obscura existere præcipua in nos benevolentiae. Sæpe enim brevioribus quibusdam concionibus, quæ in templo nostro sexta quaque feria vesperi per Quadragesimam habentur, sæpe longioribus matutinis interfuit. In scelto Congregationis Maiorum aliquando, peracto antea sacrificio, Sodales omnes cælestibus epulis refecit: iisdemque nostros Fratres sua manu imperiri voluit, antequam Romam Iobelei causa discederet:

deret: quum diceret hanc à se nobis ad suum usque  
reditum benedictionem relinquere. Quin etiam ubi-  
cunque sese obtulit occasio, nostris rebus prospe-  
xit egregie. Cuidam præsertim Magistratui nos ita  
diligenter commendauit; ut illo auctore potissi-  
mum verè dici queat, molestissimum quoddam  
Collegij negotium felici exitu esse conclusum. Et  
quamquam non sunt fructus huius Episcopatus  
uberrimi; numquam tamen destitit sua benignita-  
te nostram in opiam subleuare. Denique quum es-  
set quadraginta horarum supplicatio ab ipso in  
cunctis ferè sacris huius urbis ædibus toto anno  
seculari in orbem instituta; usque adeò templi no-  
stri est ornatus & conciunculis delectatus, quæ fer-  
mè habebatur quinæ quotidie, ut palam dictaret,  
qua ratione huiusmodi res peragendæ sint, à no-  
stris cæteros posse perdiscere. Consuetudo diu in-  
termissa lustrandi sacrarum virginum cœnobia,  
tum habēdis cohortationibus, tum extra ordinem  
earum confessionibus audiendis, hoc ptimum an-  
no, Episcopo ipso flagitante, reuocata est. Vtrum-  
que autem tanto cum ipsarum fructu lætitiaque  
perfectum, ut Episcopo deinde de more illarum  
inuisenti cœnobia gratias agerent immortales;  
quod nostrorum opera ad eas res vti cœpisset, at-  
que ut pergeret, obsecrarent. Ergo is & Romana  
proficisciens Collegij Rectorem orauit, ut ea virgi-  
num cœnobia se absente frequentius etiam obi-  
rentur: & quamdiu Romæ substituit, eidem saepius  
per litteras gratias egit, remique diligenter, quippe  
ibi gratissimam, commendauit.

### *Senense Collegium.*

DATA est in distributione præmiorum tragœ-  
dia, tanto ciuitatis plausu; ut numerus discipu-  
lorum amplificatus propterea videatur. Duabus

pridem institutis virorum Sodalitatibus, quarum  
 altera ex viris honestis constat, ex nobilioribus al-  
 tera, opificum iam est addita tertia satis frequens.  
 Hi & carceres piè obeunt & valetudinaria, & æ-  
 grotis ministrant, & se in dissidentium pacificatio-  
 nes interponunt; interdum quoque pedes abluunt,  
 magna ciuitatis gratulatione, peregrinis. Id quod  
 & cæteri ex aliis duobus cœtibus præstant. Extra  
 vrbum itidē excursiones factæ magno animarum  
 lucro; vt proinde aliquot è nostris denuo ad eā rem  
 Cardinalis amplissimus Tarusius, idemq; Archie-  
 piscopus, nostriq; studiosissimus expetierit. Equi-  
 tis Agazarij morte, qui erat nostri Patris Alfonsi  
 germanus frater, centum viginti aurei nummi, an-  
 nuis Collegij vestigalibus accessere, qui ad con-  
 cinnandum aliqua ratione templum conferentur,  
 addita præsertim pecuniola, quæ aliundè speratur.  
 Nostris auctoribus precationes horarum quadra-  
 ginta sunt habitæ in ampla valetudinarij maximi-  
 ãde, magnæ Dei Matri, atque vrbis huius patronæ  
 dicata, ad eamque sanè rem in priinis apposita: quo  
 & religiosorum virorum Ordines, & laicorum so-  
 dalitia composito agmine conuenere: tota vulgò  
 reliqua cōfluente ciuitate. Nobilis matrona quum  
 ex graui morbo ita decumberet, vt certum interi-  
 tum exspectaret, iamque sepulturæ rationem viro  
 prescripsisset; voto à sacerdote nostro (ipsamet pro-  
 bante) nuncupato, de B. P. Ignatij argentea imagine  
 ad eius sepulchrum transmittenda, & eodem die  
 vesperi longè melius valere cœpit, & paucis dein-  
 de diebus omnino conualuit: id quod & medicus  
 miraculo tribuit, & quum opus erit, publicè testi-  
 ficabitur. Alteri feminæ primariæ, mares omnes re-  
 cens nati singuli deinceps morbo quodam, quem  
 vulgò ibi Battiginem dicunt, emoriebātur, quum-  
 que is quem pœstemd ediderat, ob eundem planè  
 morbum

morbū non procul abesset ab interitu; à sacerdo-  
te nostro impetrat, qui eius confessiones solitus  
erat excipere, vt B. P. Ignatio vota faciat ad illud  
periculum propulsandum. Ille roganti moram ge-  
tit. Exemplò filius ita incolumis à Deo redditur  
matri, vt si numquam ægrotasset: cuius rei mater  
infantis testis est locupletissima.

### *Collegium Maceratense.*

G V A L D V M (id opidum est agri Piceni) profes-  
tus vñus è nostris sacerdotibus, Octauio Ban-  
dino Cardinali amplissi. eodemque Archiepiscopo  
rogante, vt maximi tempore ieunij ad populum  
verba faceret. Is etsi vñus erat, multorum tamen  
locum egregiè ac munus expleuit. Nam primùm  
quidem, quotidie inanè, in conferto auditoribus  
templo, tanto animi ardore concionabatur; vt  
quum aliquando in impios atque maledicos vehe-  
mētiūs in ueheretur, exauditus sit ab vniuersa con-  
cione quidam, qui sibi mortem palam imprecare-  
tur, si Deum amplius maledictis nefariis laceſſisset.  
Deinde verò pomeridianis horis Christianæ reli-  
gionis capita frequentibus auditoribus expone-  
bat: tum peccata ritè confitentibus aures dabat:  
discordiæ faces restinguebat: nullam denique oc-  
casione in pietatis Christianæq; virtutis in eorum  
animos inserendæ prætermittebat. Adolescens è  
Sodalitio B. Virginis ad nostram se contulit Socie-  
tatem. Is etsi tanto religiosæ vité amore erat incen-  
sus, vt paratus esset ad omnia quæ sibi à parentibus  
perpetienda viderentur; tamen quòd sciret fratrem  
natu minorem de Cappucinorum instituto com-  
pletendo cogitare, verebatur ne difficilior pro-  
pterea sibi ad nostrum Ordinem redderetur acces-  
sus. Quare consilium capit Florentiam ad Prouinc-

cialem Præpositum veniendi. Inde Roinam ab eo  
 dimittitur ad probationis dominum . reclamant pa-  
 rentes, Deus vincit. Iam verò ut illa vñitata præter-  
 eamus, confessiones videlicet totius ætatis pluri-  
 mas auditas, odia sedata, malè parta dominis bene-  
 restituta, allatam ægris, vñctis, egétibus opem; il-  
 lud videtur in primis, quia singulare ac miraculi in-  
 star, breuiter attingendum. Mulier nupta viro pri-  
 mario, usque adeò graui morbo laborabat, ut eius  
 iam salute à medicis desperata , vñū illi perfugium  
 Deus relictus esse videretur. Ergo mittitur ad sa-  
 crarum virginum B. Caterinæ cœnobium, ut ab  
 iis diuini numinis auxilium imploretur. Illæ non  
 modò le vigiliis ac precationibus continuò dedūt:  
 verum etiam vota cunctæ pro ægrotante summa  
 animi demissione concipiunt. Denique diuturnis  
 precibus lacrymisque profusis, virgo quæ cæteris  
 præterat, vigilando festa, leui somno corripitur: quo  
 tempore videre sibi visa est Caterinam atque Vr-  
 sulam , quæ pudorem virginalem martyrij laude  
 cumularunt, bono se animo esse iubētes: eam enim  
 feminam , cui valetudinem precarentur à Deo,  
 B. Ignatij Societatis Iesu parentis precibus mox va-  
 letudini restituendam. Ergo experrecta religiosa  
 virgo ad ægrotam misit, qui ea quæ secundum quietem  
 viderat, renunciaret. Illa verò magna propter  
 ea spe valetudinis recuperandæ concepta, B. Ignat-  
 ius supplex vota facit. Neque ita multo post idem  
 omnino visum ipsi quoque obiicitur dormienti.  
 Porro verum fuisse utriusque visum breui recuperata  
 matronæ valetudo declarauit. Itaque pia mulier  
 votis persolutis Deo gratias egit, qui est mirabilis in Sanctis suis. Hoc primum anno noui tem-  
 pli ædificatio cœpta. Iam enim biennio antè dele-  
 eti ciuitatis decreto , viri primarij , qui huic operi  
 præcessent , ut in eius anni commentario scriptum  
 est,

est, septingentos fermè aureos nummos de piorum liberalitate corrogarant, ad proximas ædes ac reliqua structuræ templi necessaria coenenda. Iam terra erat altius effossa ad noua fundamēta iacenda, quum Cardinalis amplissimus agri Piceni Legatus, rogatus à Rectori Collegij, ut primum lapidem ritè in ædificio poneret, tametsi æger adhuc ob crus recens ex prolapsione confractum, rem suscepit, quæ est eius humanitas, & insignis erga nos benevolentia. Eo igitur die apud nos tum ipse, tum Quæstor Pontificis prandit. A prandio maxi-  
mi ad aream concursus tum virorum, tum feminarum fiunt; fenestræ, compita, tecta complentur. Legatus clero, senatu, populo comitatus ad locum unde lapis erat deiiciendus, progreditur: cuius in eminentiore parte crux erecta cernebat, ex adverso altaris, ad cuius latus tribunal Legato præparatum prominebat. Quo ille consenso linteatus ac stola è collo appensa cum solenni precatione, cum cantu atque symphonia, primum lapidem ritè demisit. Tum perillustri comitatu venit ad veterem ædem, auditurus nostrum sacerdotem verba de sacra hac cæremonia facientem. Ad extremum orat senatum Legatus, ut hanc nouâ templi ædificationem studiose complectatur, nihil Deo gratius, nihil ciuitati salubrius, nihil sibi denique acceptius fore confirmat: multa præterea de nostri Ordinis laudibus addit, quæ vt non sine rubore potuere à nobis audiri, ita nec litteris mandari necesse fuit. Postero die nummos aureos ad nos mituit quinquaginta: quo alacrius institutu opus persequamur, maioremque pecuniæ summam se indies daturum pollicetur. Ad quadraginta horarum supplicationem triduo ante maximum ieunium in templo nostro institutam ciuitas tota conuolauit: ubi quoque amplissimi Legati pietas inspi-

mis eluxit: quippe qui & s<sup>e</sup>pius ad illud precandi causa venerit, & plures inibi semper horas in Deo precando posuerit. Apparatus erat sanè pulcherimus: tanta erat vis luminum, ut nocte quoque cum luce diurna certare videretur. Locus ipse in theatri speciem conformatus: cuius theatri gradus ternis ordinibus dispositi, accensis cereis, floribus, argentea & aurea supellestili distinguebantur: ergo & pergratus erat aspectus intuentibus, & incitamentum ad pietatem singulare. Quod si nullus esset aliis fructus ex hac precandi ratione perceptus; eo certe uno possemus esse contenti. Sacrarum enim oblectatione concionum, suavi præsertim adiuncta symphonia, scimus epulum ad saltationes per eos dies indictum penitus fuisse sublatum. Eiusdem quoque Legati rogatu, toto Quadragesimæ tempore, diebus Dominicis vespertinæ horæ, quibus ipse cum suis semper interfuit, Deo persolutæ, frequenti populo, non sine graui iucundoq; concantu. Ad extremum eas preces excipiebat de sacra Christi perpetione conciuncta. Idem apud nos maiorem hebdomadam ita transegit, ut magnæ suæ non comitatis modò, sed pietatis etiam, cæterarumque virtutum documēta præbuerit: ad mensam ei terni ex nostris quaternivis semper assidebant, ad animum diuinis collocutionibus reficiendum. Denique solenni Paschatis die, postquam cum sua familia in templo nostro, inspectante eiusitate propè vniuersa, ad sacras Christi corporis epulas accessit, domum reuexit, diuinis pastus recreatusque deliciis. Quatuor spectatæ indolis adolescentes ad Societatem nostram Deus benignissimus conuocauit. E quibus unus, Provincialis Præpositi iussu, quum id parentibus denunciasset, patre primò, summa ope contendit, ut filium de suscepto consilio sententiaque depellat; adhibet propinquos,

pinquos, amicos : Cardinalis Legati auctoritatem interponit, vetat filium ad nostros accedere. Tandem quum nihil proficeret, Romam venit: & Principum virorum potentia fatus multas ab iis ad P. N. Generalem tum valetudinis causa Tusculi commorantem, hac de re supplices extorquet epistles. Postremò ipse met ad eum adit, orat, obsecrat, obtestatur. Addit precibus lacrymas, magnam sibi esse liberum adhuc puerum familiam, nubiles filias: ex propinquis fore neminem, qui filij quem vnicè diligebat, loco, rem domesticam administraret. Ad hæc, aliaque huiuscmodi permulta, ita est à Patre nostro responsum; ut vir sedato animo Maceratam reueterit: mense sibi permisso ad filij constantiam explorandam. Ergo ut domum venit, principio blandè filium appellat, spe in illum suæ dicitans atque ad iniculum senectutis, obsecrations profusis lacrymis iterat & lamenta, nullum artificij genus omittit, quo animū adolescen-  
tis vel argumentis fleat, vel blanditiis molliat. Verum breuiter ad omnia filius grauiterque respondet, cælesti potius Patri obtemperandum. Quocirca omni spe parens abiecta, fore, ut adolescens mutet aliquando consilium, dat ei liberam ad Christi vexillum euolandi potestatem. Is verò lœtus atque alacer, vnuimque è nostris comitem nactus itineris, ad nouitiatum extemplo contendit. Quatuor itidem alij è nostris discipulis, ex opificum verò Sodalitate sex, ad Cappucinorum Ordinem accessere. Iam verò ut multis omissis cætera paucis perstringantur; multæ quidem grauesq; discordiæ sublatæ multorum: duæ verò præcipuæ; quarum altera inter duos fratres exorta, ita ipsorum animos incenderat, ut mutuam sibi necem molirentur. Natu enim maior minori parabat insidias, quod ferre non posset cum hereditate potiri,

qua se spoliatum dolebat. Minor verò maioris morte vitam suam redimere, sequē metu liberare conabatur. Dei tamen beneficio perfectum, ut ambo pessimam hanc abiicerent voluntatem. Duo item alij cuidam machinabātur interitum: verūm socij nostri operā, Deo bene iuuante, pax est inter eos conciliata. Feminæ duæ à turpi quæstu ad pudicam viuendi rationem traductæ. Adolescens itidem sceleribus omnibus coopertus, tandem ita vitam instituit; ut iam de religioso instituto complectendo cœperit cogitare. Cum primaria mulier æream B. Ignatij nostræ Societatis parentis imaginem, filij pectori grauiter laborantis admouisset, is repente conualuit. Id quod eo sanè mirabilius videri debet, quod medici quidnam puero remedii adhiberent, penitus ignorabant. Iam verò in publicis quidem valetudinariis ægrotantibus, in custodiis verò detentis opera de more nauata: multaque confessiones inibi superioris vitæ totius auditæ. Nobilium virorum Sodalitati, tum Prolegatus, tum Abbas Legati frater adscribi voluere: sublatus penitus est è priuatis quorundam ædibus publicis alearum ac talorum ludus. Scholasticorum denique Vniuersitatis repressa licentia, multis apud eos rebus institutis, quæ ad pietatis doctrinæque progressionem pertinerent.

### *'Recinetense Collegium & Anconitanum.'*

**R**E C I N E T I admonitus concionator noster ab Archipresbytero quodam, ut pro re nata, in infantium cædem inuehetetur, quod in ea vrbe tres reperti essent per summam impictatem occisi recens nati, atque in foueam proiecti; quum de homicidio ageret aliquando, cœpit impium illud facinus

tinus infantes enecandi acriter insectari. Mulier  
 quæ & illam cædem impiè patrarat, & nunquam  
 ante a conciones audierat, tum fortè illi concioni,  
 Deo clementissimo eius saluti prospiciente, dum  
 intercesset, usque adeò permota est; ut concionato-  
 re in deinde conuenerit, moreisque suos corrigeret  
 omnino decreuerit. Venefica quædā ad concionem  
 veniens non modò resipuit, verum etiam ab ho-  
 nesta femina veniam per concionatorem petere  
 voluit, cuius infantem è sinu coñata erat eripere.  
 Nam quam scilicet illi, umbræ specie, sub nocte in obtu-  
 lisset, dato salutationis Angelicæ signo, pia mulier  
 umbram Iesu Mariæque nomine implorato fugi-  
 rat. Postridie manè ad eam veniēs venefica quæsi-  
 uit, utrum pridie vesperi trepidasset: quo indicio  
 bona mulier eius nomen ad Episcopi Vicarium de-  
 tulit. Verumtamen & is deinde concionatoris ope-  
 râ veneficæ pepercit, & ipsa à veneficiis, fascinis,  
 atque ab impio mali dæmonis commercio profu-  
 git. Inoleuerat alicubi quasi ad curanda veneficia  
 consuetudo scobis ex imagine dæmonis abrasæ  
 propinandæ. Verum plerosque huiusmodi epotæ  
 scobe ita diabolus inuadebat, ut liberari deinde  
 non possent. At concionatore nostro grauiter hu-  
 iusmodi superstitionem obiurgante, id agi desitum  
 est. Quidam propter propinquorum cædem, ne-  
 que iniuriam condonare, neque sacerdoti ritè de-  
 licita multos per annos confiteri voluerunt: tandem  
 concionatoris nostri oratione pernoti, & inter se  
 sunt, & cum Deo reconciliati. Pater Marius Sardus  
 Leontinus, Messanensis Diœcesis, trium votorum  
 protensus, multos annos imbecilla ægraque valetu-  
 dine conflictatus, tandem Recineti Decembbris  
 mensis die sexto ac vigesimo, ab huius vita mole-  
 stiis liber beatam illam, ut spes est, uiuere cœpit.  
 Adolescens annorum sexdecim in Societatem re-

ceptus, quatuor in ea supra triginta piè ac fructuose traduxit. Et quanquam ex Lauretano Collegio symbolum in huius annalis veluti cœnam, nescio quo casu non est allatum, non propterea videtur silentio prætereundus. P. Clemens Fantozzius spiritalis adiutor, qui ibi quarto nonas Februarij mortuus est. Is erat Senis ex honesta familia, quæ iam est eius morte terminata, natus, proximi sæculi anno quarto & quadragesimo, primo verò & sexagesimo in Societatē receptus. Ergo vnde quadraginta ipsos annos in ea vixit, & cum alibi, tūm in Lauretana B. Virginis æde Iesu Christo eius filio, diu confessionibus audiendis operam nauauit egregiam: ut meritò ab eodem laborum accepisse iam præmia sperari possit amplissima. Ibidem Paulus Vitalis, Brixiensis, adiutor temporalis v. nonas Maij, duodecim septuaginta natus annos eò (ut fas est sperare) commigravit, ubi eius iuuentus, ut aquilæ renouetur à Christo, cui sex annos & triginta Societate nostra seruierat.

Ancona concionator è nostris missus hoc anno Fanum (id opidi in agro Piceno nomen est) ibique in summo templo, magna populi frequentia, Quadragesimæ tempore verba fecit: vnde speratur illa ciuitas fructus vberes percepisse. Quum Anconæ in vrbis concilio de scholis publicis ageretur, summo omnium consensu decretum est, ut eas nostri retinerent, quoniam satis earum fructus aperte constaret. Depravata ibidem adolescentium consuetudo repressa est, cum puellis palam, amoris ergo, colloquendi. Ad Societatem nostram aggregatas unus ex nostris discipulis è Dei Matri Virginisque perpetuæ Sodalitate. Altera quoque nobilium virorum Sodalitas instituta, cui nomina vel primo ipso die plus quadragesita dedere, ac breui sexagenarium numerum superatura non sine læta animo-

animorum segete sperabatur. Atque haec tuin de Anconitano hoc propè nouo Collegio, tum de tota Romana prouincia scripta sint: quæ ad Iesu Ducis ac Dei nostri gloriam referantur.

## PROVINCIA SICILIENSIS.



O L L E G I O R V M numerus in Siciliensi prouincia hoc anno auctus est. Sexdecim numerantur præter unam residentiam. Socij versantur in iis quadringenti quadraginta tres. In domo Professa Panormitana quadraginta nouem. In Collegio Panormitano septuaginta quinque. In Messanensi Collegio quatuor & sexaginta. In Catanensi unus & viginti. Vno plures in Syracuso. In Collegio Montis Regalis septemdecim. Octodecim in Bivonensi. Rheyij undecim. Calataierone duo & viginti. Drepani viginti. In Collegio Minacei quindecim. Tredecim in Melitensi. In Marsalensi sexdecim. Calatanis ette viginti. In domo Probationis Messanensi duodetriginta. In domo Probationis Panormitana septem & viginti. In residentia Agragentina quinque. Societati nomina dederunt tres & viginti, obierunt sex.

*Domus Professa Panormitana.*

D o m u s Professa nouem & quadraginta complexa est, sacerdotes viginti tres, reliquos adiutores. Laborante hoc anno ciuitate grauibus morbis, tum in animis corporibusque iuuandis nostrorum sedulitas & caritas, tuin de Societatis nostræ muneribus ciuium existimatio, ut cum maximè, perspecta

perspecta est. Honestus homo plus & quo morbum  
 molestè ferens desperauerat, crebroque dæmonem  
 appellans se illi dicauerat; is tandem longo sacer-  
 dotis nostri hortatu obstinataim aurem applicuit,  
 ac lacrymabundus magni se criminis reum pro-  
 nunciauit. Mulier nobilis & grauida nostrorum  
 operâ geminum vitæ discrīmen euasit: hinc enim  
 venenatum poculum apparatum erat, inde clancu-  
 lum domi latebat, qui illam perimeret. Duarum  
 itidem virginum vitæ consultum est, ambæque in  
 cœnobium virginum cooptatæ. Meretrices quo-  
 que melioris propositi exemplum cæteris ut forēt,  
 in monasterium secesserunt. Concubina concio-  
 natoris in templo nostro monita cum accepisset,  
 & confessione animum expiauit, & in matrimo-  
 nium collocata est, confecta dote ex collatitia  
 pecunia. Domus hospitales huius vrbis præcipue  
 cum virorum tum mulierum, nostrorum labore  
 sublatis aliquot scandalis, iustissq; sanctis legibus,  
 ad meliorem formam compositæ sunt. In ea præ-  
 fertim, quæ Hispanos recipit (sancti Iacobi Xeno-  
 dochium appellatur) Christiana institutio quam  
 maximè illuxit. Iacebat inibi nobilis Hispani cu-  
 iusdam mancipium Maurum à Christiana religio-  
 ne obfirmatè abhorrens (diu enim ut Mahometi-  
 cani eiuraret fidem hortationes respuerat) illi cum  
 mors immineret, summa contentione baptismum  
 efflagit auit: datus est ei sacerdos è nostris, qui ca-  
 techumeno necessaria præberet: salutari lustratus  
 est fonte, moxque ultimum vitæ spiritum, arctè  
 crucifixum amplectens, Christianus efflavit. Ibi-  
 dem quoque generales confessiones exceptæ non  
 paucæ magni momenti. Carceres quoque & hoc  
 anno nostram opem sensere. Sodalitas quippe illa  
 aliquot abhinc annis à nostris instituta animorum  
 ardore crescit in dies. Sexta quaque feria octoginta  
 circiter

circiter acriter se cædunt, sabbato B.V. officium, die lunæ mortuorum concinunt; quotidie vero ad Litanias recitandas simul omnes conueniunt. procuratum præterea est, ut illis iussu Proregis singulis diebus quinque aurei nummi pro coemendis panibus decernerentur. Prorex edito sanxerat, ut ne cui Turcæ Mauroque libero in Sicilia esse amplius liceret. Erant huiusmodi hominum Panormi pleræque familiæ; eam ob rem discedentibus aliis, in Christianorum numerum adscripti sunt aliquot: inter quos unus, cuius uxor obstinatè Mahometi adhærens infantem secum asportare in Mauritaniam volebat; sed nostrorum diligentia factum est, ut discedente matre infans baptismus lustrata cum parente fideli remaneret. Eam Proregis coniux nutriendam dedit; Deus vero aliquot post menses in cælestem vitam euocauit. Solenni baptisme in Christianos transiere circiter virginis quinque, pars maior pubescentes: prodire ad fontem celebri pompa albis induiti vestibus, coronati, torquatique: nostrorum partes fuere catechesi illos instruere. cætera communia sunt.

### *Collegium Panormitanum.*

COLLEGIVM Panormitanum quatuor confatur ordinibus: primus continet sacerdotes novemdecim, quorum duo Theologiæ Professores, unus casuum conscientiæ, tres Philosophiæ, quatuor student Theologiæ. Secundus minorum classium Professores, Humanitatis unum, Grammaticæ, quatuor. Tertius discipulos, Theologiæ decem, præter sacerdotes illos quatuor; Metaphysicæ sex. Physicæ septem, Logicæ decem. Quartus Coadjutores viginti. Aucto nostrorum numero (huc enim Messana nostra studia demigrarunt) præcipua cura fuit

fuit de augenda habitatione; itaque & domus cubiculis, & gyminasium scholis auctum est. Qua in re insignis fuit senatus populiique Panormitani liberalitas. Habitibus quippe comitiis, ac rogato populo, factum est senatus consultum, ex quo decreta aureorum quinque millia in Collegij ædificationem ea lege, ut quinquennio pecunia solueretur, singulis annis aureorum millia. Accessit & aliis prælectionibus casuum conscientiae explanatio, ita & discipulorum nostrorum numero, & exterorum frequentia postulante. Septembribus vacationibus à tribus è sociis in vicinum opidum spirituali præsidio concussum est: quo in loco præter communia Christianæ doctrinæ, concionum, confessionumque officia, illustres discordiæ compositæ, & concubinus non sine labore in saniorem intelligentiam reuocatus. Autumnales febres duos socios abstulerunt: sacerdotem alterum Antonium Ferrum Panormitanum, annorum quinque & triginta ætatis, octodecim Religionis; virum sanè Societatis. Studuit Humanitati, professus est Grammaticam & Rheticam annis quatuor, studuit Philosophiæ ac Theologiæ annis septem, concionatus est annum, bis Logicam exposuit, & euangeliente nostrorum spe, acerbo funere absuntus est. Alterum Coadiutorem Franciscum Cainala ætatis anno quinquagesimo octavo, Religionis quarto & tricesimo, natum in Calabriæ pago, Ageram vocant, qui strenue se in domesticis seruitiis exercuit: in Societatem aggregati nouem, quorum tres adiutores.

### *Collegium Messanense.*

IN Messanensi Collegio socij circiter quatuor & sexaginta fuere, sacerdotes viginti, quorum duo domi, quatuordecim è nostris, quæ ad Humanitat-

tem

tem & Philosophiam spectant præcepta tradiderunt: externos docuerunt sex, Philosophiam unus, Humanitatem alter, tertius & reliqui Graminaticam: exercitationibus domesticis operam dederunt fratres duo circiter & viginti. Ex Sodalitiis B. V. quatuor nomina dedere Religioni: nostræ duo, totidem Benedictinæ. Ex nobilium cœtu hi fructus percepti. Vir nobilis colapho petitus ab homine deterioris ordinis tam insignem contumeliam (quæ sunt mundanæ leges) obliuisci non poterat, nec volebat. Sed aliquot post annis à nostris commonefactus, insigniter non acceptam quidem injuriam, sed præfractam suam vlciscendi libidinem vltus est. Die enim annunciatæ Virgini sacro confessione expiatus, Patre, qui Sodalitio præest, & viro alio nobili comitatus, domum illius proficitur, à quo læsus fuerat, ad pedes accedit, veniam petit, paceque in perpetuum conciliata, ad sacram Eucharistiam sumendam se retulit. Vulgatum facinus ciuitatem omnem, tum admiratione, tum lætitia plausuque compleuit. Ab eodem Sodalitij Patre plures viri principes dissensione distracti in pristinam concordiam felicissimo euentu reducti sunt. Sodalis quidam Magistratus vrbis, quod honestum hominem publico in conuentu contumeliosè læserat, iussus à Confessario veniam ab illo petere Patrem orauit, vt ad frequentem Sodaliū cœtum de criminе illo verba faceret, omnibusque renunciaret hominem facti pœnitere, reumque se agnoscere, ac de iniuria planè satisfacere velle, quæ daretur: deinde statim ad pedes singulorum desculandos procumbens doloris significationem dedit: donec humo se tollere iuberetur à Patre, qui Sodalibus edixit, vt tantum pœnitentiæ specimen diuulgarent. Est & aliis huius Sodalitatis præcipue fructus. Quandoquidem ex Sodalibus plures

Equite.

Equites ac Iuris periti nobiles sunt, propè semper accidit, vt Magistratum aliquem Sodalitas compleatatur. Cum his verò rectè agitut in commondum utilitatemque pauperum, aliorūmve, qui aut litigant aut negotiantur; corrogata præterea stipē honestis personis grauiter inopia laborantibus clam auxilium præstatur. Ap̄ili missi duo sacerdotes in vicinum opidum; præter communia missio-  
num id eluxit maximè. sublata est nescio quæ pra-  
ua consuetudo in connubiis coniungendis. Adhæc  
duo ex opidanis quoniam discedentibus nostris  
generalem confessionem facere non liceret, Messia-  
nam venerunt; eo tenebantur desiderio emaculan-  
dæ vitæ apud nostros. Altera præterea missio in  
aliud opidum hæc inter cætera in lucris posuit;  
conciliata pax est inter opidi Ducem & Archipresbyterum non leuis momenti. Nobilis quidam  
sclopo grauiter iactus de nostri consilio inimicum  
in ius vocari noluit, & anteactam vitam generali  
confessione purgauit. Alius à nobiliore insigniter  
offensus, quod vlcisci non posset, à Deo iniuria-  
rum vltore pœnas signis & prodigiis expectabat:  
quæ cùm non videret, ira percitus de Deo queii  
non verebatur, id fore affirmans vt numquam in  
posterum confiteretur. Sed diuinitus concionante  
nostro admonitus tāto se scelere obstrictum sum-  
mo cum dolore confessione soluit. Quidam inani  
furto rubore suadente diu crimen celauerat, sed ex  
conciona eos fructus cepit, vt celatum generali  
confessione aperiret. Christianæ doctrinæ rudi-  
menta cum lacrymis excepta, æs alienum resti-  
tutum, iniuriæ condonatae non paucæ. Is denique  
opidanorum animus in Societatem fuit, vt co-  
acto cœtu de omnium sententia decretum sit, vt à  
Societate residentia postularetur: cui unus domum  
destinabat, alter operam se daturum pollicebatur,

vt singulis annis aurei centum quinquaginta soluerentur. Duo Sodalitia penè distracta, nobilium alterum, alterum discipulorum, in pristinam formam composita sunt. Mortuus est ex nostris Rhetoribus Æmilius Tuccaris Messanensis tres annos in Societate natus, adolescens egregia virtute, & à teneris annis cælo destinatus; phtisi consumptus est, eius patientiam, comitatem, charitatemque erga Societatem prudens omitto.

### *Collegium Syracusanum.*

S Y R A C U S I S degunt è nostris duo & viginti, sacerdotes octo, præceptores tres, Humanitatis unus, Grammaticæ duo, reliqui Coadiutores. Non exigua hoc anno in hoc Collegio ædificationi facta est accessione: nam præter nouum gymnasium, in templo sacellum maximum denuò erigi cœptum egregio opere. augustinam præterea sibi ædem Sodales ex primaria nobilitate exædificare cœperunt. quod sanè Sodalitium & cultu crescit & numero. In eo nunc primum institutū est, vt singulis mensibus in templo flagellis se verberēt vniuersi, quod quidē plebeij ordinis Sodalibus antiquum est. Syracusanus Magistratus in maxima inopia suam in nos patefecit liberalitatem: vestigal enim aureorum fermè centum & quinquaginta nouo senatus consulto in sex adhuc annos Collegio confirmavit. Maurus visa per somnū Christi ad columnam deuincti effigie, quam puer apud Christianum inspexerat, nulla rei familiaris habita ratione, è Mahometanorum finibus, vt Christum inueniret, vñ cum coniuge & paruo filio Syracusas aduenit. Hic ab uno è nostris Christianis rudimentis institutus est. Non leues, nec paucæ sedatae discordiæ, imprimisque inter coniuges: ex his quidam, qui annis

fermè quinque diuortium fecerant, in coniugalem charitatem rediere.

## *Collegium Catanense.*

CATANÆ socij viginti vñus, quorum sacerdotes octo, præceptores tres, Humanitatis vñus, Grammaticæ duo, cæteri Coadiutores. Nobilis quidam noctu ex insidiis inimico igni absumptus insanabilem attulit matri dolorem, & ingentes inter principes familias odiorum excitauit flamas, quæ vt extinguerentur, pluribus annis desudatum est. Mater quippe iniuriam crepti filij altissimè in pectus recondiderat. Sed aliquando tandem sacerdotis nostri labor id effecit, vt die quodam Veneris accessito Notario, coram sacerdote, & Christi de cruce pendentis imaginae multa cum Christo piè locuta, scriptum voluerit, licere iis, qui filium sustulerant, tuto & liberè ciuitate frui : cumq[ue] à quopiam familiæ suggesteretur, vt post eius mortem, vel certè post aliquot annos daretur accessus; Haudquaquam, inquit, hoc iubeo, sed vt hodie domum liberè venire liceat, volo : liberè enim proxime mortuus est Dominus. quæ vox inter illustres familias diu alta odia diremit. Par exemplum alterius matronæ fuit, quæ vetus odium in nobilem virum, qui filio eam orbauerat, ab animo amanda uit post longū nostri studium in obstinatione fletenda. Nobilis etiam ciuis superbia fracta est. Hic amplius triennio ad vlciscendam iniuriam, bonis omnibus diuenditis, quò expeditior esset ad fugam incubuerat; sed hortante nostro sacerdote verbis priùs, ac oratione supplici impellente, deinde genibus positis, & exerto crucis vexillo victoriæ certissimo arguento, peruicaciam ponit, accessitum inimicum amplectitur, triumque annorum piaculis

PROVINCIA SICILIENSIS. 51  
lis confessione soluitur. Veneno infectam mulierem, mulier quæ poculum parauerat conscienti æ stimulis aëta miserè deplorabat. Quæ cùm opem à nostris imploraret, vt ad B. parentis nostri Ignatij auxilium confugeret, monita est. Et sanè numinis præsentissimum sensit auxilium. veneni quippe vis imminuta vitæ moribundæ pepercit. Inter Ducem ciuitatis iam magistratu functum Patresque conscriptos oborta dissensio, & quidem grauis, extinta est. Frater noster Iosephus Viglia adolescens Catanæ ortus, Catanæ mortuus est mense Novembri. fuerat in Societate quatuor annis, studiata Humanitati; in uitatus à parentibus domum, vt ibi phtisim curarent, annuente quoque P. Prouinciali, in uictè recusauit. Patientiæ & humilitatis haud obscurum dedit iudicium. humi enim cubans emori cupiebat.

*Collegium Montis Regalis,  
Biuonense, Calataieronense.*

IN Monte Regali vitam degunt è sociis septemdecim, sacerdotes nouē, quorum vñus de Christianis officiis quæstiones explicat, discipulos habet è nostris tres: reliqui præceptores duo, Humanitatis vñus, Grammaticæ alter, cæteri Coadiutores. Canonicus testamento legauit in templi nostri decus pateram argenteam numinum aureorum sexaginta, præter sacerdotalia indumenta. Feminæ aliquot nobiles, quæ hic habitant, aram maximam pluribus muneribus exornarunt, quæ haud paruo steterunt. Cæterum in iuuandis omnibus eadem quæ annis superioribus sollertia fuit. Cessit è vita mense Decembri sacerdos noster Martinus Berrius Gallus, qui exactis nostris è Gallia in Siciliam missus ficerat.

Biuona sacerdotes habet sex, præceptores, Humanitatis vnum, Grammaticæ alterum, Coadiutores cæteri. omnes octodecim. Partes nostræ illæ fuerunt, in carcerem intrusos inuisere, eorum peccata audire, cibum afferre, pacem conciliare inter ciues; quorum duo malè dissidebant. Templo frequentatur ab omnibus, nosque vnicè amamur. Ægrotus homo triduo obmutuerat; sed applicita B. P. Ignatij imaguncula vocem recepit. Eiusdem B. Patris intimæ tunicæ pars exigua magno dolore mulierē leuauit, simul vt illam tetigit.

Calataieronæ numerauimus socios duos & viginti, sacerdotes nouem, inter quos professor est unus Philosophiæ, Humanitatē docet unus, Grammaticam duo, cæteri fratres sunt adiutores. Admirabilis certè quidem est omnium ciuium amor in nos, & singularis obseruantia: piaculum sit apud illos aliquid nisi de nostrorum sententia consilioq; peragere. Octo societatibus, præter Collegij Sodalitia, aures in confessionibus damus singulis ferme hebdomadis, menstruisque exhortationibus vires reficimus. Frequentia porrò in vniuersum illa est, vix vt facere satis possimus. magna eorum est multitudo, ac penè incredibilis, qui mundanis impliciti negotiis vitæ integritate cum Religiosis certent. E mulierum monasteriis uostros quoque fructus capimus. Illustris est in parochia quadam Christianæ doctrinæ institutio; eò quippe non solum magna puerorum manus, sed hominum etiam prouectorum confluit. Communia sunt conciliaцииes dissidentium, & inter litigantes quæstionum solutiones. Nobilis iuuenis à patre exhæreditatus eò peruenit insanię, vt gladio vitam destinaret: verum re cognita à nostris ab immani reuocatus proposito Sacramentorum frequentiæ se dedicauit. Gener cum socero, qui iam iterum ac tertium

tium ferro se petuerant, ac vulnerauerant, nostrorum hortatione in gratiam redierunt.

## *Collegium Reginum.*

RHEGII populis erudiendis in uigilarunt vnde-  
cim sacerdotes, quatuor magistri, duo Human-  
itatis, & Grammaticæ, cæteri Coadiutores. Præ-  
cipuum fructum nobis hic ager tulit ex missione  
in opidum Siciliæ, quò ad conciones iejunij maxi-  
mi delegatus est sacerdos. Hic egregiè operam na-  
uauit, quà concionibus, quà cōfessionibus audiendis  
mirifico populi concursu, non solùm opidanoru-  
m, verū etiam vicinorum pagorū: diebus om-  
nibus festis, à prandio quoque sacra prælectione  
populum erudiuit. Confessionum generalium nu-  
merus ingens fuit. Sacerdos quidam opidanus ad  
Patrem retulit se ducentos circiter audiuisse to-  
tius vitę noxas detestantes. Plurimum iuuit ad ritę  
confitenda peccata geminus in hebdomada sermo  
de peccatis. multi enim multa necessaria ignorab-  
ant; nec sacrilega confessio, aut publicè in con-  
uenticulis infamiam inferre tanti fiebat, quanta  
res est: eò illos rerum diuinarum deuexit ignoran-  
tia. Insignia homicidia quater impedita. Duo ex  
primariis pluribus annis mutuò se in iudicium  
vocauerunt; adeò vt tormentorum vim aliquando  
pertulerint; tantisque exarserunt odiis, vt non se-  
mel sclopis se verberauerint. Pater vt illos conciliaret,  
multum operæ studiique consumsit: conciliauit tamen, ea ciuium gratulatione, vt Clerus ac  
Magistratus agendis gratiis ad Patrem oratores  
miserint. erat quippe opidum, quasi ciuili bello  
duas in classes distributum. Insens quidam in car-  
cerem coniectus est, reus factus quòd hominem  
sclopo mancum brachio fecisset. Oravit apud acto-

rem noster, ac veniam impetravit; auctor verò sceleris occultè damna omnia ac detrimenta resarcuit. Doctrinæ Christianæ explanatio bis in hebdomada instituta est: cautum itidem ne populus amplius extra muros de more prodiret ad festum bis in anno peragendum diem, quo potius insigniter cælesti numen laudebatur, quam colebatur. Nec defuit socio operæ pars. Familiaribus colloquiis vesperi ad confessionem illos instruebat. qua diligentia factum est, ut quinta feria maioris hebdomadæ omnes fermè confessionem, & quidem bona pars generalem fecerit. Pridie diei Paschatis misericordiam opem tulere carceri stipe, frumento, pane, carnibus, cæterisque. Per Quadragesimam interditus est aleæ vsus & tesseræ, quin geminas tabernas ludo publicè consecratas, quæ ab ipso Magistratu locabantur, occludi novo edicto iussum est. Cæterum Collegij res nihil noui habet præter officinas, quæ præteritis terræ motibus vitium fecerant, nunc deum refectas.

### *Collegium Drepanitanum, Minacense, Marsalense.*

DREPANVM alit è sociis viginti sacerdotes, nouem præceptores, duos reliquos Fratres. Frequentia discipulorum & confitentium multitudine gymnasium ac templum florent. Quidam occultatum per annos triginta in confessionibus crimen aperuit aliquando. Prospectum pudicitiae puellarum. Homicidij studia dissipata: contaminata mulier cum viro ritè coniuncta: infantium cædes à matribus quæsitæ celandæ turpitudinis ergo, prohibitæ: simultates depositæ: pauperes insigiter post conciones adiuti, ii præsertim, qui soluendo non erant: ludus sublatus, annuente maximè auctore;

Etore; quamquam ipsi eo sublato, quæstus aureorum quotannis trecentorum imminuebatur. Meretrix nobilis lupanaris princeps, duos & quadraginta meruerat annos; in morbum cum incidisset, accersitum sacerdotem è nostris scelerum sociæ aditu prohibuerunt. res ad Episcopi Vicarium defertur, coërcetur meretricularum insaniam: illa contractas sordes abluit, valensque è hystro in xenodochium ministratura se recipit.

Minaci quindecim versantur, sacerdotes sex, præceptores duo, reliqui Coadiutores. Ieiunij maxi, Aduentusque temporibus confluentium ad concionem multitudinem sacra ædes capere non potuit. generales confessiones innumeræ. discipulorum Sodalitas bellè se habet. Artificum verò, quæ vix triginta Sodales, hoc anno centum & decem complexa est, ut ex loci angustiis sedem mutare coacti sint. Dictus præterea Dominicus dies, quo se omnes flagello diuerberent. finitimus pagis Christianas institutiones disseminauiimus, duobus præcipue in locis: in uno sacrarum virginum erectum est monasterium; in altero plures confessiones exceptæ.

In Marsalensi Collegio sexdecim, sacerdotes septem, præceptores duo, reliqui Coadiutores. Concordia & caritas, quæ inter nostros hoc anno præcipue viguit, causa fuit, cur externi, ac præsertim religiosi viri diuersæ familiæ institutum nostrum suspicerent atque admirarentur. nos quoque admirati sumus ciues, & quidem primarios, cum in templum maximum itare ciuitas ad concionem solita sit, extra ordinem in nostram ædem tanta frequentia diuertisse. Christianæ doctrinæ studium maximum ac summum est. Pueri simul campanæ pulsum audiunt, cateruatim conuolant, adeoque profecerunt, ut domi maiorum præceptores sint,

legarunt. Hoc anno tandem Sodalitum ex Equitibus diu efflagitatum (res à nostris ex industria dif- ferebatur) in nostro Collegio felicibus auspiciis erectum est. is dies fuit Nonis Augusti. Magna spes est fore, quantum ex his initiiis auspicari licet, vt hæc Sodalitas numero, genere ac nobilitate mul- tis aliis præstet; &c, quod caput est, vberrimos ex ea fructus capiat Societas nostra. Præterea nonnulli, qui graues inter se inimicitias exercebant, nostro- rum suasu odia miserunt: pax cum coniugibus con- firmata: mulierculæ certo vitæ eruptæ periculo: ad publicas custodias itum: damnatis hortationes ha- bitæ: in ædibus hospitalibus confessiones auditæ; ad sacras virgines concionatum: catechumeni eru- diti Iuuenis quidam B. Virginis deuotus sacrum illi recitabat Officium, statisque diebus cibo abstine- bat: sed quamuis saepius confiteretur, à graui scele- re non temperabat. Erat huic affinis vita integrior, atque ob id integritatis parenti ac dominæ carior: hic secundum matutinam quietem videre sibi vi- sus est B. Virginem niueo induitam amictu (qua- lem gestare solent sacræ virgines in monasteriis) ulroque dicentem vocari se de more sanctimo- nialium, sororem Mariam. tum illi præcipit vt affi- nem suum sceleris commoneat, æternumque sup- plicum timere iubeat. Diu enim ipsa iratum Do- minum delinierat precibus, qui iam igneum dex- tra fulmen strinxisset. uno verbo, nì desistat, om- nino fulminandū edicat. Monitus ille ad sacerdo- tem nostrum se sistit, rem ordine narrat, pollicetur B. Virginis dicto obedientē se fore, generalem con- fessionem facturum diuinam misericordiam agno- scere. Homo haud certè propositi tenax diem pro- ducit. ecce tibi miserationum mater iterum ac ter- tiū se videndam proponit; Ito, inquit, hominem comononeface, meliorem vitæ modum sibi consti-

tuere iube: & quo verum esse visum credat, adiice  
 locum & tempus & personam flagitij participem.  
 Ille omnia rite narrauit, quæ humanitus sciri non  
 possent. Vicit tandem B. Virginis caritas. pœnituit  
 illum sceleris aliquando post moniti, & ingratia ani-  
 mi vitio illacrymans, votis precationibusque cæ-  
 lum onerauit, beatæque Virgini magis ac magis  
 addictus Sacramentis frequentandis, sabbatis pani  
 & frigidæ consecratis, cæteraque gratæ mentis si-  
 gnificatione memorem beneficij, gratumq; se præ-  
 buit. Utque sanctissimæ genitricis pietas erga mor-  
 tales propagaretur, à confessario rem omnem præ-  
 ter nomen vulgari voluit. Adolescens miru quan-  
 tum mollitiei erat obnoxius, libidinis quippe ar-  
 doribus æstuabat: confessarius omnem medica-  
 mentorum thecam absumperat; sed cum aliquan-  
 do B.P. Ignatij veniret in mentem, imaginem eius  
 illi dedit, ante quam supplex procumberet. Acce-  
 ptam ille propter lectum suspendit, singulisq; die-  
 bus ter Pater & Ave recitatis vitio non modò ab-  
 solutus est; sed per quatuor mēses ne minima qui-  
 dem sensus titillatione tentatus. Collegio accessit  
 nouum triclinium, templo sacella duo, Episcopi  
 sumtibus attributa præterea nobis agri pars, in  
 qua vineam instituimus. femina primaria vestem  
 aureorum centum templo ad sacros usus dedit.  
 Alij pecunia sua nostram inopiam subleuarunt.  
 Eques domo Gallus, qui dum hic habitaret, ex ære  
 suo nonnihil Collegio impertiebat, nunc abusque  
 Gallia quotannis statis diebus nummos aureos  
 quinquaginta mittit. cæterum in tota insula de  
 Societate nostra mira est existimatio.

*Calatanissettense Collegium.*

NASCENTE hoc s<sup>e</sup>culo, nascitur quoque Calatanissettense Collegium XII. Kalend. Novembris, secundissimis auspiciis. P. Prouincialis socios viginti designauit. die in sequenti, pridie quam aperiretur gymnasium, habita est oratio, presentibus Paternionis Principibus matre & filio, ceterisq; dynastis, atque omni populi flore. familia in has partes distributa. Sacerdotes septem, quos inter duo de Christianis officiis scholas habent. Alij professores duo, Humanitatis alter, alter Grammaticae, tres conscientiae questionum auditores, octo coadiutores, discipulorum numerus in classibus inferioribus ad octoginta. Quadragesime tempore concionatus est unus e nostris eo concursu, ut pra<sup>e</sup> multitudine cōfluentium in area concionari necesse fuerit. Mulier ea mente in concionem venerat, ut cum male cincinnato quodam mutuo conspectu lasciuiret: at oratio dicentis tantum valuit, ut illa erubuerit; cumque vesperi inhonestus homo ad ipsam nuntios aduentus sui præmitteret, constanter libereque responderit ad castiores cogitationes fementem reuocasse. Institutæ B. Virginis Sodalitates quatuor, una nobilium, altera plebeiorum, tertia discipulorum natu maiorum, postrema minorum, quæ omnes copiosæ frugis spem ferunt. Christiana doctrina tum in templo nostro, tum in maximo rudes instituuntur. auditæ campani tinnitu matres suinima cum alacritate filios mittunt, gratias agentes Deo, quod eò tandem Societas appulerit. Nostri paucim ceteraque de more in carcere importarunt. quod exemplum totius populi studia immane quantum promouit. Et sane apud omnes Societas nomen magnum est:

est: charitas verò in nos elucet egregiè, præsertim apud ipsam fundatricem Biuonæ Ducem , & eius nūrum Paternionis Principem. Illa nos liberalissimè fouet, omni officio colit, & incredibili diligentia domestica supellectili Collegium auget. xi. Kal. Nouembri munere nos donauit , cibaria diuersi generis inferri iuslit , quæ vndecim mulis clitellariis comportata sunt. Nurus verò inter insignes benefactrices, vt dicimus, connumerāda, præter quotidiana munuscula, octodecim baiulos donis onustos ad nos emisit. Quin manu sua nostra linteamina, iudusia, orariaque, ipsos quoque culinæ paniculos (nobile sanè pietatis charitatisq; specimen) suere gestit. Gaudet crebrò cum nostris de rebus diuinis iniscere colloquia; confessarium ad se venire non patitur, sed ultrò venit in templum, vt reliquæ, peccata in confessionibus prolatura; ibique conciones audit, sacrosanctis epulis se reficit magnō cæteris exēplo. Duo ad ministeria Coadiutorum in Societatem recepti; alij verò recipi optant .

### *Domus Probationis Messanensis, & Panormitana.*

**D**O MVS Probationis Messanensis triginta fermè complexa est, sacerdotes quatuor, Rectorem unum, scenem valetudinarium alterū, tertium & quartum ex iis, qui tertio anno specimen virtutis suę Societati præbent, totidem Coadiutores veteranos: quorum unus domesticis ministeriis præest, alter est procurator; cæteri tirones. recepti in Societatem quatuordecim, dimissi duo; horum unus ob valetudinem.

Domus Probationis Panormitana septem & tringinta, sacerdotes quatuor, quorum unus tertium Probationis annum expleuit, Coadiutores sex Societati

cietati olim per vota aggregatos, tirones viginti sex, octodecim scholares, octo Coadiutores, scholatatem præterea vnum ex Collegio Montis Regalis ob valetudinem huc missum, de cuius obitu suo loco dicemus. Adscripti in albo tironum vndecim, ex his duo genere insignes. Nouitiorum excellens sanè perfectionis cupiditas ad omnes officij religiosi partes extitit. orationi ac mortificationi egregiam operam nauarunt, Christianam doctrinam pueris puellisq; ac natu maioribus, quā in plateis, quā in templo nostro, quaque in xenodochiis exposuerunt; rogata itidem per urbem stipe de more, iis qui in carcerem detruduntur, cibum subministrarunt. Nouitius in id morbi incidit, quem comitalem appellant; crebro sensu oculorum destituebatur, ac ingente cordis palpitatione, totius veluti quadam corporis conuulsione adeò quaticebatur, ut vix à duobus tribusve contineri posset. Medici propè desperauerant: at is magna concepta spe salutis suæ ex parente nostro B. Ignatio, sanitatem à Deo illius precibus impetrauit pridie Kalend. Augusti, quo die natalem tanti viri incredibili pietate celebrauit. Silicius murator ex Calataierona post religionis annos fermè quinque mortuus est. Professus Grammaticam annum, in insequenti morbo occupatus phthisi præceptus est. multam patientia significationem dedit, dum ægrotaret: imminente obitu Rectorē orauit, liceret sibi cū omnibus Fratribus colloqui; illisque aduentatibus illorum precibus commendare se primū, quo facilius atque securius ad beatam vitam euolaret, singulos deinde rogare ecquid eorum nomine à sanctissima Virgine beatisque Patribus Ignatio Xauerioque petitus esset. eiusmodi colloquia ad albentem diem protraxit: quo tempore faciente pro eo Rectore, Nouitioque tum primum Societatis vota nuncupante

pante suauissimè exspirauit III. Idus Apriles. Honestus homo Societatis amantissimus sèpiùs orabat coniugeim, vt ipsum sineret Societati nomen dare: abnuente verò illa Sacra menta frequentabat egregiè, tandem sanctissimè mortuus est, nobisque int singulos annos post obitum coniugis centum aureos testamento legauit. Missus est sacerdos unus ex iis, qui annum tertium probantur, socius alterius è domo Professa in opidum Castellū bonum. Instituta Sodalitia tum maiorum tum minorum natu; fidei rudimenta explicata ea voluptate. opidorum, vt ipsa Principis coniux puellis matronisque admista publicè Christianæ doctrinæ partem pronunciare voluerit.

### *Residentia Agragentina.*

AGRAGENTI hoc anno primùm nostri residet quinque huc missi sunt, qui magno Societatis nomine, magna existimatione se exercuerunt. Cittas liberalissimè munificentissimeque erga nos se habet. Canonicus nostri amantissimus omni officio ac benevolentia partes nostras tuetur, amaturque à nobilibus. Singulis Dominicis festisque diebus, Quadragesimæ verò ter in singulis hebdomadis conciones habitæ sunt tum in templo nobis designato (S. Cæciliæ sacrum est) tum in templo maximo, qua Episcopi rogatu, qua Vicarij accessitu: à prandio item prelectum est, & doctrinæ Christianæ præceptis diuersis in locis rudes informati. Confitentium magna vis fuit, quamuis initio pauci accederent. Multi generalem confessionem instituerunt. Accersuntur nostri ad ægrotos ac moribundos, vt aures præbeant, opemve nouissimam præstent. Itum est in carceres. damnati ad usque suppliciū allocutione recreati. Olim Canonicci quidam,

dam, aliique viri primarij ab Episcopo se alienauerant; nostrorum verò industria in officium rediere. Pax itidem diu à principibus Siciliæ viris inter aliquot nobiles quæsita, à nobis aliquando conciliata est. Tres Sodalitates B. Virginis erectæ, una nobilium, altera scholarium, tertia artificum. Mulieres autem filiis orbatas, aut viro viduatas, pluribus hebdomadis domo pedem efferre, sacrissimæ adesse veteri instituto nefas erat: nostrorum hortatus effecit, ut prava ista consuetudo caderet. Ut ciuitas magna est, ita magna egenorum copia: plurimæ feminæ, illæque honestis ortæ familiis, amictus inopiam nostrum templum venire non poslunt; solent quippe in Sicilia mulieres longo pallio cum prodeunt, totæ se obnubere. Nostri in aliquot tempora se conferunt, quod vicinæ mulieres ultro citroque comodatis palliis ad confessiones hortationesque illicè recipiunt. quæ nostrorum charitas magno exemplo ciuibus est. Tria virginum cœnobia ex concionibus nostris plurimum adiumenti cepere. Ex hac residentia in finitima opida nostrorum itidem excurrit industria magno cum fœnore. Accolæ illi oratores ad nos mittunt, ut reuisantur. Alicatæ (Gelam antiqui vocauerunt) pax nobilis à nostris intra paucos dies constituta est, ex qua summa totius ciuitatis tranquillitas pendebat. Concionatum præterea est in uno cœnobiorum ad sanctimoniales; quæ cum prius bona cum cæteris non communicarent, sed priuatim sua quævis haberet, sermonis vi compulsa ad Antistitiae pedes accidentes eius imperio sua omaia singulari cum lacrymis multaque significatione doloris subieccrunt.

## PROVINCIA NEAPOLITANA.

**S**VNT in hac prouincia domicilia tredecim, in quibus quadtingentis quatuor & viginti versantur è nostris. In Professorum domo septuaginta, in Neapolitano Collegio centū septem viginti. In domo Probationis tres & sexaginta, in Collegio Nolano tres & triginta, in Catacensi duodeuiginti, in Alethino octo supra viginti, in Bariensi tredecim, in Barelitano quindecim, in Cosentino vnde uiginti, in Salernitano duodecim, totidem in Aquilano & Teatino, in domo Professæ Beneuentana decem. Adscripti in Societatem ad septuaginta, transcripti in cælum, ut speramus, viginti.

*Professorum domus.*

**N**OSTRORVM numerus ad septuaginta; sacerdotes quinque & triginta, reliqui Coadiutores domestici. Ex Patribus immigrarunt è vita quatuor, & quidem eorum tres, qui erant è primatum censu, insigni mortis genere, & ad exemplum memorabili: quippe ad Nolanos vulgo pestilentia laborantes auxilio missi, peste in contraxere, ob sidem cælestis præmij tam glorioso labori debitam. Quinque in hac domo Sodalitia celebrantur. Primum, idemque præcipuum, quod à Natalibus Deiparę nomen habet, nobilibus viris, Regulisq; ac magistratibus, nonnullis etiam, ut Christiana simplicitas eluceat, opificibus constat. Eorum numerus centum circiter & viginti. Moris est apud eos honoratorum ciuium inopiam subleuare corrogatis in eum usum mille ferè & quingentis in annum aureis. Dant etiam

iam singulis annis lautum epulum ægrotantibus  
in nosocomio, quod vocat insanabilem. Discum-  
bentibus ipsi quoque ministrant adhibita suauis  
symphonia. Bis præterea in hebdomada eisdem  
ægros familiari conuiuo reficiunt, nec animas  
spirituali subsidio carere permittunt: pro singulis  
enim, qui in eodem nosocomio moriuntur, tricensis  
scilicet aut quadragenis in mensem, piaculare sa-  
crum curant faciendum ad aram priuilegio insi-  
gnem. Alterum Sodalitium, quod ab annunciatore  
Virgini partu nuncupatur, ex forensi ferè multitu-  
dine constat tabellionum, scribarum, patronorum;  
& qui ex eo censu numerus ad centum viginti.  
Tertium, cui ab assumpta Virgine appellatio, ho-  
nestissimum queinque mercatorum & opificum  
excipit; centum ferè & quinquaginta censemur.  
Quartum, quod purificatæ Virgini militat, ad no-  
naginta clericos numerat, qui præter communia  
pietatis officia, mutuis etiam de casibus consciencie  
disputationibus multum sibi comparant opes  
ad Christianam rem adiuuandam. Quintum, quod  
ab Angelorum Domina appellatur, famulos tan-  
tum amplectitur, atq; asseclas nobilium virorum,  
qui ad primum illud maximumque Sodalitium  
ventitant. Viget apud omnes Sodales perpetuum  
studium pietatis, maximè apud eos, qui ex foro &  
curia argumento est frequens Sacramentorum usus,  
ac Sodalitij celebrandi assiduitas. Ad ægros in noso-  
comio laborantes omni ope iuuandos frequentissimi  
conueniunt. Eorum unus à quodam per erro-  
rem grauiter vulneratus, post septimum diem tan-  
ta animi æquitate decessit, vt suos identidem enixè  
rogaret, ne quid in suum imperfectorem acerbius  
cogitarent aut agerent. Id ipsum cum à matre cui  
unicus erat, omni ratione contenderet, nec illa de-  
sineret furere, Mater, inquit, ne, quæso, mihi iter

ad cælum impedi, Christum tibi, si sapis, pro me in filij locum opta: cui ego, quod me hoc mortis genere dignatus est, ago maximas gratias. Inter haec, cum nihil nisi de cælesti patria vel audire, vel loqui vellet, ad extremum Christi crucifixi effigiem arcte complexus suauissime expirauit. Quidam cum ab uxore post adulterij iniuriam, præterea necem timeret, eam simul & adulterum occidere obstinuerat animo; iamque à facinore proximè aberat, cum ab uno è nostris sublatum est utrumque periculum; nam & à viro, ut uxorem in gratiam recipieret, & ab adultero, ut aliò discederet, impetratus est. Quidam cum à religione, quam octo antè annis inierat, defecisset, in eam salutis desperationem prolapsus erat, ut morti proximus confessionem respueret. sed is à quodam è nostris ad sanitatem perductus facta peccatorum confessione, migravit è vita. Capuam ad excolandam Christi vineam dimisi duo: quorum opera fructuissima fuit tum vniuersis ciuibus, tum præsertim cuidam virginum cœnobio; in quo una, quæ religiosa ueste abiecta sæculum anhelabat, cum unum è nostris de diuinis rebus verba facientem audisset, ita resipuit, ut nemini de futura constantia dubitandi locum reliquerit. Quedam cum propter libidinem commutandi nuptias suo viro venatum saepe dedisset sine ullo effectu, unius è nostris persuasione suum scelus pertæsa destitit ab insania, iamque hominem cuius nuptias ipsa sui viri nece redimere tentauerat, attersatur. Factum quoq; ut nuptiae multis antè annis perperam initæ, & propter priorū coniugum cædem, matrimonij caussâ factā, irritæ, de integrō sancirentur. Auersana quoque missio à duobus è nostris obita non minus iucunda ciuibus, quæm utilis animorum saluti fuit. Argumento est generalium confessionū frequentia, restitutions in malè

parto-

partorum , pellicum electiones , cum summa turpitudinis eiuratione, atque abscissione omnium opportunitatum, quæ libidinem in posterum provocarent. Factum Aversæ illustri sanè operâ , & apud ciues memorabili , vt in cœnobio quodam virginum religiosa conuictus societas constitueretur, quod antea vt consequeretur, Episcopus per aliquot annos adnitente vniuersa ciuitate, frustra tentauerat. Ea res confecta per nostrum, Societatis nostræ nomen apud omnes ciues inirificè commendauit. nec illud non admirandum, quod quidam conuulnata per summam ignominiam facie, cùm iniunicum à quo tantum vulnus accepérat, atrociter odisset, nec illius intercessione ad pacificationem adduci posset ; audita nostri concionatoris oratione statim ad pedes iniunici inspestante multitudine accidit , mox hominem complexus neminem sibi in posterum cariorem fore professus est. Idem è nostris cùm incidisset in duos viatores, qui suas item peregrinulas eleganti forma secum ducebant , rogat homines sigillatim nescio quid: ubi illorum responsa non congruere animaduertit, dolum suspicatus, mulierculas ab eorum societate auocat, & in quoddam seminarum cœnobium recipiendas curat. Itum ad varias sacrarum virginum domos, ibique conciones habitæ , multaque confessiones auditæ magno cum fructu. Nolanis pestilentia laborantibus omni ope subuentum. ibant edò bini de nostris contempto mortis periculo, quibus post obitam certorum dierum vicem redeuntibus alij succedebant , nec pauci contagio affecti grauissimè laborarunt; tres etiam Patres , vt supra diximus , non minus ætate quam existimatione graues obierunt. Ad arcendum ab urbe Neapoli periculum quod saluti corporum imminere putabatur a perpetuis imbris, in tem-

plo nostro, rogante ciuitate, triduanis precibus supplicatum, idque solenni apparatu, frequentissimoque concursu ciuium; numine etiam votis obsecundante. statim enim expetita celi tranquillitas consecuta est, quae salutarem anni cursum portenderet.

### *Collegium Neapolitanum.*

**N**OSTRORVM hoc anno numerus pro temporum varietate varius fuit. Primum enim usque ad mensem Iunium amplius centum & quadraginta numerabantur, nisi eos excipias, qui extra Collegium habitant. Ex his septem & viginti sacerdotes, quorum duo Theologiam, totidem conscientiae officia, quatuor sacras litteras, hebraica, mathematica, politica profitentur. E Fratribus quatuor latinitatis rudimenta, unus Rheticam docet, ceteri ferè omnes discipuli, præter nonnullos, qui sunt ex domestico ministerio, quorum tres Vesuvianum, duo Planuranum incolunt. Reguani in nostræ ditionis opido extructa sedes, in qua duo Fratres degunt, totidem sacerdotes, quorum alter Christianæ, alter domesticæ rei ac vestigialibus nostris præest. Ab initio verò Iunij auctus numerus Rethorum Seminario, quod ab urbe Nola propter imminentis pestilentiae metum Neapolim translatum oportuit. Ex quo sexaginta supra centum alumnos habuit hoc Collegium, adiectis duobus sacerdotibus, qui domi nostros eloquentiae præceptis erudiant. Exercita vel in primis intra parietes officia charitatis. etenim quadriennes nostri (sic enim eos Fratres vocamus, qui post vota Societatis quartum annum nondum habent emeritum) cum Nola huc venissent, affecti iam contagio morborum, continuo erumpente malo grauiter laborare coeperunt vniuersi

vniuersi eodem fermè tempore: sic ut eos valetudinariū non caperet. quam ob rem constituti sunt in aula maxima decumbentium ordines; xenodochium dicese ægris bene refertum. hic verò Fratrum charitas insigniter exercuit se in omnem partem opitulando, fraternalē calamitati ministrando, assidendo. vigilandi labor tantus ac tam assiduus fuit, ut reliquorum munerum administrationi vix locus esset. Ea nobis clades licet diurna, & vix aliquando depulsa, ad extremū non amplius duos fratres extinxit. Cæterū aliis morborum generibus tres absumpti: in his duo sacerdotes; alter ex Romana prouincia, qui rusticæ procreationi prædiorum, quæ ad Neapolim habent Romani socij, præerat; vir antiquæ virtutis, & in suo munere Societati multum probatus. alter qui & ipse Romanus, Theologiam Neapoli biennium iam docebat. Is est Rutilius Ciambérlinus, cuius olim vocatio suis annalibus celebrata satis apertum dederat eius virtutis specimen: cuius nunc desiderium non solū Neapolitanæ, sed etiam Romanæ prouinciacæ acerbissimum accidit. Vir erat singulari ingenio ac probitate, nec solū egregia charitate ad proximos iuuandos, sed mira etiam suauitate morum instrutus; ut quorum saluti consulendum esset, corum in se amorem facile alliceret. Elucebat in eo præcipuum religiosæ demissionis atque obedientiæ studium pari erga omnes humanitati coniunctum; ut nihil tam metuere videretur, quām ne cui ab se vllum deesset, vel officium, vel obsequium. Ob has ille virtutes satis cælo maturus, licet acerbo interitu placidissimè consopitus est, ut nullos in extremo spiritu sentiret conscientiæ stimulos, quibus tamen iuuenis molestissimè pungebatur, præserum cum peccatorum confessiones audiret; à quo tum labore ac munere nullis conscientiæ aculeis

absterritus vñquā destitit. E Patribus missi aliquot per vices , qui Nolanos vulgò morbis oppressos omni ope leuarent; idque maximè necessario tempore, cùm omnes eius ciuitatis sacerdotes vel afflitti morbo iacerent, vel morbi metu ac periculo profugissent. A nostris verò discipulis festis diebus in compitis, in tremibus, in custodiis multum operę nanatur proximorum saluti. Vesuvianum nova ædificatione auctum, vt satis iam recti sit necessariæ rusticationi omnium nostrorum autumnalibus fériis. Die Natali Domini habita est in templo Collegij quadraginta horarum comprecatio, idque rogatu vrbaniorum magistratum, ad auer-runcandum vrbis exitium , quod à perpetuis imbribus cum incredibili morborum frequentia inguebat. Res acta summa ope , summoque studio vel nostro, vel ciuium ; neque enim à nobis appa-ratus templi , nec à populo frequentia defuit. par-vtimumque diuini cultus illecebra , omnia præter communem consuetudinem , non solum ad pieta-tem , sed etiam ad iucunditatem illustria. aulæa, carmina , imagines ex omni parte fulgebant: per-sonabat interim templum alias opportunis con-cionibus , alias suaui vocum neruorumque con-centu. Supplicantium multitudo per illud triduum quanta vix nunquam antea. Prodibant à Sodalitiis linteati Sodalium ordines, certo per vices numero, qui flexo genu ante aram flagris in se sœuirent. Scholarum celebritas maior aliquanto , quām ante, Sodalitatum verò nou munor. In primis conce-ptæ Virginis societas viget egregio studio pietatis, cuius semper aliqui fructus, atque adeò maxi-mi ac perpetui ad custodias, ad nosocomia, ad cœ-nobitarum familias deriuantur. Ex eo genere so-ciorum quinque in nostrum Ordinem , octo in alios Religiosorum cœtus adscripti sunt. Nec in minore

minore Sodalitio minus feliciter procedit institutio pietatis. Obiit ex eo numero adolescens, & generis & virtutum splendore clarus. Is (quod in homine studiis dedito admirere) non solum quotidie omnes Christi Domini cruciatus statim horis meditabatur, sed etiam (quod quemuis Religiosum hominem pudefaciat) quinques in singulas noctes eius meditationis causa surgebat è lecto; cæterum acer & assiduus in afflictando corpore, sic ut eius rei moderatio imperanda homini fuerit à confessario, cuius ille præceptis non patere nefas putabat. Ex hoc Sodalitio quinque se in Societatem nostram, sex in alios Religiosorum Ordines contulerunt. Attificum Sodalitia, quæ in hoc Collegio quinque celebrantur, florent ut cum maximè tuum studio pietatis, tuum maximo ac lectissimo plebis numero. Eorum pietas aliquando in communis ciuium calamitate perspecta est. nam vastate urbem eluione morborū, omnes propitiandi causa numeris, linteis de more sacris induiti ad maximam ædem præcipuaque vrbis templa processerunt illustri pompa, atque ordine prælatarum facium urbem illuminante. Mirum quanto pietatis sensu id spectaculum contuentes affecerit. Ex eorum numero unus in nostrum Ordinem, quatuor in alias Religiosorum societates adlecti sunt.

### *Domus Probationis.*

ALVIT hoc anno hæc domus facios circiter sexaginta: ex his sacerdotes sex, in quibus quatuor è secundo nouitiatu, cæteros fecerit nouitios, duos scilicet & triginta, qui sunt è litteraria disciplina, cæteros ex familiari ministerio; sex quidem veteranos, quatuordecim nouitios. Migrarunt è vita tres spectatæ virtutis, in primis unus (is est Lu-

douicus Iappius) qui tribus Societatis nostræ Generalibus in famulatum affixus , in summa eius muneris laude consenuit. qui cùm morbo affectus Neapolim curationis caussâ venisset, in hac domo diem tum obiit. Spirabat in homine animam iam agente tantus amor obedientiæ, vt nihil quod valitudinarij præfectus suaderet, abnueret. Monitus, vt sacram viaticum sumeret, tanto eius desiderio flagrare cœpit, vt identidē exclamatet, Sitio. Nullum denique eius factum, nullum dictum extremo illo tempore aliqua sanctitatis significatione carere videbatur. Admissi in Societatem nonnulli præclaræ indolis adolescentes : in his aliquot nobiles integerimis moribus . horum unus cùm ad eum mater salutatum venisset, superiorem suimis precibus, ac magna vi lacrymarum exorare conatus est, tantum ut maternum vitare liceret aspectum. Alius cùm flagraret desiderio Societatis, à consanguineo in cœnobium virginum ad duas sorores perductus est , vt earum persuasione consilium mutaret : qui cùm solus in templo relictus esset, clausis foribus, impetrato à monialibus exitu, protinus ad nos venit Crucifixi effigiem gerens, cui se aiebat acceptum referre beneficium vocationis. Idem , cùm ei in prima probatione calcei obsoleti ac rustici dati essent, eos osculatus magni muneris loco habuit. Cæterum omnes summo animi ardore, ad omnium virtutum studium , maximè vero obedientiæ & simplicitatis, incumbunt. Si quod cuiquam latinum verbum exciderit, religioni habetur ; idque apud eos maximè, qui & ingenio, & aliqua litteratura conspicui. Superioris apud eos quamuis simplex & rudis, sermo pro oraculo est. In moribus autem nihil fictum aut inuolutum, nihil denique quod aliquo cum labore Rector exploret. In corporis afflictatiunculis tantum abest ut egeant stimulis,

stimulis, ut etiam cohibendi sint, ne modum exce-  
dant. Sæpe ut in nouitiatu diutius commorati li-  
ceat, votorum prorogationem efflagitant. Nec de-  
sunt è discipulis, qui ut vitam in domestico mini-  
sterio traducere liceat, vehementer etiam atque  
etiam postulent. multi Indicam profectionem ar-  
denter exposcunt. Mos inductus ut in commenta-  
tionibus spiritualibus per integrum mensem exer-  
ceantur; etiam ii quorum valetudini ab illo animi  
labore timendum aliquid esset. Quæ res tantum  
abfuit ab omni periculo, ut etiam infirmissimo cui-  
que ad aliquam virium confirmationem condu-  
cere videretur.

### *Collegium Nolanum.*

ACCIDIT hic annus Nolanæ vrbi, propter in-  
gens exitium, memorabilis. nam ex radicibus  
Cicalæ montis proximi, tanta in subiectam plani-  
tiem facta est aquarum eruptio, ut periculum esset  
ne præcipiti vñdarum lapsu proruta vrbs, abiret in  
profluentem. Iam enim non modò circumiectos  
agros latè in undauerant aquæ, sed etiam tecta vr-  
bis illabi cœperant, sic ut ima paupimentoru[m] alte  
stagnarent. Ciues; ne conuulsis ædibus dilaberent-  
ur, fluctus primò in diuortia diductos auertunt ab  
vrbe; tum longius deriuatos, in vicinum flumen  
immittunt per medios agros ingenti opere inter-  
fossos: torrens qui se voluebat viam nactus, al-  
ueum implebat altum ad quinque pedes, latum ad  
nouem. Ducebatur è duodecim (ut aiunt) pu-  
teis, qui ad ima montis rudi opere defossi erant,  
tantum ut ad campos irrigandos usui forent: ex  
his præter morem modumque exuberantes aquæ  
cœperunt erumpere usque ad quintum mensim.  
Adhuc circa vrbum longè lateque ad duo passuum

millia stagna & lacunæ cernuntur. Superie<sup>r</sup>to non nullis locis ad octo pedum altitudinem æquore, sic ut in tribus transmittatur. qui rem viderunt, enarrant quæ non modò aurium, sed oculorum etiam fidem superent. Initio illud erat in metu, quod postmodum accidit, ne post infinitum terræ madorem atque proluuiem, cæli grauitas consequeretur saluti corporum noxia. Est enim in veteribus monumentis, id ipsum eodem loco superioribus sæculis accidere solitum nouagesimo quoq; anno. præterea terrebat animos vetus inscriptio cuiusdam lapidis, qua testatum erat de quadam insigni clade ac pestilentia, quæ olim simile diluuium consecuta, ad octo millia ciuium absumpsiisset: adscriptum quoque erat elogium quo maiores posteritatem admonebant his verbis: *Cum vernum diluum in agris tuis Nolane videris, mors mors, vita fuga erit.* his rebus in summam sollicitudinem adducti ciues cladem urbis extimescere, omnes ad templum nostrum accurrere: hic ad aram cateruatim affusi, afflicti que ad terram cum ingenti comploratione, numinis ope in petiere lamentabili ciuatu. Nos Deo propitiando statim tridui comprehensionem indiximus. Huc virgines passio capillo, nudisque pedibus, longam supplicij poenitentiam ducere; pueri longo ordine procedentes, pauimētum templi lambere à priuino ingressu ad sunimā aram perpetuo linguae tractu; viri nobiles è nostro Sodalito, saccis induiti, & ante aram in genua proclinati, nudatos humeros flagro cædere, couinciente interim choro quinquagesimum psalmum. Atque hæc initia fuere futurorum malorum. Non ita multo post cælo indies magis ingrauescente, morbi lues, quæ timebatur, concepta iam corporibus tota urbe vulgatur. Mox se in vicinos pagos effundit, quo cum multi propter metum confugissent, eos consecuta

secuta pestis miserabiliter occupauit : quinquam hi non tanto curandæ valetudinis incommodo laborabant, quanto illi, quos in vrbe morabatur inopia. hi nempe omnibus auxiliis destituti passim & vi morbi, & curationis difficultate moriebantur. Nostri ad eos auxilio iuuandos ab vrbe Neapolibini per vices submittebantur. Ea contagë læsus Nolani Collegij Rector, Neapolim deportatus est, nec multis post diebus interiit. Nostrorum etiam operâ factum est, ut Nolanis tanto malo afflictis multum opis à Neapolitano Protege impertiretur, missis in eam urbem medicamentariis, medicisque, quorum summa per id tempus inopia interitum ciuitati repræsentabat. Nobilis quidam ciuis è Nolano Sodalitio cum vita functos frequentissimis pietatis officiis iuuare consueisset, nescio quo animarum Purgatorij viso morbitum se esse dicebat, ut se ad subitam mortem quam celerissime compararet : qui statim apud quendam è nostris totius vitae peccata confessus, in summa valetudinis firmitate subito occidit.

### *Collegium Lupiense.*

FERE in hoc Collegio hoc anno Patres quindecim, Fratres tredecim. Rei Christianæ progressus idem qui anno superiore. Exhibita extremis bacchanalibus triduanæ supplicationis solennia magnifico apparatu, maximaque frequentia. Datum à discipulis insigne drama : ab iisdem accepta de more præmia. Sacrarum reliquiarum translatio in templum nostrum celeberrima fuit vel honore pompa, vel studio populi. nec abfuere miracula. Nam losaria, quæ reliquias contigissent morbos abegetunt multis ; inter hos mulier vetricem quaitanam, viro cuidam nobili grauem corporis dolorem,

dolorem, puero periculosam anginam. Res familiaris non parum locupletata liberalitate multorum ciuium. nam vt ea quæ ad cultum victumque pertinent, quæ ciues nobis abundè suppeditant, omittamus; nobilis quidam ciuis ducentos aureos nobis testamento reliquit. totidem primaria mulier dono dedit. Inprimis verò memorabilis est liberalitas cuiusdam mulieris, quæ cum matrem haberet & cognatos, tamen Collegium nostrum heredem ex alse fecit: cumque à nostro sacerdote admoneretur, vt aliquid quoque suis relinqueret, respondit, satis esse matri suæ diuitiarum ad honestè viuendum; cognatis nihil se debere, sed omnia Iesu Christo, cui se multo antè in perpetuum despondisset. Ad extreum nostri sacerdotis precibus exorata matri legitimam hereditatis partem, aliquid etiam cognatis decidit. quod ad nos peruenit, aureorum duobus ferè millibus estimatur. Nobilis quædam virgo, cum spiritualia nostra exercitia peregisset, sacrarum virginum cœtum iniit: quæ si aliquando suscepit vitæ rationem voto professa fuerit, mille se aureos nobis ad ornatum templi subinde erogaturā promisit. Sacrarium vario munere vestium, aulæorum, imaginum locupletatum est. E Sodalitio discipulorum tres in Societatem adscripti sunt; quinque iam designati, probatiisque suffragiis conscriptorum Patrum, primo quoque tempore admittentur. Plures etiam in alias Religiosorum familias cooptati. Excursiones ad opida castellaque vicina multum rei Christianæ progressum iuuant. Nec interim in vrbe cessamus in plebecula Christianis præceptis erudienda diebus festis, idque sex ferè locis dispositis per urbem institutoribus. Huius operæ pretio redempta salus cuiusdam virginis, quæ in eam animæ desperationem adducta erat, idque à pueritia,

pueritia, ut confessionis puritatem planè contemneret, licet alioqui grauissimorum criminum conscientia premeretur. quæ cùm aliquando sacerdotem nostrum de salutari pœnitentia disserent audisset, statim ad spem salutis erecta totius vitæ confessionem apud eundem fecit, quotidie que maiores in pietate processus habet. Viget in sociis studium adiuuandi ægros ac vincos.

### *Collegium Catanzariense.*

CATANZARI unde uiginti socij habitant. Additum hoc anno ad duo latinitatis gymnasia tertium Philosophiæ, admirabili concursu discipulorum. In ea re vel in primis ciuitas nobis fauit: quæ cùm id ipsum antea expetisset, promisit, se quidquid ad structionem gymnasij opus esset, liberenter erogaturam. Rei Christianæ diligenter ac strenuè vacatur tum in tribus Sodalitiis, tum in templo, maximo utroque confluxu non vulgarium hominum. Troptiam in urbem non longinquam aduocamus, magno studio ciuitatis ad condendum Collegium, cuius ampla nobis facultas prædiuitis viri testamento relicta est. In ea re ciues nobis admirabili studio omnes fauent, sed in primis Episcopus, qui tantum nobis operæ studii que pollicetur in id negotium, quantū à viro Christianæ religionis amantissimo expectari posset. Porro is qui hereditatem nobis ex asse reliquit, egregium Societati nostræ testimonium amantis simis verbis dedit, quod ex formula testamenti, quæ ad Patrem Generalem misla est, cognoscere licet. Iam in eam urbem Rector Catacensis cum uno è Patribus ab Episcopo accersitus, summa ciuium gratulatione exceptus est, ibique triduanam commorationem in exploranda negotij ratione cum

cum aliquo animarum fructu atque utilitate consumpsit. Nec minimum operæ in animarum salute positum à duobus Patribus Neapoli redeuntibus: qui cùm in itinere ad audiendas confessiones in proxima oratoria templave diuerterent, multos insigniter adiuuerunt; in primis nonnullos, qui ad triennium confessione caruerant, & mulierem quę ex corporis prostitutione in capitib⁹ periculum venerat. Duobus virginum cœnobiis sacrarum confessionum beneficio peropportunè cōsultum: quorum in altero sedata est intēstina & periculosa discordia, quam primarij ciues tollere nulla ope potuerant. Iam & vinctis quoque & prodeuntibus ad patibulum non desunt a nostris Christiana subsidia, tum quæ animæ, tum quæ corporis, vel morbos, vel inopiam leuent. Quidam cum consobrina concordi flagitio ita viuebat, vt diuturnam stupri consuetudinem vulgo matrimonij famâ tegeret: q̄tū vt nuptias ritè sancire posset, per nostros à summo Pontifice imperatum est. Sedatum etiam capitale odium inter duos, quorum alter qui erat insigni ferocia probatoque s̄epiùs singulari certamine, adductus est hortatu nostrorum, vt ipse iniunctum prior salutaret: quod vix ab ingenio tam feroci impetrari posse videbatur. Ad rem familiarem ex piorum hominum liberalitate nonnulla accessio facta est.

### *Collegium Bariense.*

B A R I dissidiis odiisque tollendis perutiliter laboratum. Nobilis quidam miles foedissimi criminis à quodam insimulatus, & eam ob rem adductus in apertum vitę discriminis, criminatori suo necem moliebatur. qui tamen à quodam è nostris ad suminam animi æquitatē adductus est, & præscens

sens mortis periculum vtrimeque depulsum. Pacati etiam animi plurimorum ciuium, qui factionibus ciuitatem diuiserant multis ferro sublatis. nec res longè aberat à multorum præterea cæde atq; pernicie. Quę res vt difficillima videbatur, ita Societas nostræ existimationem apud ciues plurimum auxit. Nec minus impensum operę in clericos cum reliqua ciuitate conciliandos, qui tam crudeliter dissidebant, vt præclarè secum agi vnusquisque putaret, si vitam intra parietes tueretur. Sed quod diuinum beneficium fuit, pax inter eos vnius è nostris consilio facta est. Quędam mulier in facie grauiter vulnerata, vt ab vlciscendi consilio desisteret peruicta est; quod eo difficilius fuit, quod facilius sicarium, à quo id vulnus acceperat, coniectum iam in vincula opprimere iudicio poterat. Alius accepto lethali vulnere morti proximus cum propter vlciscendi libidine vltimam peccatorum confessionem cum periculo prorogaret, ad salutarem pœnitentiam maturè perductus. Vnus veterem pellicatum, cui nescio quam coniugij speciem verbo prætenderat, matrimonio commutauit.

### *Collegium Salernitanum.*

V NVS pellicem suadente quodam è nostris, in vxorem duxit. Adiuti Christianis auxiliis vel ægri, vel ij qui ad supplicium ducerentur; quorum vñus, raro sanè ēxemplō, cuiusdā è nostris monitu ad detestationem cīteatæ vitæ tantum profecit, vt acerbius aliquod suppliciū quam quo erat afficiendus, sibi per nostrum impetrari vellet à iudice, idque etiam atque etiam ab eo contenderet. Datum de more populo iucundum drama, nec minùs ad pietatem accommodatum, quam ad discendi studium in adolescentibus excitandum. Accessere ad

ad sacram supellec̄tilem munera non pauca , inter hæc argenteæ quædam lampades.ad extruptionem templi octingenti aurei dono dati. Sodalitium discipulorum non mediocriter auctum, vel pietatis, vel multitudinis incremento. Viget in eo frequenterissimus Sacramentorum usus,& quorundam insig-  
gnis vitæ mutatio apud omnes ciues Sodaliū in-  
stitutum facile commendat ac probat : ex his non-  
nulli magno Societatis nostræ desiderio tenentur;  
alij varios religiosorum Ordines inire contendunt.  
Itum ad vicina opida , in quibus conciones multæ  
habitæ,cōfessiones auditæ,tradita in vulgus Chri-  
stianæ fidei elementa,superstitiones euulsæ , odia  
restincta,cum filiis pacificati parentes,nonnulli ad  
rei alienæ restitutionem,bonamque frugem addu-  
cti. In duobus opidis instituta sunt duo Sodalitia,  
& quidem in altero statim à Sodalibus erecta se-  
des, Sodalitatis usibus oportuna: utrobique pieta-  
tis cultus egregiè promouetur.

### *Collegium Consentinum.*

**C**ONSENTIÆ vndeuiinti ferè socij habitant:  
nouem sacerdotes , quorum unus Philoso-  
phiam, alter casus conscientiæ docet. Inferiorum  
classium tres magistri. Societatis munera domi fo-  
risque pares habent progressus. Adita frequenter  
Christianæ rei causa tum vicina opida , tum urba-  
na pauperum hospitia, publicæque custodiæ. nec  
animis solum, sed multorum etiam,vbi opus fuit,  
corporibus pro nostra facultate subuentum. Apud  
vincos multum operæ collocatum in cultu pieta-  
tis augendo.Institutum est enim ut sacra inter eos  
mysteria celebrētur, extucto ad id facello nostro-  
rum operâ.Mos etiam inductus, ut Sanctorum Li-  
tanias ante imaginem Deiparæ quotidie omnes  
recitent.

recitent. Nec minor extitit in vicinis pagis diuinæ cultus amplificatio, eaque quotidiana. Iam enim quocumque nostri perueniunt, summa paganorum lætitia excipiuntur, pari cuin desiderio ac incoretore dimitti solent. In opido quodam instituta erat nostrorum operâ, quædā Sodalitas hominum, qui præcipuum colendæ pietatis institutum profiterentur. Fortè vñus eorū minus probatis moribus, & quod graues iniurias gereret, in officio aedundi Sodalitij nimis infrequens, cum sæpe admonitus esset, ut resipisceret, nec ille remitteret contumaciam; ad extremum præcisè denunciatum est homini, fore ut nisi Sodalitium frequentaret, Sodales illum expungerent. Adhæc ille indignabundus, Ego verò, inquit, ad Sodalitium tunc scilicet veniam, cum hoc mihi caput abscissum fuerit, & hæc crura membraque simul. & hæc dicens corporis sui partes signans, certum sibi interitum portendebat. Paulo enim post cum incidisset in manus iniucorum, miscrabiliter imperfectus est, dissecusq; ea prorsus concisione membrorum, quam sibi ipse omnianatus antea fuerat. Res apud vulgus in miraculis fuit, consecuta statim opinio celebris eademque salutaris, Deiparam sui Sodalitij desertorem diuinitus multas tanto supplicio, ut alios à tantæ defectionis periculo deterretet. Iam vnius existio docti multi ex Sodalibus diligenter ad institutum incumbunt. In primis verò ipse eius, qui necatus est germanus frater, qui omnem Christo facile donauit iniuriam, ratus diuina potius ultione fratrem esse multatum, quam humana crudelitate intereritum; quin & hanc fratri calamitatem pro documento habuit pietatis studiosius amplectendæ. In eodem opido quædam mulier honestis natalibus, moribusque, nec vulgari existimatione pietatis, cum dixisset cuidam è nostris se à dæmo-

ne miseraudum in modum afflictari solere, idque  
tum maximè, cùm Symbolum Apostolicum aut  
Salutationem angelicam recitaret, compositis ad  
deuotionem manibus, ac supplici positu corporis;  
quòd si easdem precatio[n]es dissoluto corpore re-  
citaret, id verò sibi impunè solitu[m] licere per dæ-  
monem. Iubet eam noster se inspectante rem expe-  
riri. illa statim dicto audiens supplicabundo corpo-  
re Salutationem angelicam exorditur; cùm ecce  
tibi præsens à dæmonie vltio. mulieri repente guttur  
inflari, anima intercludi, vox impediri atque inter-  
mori, oculorum orbes præter humanam formam  
intumescentes horrendum in modum contorque-  
ri, ac prope modum dissilire: nec antea vexari desit,  
quam iussa est à precatio[n]e desistere. Eadem  
alias cùm ab eodem sacerdote ad simile experi-  
mentum eliceretur, simili etiam ac magis porten-  
tosa vultus commutatio[n]e sacerdotem absteruit.  
affirmat mulier fauces sibi quas semper amaritudo  
dine aliqua habet affectas, suinto cælesti pane in-  
credibili suauitate solere affici. Porrò dæmonem,  
quo die ad sacram ipsam mensam accedit, à fauci-  
bus discedere in alias partes corporis. Iam de sub-  
latis vbiique inimicitiis odiisque nihil attinet di-  
cere, si dicendi querendus est modus. Ereptæ quo-  
que mulieres, & in his aliquot nobiles, à periculo  
mortis, saeuiente propter suspicionem zelotypia.  
Parochi multis locis instituti ad plebem Christiana-  
nis præceptis erudiendam, ac sacris mysteriis im-  
buendam. Itum ad Silam (sylua est celeberrimi no-  
minis) à duobus è nostris. ibi pastores atque bu-  
bulci in tanta Christianæ disciplinæ insolentia vi-  
uunt, vt eorum nonnulli salutare signum crucis  
ignorent. ab urbibus, à templis, à Christiano con-  
uictu perpetuò absunt. multi ante nostrorum ad-  
uentum Symbolum Apostolicum ne inaudierant  
quidem,

quidem, nec pauci vicesimum iam annum, aut tricesimum confessionis Sacramento carebant. In eo genere hominum Christianis moribus imbuendo sanè quam utiliter laboratum est. nonnulli quoque latrones, quorum infinitum numerum in eam sylvam allicit copia pecoris, quæ victum abunde suppeditat, inter occultissimas latebras ad bonam frugem perducti animos expiarunt. Sed illud in primis in irum ac memorabile. dum in castello prope Silam nostri Christianam rem gerunt, hominem offendunt vultu barbaro ac sanguinario, qui alterum è nostris ad se vocatum rogat, ut copiam sibi faciat confitendi peccata: ob id enim iam iter sibi esse Cōsentiam, nisi eius rei repræsentatam sibi diuinitus facultatem occursu sacerdotum agnosceret. Annuit noster, auditq; libenter hominem nulla interposita mora: ubi ille profusa vi lacrymarum cum summa doloris significatione peccata confessus est, cum rogaretur à nostro ecquid ei accidisset, quod animum adeò commouisset; Pater, inquit, ego ante hunc diem sceleratissimus ac teterimus omnium, aliam nunc diuino beneficio vitæ rationem ingredior. testis est improbitatis meæ, quisquis me bene nouit ex opidanis: verè omnes dicent me à templo, à re diuina, à crucis signo, ab omni denique Christiani hominis officio semper abhoruisse. vel nouissimè, cum ita iam ad nequitiam obduruisset, nihil vt dies noctesque, nisi cædes iniunicorum, ac turpissima quæque flagitia cogitarem, quosdam, qui oblatam mihi cuiusdam flagitij opportunitatem ademerant, vlcisci cæde statueram. Iamq; in cubiculo dum sclopum solus expurgo atque præmunio; ecce tibi iuuenem conspicio ante me insigni pulchritudine, ac iucundissima oris venustate conspicuum; vestis infinito fulgore cubiculum illuminabat. Dum ergo ad eius

aspectum inter venerationem ac stuporem silentio  
defixus teneor: ille interim blandis vocibus me ap-  
pellans, Ecquid, inquit, negotij est in manibus?  
Ego verò nihil, inquam, negotij. cumque iterum  
ac tertio idem interrogatus, idem respondissem;  
Méne, inquit ille, putas ignorare quid agas? an ego  
non penitus inspicio omnes animi tui latebras? illo  
die, illo loco, illo te scelere obstrinxisti. Hæc dicens  
certa mihi ac vera flagitia diuinabat, indicatis lo-  
cis atque temporibus. Mox ea me narratione pu-  
defactum atque perterritum mitius affari, multa-  
que de Christi Domini cruciatibus mea causia sus-  
ceptis commemorare, idque tanta oris elegantia,  
tantaque sermonis venustate, ut præ audiendi suau-  
itate in lacrymas pœnè totus diffuerem. Cùm in-  
ter lacrymandum ingenti peccatorum dolore per-  
culsus horruissim, ille facto dicendi fine, meque  
adhuc lacrymantem afflictumque ad terram, tacit-  
us aliquantis per intuitus, stare iubet, monet ut fa-  
cta torius vitæ confessione mute in viuendi mo-  
dum: in mea enim manu esse salutem meam, nec  
diuinam mihi clementiam defuturam. Hæc cùm  
dixisset, sentio pulsari ianuam domus. ego ne ocu-  
los à suauissimo conspectu iuuensis auerterem, ad  
fenestram non curabam accedere. Admonet me  
ille, ut pulsanti omnino de fenestra respondeam.  
Facio. mox eo qui pulsarat dimisso, dum me ite-  
rum conuento ad iuuenem, nusquam illum repe-  
rio. Ex illo die tantus animo meo ex peccatorum  
recordatione dolor incessit, ut me ipse vix ferre  
possim. Hæc ille cùm dixisset manantibus lacrymis,  
à nostro sacerdote opem flagitare piarum precum,  
sibi esse iam in animo in Cappucinorum familiam  
se recipere: quem noster bono animo esse iussum  
consiliosque ad salutem idoneis institutum dimisit.

*Collegium Barolitanum.*

**L**IBERALITER omnino ac benignè à ciuibus tractatur in hac vrbe Societas. Perspectum ex eo quod ædes nobis imbrium tempestate semirutas tum publica ciuitatis, tum priuata nonnullorum ciuium liberalitas instaurauit. In eam rem ciuitas nobis regio permisso ducentos aureos, quadringtones vero priuati quidam ciues erogauerunt, amplius omnino quam quantum ad domum reparandam satis esset; ut ex ea pecunia etiam quidquid erat Collegio contractum æris alieni, commodè dissolutum sit. Einta est hoc anno per ampla vinea, nec ea quidem minus ad utilitatem fructuum, quam ad necessarium relaxationis usum idonea. Supplicationum solemnitati semper mirum in modum fautum à populo, vel frequentia, vel pietate, vel communis significatione lætitiae. Prodeuntibus ad patibulum nostri adfuere solatio, magno tum labore, tum fructu, cum eius rei caussa preter diurnam assiduitatem esset præterea saepius per noctandum in carcere. Traduntur Christianæ disciplinæ rudimenta pluribus per urbem locis, maximè ubi pauperculæ habitant; quas vestitus inopia & corporis nuditas à conspectu hominum, & à sacris ædibus prohibet: quæ etiam omni Sacramentorum usu carent, non solum eas identidem piarum confessionum ope iuuamus, verum etiam, ut communicandi facultatem habeant, actum à nostris cum sacrorum vicario, ut in proximis facellis rem diuinam fieri iubeat.

*Collegium Teatinum.*

Res litterariæ maiores quotidie progressus habent. è Sodalito discipulorum duo in Religiosorum familias cooptati, multi à beneficijs abducti, datis in potestatem nostram maleficiorum libellis. graues discordiæ tum inter ciues, tum inter primos Prouincię magistratus composite sunt. duabus in familiis dissidia coniugum sublata, quæ ad diuortium cædēmve spectabant. multi in extremo supplicio adiuti salutari ope piarum exhortationum. Cœptum hoc anno ad vicinos pagos adiri magno cum fructu paganorum. Aucta res familiaris accessione quorundam oliuetorum, quæ nostro Collegio à duobus ciuibus attributa sunt. Ad extictionem templi coënta continens domus quingentis circiter aureis.

*Collegium Aquilanum.*

A Q V I L A tredecim commorantur è nostris. non nulli sacrum Aduentus tempus perpetuo singulorum dierum ieiunio obierunt. Numerus discipulorum crescit in dies, præsertim seminarij alumnis, qui plurimi sunt, adiunctis. Artificum Sodalitas erecta, & ad Romanam aggregata. Sodaliū numerus ad septuaginta. explicationi Catechisini in templo datur opera, vexillo per urbem pueros conuocante. Auctus maiorem in modum consentium, & ad sacram mensam accendentium numerus. sublata inter primarios viros dissidia cædi proxima.

*Collegium Beneuentanum.*

BENEVENTI quæ antea fuerat Professorum domus, facta est hoc anno Collegium. in eam rem ducentorum aureorum prouentus à summo Pontifice Clemente VIII. attributus est. Duobus iam gymnasiis institutis docere cœptum , tanta discipulorum frequētia, vt nisi ea remittat, tertium aperiri ludum oporteat: qua de re actum iam diligenter à ciuibus, & ad Patrem Generalem relatum. Optimè de nobis meretur Illustrissimus vrbis Archiepiscopus Maximilianus Palumbarius, cuius liberalitate ædes nobis coëmtæ, ac bibliotheca optimis plurimisq; libris instructa est Cæterum proximorum saluti egregiè vel in templo, vel in Sodalitate nauatur opeta. Sodaliū unus post acceptum publicè colaphum in summa vlciscendi facultate æquissimo animo eam iniuriam amico donauit: mox iterum rogatus ab alio, vt parceret inimico, ille vt animi sui æquitatem testificaretur, ad pedes inimici multis inspectantibus accidit, eosque cum lacrymis osculatus est. Extincta multorum odia; eaque non leuia. duo viri primarij, qui se mutuo prouocauerant ad singulare certamen, cùm ad locum pugnæ destinatum maximè properarent, vnius è nostris interuentu conciliati sunt. Cùm sœuiret annonæ caritas, & vniuersa ciuitas eam ob rem morbis afflictaretur, corrogata per nostros ostiatum stipe subuentum laboranti plebeculæ. nec in animis confessione expiandis à labore cessatum.

## PROVINCIA MEDOLANENSIS.

**S**ERVATI sunt in prouincia socij ducenti supra octoginta duos, locis tredecim diuisi. Mediolani in domo Professa triginta sex, in Collegio Breidensi octoginta tres, in Genuensi Collegio vnde quadraginta, in domo Probationis viginti quatuor, Taurini nouem, Nouocomi duodecim, totidem Vercellis, in Monte regali viginti duo, in domo Probationis Aronensi triginta duo, in missione Cremonensi ante institutum Collgium sex, in Alexandrina tres, in Lucernensi duo, in Niciensi duo. octo migrarunt è vita: quindecim Societate donati.

*Domus Professa Mediolanensis.*

**I**N Professorum domo data opera est, ne in officiis cùm domesticis, tum externis quidquam de superiorum annorum diligentia studioque deceperet. Adolescens quidam sub dominatu hereticorum ortus in Italiae finibus, turpibus amoribus irretitus, huc illuc diu fuerat, perturbationibus animi, exagitatus per Italiam. Hunc grauissimorum scelerum consciū, & summa rerum inopia laborantem dæmon humana specie sese illi obiciens mira arte ad desperationē adegerat: suaserat enim misero per religionis simulationem, quo melius incautum falleret, vt Sacramentis Ecclesiæ ritè munitus sibi necem aperta vena consiceret; fore hac ratione ut in cælum sine sensu doloris recipetur. Fluctuans ergo, & pendens animi cùm in nostrum

strum sacerdotem incidiisset, ab eoq; monitis salutaribus opportunè instructus esset; tandem gratia diuina mentem eius cæcam illustrante ad saniora consilia reuocatus est. Comes Fontium pro Catholico Rege Mediolanensis ditionis Gubernator est Societatis nostræ amantissimus. cum virorum nobilium congregationem, quæ apud nos diebus festis cogitur, inuiseret, per amanter nō modò studia Sodalium pietatemq; laudauit, sed etiam in eorum numerum se adscribi voluit. Solennitas sacrostantæ Eucharistiæ populo ad adorandum expositæ cum extraordinario templi apparatu, symphonia, concionibus crebris, quo triduo multi mortaliū licentiū bacchantur, quæ superiore anno in experimentum instituta & iucunda & fructuosa fuit, hoc anno cum eadem, & verò etiam maiore celebritate, approbatione ciuium, atque operæ pretio repetita est: vt iam nemo dubitet de ea, tanquam statu ac certo ritu, nec non utilissimo, Christianis in posterum retinenda. Obiit Franciscus Grimaldus Genuensis claris ortus natalibus, & bonæ indolis ac spei adolescens, qui medicorum suauem mutandi cæli causâ huc Genua profectus, efsi non nihil æstate reueuari visus est, vertente tamen autumno consumptus est tabe. Hic quindecimum ætatis suæ annum agens Societatem ingressus, cùm à matre conquesta deceptum fuisse adolescentulum, & filium charissimum immatura ætate & deliberatione sibi propcmodum abreptum, validissimè oppugnaretur, per virum eloquentissimum ac vehementissimum, & à Religione reuocaretur; stetit in illa ætatulâ ac pugna inuictus, & eandem prestatit in perseverando constantiam, quam præ tulerat in ingrediendo. Triennio post in morbo diuturno patientia eius eluxit singularis cum animi magnitudine coniuncta; qua minimè querulus

vim ingrauescentis morbi dissimulabat, & cruciatus aduentantis mortis æquo ferebat animo vsque ad admirationem omnium. dulci demum quasi somno consopitus, qua tranquillitate animi vivebat, eadem abiit, ut speramus, in cælum.

### *Collegium Breidense.*

Duo vitam eodem ferè tempore finierunt, qui pariter venerant in Societatem Ferrandus Berga, tum Matthæus Sandilianus. hic illo animam agente, quasi in communione gloriae cum eo euocaretur, cum quo fuerat ad vitæ religiosæ disciplinam vocatus; cum iam dudum constitutione corporis esset affecta, cœpit decumbere, nec exsiliit è lectulo, donec lenta seuisim tabe consumtus interiit. Nullum abire diem est passus, quo non vocaret confessarium ad expianda peccata: neque confessarium rogabat modò vt ad se venire ne grauaretur, sed certos etiam Patres ac Fratres, qui de diuinis rebus sermones haberent, aut aliquid ex pio libello recitarent. Dicitabat interdum eas se iam voluptates in terris delibare, quibus paulo post, Deo iuante, abundè perfrueretur in cælo. cum de proxima defectione Solis inaudisset, iniurificè lctatus est, quod speraret eum diem sibi clarissimum fore, qui cæteris mortalibus futurus erat obscurior. animam exhalanti adfuit P. Rector, qui cum sciscitaretur an ipsum peccatorū pœniteret, annuit ille toto capite, quia lingua non poterat. extendit statim Pater manum ad absolutionem, ac vix sacrosancta verba peregerat, cum ille & noxarum & corporis contagione liberatus est. Obiit item die in suum Ioannes Baptista Vallius Coadiutor spectatæ virtutis & laboris, præsertim tolerantiæ studioque orationis eximiūs. Hic dum operam suam in rebus rusticis egregie

egregiè probat, quo diuinæ prouidentiæ lethi genere maximè placuit, ex hoc ergastulo corporis in cælum euolauit. Sodales Parthenij tribus domesticis distributi congregationibus, & vna externa ad Collegium nobilium, quò rogatu primariorum ciuium nostri diebus festis adeunt, ad omne genus virtutis exardescunt. Nosocomia summa cum alacritate petunt, sternunt lectos, sordes expurgant. Singularis porrò vnius se virtus prodidit in egregia, quam de se retulit, victoria. Perhorrescebat bonus adolescens nomen, nedum aspectum loci; cum diuino tandem impulsu animum agitante Partem adit, de imbecillitate sua fatetur, sibi esse in animo confirmat se ipsum vincere. constituitur dies, adest bene mane, itur ad infirmos: ecce tibi ad loci adspectum expallescere, horrete, titubare, sudore madere; sed obfirmato Christi amore animo cubiculum ingreditur, terram osculatur, cælestē numen implorat. nec mora, strenuè sese ad opus accingit, pallium abiicit, sternit lectos, tractat culcitas tanta animi alacritate, ut ceteris omnibus esset incitamento. Huius & sociorum exemplo motus adolescens quidam vocantem se Deum ad Societatem audire decreuit Nec in discruicando corpore ardor defuit: nonnulli cum flagro carerent, cingulo se ferro præfixo diuerberarunt. Idem Sodales doctrinæ Christianæ rudimenta docent, pueros in templum cogunt non sine munusculis in hunc usum comparatis. Illud verò & visu pulcherrimum, & iucundissimum auditu, cum pede inter se deosculantur, cum muto errata palam aperiunt, cum sibi delatos respuunt honores, cum lectissimi quique bis intra hebdomadam conueniunt, ut de rebus diuinis & piis commentationibus aliquid audiant. Ceterum insignis vnius vocatio extitit, est is è primaria nobilitate natus an-

num sextumdecimum, qui ita se cum parentibus  
 gessit, ut sexagenarium putas; cum iis enim Dei fa-  
 uore conatus & piam voluntatem prosequente tres  
 totos menses cum singulari constantia luctatus,  
 nunquam adduci potuit, ut suscepsum vitæ reli-  
 giosæ consilium in aliud tempus differret. tandem  
 cum suorum extorquere nequirit assensum, ab-  
 sente per eos dies P. Provinciali clanculum sese A-  
 ronam proripuit. Id verò Virginis in suos præsen-  
 tissimum declarauit auxilium, cùm obequitantem  
 edito cliuo è Sodalibus vnum, equus fallente ve-  
 stigio non solum excusit, sed etiam ad imum sine  
 villa prorsus defensione deuoluit. Cùm Rhetorico-  
 rum numerus magis magisque indies cresceret, ut  
 omnes ægrè caperet locus, placuit P. Provinciali,  
 aliud ad laxandas angustias Rhetoricæ docendæ  
 gymnasium assignare: quo tempore magnam scho-  
 lastici dederunt voluptatis suæ significationē. nam  
 præter varia epigrammata in eam sententiam con-  
 scripta, orationem quoque, & aliquot poëmatia  
 pro concione pronunciarunt; atque adeò magnam  
 partem symbolis & argumentis pictura varia, bre-  
 uiique sententia expressis, & palam de pariete sus-  
 pensis toto deinceps anno pro suis insignibus vni-  
 sunt. Patri verò ipsi Provinciali gymnasium de  
 more visenti oratiuncula, & epigrammatis gratias  
 egerunt. Bacchanaliorū tempore non frustra itum  
 in compita concionandi grātia. multi ad generales  
 confessiones adducti. Sacerdos noster cùm de ex-  
 tremo iudicio verba ficeret; ita reorum, qui deti-  
 nebantur in vinculis, nuditatem defixit in animis,  
 ut tantum vestium corrogaret, quantum satis esset  
 ad homines sēnos denos, multiq; in præsentia suis  
 se indumentis exuerunt, multi domū reuersi abun-  
 dē miserunt, vnde egentium leuaretur inopia. bis  
 item hieme perfrigida coacta stipis, quæ vincit  
 omnibus

omnibus vestimenta abundè suppeditaret. ex quo illud inauditum omnibus, & custodibus nouum accidit; vt singuli ad vnum peccata expiarint. Virgo in scelus prolapsa, quo ininùs veniret ad confessionem pudore detinebatur; annum tamen pane & aqua vitam tolerauerat. cùm ei per noctem sese obiecit Dei mater, Et quin meo, inquit, te aperis sacerdoti, à quo sanitatem animi potes capere? Nesciebat illa quis designaretur sacerdos, cùm vni à nostris illac missionis caussa iter facienti sese suppliciter obtulit, & scelus confessâ salutari manuum impositione liberata est. Vallis est Magia non procul à Germanorum finibus, præruptis vndique obsessa rupibus, Episcopo Comensi subiecta, non curribus modò, sed etiam equis inaccessa; frumentum & vinum non agnoscit, pecore dumtaxat & lacte vescuntur indigenæ. Hanc vallem è nostris vnis sacerdos anniversariis vacationibus vniuersam obiit. ad confessiones tantus sè penumero concursus extitit, vt Parochi interdum delectum habere cogerentur. Multi sese viæ comites nostris dabant consilij capiendi gratiâ. In sacris ædibus non maior festis diebus frequentia quâm profestis. Patris arbitrio lites diremtæ, compositæ discordiæ, mali mores correcti, boni vel confirmati, vel longo interuallo relati, pellicatus dissoluti, Parochorum sublata scandala. idem sacerdos à plurimis aliò enixè vocatus, quod temporis angustiis premeretur, piis illorum voluntatibus, ac suo desiderio morem gerere non potuit.

### *Collegium Genuense.*

ERECTA est hoc anno à fundatore tertia altera pars templi cum nonnullis in usum nostrum domiciliis, impensis penè quinquies millibus aureorū.

reorum. Definita est controuersia, quæ nobis cum aliquibus patriciis nobilibus erat pro anno reditu quingentorum augeorum huic Collegio, & quadringentorum in Corsica insula erigendo ex testamento Thomæ Raggij. in qua re singularis emicuit serenissimi Senatus in ordinem nostrum voluntas, dum pro voto nostro omnium omnino calculis causa est adiudicata. Per multus ex solitis Societatis nostriæ ministeriis, quæ magno populi concurso atque frequentia in hac vrbe exercentur, collectus est fructus. Multi perfectioris vitæ viam edocti: ex iis in varios religiosos Ordines ingressi, in Societatem quinque: nonnulli ad malè parta restituenda impulsi, præcipue alter 25. M. aureorum, quingentorum alter. mulierum aliæ è publico libidinū cœno erutæ, aliæ ab imminentि periculo eruptæ, aliæ è concubinatu ad honestū matrimonium traductæ. odia extinctæ, dissensiones compositæ. Illud singulare, ut aliquid attingam: quod cum duo affines in publico iam cum vitæ discriminine manus consererent, unius è nostris hoitatu, qui tum illac fortè, sed opportunè iter agebat, in gratiam statim rediere; & post mutuos amplexus totam discordiæ causam Patris arbitrio ac iudicio dirimendam deposuere. Nec minus opportunè vir quidam nobilis, dum in balneis corporis sanitati intenderet, perfectam animi sospitatem est adeptus. obduxerat is animo ob non leues de coniugis pudicitia prostituta suspiciones eam de medio tollere, & iræ iam ac mœroris impatiens, relictis balneis, spreta corporis animique salute, ad facinus properabat; cum unius è nostris, qui in eisdem balneis aduersæ valitudinis causa morabatur, suaui primum ac familiariter colloquio nonnihil delinitus; deinde actioribus monitis ad mentem reuocatus, resipuit tandem, & facta peccatorum expiatione, obfirmato

animo

animo deuouit, & noxam vxori condonare, & in pristinam cum ea familiaritatem & sinceram coniugij pacem redire. Doctrinæ Christianæ institutio magna fecit incrementa, tum in ciuitate, vbi virginis numerantur scholæ sub nostrorum disciplina, per ampla pueroru[m] ac puellarum corona, tum in opido quodam, cui S. Petri ab Arena nomen est, secundo ab vrbe lapide: ibi recensentur catalogo inscriptæ 250. vt cætera taceam, in fidei nostræ fundamentis sic instructæ, vt quamuis litterarū protinus sint ignaræ, mirum sit, quām enucleatè singula explicent, & propositis quæstiunculis satisfaciant; certè Archiepiscopum fortè præsentem magno cum animi sui gaudio in admirationem rapuere. Non defuit etiam nostris suus ex monialibus fructus. sublatus ex monasterio uno nouus quidam, qui furtim irrepererat, vestium abusus, & inuestitus nonnullus religiosæ paupertatis, & communis mensæ amor. Visum est Deo optimo maximo nonnullis indiciis B.P.N. Ignatij sanctimoniam comprobare. Agebat animam depositus iam à medicis & parentibus puer infans Iulij, & Magdalena Spinalæ filius unicus, cui nomen Philippino. accersitur è Collegio sacerdos, qui cum sacras reliquias ad moribundi corpus admouisset; visus est repente puer reuiuiscere, nec ita multo post planè conualuit: ac ne intercidat tanti beneficij memoria, pater conflatilem puerum eadem qua Philippinus statura & pondere, mater pollubrum, utrumque ex argento, Romam ad sepulchrum B.P. Ignatij voto concepto transmittere decreuerunt. Alter è B. Virginis Soliditate iam aliquot dies perenni laborabat profluvio alui, somni penitus & quietis expers. inuisitur a nostris, recitantur Litaniae, ter B. P. Ignatij reliquiis super ægrotum crucis efformatur signum. eadem nocte leniter consopitur æger, tum duas

horas

horas arctissimo somno deuincitur: quo somno & morbum expulit. Adeo postridie medicus, miratur adeo repente constitisse fluxum, cumq; grauioris mali dubius prouocare conatur; verum ex groto sensim ad perfectam redeunte sanitatem, intellectus medicus, & aperte confessus est, non humanæ id opis, sed diuinæ fuisse. Ex quo quanto perire sit affectus erga B. Patrem, facilis conjectura est. Earundem reliquiarum præsens auxilium experta est Clementia Arcica feminina primaria, quæ cum medicorū iudicio prius de vita periclitaretur, post admota B. Patris ossa abesse iam morbum à periculo medici confirmarunt, & illa paulatim pristinam valetudinem assecuta est. P. Fabricius Pallavicinus ex N.P. Generalis mandato inspectionis causa nonnulla Collegia lustrauerat. is obito diligenter munere, cum primùm Genuam appulit, ex itineris laboribus in morbum decidit, ut videbatur minimè periculosum, ut euentus docuit, haud satis a medicis cognitum. Itaque cum paucos decubuerit dies, nobis triste sui desiderium reliquit. Vir vel paupertatis, vel indifferentiæ, vel perfectionis religiosæ studio sanctè eximius. de hac religiosa perfectione iam penè justum volumen absoluerat, nisi præclara cogitante oppressissima mors.

### *Domus Probationis Genuensis.*

FVERUNT in hac domo usque ad mensem Octobrem è nostris ferè vigintiquatuor: septem sacerdotes, quorum tres annum tirocinij tertium expleuerunt, Coadiutores veterani quinque, reliqui tirones. Quæ à nostris gesta sunt, fermè non differunt ab iis, quæ perscrpsimus superioribus annis. In animi sui victoram, quæ optima victoria est, omnes exsucuerunt. Festis diebus in vicinis parochiis

chiis & pagis teneræ ætati & rudi, etiam adultæ Christiana præcepta explicata sunt. Itum ad nosocomium, quo in loco ita sedulò nostri infirmis ministrarunt, vt suę charitatis ardorem tum ipsis, tum totius nosocomij præfecto maximè probauerint. Emendicata sæpius stips ostiatim in vrbe, non sine ciuium ædificatione, & eorum qui emendicabant spirituali profectu, indigenarum præsertim aliquorum, quorum satis notæ erant ciuitati nobilitas & opes. Suscepta etiam peregrinatio ad aliquot tempora in circumiacentibus opidis ac vrbibus, vel Sanctorum reliquiis, vel antiqua populi religione nobilia, & obita cum nostrorum fructu & externorum ædificatione. Cum primùm nouus Prouincialis hanc domum inuisit (contigit hoc ineunte mense Octobri, quod diu desideratum fuerat) nouitios qui antea in duobus huius prouinciæ domiciliis instituebantur, ob tenues vtriusque domicilii redditus, auctoritate, quam à N.P. acceperat, iussis iis qui hic tirocinium agebant, ad Aronensem Probationis domum commigrare, omnes simul coniunxit; ad quos alendos partē etiam reddituum huius domus attribuit. Hoc eo consilio factum est primum, vt auctus numerus nouitorum, quæ natura iuuenum est, vt mutuis exemplis in ira excitentur, augeat virtutis ardorem: deinde, vt ex reliquis redditibus aureis circiter mille testa huius domus nimia iam vetustate fatiscentia instaurentur, & angusta laxentur; quibus instaurandis laxandisque, ac simul alendæ familiæ, sumptus antea non suppetebant. His perfectis, aactis, vt speramus, etiam redditibus, ex Aronensi domo iterum in hanc Genuensem ob cœli bonitatem multo salubriorem vniuersi commigrabunt nouitij. Cum vicinus quidam fontis, qui in nostram piscinam per subterraneum aqueductum influit, aquam aliò per ini-

riam deriuaret, P. Rector Serenissimo Senatui supplicem obtulit libellum : is statim, quæ illius est in nostrum Ordinem propensa voluntas , omnium calculis cōmissario Bisamnis (nomen est huius tractus) caussa cōmissa diligenterque commendata, omni nos iniqua molestia & damno liberauit,

### *Collegium Taurinense.*

**N**UMERVS nostrorum hoc anno vsque ad instaurationem studiorū maximē incertus fuit. vrbs siquidem pestilētia biennium afflīcta, licet bene purgata initio quadragenati jieunij, subditis huic ditioni patuerit, non tamen patuit externis. auxit porrò terrorem vicinis perditorum hominum nefaria conspiratio , qui funeribus aliorum locupletari, ut diriores fierent, pestiferum vnguentum ad eundem morbum reuehendum composuerant; quo rescito perditi comprehensi ossifragio torti in inflexis radiis rotarum, meritas pœnas dederunt. tandem omnibus lustratis conterminæ ditionis Principes liberum commeatum tribuerunt. Appente verò tempore studia interim̄a reuocandi, ad viginti sex numerus nostrorum excreuit. A paucis pauca hoc anno , eaque consueta in paucos , raro quippe ob pestilentiam habitatore: sed ubi numero aucta est ciuitas, auctumque Collegium, & omnia Societatis munera repetita , nec auditorum ecclesiastes, nec pœnitentium confessarius , nec præceptor discipulorum frequentiam desiderauit. Ad patibulum deductos salutis ergo comitati sunt nostri, & sive dum ignita forcipe carperentur artus, seu dum frangerentur ossa, adstiterunt, & labantes in extremo illo confictu confirmarunt. duodecim hoc modo vellicato corpore in rotam acti ; tribus aliis similiter ferro adustum est corpus, & restis fra-

cta

Et a gula; omnibus impensum auxilium. Emicuit in nos singulare studium Illustrissimi Cardinalis Petri Aldobrandini Legati Apostolici ad Galliarum Regem. Is primo die cum ingressus est urbem, apud P. Rectorem huius Collegij se ritè expiavit; & suam nobis omnem operam, si qua in re Societati opus esset, amplissimis verbis pollicitus est. Tertio die, quo & recessit, manè venit ad Collegium, fecit sacram in templo, cælesti pabulo ipse nobilis minister refecit plures. quo peracto à professore Rhetoricæ pereleganti receptus est oratione: dicente oratorem auditoris cœmitabatur admiratio, & deinceps ingens est commendatio consecuta. In templo reliquias Sanctorum piè contemplari voluit, quæ propalam in pulcherrima lipsanotheca collacata erant. Auditæ sunt confessiones annorum vinti, & triginta, & verò etiam quadraginta, eorum, qui toto eo tempore nunquam se ad sacerdotis pedes expiatæ animum abiecerant. conciliata pax inter multos, extincta odia, illiciti contractus rescissi, ac fœnoritia pecunia ad veros dominos redire iussa. Vitam cum morte commutauit Horatius Prouana, qui Grammaticam in ultimo gymnasio profitebatur. singulare omnibus reliquit obedientiæ, modestiæ, & aliarum virtutum exemplum. non erat quod in eo desiderares. iam matrus cælo, cuius & cupidissimus erat, sexto post die, quo in morbum inciderat, è terris abiit.

### *Collegium Comense.*

A V C T V M superiori anno Collegium cubiculis; hoc cœpit augeri etiam numero sociorum. à Patre siquidē Provinciali Seminarium nostrorum Rhetorum huc Genua translatum est, additusque præterea ad sex sacerdotes septimus, qui idem

Rheticam doceat, isque iussus scholam denuo  
aperire cœtitati: quæ sicut antea clausam doluerat,  
nimirum se contemni rata; ita nunc reserata læta-  
tur, & hoc officio, quasi nouo beneficio se à nobis  
affectionem maximè gaudet. Hic igitur alentur socij  
viginti quatuor, nimirū præter sacerdotes septem,  
duo magistri Humanitatis & Grammaticæ, de-  
cem scholastici (quorum quatuor tantum deside-  
rantur, mox è domo probationis peracto tirocinij  
biennio, & ipsi adfuturi) & quinque Coadiutores.

Quem numerum vulgo nobis congratulantr  
Comenses, cum nunquam antè plures octodecim  
è nostris hic egisse meminerint: & verò sibi etiam  
gaudent, inde ciuitati non exiguum emolumen-  
tum pollicentes; & iure. nam cum nostrorum ado-  
lescentum exemplo excitabuntur externi ad studia  
eloquentiæ, & pristinum illum statum accipient,  
quem cum hac in vrbe antè habuerint eximium,  
iam penitus amiserant: tum verò diebus festis pue-  
rorum institutio in doctrinæ Christianæ rudimen-  
tis, quæ alicubi institutorum in opia languescebat,  
iam in singulis vrbis suburbiorumque templis eo-  
rumdem nostrorum operâ feruebit maximè, & vt  
pollicentur initia, magna sumet incremēta. equio-  
te etiam tempore fient excursiones in vicina opia  
da, quæ ad lacum Larium sunt frequentissima. Cæ-  
terum eorum industriae, qui hactenus qua Catho-  
licis, qua propinquis hereticis excolendis in hac  
vinea elaborauerunt, suus extitit fructus. nam vbi  
illi catecheseos præcepta tradiderunt, ea & variis  
dialogis recitandis, & habendis solennibus dispu-  
tationibus & præmiis largiendis, aduentu etiam  
Præsulis à nostris invitati facta est celebrior. Com-  
positæ dissensiones, odia deposita, prudentiū in opia  
subleuata, & eius generis plura. Illud tamen, quod  
aequitatis aliquid habet non prætermittendum vi-  
detur.

detur. Moniales adhortationibus, confessionibus extraordianariis, & appositis meditationibus per externos sacerdotes adiutæ; & Episcopo, cum quo aliquæ videbantur obscurius exercere similitates, reconciliatæ variis in cœnobiis. quoru[m] vnum, quod iussu Pontificis Maximi, sicut & alia, Episcopo se traditum in administrationem grauiter accepisset, aliquot menses se à diuinis mysteriis abstinuerat; ne in iis videlicet aliis, quam suis vteretur sacerdotibus. sed optione tandem accepta eligendi quos vellet confessarios, nulos nisi nostros admisit; itaque iis virginibus audiendis sacerdos vnum multos dies consumpsit, tantaque cum prudentia earum omnium confessiones excepit, vt illæ sibi optent eum in perpetuum, si fas sit, salutis animorum curatorem. Instituta in Collegio Sodalitas eorum adolescentum, qui cum totam hebdomadam in artificium officinis posuerunt, dies festos ad quadraginta in spirituali utilitate consumunt. Homo plectendus adeò in atrocitate supplicij & infamia exhoruerat, vt desperata salute corporis animi quoque salutem proiiceret; verum ad extremum confessione peccatorum eluit conscientiam apud vnum è nostris: atque indeadè mutatus est, vt atrocius multo & ignominiosius etiam supplicium sibi irrogari postularet, cum ad poenæ peccatorum compensandas, tum ad excitandos maleficij socios, vt mortem patienter exciperent. Exculti commentationibus B. P. Ignatij Parochi, & Religiosi plures tam ex vrbe quam ex vicinis locis. Ad eas peragendas è Vulturena valle in Collegium nostrum se contulit Archipresbyter: in quibus tanto cum studio & fructu operam posuit, vt plenus magnæ spei & animi ad iuuandos suos cum orthodoxos, tum prauis dogmatibus imbutos abierit. & sanè ab eo rei Catholicae conseruatio, & augmen-

tum in illis terris magnopere pendet. Iuerat in eamdem vallem sacerdos è nostris ad curandam valeritudinem aquis thermalibus, quæ ibi scatent saluberrimæ. agebat in iis locis vir primarius, qui è nobilissima Italiæ vrbe iam pridem eò familiam transstulerat, & fide abiurata hæresin hauserat. hic ergo cùm aduerteret nostrum sacerdotem recitatem preces horarias, rogauit vocem ut attolleret: quod cùm ille faceret, summa attentione excipiebat is, quæ ab illo enunciabantur, & ea re mirificè delectari videbatur. hinc sub illas preces instituit noster humanitate & officiis hominem demereret, suavi alloquio permulcere, Christianæque modestiæ specimen præbere: quibus ille rebus primùm delinitus sese dedidit Patri, in familiarem consuetudinem; deinceps de æterna salute animi sermonem iniectū arripere, sciscitari de fidei nostræ mysteriis, differenti vultu assentiri, & tandem sanioris mentis argumenta dare: in quibus illud fuit non exiguum, quod toto opido admirantibus hæreticis, qui ibi erant frequentissimi, Patrem comitatus est assidue, aliasque præbuit futuræ conuersionis significationes, si haberet adiutorem.

### *Collegium Vercellense.*

D e rebus ad Dei gloriam & ad rem proximorum, nostrorum ope consilioque perfectis, de confessionibus etiam generalibus auditis, de adiutis multis in lectulo siue in carcere, de aliis ab inueteratis flagitiis ad meliorem vitam reuocatis, de progressu Cōgregationis, de aucto eiusdem serico ornatu, de doctrina Christiana, quoniam sunt locis ferè omnibus, annisque communia, nihil dicendum videtur. Magna est Episcopi erga nostros, quorum consilio & opera multas ad res ytitur, beneuolen-

neuolentia. Ex iis, qui nostras scholas frequentabant, unus est in Societatem cooptatus. Cum adolescentuli multi ambirent Sodalitium B. Virginis, sed excluderentur aetate; institutum est hoc anno oratorium, ut instituantur interea; mox ubi adoleuerint, in superiorem ordinem inferendi.

### *Collegium Montis Regalis.*

CVM Illustrissimus Nuncius Apostolicus, Taurini grassante pestilentia, in hanc urbem secessisset; eximia illius in nostros perspecta beneuolentia est, dum ad nos quotidie ventitaret, nostroque in templo sacra celebraret mysteria. Aliqui e nostris discipulis religiosè viuendi rationem amplexi sunt, unus in Societate, duo iisque nobilissimi in Cappucinorum familia. Nec defuit nostrorum sedulitas iis, qui vel in nosocomiis agebant, vel in vinculis detinebantur, quorum plerique nostrorum humanitate, & piis cohortationibus adducti ad crimina detestanda, & confitenda. Eos qui ob scelera plectendi erant, nostri necessariis officiis prosecuti sunt; factumque ut maxima cum pictate postremum vitae diem clauderent. Postulante huius urbis Episcopo, qui nostrorum operâ libentissime vtitur, varia diocesis opida perlustrata, ibique conciones habita. Alio item in loco paulò remoto, intercedente Nuncij auctoritate, nostri populis, quo maximè indigebant, verbum diuinum summa cum utilitate ministrarunt. Catechismus plurimis in locis, & Christianæ legis præcepta publicè explicata.

*Domus B. Virginis Montis Regalis.*

**A**D hanc B. Virginis ædem accesserunt viti primarij, plerique Comites, Marchiones, atque adèò Serenissimus ipse Dux Sabaudiæ: qui suorum ingenti stipatus frequentia, postquam de more templum novies circumiisset, sacra confessione expiatus augustissimum Christi corpus ritè sumpsat. Per multo quo tempore pestis Taurini grassabatur, ut imminentem perniciem effugerent, vota huic sanctissimæ Virgini nuncuparunt, atque non sine peculiari Dei beneficio, præsenti periculo liberati vota sua religiosissimè reddiderunt. Quidam nauitæ ex Sardinia ægrotum in lembo habebant, qui doloris, quo tum acerbissimè torquebatur, impatiens sese demisit in mare. illi itaque desperatis rebus omnibus B. Virginis auxilium implorantes, ut miserum hominem saluum & in columem acciperent, voti compotes facti hoc aduenierunt, ubi nostris confessi postmodum sacram Eucharistiam suscepérunt. Alius quidam ex morbo surdus, votum B. Virginis nuncupauit, ad quod exsoluendum ubi primum accessit, morbo liberatus est: qui etiam nostro sacerdoti confessus sacrosancta mysteria percepit. Sacerdos noster, cum ferialibus, tam festis diebus assidue partim peregrinis, partim indigenis peccata confitentibus operam dedit: in his non pauci generalem totius vitæ confessionem instituerunt. alij quam plurimi, tam vitæ mutandæ studio, quam liberiùs conscientiam suam aperiendi desiderio huc profecti multorum annorum sacrilegas confessiones ob crima de industria celata integrarunt. Aliquot viri ac mulieres ab inueteratis quibusdam flagitiis frequentanda confessione liberati. Denique nonnulli aut propter crimatum

num infamiam, aut propter calamitatum acerbitas de salute desperantes, ac instinctu cacodæmonis restim & exitium cogitantes, salutaribus consiliis confirmati, & in meliorem spem erecti; ut videatur in tam opportuno loco miseris & peccatoribus quoddam quasi asylum diuina prouidentia constitutum, ut ope & patrocinio Matris misericordiae salutem consequantur.

## *Collegium Cremonense.*

COLLEGIVM Cremonense septimo Idus Nouembris aperuimus hoc anno. Est hæc ciuitas vel nobilitate, vel ciuium frequentia, si vnum excipias Mediolanum, princeps Insubriæ vniuersæ: quippe quæ censetur capitibus amplius quinquaginta millibus. In hac igitur vrbe Margarita Turris Ferraria femina generis nobilitate & pietate insignis, annuos quosdam redditus, ædesque suas Societati dono dederat. Eam nos domum, quia optimo sita loco, hoc est media in vrbe, in Collegium conuerimus, propediem proximæ domus accessione latius facturi. Hoc initio duodecim è nostris fuere, in his sacerdotes septem, magistri tres, si duos qui sacerdotes sunt numeres; nam totidem sunt gymnasia, Rhetoricæ, Humanitatis & Grammaticæ. reliqui Coadiutores. Habita est oratio in summo templo, orator frequentissima concione auditus, & egregiè probatus. de optima ratione ornandæ iuuandæque ciuitatis disputatum. Postridie eius diei gymnasiorum atrium patefactum, peristromate contextum, carminibus, symbolis, emblematis ornatum gratissimum oculis spectaculum fuit, animis pabulum iucundissimum. Fuit ornatus vniuersi quadripartita distributio. Prima pars, vrbis laudes complectebatur lyrico potissimum carmi-

ne, cùm Latino, tum Græco. nam vñus omnes Horatij & Pindari odas imitatus; vnam minimum ex quolibet genere exhibuit. altera Episcopi, cui multis nominibus plurimum debemus. tercia Pauli Fossæ, Christophori Funduli, Margarite Turris, quorum præcipuum fuit studium nostræ Societatis in hac vrbe pro viribus ornandæ. nam primus bona sua omnia; secundus fundum, ex quo quingenti nummi aurei quotannis proueniunt, Societati decedens legauit. Ultima nostros primum in hac vrbe domo exceperit, in qua nunc est Collegium. Quarta tandem studiosæ iuuentutis virtutes, gymnaſia, litterarum studia laudabat. Discipuli porro veniunt ad gymnaſia (sic enim visum est vrbis moderatoribus) signo ex celeberrima, quæ in hac vrbe est turri, eaque campana, quam olim ante annos tercentum Academiis, quæ per id tempus hac in vrbe floruerunt, dicatae ferunt. Quo die magistri in suis quique classibus præfati sunt, Episcopus adesse voluit primariis viris comitatus. præfationes attentè auditæ sunt, nec caruerunt laude. Discipuli supra centum fuere, in his nobiles permulti. quod parum videri nō debet in hac vrbe, quæ magistris maximè abundat. Nec defunt qui affirmant fore aliquando in hoc Collegio grauiores etiam disciplinas, vel saltem erga nos ita animatam esse ciuitatē. Concionibus in templo habitis interfuerunt frequentissimi. In nostra pariter æde casus, quos vocant cōscientię, ab uno è nostris cœpti explicari: ad quem audiendum Parochi ad septuaginta, ex Religiosis familiis aliqui, alij præterea multi viri docti confluunt. Duplex institutum Sodalitium, nobilium virorum alterum, alterum scholasticorum: ex quo fructus uberrimi percipientur, si ex initiis facere licet coniecturam. nam solito frequentius ex Sodalitij legibus peccata expiant,

pian, cælestiique pane reficiuntur: quæ omnia cum voluptate spectantur à ciuibus, qui solutos adolescentium mores meritò dolabant. Propria Societatis munera exerceri cœpta sunt, Christianæ religionis fundamenta explicari, carceres & nosocomia, piorum virorum sodalitia, religiosarum feminarum monasteria adiri, adhortationibusque aut piis sermonibus excitari. Et quamquam multa in nos iactata sunt falsa nimirum & commentitia; tamen nullis videlicet nixa fundamentis sponte corrunt, indiesque Collegij existimatio augetur. quod apertius id quod sequitur indicabit. Duæ præcipuæ vrbis familiæ capitales inter se inimicitias exercebant, animisq; grauiter exulceratis non verbis tantum, sed vulneribus etiam fævierant. amicitiam igitur inter eos recōciliari vix posse diuin credunt omnes; suspensis expectatione animis nostrorum operâ, Deo iuuante, res eum sortita est exitum, quem omnes gratularentur. Vulneribus debilitatus iacebat adhuc in lecto is, cuius ex voluntate res pendebat vniuersa; accidentem tamen ad se inimicum amplexatus osculatur, plurimisque confirmatæ amicitiæ signis se placatum omnino ostendit. Hoc verò, quia res coram Episcopo virisque nobilibus plurimis acta est, multorum benevolentiam nobis cōciliauit, opinionemque Ordinis nostri auxit. Nobilis alius vir alteri cuidam, à quo fuerat vulneratus, ita erat infensus, ut nihil aliud quàm vltionem cogitaret. obstinatum tamen eius animum molliuit Pater unus è nostris: cuius etiam suasu pœnitentia sordes animi cum eluisset, se nobis hoc nomine plurimum debere proficetur. Alius quidam venenum necandis quibusdam parauerat; quod sacerdos è nostris odratus hominem à tanto scelere deterruit. Alij qui sese impiis cædibus, aliisve criminibus contami-  
nauerant,

nauerant, nostrorum operâ, non modò scelus de-testati sunt, sed etiam pietatem peculiari studio• colere instituerunt.

### *Domus Probationis Aronensis.*

MILLESMVS hic annus & sexcentesimus verè insignis accidit cœtu nostro Aronensi. Primum quidem propter inauditum ante hoc tempus nouitiorum sociorumque incrementum: etenim quinque & quadraginta numerantur, sacerdotes nouem, vñus in primo tirocinio versatur, quatuor verò tertio probantur anno; Fratres Coadiutores tredecim, horum quinque tirones sunt; nouitij dé-mum scholastici ætate atque ingenio florentes reliquum expletum numerum. Auctus verò adēd est numerus nouitiorum, & quia plures admissi sunt in nostram Societatem, & quia qui duobus erant locis diuisi nouitij vnam in domum conuenere. quare varij variè affecti, qui miseri siebant, dolore; qui maiori numero, cumulabantur latitia. Ex hoc cœtu nostrorum in Beatorum cœtum euolauit Bartholomeus Mantica Coadiutor, cuius & in Dciparam Virginem, & in Societatem magna semper fuit obseruantia; extremo verò vitæ articulo, adeò præter morem enituit, vt meritus sit animi sui excessum è corpore præsentire, atque ad Virginis colloquium adduci, & suauissimum exaudire beatarum mentium concentum, quantum coniectura assiqui posse videmur. nam bis terner, iis qui aderant eo die, qui fuit illi postremus, inscio planè medico, pronunciauit se nocte sequenti obitum, recenti licet affectus morbo à diebus non amplius quatuor. Quare sub noctem primùm quæsiuit à P. Rectori, vt faceret sibi potestatem duobus corporis sui custodibus duo munera partiendi; alteri quidem

quidem sacrarum reliquiarum carissimum pignus, alteri verò B. Virginis rosarium. deinde petuit dari sibi sanctissimæ Eucharistiae viaticum , oleique sacramunctionem : tum post multam noctem cum videretur efflare animam, voluit socius, qui moribundo aderat, accersere sacerdotem . vetuit ille, cum diceret opportunum tempus nondum aduenisse. paulo post verò iussit accersiri , quod tunc certa immineret mors . adhæc suggerebat Frater pias meditationes ; audiuit ille aliquamdiu perlubenter , tum Sat est, inquit, sat est, Frater: statimque clausis oculis hæsit diu quasi somno suaui consopitus. mox repente expergefactus hilari vultu, blandis luminibus , manibus , totiusque corporis gestu plaudens , in hunc erupit sermonem : Hem quale beneficium, Virgo sanctissima , hem quantum beneficium mori in Societate, & mori in hac domo Societatis ! Demum interiecto iterum quietis spatio conuertitur placido ac sereno vultu ad Fratrem corporis sui custodem , sic percunctatus, Excipisne tuis auribus, Frater, inquit, suauem concentum ? atque hæc fuere postrema verba . tum compressis ad pectus manibus , non multo post suauissime excessit è vita. Tironibus nostris aliud accedit mirum ac planè diuinum. Consuevere nouitij quotannis Christianæ humilitatis exercendæ caussa, operam suam atque industriam in vindemia collocare; post diurnum laborem , cum accederent omnes ad cymbam magna vuarum copia onustam, tentant, an ob pondus cymba transuehi possint. videtur periculosa nauigatio ; quare statuunt tutius esse alios cymba , alios pedibus iter facere. Dum hæc deliberant, stabat in altera cymba nostræ proxima vñus in littus descensurus: is ad alios conuersus, ut itineris sui comites exciperet, repente in aquas agitur præcepit. hærent, quid faciant

ciant socij cogitatione vix explicant, tum subito casu planè perculti, tum desperata fermè re. proslit in medium unus nandi peritus, atque in Fratris magis quam in sui commiseratiōni diuino inflammatus amore, iisdem prorsus vestibus, quibus induebatur, implicitus sese ad Fratrem demisit. Ille verò qui diutius iam spiritum continere non poterat, statim atque socij sensit auxilium, apertis brachiis eum medium comprehendit, atque ad se propè demersum traxit; sed hic tantum perfecit nando, ut mersum extulerit, donec è cymba demissis manibus potuerit comprehendti. Tantum apud Deum parentem optimum fratris in fratrem charitas valuit.

## PROVINCIA VENETA.

**N**UMERAT prouincia Veneta domiciliis quindecim, socios trecentos & sexaginta. Degunt in domo Professa Veneta triginta nouem, in Collegio Patauino duo & quinquaginta, in Brixieni trigintatres, in Bononiensi nouem & viginti, in Parmensi triginta octo, in Veronensi tres & viginti, in Mantua-  
no viginti uno demto, totidem in Ferrariensi, in domo Probationis Nouellariensi quadraginta se-  
ptem, in Placentino Collegio vigintiquatuor, in Mutinensi ac Foroliuiensi quindecim. tres aluit Fo-  
rocornelienis Residentia, Vicentina quatuor, Cre-  
tensis duos. è vita migrarunt decem; in Societa-  
tem adscripti septemdecim.

Domus

*Domus Professa Veneta.*

IN doctrina Christiana docenda diligentem operam enauarunt nostri. Labori par fructus extitit. nobiles enim matronæ quain plurimæ vltro sese tam pio muneri exequēdo alacriter obtulere. idem quoque docendi mos finitimis in locis receptus vberrimos pietatis fructus peperit ac parit. Populus ad audiendas conciones ita frequens confluxit, vt necesse fuerit effringere tēpli lacunaria ad viam halitui multititudinis faciendam. Æs quod in pauperum eleēmosynas corrogatum est, aureorum mille supra quingentos summam explet. Pax inter familias, quæ domesticis seditionibus laborabant, constituta; virginum pudor ex insidiis flagitorum vindicatus. Eorum qui se generali confessione expiarunt, plusquam centena capita censentur. Cæterūm hoc anno extiacti tres P. Flaminius Beringuuius Scenensis, Professus. hic multos annos summa cum laude concionandi munus exegerat: P. Ioan. Baptista Grittius, vir è Veneto nobilitatis flore: P. Ioannes Antonius Beneduccius, cuius opera diu emolumento fuit.

*Collegium Patauinum.*

ANGELI Corrarij Veneti Patricij mors, quām sint inanes mortalium cogitationes, liquidò demonstrauit; vnā siquidem cum illo spes plurimorum tumulatæ. Hic è Philosophiaæ carceribus vix exierat, cùm vitæ curriculum absoluit. Eximus planè vir, &c ad magna natus, qui etsi paucos annos in Societate vixerat, tamē eousque progressus erat in animo virtutibus excolendo, vt multos longo post se reliqueret intervallo. Insignis eius enituit alacritas

alacritas in morbo fetendo. Modestia verò animi que demissio tanta, ut qui domi suè in deliciis enutritus erat, in Societate vilissima quæque ministeria obire minimè recusaret. Sodalitia B. Virginis ita florent, ut tribus anni superioris addendum omnino fuerit quartum. Aliud item inchoatum felicibus auspiciis, quod externarum nationum iuuenes Angli, Belgæ, Germani frequentant. Ex horum numero quidam cum à nostrorum consuetudine non parum abhorret, ubi spiritualibus exercitiis imbutus est, adeò profecit, ut iam sacerdotij dignitate insignitus in Angliam cogitet, ibique si opus sit, pro fide usque ad extremum spiritum decertare decreuerit. Religiosæ familiæ deserteror confessarij monitis induxit in animum, ut pœnis vel grauissimis propositis ad signa reuertatur. Peregrinationem susceperebat unus è nostris ad Virginem Lauretanam. Occurrat in via puer Germanus elapsus è manibus hæreticorum. Interrogatus quoniam iret, Romam, respondit. cum varij ultro citroque sermones haberentur, ingenuè fasius est puer, reiecta se Cappucinorum familia, ad quam animum applicauerat, aliam ingredi statuisse laxioris, imo collapsæ disciplinæ, quod sibi latior ad contumelias pateret campus. Persuasum illi, ut abiecto posteriori consilio priori adhæreat. Idem sacerdos in aliud incidit natu grandiore, qui religionis votum emiserat. Is Romam pergebat, ut voti relaxatione à Pôtifice maximo impetrata, religioni nomine daret. scilicet vir simplex obsequium suum Deo longè gratius fore existimabat, si nullo vinculo astringeretur. Edoctus à nostro rei veritatem consilium mutauit.

*Collegium Brixianum.*

**F**VNESTVS hic annus fuit. erexit tres, Cæsar Capellus. is Grammaticæ præceptis rudiores informabat: Marcus Antonius Ripa, qui tum Philosophiæ operam nauabat, eximiæ indolis adolescēs, cuius ingenium si suam assequi maturitatē potuisset, quas, Deus bone! doctrinārū fruges attulisset? Martinus Brocchius adiutor veteranus. cetera felicitate euenerit. Dæthonem quidam orabat, vt se in molestiis, quas ab eo patiebatut, liberaret. vix preces inchoarat, cūn dolor omniis hominem illico deserebat; absoluta precatione, nihilo melius habebat, quam antè. edoctus à nostris, vt ab huiusmodi precationibus in posterum abstineret; salubri consilio malum pepulit. Alter, uno è nostris in familiari sermone de rebus diuinis dissidente, hæresim quam diti celarat, non modò detexit, verum etiam pàlām detestatus est, prolata in medium ingenti librorum copia, in quibus venenum latebat. Gymnasia frequentantur. veteri Sodalitio additum nouum. Societatem exoptant nouem, alij ad alias Religiosorum familias transmissi.

*Collegium Bononiense.*

**A**Re scholaistica initium sumamus: hæc adeò prosperè succedit, vt vix de feliciori euentu sperandum sit. gymnasia plena iuuueni è prima nobilitate: progressus eorum in litteris auget quotidie bonam, quam ciues de nobis imbiberunt opinionem. porrò ita nobilitatis habetur ratio, vt ingenium minimè negligatur; semperque, vt par est, morum honestati primæ concedantur. Ex quo fit, vt oblatrantibus plerisque obstruantur ora, iamq;

non nemini sit persuasum optimo cuique , atque ingeniosissimo adolescenti ad scholas nostras accessum vel maximè patere. Erectum nuper ad ædes nostras nobilium , quos vocant conuictores, Collegium: in caussa est, vt discipulorum numerus & maior sit,& fructus vberior. In maiore gymnasio quæstiones morales explicatæ in usitata auditorum frequentia. Quatuor in Societatem adscripti,vnus Iuris utriusque peritus,reliqui tres egregiæ indolis ac spei adolescentes. Ex his qui natu minimus,cùm summopere vereretur , ne patruus insigni vir auctoritate consilia sua retardaret , saluti suæ antelucana fuga consuluit. Antemeridianæ conciones, lectionesque pomeridianæ singulis diebus festis in templo nostro habitæ in multitudine frequentissima. Inter optimates constituta pax ,quorum odia radices adeò firmas egerant , vt obnitente vel ipso nobilitatis flore,antea extirpari uō possent. Totius vitæ maculas abstergere quam plurimi .feminæ aliquot ad honestiorem vitam conuersæ . Minister hæreticus ciurato scelere anathematis catena, qua strictè ligabatur,solutus,est,facta nobis ab Inquisitore potestate. Matrimonium,quod coniugum affinitas irritum fecerat , ratum vt esset , nostrorum operâ effectum.Sacrarum virginum cœnobium ad communem viuendi normam redactū. Profectus in urbem vicinam sacerdos ad præsidarios milites immanissimum peccati hostem , qui iam multorum animas inuaserat,noxarum expiatione profligauit , nec non plurimos in fide nutantes accommodata oratione confirmauit . Ut multa paucis complectar, ciuitas amat nos ac veneratur. Inter eos qui Societati maximè fluent,principem locum iure sibi vindicat Archiepiscopus ac Prolegatus: quorum vterque nostrorum operâ grauissimis in rebus vtitur: hic etiam vnum sibi è nostris ab aure de legit.

delegit. Quod ad sacram supellectilem attinet, au-  
cta hoc anno candelabris duobus ex argento pu-  
rissimo affabré factis, aureorum circiter centum &  
quinquaginta.

## Collegium Parmense.

**T**HEOLOGIÆ ac Philosophiæ gymnasium, quod  
anno superiore vertente institutum est, latis  
successibus adeò floruit, vt siue numerum spectes,  
siue modestiam auditorum, nihil in eis desiderari  
posse videretur; quamquam adiunctæ Doctorum  
secularium scholæ, nostrarum quietem nonnihil  
interturbarunt: ex quo apparet, si suum docendi  
morem liberè sequi Societas possit, quantum in eo  
momenti sit ac virium ad iuuenū licentiam coér-  
cendam. Initio studiorum, habita est à Theologo  
nostro perquām elegans oratio magna Ducis ac  
nobilium approbatione. Quidam ex nostris ad  
ipsos viginti dies è febricula iacebat in lecto, neq;  
spes erat valetudinis ita citè recuperandæ; cum &  
febris in autumnum incidisset, & iam hiems in-  
grueret pellendo morbo parum opportuna. Ægrotus  
nocte quadam Collegij Rectorem accersiri iu-  
bet, B.P. Ignatij syngrapham etiam atque etiam ef-  
flagitat. assertur à Patre, qui ubi paululum in cuius  
orasset cubiculo, sacram supra decumbentis pectus  
pagellam relinquit. Mirum dictu. vix Pater abie-  
rat, cum æger sudore totus perfunditur, quo abs-  
terso somnum quietissimè capit; inde expergefati-  
tus omnino se febri hæud citra miraculum libera-  
tum videt. Eiusdem subscriptionis attractus febrim  
pepulit è venis matronæ decumbentis, vt incolu-  
mis è lectulo repente surrexerit. In publicum no-  
socomium itum est, operaqué nostra consolantis  
ac iuuandiæ ægrotis, utiliter collocata: ex quo fa-

Etum est, ut externi nostrorum exemplo prouocati pietatis officia minimè intermittant.

### *Collegium Veronense.*

**C**O<sup>L</sup>LEGIV<sup>M</sup> funere non caruit; Bonauenturæ Bergomo nouitio parentandum fuit magnarum virtutum adolescenti. Is in patriam missus ad curandum morbum, paucis post diebus lenta tabe consumtus est. Admirationi fuit in primis eximia iuuenis in morbo tolerando constantia, ut cæteras virtutes raseam, quæ tot in illo extiterunt tantæque, ut iis vel ipsimet veterani facilè possent inuidere. Decentiani (opidum est ad Benaci lacum) unus è nostris per Quadragesimam concionatus auditus est perlubenter, & cum opidanorum utilitate Mons inibi pietatis erectus ad usuras euellen-das. detectæ fraudes, ac sublatæ quæ familiares esse solent in emporiis ac nundinis celebrandis. Per idem tempus præter concionem, quæ quotidie in nostro templo habebatur, ter in hebdomada sanctissimum Christi corpus expositum cum symphonia & apparatu. Interim selecta quædam rerum diuinarum capita populo piè proposita ad meditandum. Restincta inter viros nobiles simultatum incendia, quæ ni maturè obuiam itum esset, vniuersam ciuitatem depopulatura videbantur. Persuasum verule ut viueret, quæ se in profluentem Athensem præcipitem dederat. femina quæ caput suum dæmoni deuouerat, ad saniora consilia traducta. Adultera multorum annoram, meretrices quæ plurimæ ad pudicitiae portum appulere. mulier ex pellice amatoris vxor effecta. Integræ familiæ in virtutis semitam, à qual longè aberrabant, reductæ

*Collegium Mantuanum.*

QVAE de nostrorum industria in nosocomiis & custodiis inuisendis, audiendis confitentibus, pueris doctrina sacra informandis commemorari possent, ea quoniam millies narrata, ad effugientiam satietatem reticentur. Episcopus de Societate nostra bene merendi nullum locum prætermittit. Principum eandem erga nos ac ante benignitatem experimur. In templo conciones habitæ frēquētissimo populo. Distulerat quidā confessionem ad multos annos, ea peracta paulo post ab inimicis trucidatus est. Alter priusquam migraret ē vita, concubinam abegit. Mater & filius in concordiam reuocati. odia inter optimates compressa. Matronę nobilis paupertati ac pudicitiae eodem tēpore consultū. Ex iis qui Societatis commentationibus exculti, duo in Cappucinorum Ordinem adlecti. Hebræus sacra catechesi instructus, qui ex Germania aduenerat, vt salutaribus vndis ablueretur. inflammatuſ alter ad suscipiendum baptismum, cuius flagrans erga Christianam religionem amor nonnihil deferbuerat. Aufugerat ex Bohemia Minister hæreticus ea mente, vt mortiferū nequitiaſ suæ virus euomeret. Ceterū metus hominem retardabat, quo minus ea quæ diu in animo habebat perficeret; timebat namque, ne, si se proderet, in carcerem truderetur, ibiꝝ vitam concluderet. Resciuit rem vnuſ ē nostris, litteras ad eum dat humanitatis ac benevolentiae plenissimas, bono animo esse iubet, nihil imminere periculi, modò hæresim verè detestetur. Nulla re tam piis votis fese defuturum pollicetur; quin etiam, si secum Romam ire velit, itineris comitem libenter habiturum. Rescribit hæreticus tantam sc̄ Patris humauitatem satis mi-

rari non posse, perbellè secum actum iri, si huiusmodi ducem atque itineris comitem nanciscatur. Romam igitur vna profectus obtulit se Minister Pontifici; à quo per blandè comiterque suscepimus est. quod ad scholas attinet, erecta Partheniorum Académia.

### *Domus Probationis Nouellariae.*

TIRONES de more nauiter excoluntur: ex vnius virtute de reliquis coniectura capietur. Is priusquam Societatem intraret, vt in virtutis curriculo expeditior esset ad currendum, graui sese bonorum suorum sarcina exonerarat. Propinqui, quibus omnia donarat, iuuenem adire in tirocinio versante, vt donationem ratam esse iubeat hortari, atque obsecrare, ex eo identidem molesti homines atque importuni percunctari quid cogitet? vtrum sua sibi restituи cupiat, nec ne ad eam rem nihil utilius fore, quam si domum reuertatur. Enim uero respondebat adolescēs, Oculos effodi mihi libentius patiar, pelleмque detrahi, quam hinc vel pedem efferre. facessat procul insana diuinarum libido. Evidem si mihi detur optio, modò diuino numini nulla fiat iniuria, malim in Auernum detrudi, quam Christo cui nuper frontem ostēdi, terga vertere. Infractum animi robur propinquis admirationi iuxta fuit ac pudori. Magnus ex hoc opido, finitimiisque locis ad nos concursus factus. Plerique vitæ sordes cluerunt. Sacerdos è nobis in opido vicino, quod se Principis euocatu cōtulerat, insigni cum opidanorum fructu versabatur. Venit ad eum vespere nobilis quidam adolescentis, consilia sua cum Patre communicat. Peracta re, quam tractabat, secunda ferè noctis hora dimittitur. Non ita multo post sentit Pater impetu quodam se ad orandum ante cubicularē

cularem sanctissimæ Dei Matris imaginem pro iuuenie illo, totoque opido concitari. Procumbit in genua, preces producit ad horam. vix absolverat, ecce tibi defertur ad Principem, adolescentem cum duobus famulis domum redeuntem à septem armatis hominibus ex improuiso circumuentum, atque eductis gladiis utrumque fortiter dimicatum; nonnullos etiam ex iis, qui hominem adorti fuerant, vulneratos. à nemine dubitatum est, quin sacerdotis precibus è summo vitæ discrimine intactus euaserit. Eadem quippe hora, qua noster orabat, secuta rixa est. porro crepidatus erat adolescentis, & præter pugioneum & ensim, nihil secum tulerat armorum, cum interim aduersarij & loriciati venissent, & ad conserendas manus bene parati. Premebatur domus hoc anno mirum in modum rei familiaris inopia, nec ultra tres quatuorve menses, quo se aleret habebat. Experti sumus miram erga nos Dei Opt. Max. liberalitatem: siquidem quantum ad totius anni sumptus satis erat, tantumdem nobis domestici coimeatus erogatum est.

### *Collegium Placentinum.*

INSTITUTA superiori anno quadraginta horarum sub cineralia supplicatio, magna nunc populi frequentia celebrata est. Illustrissimus huiusc ciuitatis Episcopus sacerdotem è nostris munus obire voluit quæstiones morales statutis diebus urbanis Parochis explicandi. Optimus idemque religionis nostræ amantissimus arcis Placentinæ Præfectus aureorum amplius bis mille in Collegij nostri exædificationem liberaliter erogauit. Grauisimilis ac difficillima nonum iam usq; ad annum producta, pari dissidentium consensu atque approbatione direpta est. Auditæ diligenter nostro-

rum conciones haud paucis nouam vitæ rationem  
ineundi ansam præbuere.

### *Collegium Mutinense.*

BEATI P. Ignatij preces quām Deo sint caræ,  
expertæ feminæ quinque sorores per annos ali-  
quot à dæmone crudeliter vexatæ: qui cùm exor-  
cismis frequenter adiuratus, abiturum se pertina-  
citer negaret; vbi ad sanctissimi Patris reliquias  
ventum est, immaniter furere, stridorem ingentem  
emittere, inuitum ciici sō diris clamoribus vocife-  
rari. neque tum sanè mentitus est mendacij faber.  
adnota crebrò eiusdem imagine victus fugam ar-  
ripuit. Huius miraculi fidem, ne qua dubitatio ori-  
ri posset, Episcopus luculento testimonio litteris-  
que patentibus confirmavit. Non minus admirationis  
attulit ac lætitia, quod dicam. matrona gra-  
uia atque illustris filiolam grauiter ægrotantem  
lugebat: conclamatum iam erat à medicis dē puel-  
la, parumque aberat, quin animam efflaret. In tanta  
reruī huinanarū desperatione ad opem diuinam  
accurritur tempestiuē. Vouet mater, si filia valetu-  
dinem impetrat, puellam se ex argento effectam ad  
sacrū Beati Patris corpus missuram. Haud irritum  
cessit votū. eadē ipsa die quā vouerat, sole ad occa-  
sum vergēte, febris q̄stus magna ex parte deferbuit;  
postera luce tota vis morbi medicis obstupescenti-  
bus euanuit. A rebus sacris ad non sacra veniamus.  
Amœno prædiolo Collegium auctū est, ac percom-  
modo, quod nobilis femina, de nobis dum viueret  
egregiè merita, Societati moriēstestamēto legauit.  
Bonæ spei adolescens in nostrum Ordinē adlectus.

### *Collegium Foroliuense.*

IN magna annonæ caritate, qua ciuitas vniuersa  
laborauit, vbi fame corpora afflictabantur, nouo  
atque

atque insigni planè beneficio diuina bonitas piorum animos recreauit. Donauerat olim Serenissima Dorothea Ducis Brunsuic coniux Collegio nostro imagunculam quandam beatissimæ Virginis ligno insculptam, haud cubito altiore: quam propter vetustatem ( sexcentos enim annos viderat ) ac patrata miracula, eximio cultu ciues ac veneratione prosequebantur. ac nequid muneri quod addi posset decesse videretur, reliquias Sanctorum, neque paucas, neque communes clargita fuerat munificentissima femina. Hanc ergo statuam dum Collegij Rector in ædis nostræ commodiori loco reponendam curat, apparet in parte nescio qua luminibus inuia, ferri lamina quadrata foramen exiguum obstruens à neinre ante deprehensi. Hanc ubi secretorem caueruulam Patres diligentius explorant, reliquias inde varias atque insignes extrahunt. Inter pretiosa quæque dextera manica beatissimæ Virginis inuenta est, non integra illa quidem, sed mutilata. eius tamen magnitudinis quam palmus unus vix quaquaversum dimetriatur. Dici non potest quanta nos lætitia thesaurus ille, quo nullus maior in terris reperiri potest, afficerit. Episcopus certè, qua singulari erga Deum pietate preditus est, ad sacratissimæ manicæ conspectum à lacrymis se se temperare non potuit, fusisque precibus nihil omnino dubitandum ratus; ut ea res omnibus innotesceret, æris campani signo id quod erat multitudinem edocuit, aduocatisque testibus rem totam auctoritate sua, ac fide publica confirmauit. Populi finitimus è locis ad ædes nostras concursus, supra quam credi potest, ingens fuit. Porro statuta die reliquæ inuentæ una cum statua sicuti multitudini palam expositæ ad contemplandum, quin per totam ciuitatem circumductæ solenni pompa.

magnificentissimoque ap paratu, qualem ciuitas hæc antea non vidit. Etsanè cùm alias pietatem ac munificetiam suam Foroliuienses ostenderint, hoc vel potissimum tempore liberalis animi, atque in beatam Virginem gratissimi indicia præ se tulerūt. Innumera propemodum sunt, quæ tum diuinitus contigere miracula, sed ea commemorare longum esset, imò infinitum. Seligam tamen vnum è multis, quod silentio minimè prætereundum est. Scelestus nescio quis Auerni fex tartarique sentina, diris reginam cæli blasphemiiis impetrere non dubitauit: pœnas dedit quāuis flagitio minores, superis atque inferis iuxta abominandum caput. contracti sunt illicè nerui, læuumq; latus veluti emortuum iacuit sine motu, quin impura illa contumeliarum pronunciatrix lingua vinculis quasi quibusdam alligata est, vt nullum inde verbum efforinare posset: agnouit facinus nequam ille, palamque scriptione publica detestatus est. At serò sapuit: nō enim Deipara pœnas auertit, quas iustè inflixerat. vt sic vel uno exemplo humana discat amētia nullū detestabilius sacrilegiū excogitari posse, quām Diuos probris afficere. Hæc diuinā iustitiam prodigia declararunt; quę verò clementiam, singula libenti animo persequeremur, sed annales, nō historiā scribimus.

### *Montanianensis missio.*

MONTANIANA opidum est amplum satis ac per celebre in agro Patauino. Huc ieunij solennis tempore perrexit concionator è nostris, quidque sacrum inter ac profanum oratorem intersit, egregiè declarauit. Eas quippe opidanorum pectoribus, quorum aures plus æquo verborum lenociniis assueuerant, admouit orationis faces, vt pietatis incendio plerique deflagrarent. Octo, qui plures

plures annos in pellicatu vixerant, resipuere. Amiculas itaque alij domo abegere, quidam in tuto reposuere, non nullis etiam visum est pellicatus turpitudinem cum honestate matrimonij commutare. Ex his obstinatior vnum, utpote qui per septen-nium in hoc cœno iacuerat, et si de corrigendis moribus nihil cogitabat, conciones tamen fre-quenter audiebat. Ceterum cum impudicos homi-nes Christianus orator acerrimis obiurgationum flagellis identidem diuerberaret; homo impotens ferre non potuit. eò usque exarsit iracundia, ut conuitiis minas adiungeret, palamque dictitaret, facilius se loquenti diabolo, quam impudentis Iesu-itæ (sic illum nominabat) admonitionibus ob-temperaturum. Non longè res abiit. Quadam die concioni cum interesset (erat hæc B. Virginis an-nunciatæ sacra) emollita diuinitus irati hominis ferocia est. Absoluta concione statim aduolat ad sacerdotem, ibi ad eius genua supplex accidere, ubertimque flens contumeliarum veniam depræ-cati, non ullum mendacij atque amentiæ suæ te-stem, quam seipsum apud multitudinem forè polli-cri. quid plura? ducenūm bis nuinnūm dote ero-gata honesto viro amasiam iūgit in matrimonium ingenti opidanorum lætitia & fructu. Mulier, quæ cum marito diuortium fecerat, eidem reconciliata. Meretriculæ duæ à fœdo corporis questu abductæ. Pecunia per vim ac fraudem extorta dominis resti-tuta. Superstitiones ac præstigiarum consuetudo abolita. Adolescentes duo ad Cappucinos animum constanter adiecerunt, totidem de nobis cogitant.

### *Clarenſis missio.*

Exigvi temporis labor in Clarenſi missione susce-pitus fructum attulit minimè contemnendū. Ibi sacerdos per mensem plus minus cū dimidio com-moratus

ipſe audiſſimè excepit Proter, & nobis poſtea be-neuolè ſignificauit; vir quippe Societatis iam pri-dem amantissimus.

### Olyſiponensis Professorum domus.

A V C T A res familiariſ: ſociorum numerus im-minutus. Occidit Frater Andreas Gomezius do-mesticorum operum adiutor, in Portuensi diœceti ortus, Sociorū inter Lusitanos antiquiſſimus: ad annos octoginta aut etiam plures ætate decurſa hebeſcentibus ad laboris munia corporis viribus, vigebat in eo tamen mitifica noſtri Ordinis chari-tas, qua præcipua ſemper excelluit. Nam annos tri-ginta oſtiatim ſtipem corrogauit; alendo olim Collegio Portuensi, poſtea Professorē domui Olyſi-pone, admirabili vitæ innocentia & probata tol-e-rantia. A viro ſemel bene nobili & nummato eleē-moſynam petiit obnixè. Illudit im-probus primū impudenter ſupplicem; nec iocis riſuque conuen-tus, rōganti acerbē conuiciatur. conuiciatorem Andreas quaſi rosas gemmasque loquentein vbi patienter audiit, humi defixum obtutum hilari-ter attollens, Me mea (inquit) domine gratiſſima iam muneraſti eleēmoſyna, ſuam quæſo modò Patri-bus impertire. Mirum quantum aniſi ſubmiſſio tumefcentem animum tranquillauerit. mox petu-lantiæ ſe damnans munifica manu poſtulantis ani-mo obſecundat. Interiit item Pater Ioannes Lu-ce-na ex Francozenſi opido diœcesis Ægiditanensis, quatuor votorum professorus, quinquagesimum pri-mum ætatis annum vix egressus. Philosophiam Eboræ magna cum laude docuit. Reliquum vitæ tempus in euulgando Dei verbo gnauiter & utili-ter conuulſit; Christianæ vir eloquentiæ: in ma-gnoſ concionatores inciderat eius ætas; magnam tamen

tamen ingenij non laudem modò, sed etiam admirationem est assecutus. virtutis erat eximiæ, & propter virtutem & sapientiam splendidus in primis apud regni proceres & graciosus. Auditorum animos tanta detinebat suavitate, ut illi semel Conimbricæ apud regiam Academiam concionantij, & iam diceudi finem facienti ab vniuerso consensu publicè acclamatum sit, ut ulterius progrederetur. Porro quantam ad scelera vitanda eius oratio animis viii imprimeret, vel hoc clarebit exemplo. Concionem ad extirpanda odia simultatesque instituit, grauissimis verborum ac sententiæ faculis rem vrget. aderant quatuor viri non ignobiles intestinis inimiciis dissidentes: nec mora, ipso perorante ultro in gratiam redeunt. Et verò non solum viuæ ipsius voci, sed scriptæ etiam vim mirabilem inesse probauit euentus. Soluerat classis regia è portu Olyssiponensi. vehebantur simul duo tam generis claritate, quam hostili odio decertantes. contigit illorum alterum aures admouere militi lexitanti. hanc eandem de condonandis offensionibus, quam à Patre Lucena interdicendum excepterat, concionem percellitur sensim animo adolescentis, mox de amicitia redintegranda cogitat, legenti mentem aperit ac flagitat, ut coram aduersario eandem recitet concionem ad molliendum hostem. obtemperat ille læto animo: occasionem nauctus alteri dissentienti eadem in aures verba ingredit, mox in pectus visceraque insinuat. è vestigio vocato repente qui aberat, uterque orationis vel militis ore pronunciatæ stimulis confixus discordarū veniam pōscūt, in mutuos ruunt amplexus, officiis inter se deinceps beneficiisque certant. Manus extrema non accessit operibus eius; præclarè inchoata multa, perfecta non planè. Xauerij vitam Lusitano idiomate in lucem mox edendam sub

prælo

prælo reliquit. Templo dicata dona ad mille aureos pretio æstimantur; singula sacella singulis ornata cratibus includuntur. è pretiosa materia factum opus, vel in ea vrbis magnificentia conspiciendum. Sanctuaria duo apud nos Diuorum reliquiis asseruandis ornata magnificè, multorum donis celebrantur. maximo tamen honori & venerationi præcipue sunt beatæ Brigittæ, & D. Gregorij Thaumaturgi capita: plurimo etiam miraculo venerabundis propitijs esse existimantur. Illud pro comperto habeatur; per nobilia pariter & ignota capita latè euagante pestilentia repertum neminem, qui Thaumaturgi capitis mensura suo circumdata, absumeretur contagione. In publica verò calamitate suum nostri studium sic strenuè per omnia exhibuerunt, quasi demerendi beneficiis tam potentem, tam benevolam ciuitatem, numquam parem occasionem sibi futuram arbitrarentur. Fœda quidam morbi contagione percussus, rerum omnium egestate oppressus in grabatulo iacebat, cui mala res domi, foris quoque spes erat asperior: ab omnibus verò destitutum, ea quoque Religiosorum familia, quæ felicem quandam & incolumem modis omnibus coluisset, ita magnopere vitabat, quasi pertinuerent singuli, ut quisque proximus ab oppresso foret, per omnes illico, velut continens incendium cōtagione euasurum. Hunc igitur nostri alacres in suam fidem tutelamque recipiunt: eius re familiari scitè composita, sacris omnibus munitum, post quatuor vel quinque horas animam efflantem adiuuerunt. Quod vñ factum nobis multam gratiam cum optima exissimatione attulit. Non solum miseri, sed potentes nostrorum implorant opem. Mortifera perculit lues nobilissimæ stirpis feminam. præstò est à confessionibus alibi laicus sacerdos, nec desiderantur consulendi viri.

illa ceteros respuit, è nostris vnum iubet oratque acciri stratis equis : post expiata crimina moribundam ad extremum spiritum non deserit socius, eo illustriori charitatis exemplo, quo malæ pestis timor religiosos viros ab hoc ministerio erga feminam de se optimè meritam magis arcebat. Porro excusione in opida Translagana factæ. Missi bini Cetobricam ; pares nobili opido fructus domum relati. Bini quoque Villam viçosam iuere postulante Catherina Printipe: non impares ibi laboribus fructus socij adepti. Crebræ item in plurimis vrbis parochiis nostrorum conciones, ea cum laude habentur, ut multo ante expectentur. Ac ut generatim semel omnia complectamur, multis vtriusque sexus atque ordinis auxilio, consilio, solatioq; fuere nostri; multos à ludendo, furando, lædendo, scortando, litigando, cædendo, vindicando que reuocarunt. Singula referre haud licet. Multa aureorum millia, vel remissa debitoribus, vel data egenis. Illud factu præclarum, quod sic accidit. Oratum iam diu erat incendium simultatum & factiorum inter nobilissimi Ordinis religiosos homines. ad Proregis Pontificiique Legati tribunal delata re è nostris vnum vterque præses acciri iubent, cui id negotij peragendum darent. Noster monasterium adit, familiarem ad cœnobitas concionabundus sermonem instituit. diuina ope factum, ut cum omnes eorum iras ex intimis mentibus euelliſſet vis orationis, in lacrymas lætitiae mistas, mutuoſque amplexus effunderentur. Hodieque nostra familiarissime amicitia vñ partam de se Ordini nostro gloriañ, suo pacem, sibi salutem gratulantur. Hæresum prauitate infecti quatuordecim externi ex uno cum sacerdote nostro congressu ad orthodoxorum fidem animum appulere, Catholico omnes ritu instituti. Angli tres hæreticorum inducti corum

corum templaque adierant sacra, & haereticos buccinatores audituri iuuenum mentes magna subinde facti pœnitentia subiit, & apud unum e nostris per generalem confessionem ea religione animos aliquique flagitiis expiarunt. Per mirum illud: Italus adolescens non amplius sexdecim natus annis Algerium, Lybiae urbem, à Mauris captiuus ducitur: ibi ut à Christi fide ad Turcarum superstitiones deficiat, precibus, metu, spe validè solicitatur. tandem more modoque Turcarum circumcidit se passus est; integrum ipsos ac perpetuos decem annos Turcam gessit. Interea nocte concubia, visa in somnis species matronæ maioris quam pro humano habitu, augustiorisque, Deiparae nimis uirginis pœnitentiam facti, fugamque in patriam suadentis. Obuersata oculis iterum ac saepius beata Virgo timiditatem ac desidiam hominis leniter incusans; in quæ consilium dederat, in eadem insuper & fidele auxilium, & propitiam operam ore placidissimo pollicetur. Dum perstat nihilominus in cæpto immritis animus, nauali tandem prælio à Lusitanis receptus, cum reliquis captis bello Mauris, Turca & ipse existimatus, tristi remigum ministerio à Christianis addictus: vigintiquinque annos in eo miser squalore & intolerabili vita genere obsordescebat. Perfidiæ interim abiecta que religionis cum indoleret impendio, optabat in primis ementitam per sacrilegium religionē propalam diffiteri: haerentē ergo fluctuantemque animi alloqui rursus visa per quietē magna Mater, multa in eius segnitem subdure increpitans. Paucis post diebus terram cum peteret, ex scapha in littus cum permista multitudine profiliens, duos animaduertit se in unicem incessantes hostiliter saxis; ausus se temere inter saxa volitantia inferre, ex transuerso impacto ad caput saxo iactus cecidit moribundus. Nostrum

vocari iubet, cum eo agrè primò ac verecundè loqui : socium deinde ( id quoque iubente Christi-para) ortu Italum agnouit ; tum verò vix compote præ gaudio, animo, lacrymabundus, amoto prorsus inani pudoris ludibrio fidentius agere, totum se nostro credere, nihil non patefacere. inde per aliquot dies animo meditationibus præparato totius quam longa erat vitæ scelera apud nostrum sacerdotem deponit, sibiique ipse certam ad moriendum diem horamque præfigit. nec vanus yates.

### *Collegium Olyßiponense.*

SUPERIORI anno , publico malo cogente , intermissæ scholæ, eo abeunte restitutæ. Verùm instituendis scholarum legibus dissuetudine obsoleta nouus deinde exsudatus labor, haud sine fructu. etenim humanis rebus hoc anno valere iussis , varias Religiosorum familias quinquaginta, & nostram de iuuenium flore decem ingrediuntur. Ad alios quoque nostrorum manauit pietas , tum ad puellas parentibus orbas , & quarum pudicitia periclitabatur, honestè collocandas ; tum ad misero-rum hominum paupertatem subleuanda , quos grauitas ac pudor ab emendicanda stipe retardabat, nostri sacerdotes à primariis viris quingentos fermè aureos collegerunt. Frugiferum satis prædi-um iniquus litigator inuaserat conductis ad id falsis testibus. Vix bene primos legerat fructus, ecce tibi sua fraus hominem stimulat incertum animi, quid consilij capter. hinc dulcedo prædae allicit, hinc iniuriæ stimulus pungit; hinc inter an- cipites alternantis animi cogitationes diuinus ho-minis suboritur splendor; nostrum adit. Itaque de illius consilio effectum est , ut prædi-um postlimi-nio ad legitimum dominum redierit. Quidam im-

puro quindecim annorum stupro inueterauerat, quatuor ex vetito concubitu susceperebat liberos. ad pias amicorum voces obsurduerant aures : rem tentat Parochus monendo grauiter, Archiepiscopus territando. ad meliorem frugem, vt erat ille callidus, interim compoedit vultum, verbaque fingit, & solita tergiuersatione cœli machinas illudit. desperata fermè erat ac deplorata hominis salus. Vrgere rem pergit vñus è nostris sacerdotibus, instat premitque acrius. quid opus est verbis? Illius operâ & dexteritate breuiter euenit, vt illi post tam longam mentis caliginem diuina gratia vberius affulgente concubinam opibus tenuem, genere inferiorem, tandem aliquando duxerit, admirantibus iuxta ac gratulantibus vniuersis, qui de tam felici exitu prorsus desperauerant. Christianæ doctrinæ Sodalitio transmissum à summo Pontifice piacularium litterarum diploma, magna omnes gratulatione plausuque exceperunt. Instituta supplicatio, qua hinc ad D. Rochi effigies Deiparæ cathechisni patronæ deferretur. Tota verò supplicatio ordinis & pompæ ita plena, vt illustriis, vt splendiða, vt popularis esset, vt haberet summam speciem ac dignitatem.

### *Domus Probationis separata Olyßiponensis.*

Hic nouitij ab urbano tumultu, ac negotiis cum & tempore & loco, tum etiam vitæ ratione fertati: scriò omnes & impensè ad omnem se virtutem conferunt. Faxit Deus, vt quæ sunt iam in illis ortæ & procreata, educet atque confirmet.

*Collegium Conimbricense.*

**C**O<sup>L</sup>LEGARVM hoc anno Conimbricæ qua  
foris, qua domi eximius ardor fuit. In pagos  
inde excursionum animarum lucro. Itum Viseum ro-  
gante Episcopo; non solum magni ieunij tempo-  
re, sed reitionibus per annum crebris eius diœcce-  
seos parochias fermè singulas nostri perlustrarunt.  
Omnium excursionum fructus commodum in  
vnum velut cumulum aceruatim & permixtim  
coniiciam. inimicitia, rapina, cædesq; compressæ;  
alienæ res dominis, uxores maritis restitutæ. Vir  
quidam, cuius gentilitiæ nobilitati par erat diui-  
tiarum gloria, auctore nostro clientes omnes ob-  
seratosque suos quos habebat plurimos, quosve  
sciret, quosve ignoraret sibi quidpiam debere, eo  
exolutos onere se velle nō liberaliter minus, quam  
magnificè enunciauit; etenim ingentem pecuniæ  
summam remisit. At enim rem ego illam omnium  
minimè grauissimam actam puto. Nobilem Abba-  
tem summates opidi viri arctè & grauiter dor-  
mientem opprimunt: ibi fœda laceratio corporis  
facta, saeuire ipsi & se impiè cruentare, multaque  
facere impurè atque tetrè cum temeritate atque  
immanitate. vulnerari iacens, trucidari & excarni-  
ficari sacerdos; caput, vultus, brachia incisa foedum  
in modum se inuicem intersecantibus plagis fer-  
rum præacutum lenta & graui manu diducente.  
Cùm igitur ea optanda magis quam confienda  
amicitia videretur, tamen utrique parti salutaria  
potius, quam speciosa suadente nostro, omnium  
reis, quæ in se impiè ac nefariè alia super alia ausi  
fuissent, munificentissimo planè animo gratiam  
fecit Abbas; mittendumque Olyssipone regium  
magistratum in perniciem pagi opprobriumque  
religio-

religiosorum hominum, quorum etiam reorum insinuauerat animis suspicio, noster impediuit. Sed extra urbein vagati domum reuertamur. Noua ædificio veteri pars addita, strenue promouetur mox habitanda. Societatem nostram ingressi quatuor & triginta, è vita egressi quinque. in his Frater Ioannes Gonzaluus, exacta iam ætate vir: hic sexaginta octo natus annos trigesimum octauum in Societate exegerat, patientissimus laboris, algente & æstuante cælo, in Canalensi residentia rurali operi maiori ætatis parte operam assiduam impendens familiarem rem Collegij auxit non parum, sibi tamen victu vesteq; pauperrimus. Alterum eiusdem status Fratrem Einmanuelem Petræum vita funeris doluiimus: è quadraginta quatuor ætatis suis annis integros quinque & viginti in domesticis officiis cum fide ac pietate exercuit, orationi magnopere deditus. Patri Ioanni Simoni vitam compleuit trigesimus octauus annus: sextum apud nos agebat: præpositorum sibi maximè reverēs, insigni probitate & animi candore notabatur: ad qualibet obeunda præcipue difficultia munia paratissimus. Mitti ad tabe pestifera infectos ardentissimè optabat; cuius voti ut compos fieret, nullum lapidem non mouit, lacrymis vertim fusis, precibus manibusque ad cælum tentis Deum hominesque exorabat. Tanto Deum videndi æstuabat desiderio, ut cum de abitu ad superos iamiam impendente admoneretur, hilari vultu proclamarit; Faustum nuncium mihi, carissimi, gratulamini: quo gaudio ac lætis verbis ad extremā vitæ periodum omnes, qui cum inuiserent, excipiebat. Si quis illum longiori vita superstitem futurum diceret, ægrè molestaque ferebat. talem virum Deo nobisque perperit Conimbrica. Obiit item Pater Georgius Contreyras ex opido Monte maiore nouo; annos

quinque & triginta nondum superans, decem & octo Deo dicatus, suinma cum laude vixerat; sine arrogantia gravis erat, & sine segnitie verecundus, ea tranquillitate mentis, & morum suavitate se per omnia gerebat, vt felici perturbationem animi victoria excellere videretur. Præterea magnarum artium disciplinis instructus, & doctrinæ vir non vulgaris, Philosophiæ cursum docendo fuerat emensus. Idemque studium dum remetitur, vix è carceribus stadium corripien tem vita defecit. Decessit etiam feliciter Pater Saluator Soto Maior Olyssiponensis, perfectus litteris latinis, nec fastidiosus græcarum cultor. eximio animarum salutis studio afficiebatur: etenim annos nouem eas, quorum peritiam callebat, linguas edocendi publicè functus munere, publicis priuatissq; exhortationibus auditorum animos scitè & accommodatè pertractans extraordinariam iuuenum multitudinem adegit, vt humanis rebus nuncium remittentes alij apud alios Religiosoruim Ordines, plurimi apud nostrum optimam viuendi viam insisterent. cælo ipse matus quadragesimum primum ætatis annum pertingebat, vigesimum quartum inter socios degens, morbi genere mitimè periculoso, vt medicorum quidem iudicium fuit, implicatur. Diem ipse sibi morituro prædixit eum, qui Simoni Iudæque Apostolis sacer est, quemque vitæ suæ terminum præstitutum à Deipara se dixerat accepisse.

### *Collegium Eborense.*

MEDIA sui parte luctuosus, ac fortè pestilens fuit annus urbem, agros, vicina opida incolentibus; at verò in tam atroci ac difficiili Reipubl. tempore suam nostri operam optantibus utiliter saxe detulerunt; requisitam certè neino non

non tulit. Semoti aliquot in vicinis commodū sedibus urbis commercio ac subsidio destinati collocantur; grata ea res, vt quæ maximè Senatui unquam fuit, populoque Eborensi. Cæterum mortiferam hanc lucem sic inhibuit Deus à nostris, quod pluribus opitularentur; vt non tamen omnes domi ab ea clade fuerint intacti. P. Gaspar Nonius Interamœnensis subita inter audiendum ægroti confessionem percussus tabe, egregia morte defungitur. id ille mortis genus præoptatum à Deo obtinuisse fertur. Simili morbo absuntus est Frater Thomas Maleus Hibernus adolescens, sineret Deus, maximo emolumento breui patriæ suæ futurus. Eadem aliis contagione infectus assiduis sociorum orationibus in vita retentus. Patrem Balthazarem Socium Bracharensis diœcesis repentina quidem mors oppreslit, at non imparatuin tamen. nam cum pridie sacro viatico aniūm præmuniret, nocte in sequenti inter dormiendū noxius humor gulam opprens spiritum interclusit. Maior hic erat annis sexaginta, oculis penè captus, aurium quoque sensu hebescente; vigebat in eo tamen consilij vis & æternæ salutis infatigabile studium; vel fundendis precibus, vel rebus diuinis contemplandis, vel de Deo inter miscendis sermonibus magnam diei partem insunnebat; modico plerumque pane ac frigida vicitans, reliquis cibis abstinebat. Quartus ad superos euolauit P. Ioannes Stremosius Eborensis: iam hic grauior annis amplius centenis denis, non externis solum, verum etiam domesticis quoq; abcesserat munetibus; in corpore tamen affecto non obtusus animi ad pectaculam vigor. Etenim senile corpus multis quotidie flagris iuuenili prorsus & liostili brachio seriebat. Haud segniter prospera reliqui valetudine ad animalium lucrum usi fuere. Nostrorum pariter audi-

torum vrbanæque iuentutis pudicitia à nobis per omnia diligenter consultum. disturbando maximè ab vrbe histrionibus eius rei studium præclarè enituit. Eboram adueniunt ab externis provinciis morum castimoniæ corrumpendæ, si quidquam maximè, pestilentes tragœdiarum actores, cum procacibus mulierculis. Ergo inquietare gymnasia, iuentutem perdere, ciuium quietem perturbare, saltatriculas tympanistriasque, & reliqua ludionum oblectamenta dare, delinimentis & venenis imbutas captasque adolescentum mentes velut furialibus stimulis ad omne scelus & ad omnem libidinem agere, obscenos denique mores transfundere in spectatores. Obtentum bonis moribus malitiarum omnium curriculum disrumpendum nostri curant, ciiciendumque ab vrbe. histriones obsistere, contrà eniti. Præterea non iij modò, qui otiosum otium honestis laboribus præoptant, sed vrbis quoque magna pars eaque potior nobilitas, quæ plurima Eboram incolit, tragœdiarum gratiâ deprauata fauere & cupere histrionibus. adire prætorē proceres, supplicare pro comedis, ad infimas preces abiicere maiestatem. regni quoque primates viri: non nemo etiam Dynasta auctoritatem suam interponere, atque ferè omnem adeundi & conuertendi prætoris indignitatem & molestiam præferre. Re igitur Olyssiponem missa ad Protegem, eiusq; auctoritate aduersus magnatum potentiam præmunitus vrbis Prætor (nam & ipsi læsos se iniuria questi regium tribunal appellauerant) histriones iubet ab vrbe mox exire. At verò cunctabundos resistentesque eiectos ignominia, magistratum integratatis & constantię gloria, nostros laus & gratulatio populi secuta est. Intra Eborense ferè territorium spatia frugifera atq; immensa camporum porrigitur. singulis in singulosis

gulos fundos agricolarum sedibus conspersa frequentibus, tantaq; prædiuitum familiarum multitudo est, vt in rusticis parochias penè triginta, & quidem numerohissimas, & sacerorum politiæ, non vt inter agrestes solum, studiosissimas distribuatur. Atque vt omnibus retroactis annis Societatis munera, hoc etiam, si unquam maximè, cum accumulatissimo prouentu nostri cohibuerunt. singulis enim Dominicis Quadragesimæ diebus quadragintasex ac plures concionabundi, è Collegio bini, aut in vicinos pagos parochiasque asportabantur, aut in vrbes & opida ab Ebora non parum semota incolarum more destinabantur. Difficile ad fidem est in tam vasta multitudine dissidentium, quot in amicitiam coaluerint, exacto affirmare numero. Lites compositæ pleræque, amotæ superstitiones nonnullæ, aleatorum mensæ subuersæ, receptatrices collusorum domus aliquot nostrorum monitis clausæ, æris alieni magna vis, & quidem multis in locis restituta, fœnebre pactum multiplex dissolutum. Sodalitates egregia olim disciplina labente exoletæ, alibi reparantur, alibi verò nouæ instituuntur. Multi præterea ex spurca immaniæ vita exculti ad pudicitiam mitigati sunt. Multis in opidis, præsertim in ciuitate Pace Iulia, pecuniarum & frumenti magnam copiam in pauperes erogandam nostris dedere ciues, sed quam potuit quisque occultissimè. Nonnullis in locis Societatis nostræ Professoræ domus expetuntur. In Pace Iulia vrbe celebri & copiosa sunt ampliter nummati, & longè diuites complures homines, largiter omnes & eximiè opes operasque suas ad erigendam Professorum domum pollicentur. prudentissimus quisque potentissimusque in ea re maximè negotiosum se fore spondet. Hoc etiam anno magis magisque cum studiofa æmulatione

benevolentiae crebrius ac liberalius promittebant annuos redditus largissimos nobilissimi plerique & opulentissimi in expensas præstare, conuectandis lapidibus paratos se omnes dicere; aliis alij munieribus donisque inuitate pro se quisque, & offerre benignè omnia, cumulate dare, flagitate precibus, ut quæ domui extruendæ opus essent, ab se potissimum sumeremus. Tantum denique omnibus studium, & alacritas rei gerendæ innata est, ut illi co si per nos liceret, de loco & tempore iaciendorum fundamentorum non controuersia, sed elecio inferatur.

### *Collegium Portuense.*

IN Portuensi quoque Collegio ex eodem animarum studio gignitur fuga desidiæ, voluntatumque consensio domi, ex quo laborum & negotiorum suscepitio multorum magnorumque foris. Multorum egestas, lites, odia, concubinatus quatuor malorum capita, nostros exercuere. Eminet illud. omnia nobilis cuiusdam viri calumniando, detorquendoque suspecta, nescio quis, & inuidiosa effecerat per schedulas, omnibus propriis & contumeliis pleuas, aut per urbem dispersas de industria, aut publicis affixas locis. De facto conueniebat; de auctore discrepat: fama tamen, quæ res cunctas ex libidine magis, quam ex vero celebrat, obscuratque, clarissimum alterius gentis virum in suspicionem maleficij deuocauit. Igitur claritudine generis insignes familiæ duæ mortales iam præcordiis penitus inuidias natriebant; aliis aliorum inimicitias pro ea, quæ necessitudo & affinitas intercedebat, vltro suscipientibus. præcogitatas litigies in alterius dedecus, in alterius verò familiæ perniciem ne prosequerentur, satis vndique à sociis prouisum atque præcau-

præcautum est; priuatoque iudicio ex utriusque dignitate nostri statuerunt. Grassante circa urbem pestilentia, ac propè vicino opido, quod à ciuitate diuidit interfluens Durius, vir quidam ut erat abundans & locuples, necessaria omnis generis medicamenta, potionesque contagione affectis liberali impensa nostro procurante suppeditauit. E Collegio quoque in eorum subsidium præter alia ægrotorum munera modij frumenti sex in singulas hebdomadas multorum mensium spatio subrogati. Inter viuos esse desiit P. Guillelmus Ferdinandus Portuensis. annum iam ætatis octogesimum excesserat, in altissima planè intentis & corporis tranquillitate. pati foris domique veneratione senex, ad omnes rerum euentus, eodem semper & imper turbato animo permanebat.

### *Collegium Bracharense.*

**E**XORDIVM ab iis auspicabimur, qui ad Societatem nostram accessere, tredecim numerum. Duo è vita recessere: Pater Emmanuel Magalianes Funchalensis fuit alter, Ministri officio in variis Collegiis, in Angrensi verò Rectoris munere nuper defunctus, qui ob mitissimum ingenium, probitatēque singularem mirificè charus erat omnibus. Alter verò Frater Petrus Marquezinus ex Vizensi diœcesi, probatissimi ingenij adolescens, maturaque virtutis, licet nondum explesset quartum in Societate annum: Rheticæ diligenter nauabat operam. Cetera aductum magnopere Collegium, templo addita donaria multa nec vilia; argenteum confatum brachium quo diui Sebastiani reliquiae clauduntur. nouum in templo erectum altare tabula egregiè picta ornauit Archiepiscopus, primusque in eo rem diuinam faciens undecim milli-

millibus virginum dicauit. Sedes in villa construētæ; suburbanus agellus emptus, à quo scaturigo perennis largis manans aquis, in Collegium deducenda. Recalescere ex integro Parthenij adolescentes, & resumere impetum fractum omissumque fame ac pestilentia cogente serio cœperunt. Sacra-menta obeuntium multitudo pro loco & tempore nullibi fortasse apud Lusitaniam maior quam Bracharæ apud nos. Excursiones factæ, & quidem magno pere frugiferæ, odia efferata multorum domita perdocefactaque ingenia.

### *Collegium Brigantinum.*

DOVODE VIGINTI corpora, brachia octo, quibus Sanctorum reliquiae includerentur, fabricata sunt; auro eadem argentoque singulari planè artificio splendent. Huius thesauri per aequaliter sanctuarium in sacello Fratrum constructum. pagi decursi cum fructu; maximus à Mogadouro opido reportatus. res ibi gestas in pauca confero. alij à vinculis ad libertatem, ab iniuriciis ad familiaritatem alij deducti: multi à ludendi, plerique à iuandi, nonnulli etiam à scortandi aſſuetudine recesserunt: æris alieni bona summa remissa. Porro Brigantia illud maximè præcipuum. Gliscentis inuidiæ felle flagrantes duo vrbis primores viri cruentum certamen animis imbibenter. Ergo magis magisque inuicem cum emulatione virium certantes, vltro citroque cursate nuncij, laceſſere per schedulas, violentiam insitam ingenii intemperantia nunciorum accendere. post vbi obstinauerant animis vincere aut mori, comparauerunt inter se pugnæ locum & tempus. Vtrique duci sua cuiusque clientela in omnia belli pacisque consilia confiauerant, vt in uno illo certamine omnis multorum

rum fortuna disceptarit. Cæterum vrbis magistratus paulò occultius citiusque huiusce consilij participes, cùm eos qui certamen poposcerant neque deterrete possent, neque destinata exequi paterentur, ad nos venere nunciantes omnia exempla cruentæ pugnæ vulneribus, sanguine, cædibus in semetipso edituros ciues obarmari; rogant proinde ne nouis vulneribus veteres abrumpi cicatrices patiamur, de pace mox & amicitia cum armatis exigamus. Abunde magnum præsidium vrbì, in nostra industria & diligentia fuit; nam obstinatos vlcisci animos sic inflexit noster, ut non impeditint quemquam priuatæ offendentes, quo minus pro suorum salute etiam cum inimicissimo quisque consentiret.

### *Domus Pharaensis.*

Hoc domicilium proximo præterito anno ad Lusitanam prouinciam in Algarbiorum regno accessit. Eius sedis primordia sic habuerunt. Ædes magnificas ædibusque continentem agellum, amplum illum quidem, præter alia vctigalia erigendo in vrbē Pharo Societatis Iesv Collegio reliqua nobis fecit vita defunctus Iacobus Lopius Pharaensis templi maximi Decanus. ea verò hereditas ad decem aureorum millia, vel cùm tenuissime estimatur. ædium situsq; natura his dotibus commendatur, soli amoenitate, fertilitate & salubritate eximia, celi quoque clementia, ut quæ vsquam mitissima; ædes ipsæ ad omnes orientales cæterosque aspectus maximè peruiæ, è quibus latissimus lætissimusque ad mare, agros, vrbem patet prospectus. Et verò in cubilia decem, templum non exiguum, ac reliquias domesticas officinas omnium capacissimas accommodantur. Sex aureorum millia in sumptus

sumptus operum munificentissimè impendente  
 Illustrissimo D. Ferdinando Martino Mascarenio  
 Algarbiensi Episcopo. Domus sexto Calendas Octo-  
 bris anni millesimi quipgentelesimi nonagesimino-  
 ni primùm à nobis coli cœpta est. Nostrorum ad-  
 uentus qua omnium lœtitia, quo lusu, quo pede-  
 strium equestriumque ludorum apparatu sit exce-  
 ptus, ac perpetuos dies octo celebratus, is concipiatur  
 animo, qui aut oculis rem subiccerit, aut ex nobis  
 illissima & benevolentissima ciuitate in optatissimo  
 rum hospitum aduentu æstimauerit. Brachia, ca-  
 pita, ossa per multa, atque alias sanctorum Marty-  
 rum virginumque reliquiae à templo maximo ad  
 nostrum perlata, cum incredibili totius ciuitatis  
 studio pompaque. in his sanctissimæ crucis parti-  
 cula visendæ omnino magnitudinis; cuius nobis  
 muneris præcipuuſ auctor extitit idem Præſul Il-  
 lustriſſimus reliquorum conciliator egregius; insi-  
 gni beneficio Illustriſſimæ Margaritæ Marchionis-  
 sa Castelrodicensis ac Lusitanorum Proreiginæ.  
 Prædiues iam nunc sacra templi ſupelleſ; altarium  
 ſacerdotumque ornamenta complura: præcipua  
 verò quatuor magno artificio opulentiaque perfe-  
 cta. Cæterum ea ſedes D. Iacobi patrocinio ac tu-  
 telæ commissa, eleemosynis alitur. Episcopns vix  
 beneficij nomine dignum putat, quod nostris ne-  
 cessaria abudè ſuppeditet, cum effecerit, ut omnes  
 intelligent, omnia Episcopi nostris patere, nec ma-  
 gis noſtra eſſe, quæ noſtra ſunt, quam quæ illius.  
 Foris omnia proſperè. nam hic ſicut ad Societatis  
 munera pauci ſunt, nimirum nouem, ſic multi pro-  
 vbertate fructus. Diuini cultus ſtudium & Sacra-  
 mentorum frequentiam tantam in hoc regnum  
 ſocij induxere, ut nunc deum confessionis &  
 communionis gratia adiri templa, & frequentari  
 in monasteria cœpta ſint. Errores ſublati multi; ſu-  
 peſti-

perstitionum luxuriem concionum acie depalcentiam nostri curarunt. Multi in quibus obduruuisse contra pacem iniuriae atque lites credebantur ad nostrorum iudicium se reiecerunt. Seiunxere se aliquando viri aliquot ab iis mulierculis, cum quibus eas, vel falsa connubij spes vel libidinum vincula coniunxerant. Magna vis pecuniae, quam interuerterat vel fraus, vel inscitia, ad dominos partim reuertit, partim ad extremam inopiam reducitis cessit. Ingemuere plerique conditioni suae, tandemque resipuere. Praestigiæ philtraque impedita; à dæmonum fallaciis expediti multi.

## PROVINCIA TOLETANA.

**A**LIT hæc Toletanæ prouincia in quindecim domiciliis, socios quadraginta quinque supra quingenatos, Patres 204. Fratres autem 341. Domus Professa Toletana quadraginta octo, sacerdotes vigintiquinque, cæteros Coadiutores. Complutense Collegium cum annexis residentiis habet octoginta octo, sacerdotes nouemdecim (quorum tres sunt Theologiæ præceptores) scholasticos vigintiseptem; Madridianum octoginta tres, sacerdotes quadraginta & vnum; Placentinum viginti sex, sacerdotes quatuordecim; Conchense nouem, sacerdotes tres; Murcianum sexaginta, sacerdotes vigintiduos, (quorum tres sunt præceptores Theologiæ) scholasticos nouemdecim; Occaniense quindecim, sacerdotes octo; Bellomontense habet trigintaduos, decem sacerdotes, totidem scholasticos; dolmus Probationis Villaregiensis sexaginta nouem, sacerdotes duodecim, nouitios quadraginta; Cara-

uacense

uacense nouemdecim, Patres decem. Seguritanum duodecim, Patres sex. Huetense vigintiseptem, sacerdotes octo, scholasticos vndecim. Oropesum habuit trigintanouem, Patres tredecim, scholasticos septemdecim. Collegium Toletanum aluit quinque, tres Patres. Denique Talabrigense decem, quorum sex fuere sacerdotes. Quindecim è vita migratunt, admissi ad Societatem viginti duo, dimissi tres.

### *Domus Professa Toletana.*

PRÆTERITIS iis, quæ ad spiritualem nostrorum prefectum pertinent, qui idem ferè est, qui superioribus annis, & ex iis, quæ dicemus, facilè colligi potest; domus nostra plusquam numquā aliàs frequentata est, tum verbum diuinum audiendi gratia, tum peccata nostris sacerdotibus aperiendi. Vnde illud commodi decerptum, quòd permulti, qui per plures annos sua peccata impudenter tacuerant, ea integrè aperuerunt, & vita rectè composita in frequenti vsu Sacramentorum perseuerant. iniunici præterea conciliati, & lites grauissimæ quæ a nullo alio componi poterant, nostrorum opera tandem cum omnium applausu compositæ sunt. Opinio de nostrorum virtute, scientia, prudentia cò aucta est, vt neque urbis praefectus cum senatoribus, neq; Decanus cum Canonicis quidquam alicuius momenti aggrediantur absque nostrorum consilio aut opera: & ciues omnes magna nostros prosequuntur benevolentia, quam tuim maximè ostenderunt cùm prouincialis congregatio in hac domo habita est. nam tam affluenter suis eleemosynis nostrorum inopiat prouiderunt, vt in multos dies eorum largitate sustentati sint domestici; cùm tamen ob coimunem ciuium indigentiam

digentiam veriti fuerint Patres illic nostros congregari. Auxit hanc benevolentiam, & de nostris opinionem cura & diligentia P. Præpositi, quem omnes summè obseruant, quòd omnibus ipse cum suis præstò sit in iis, quæ nostri sunt instituti. Nam & carceres inuisuntur, & scholæ puerorū, & xenodochia ; & pueris coactis, & per vias publicas deductis, per Patres nostros etiam seniores & grauiores doctrina traditur Christiana, & singulorum quoad possumus subuenitur necessitatibus. Reges Hispaniarum pro sua in nostram Societatem benevolentia , & in res sacras pietate, templum nostrum inuiserunt appositè exornatum pro nostra facultate; imò & sacellum in quo traditio est B. Illephonsum Archiepiscopum Toletanum fuisse in lucem editum, etiamsi in extrema domo situm esset, & locus per quem esset in illud ascendendum, malè compositus. Tres sunt in hac domo institutæ congregationes, vna Virgini Annuntiatæ dicata, ex viris grauioribus & Doctoribus Academiaræ , qui frequentes habent conuentus de collationibus casuum conscientiæ, & locorum aliquotruin Scripturæ ; altera Christo puero perduto est consecrata ; tertia eorum est, qui solliciti sunt pro carcere detentis, tum subueniendo , vt liberentur ære alieno persoluto, tum eorum spirituale bonum procurando : qui omnes summè ciues reliquos ad virtutem ædificant, & quam pluribus subsidio carentibus sua opera prosunt. Sex aut octo missi sunt ad opida ciuibus copiosa ; ad quorum aliqua nec nomen nostræ Societatis peruerterat, vnde & nostros fugiebant, quasi nihil aliud quam sua ipsi quererent, & largas eleemosynas aucuparentur: sed Dei munere mutata est in bonum opinio ipsa re, cum nostrorum concionibus & exemplo tanta facta est in ciuibus commotio, vt tempus esse Qua-

dragesimæ videretur; nec nostri satis essent ad confessiones generales excipiendas: atque profectus communis ipsi sæculares sacerdotes, qui multos audiebant, non sine nostrorū pudore, testes erant spontanei. inter quæ id noui accidit, quod cùm vir quidam diues scandalum esset populo, maximè propter inimicitias, quas gerebat capitales cum sibi sanguine coniuncto, ea mente, ut à lite mota non desisteret, donec illum omnino perderet; nam ita ipse ferebat, & palam in conuentu ciuium non semel comminatus est. concionator noster cœpit in primis verba sua è suggestu ad eum latenter, sed leniter facere; quod cùm ille subodoraretur, noluit amplius eum audire. quam ob rem priuatim à nostro sacerdote admonitus admonitionē despexit, & Dei ministrum admonentem. qui cùm se nihil proficere videret, in extrema concione nescio quo afflatus spiritu, post alia hæc affatus est, Existimat peccator se posse aliquid contra Dei verbum quod spernit suis fretus diuiniis, auferentur ei phaleræ, vt equo Alexandri, & cuiuslibet atteretur pede. Cumque hæc & his similia alia loqueretur, in testem sacram vocavit aram in qua sacrosanctum offerebatur sacrificium. & mirum dictu, in ea ipsa die, imò in hora ipsa pertinax ille decidit in lectum, & cùm pro nihilo morbum duceret, de morte minimè cogitabat, vnde ad extremum usque diem de se suisq; rebus disponere distulit; is fuit sextus ab inchoato morbo, in quo tandem decessit. quare metu perculsi omnes magnam de nostrorū sanctitate conceperunt opinionem, summis precibus ab eis contendentes, vt ad se reuisendos quām citissimè possent, redirent. Breuiores aliæ missiones factæ sunt ad finitima opida plura, quām quadraginta, in quibus licet paucis diebus nostri demorati, fructum non paucorum dierum perceperunt. Decessit in hac

hac domo Pater Thomas de Soto professus quatuor votorum, vir summa obedientia, humilitate & charitate praeditus; assiduus in meditatione & precibus, & in silentio praestans, adeò ministerio Societatis affectus, ut et si senio confectus (nam ad nonaginta tres annos peruenit) nemini quærenti se defuerit; nūquām non secutus est communem domus viuendi rationem, & si quid ætati concederetur singulare, id quasi ab spiritu malo profectum omnipino respuebat; sed singulares eius virtutes & dona ei à Deo collata peculiarem postulant narrationem. Donata sunt reliquaria, ad reliquiarum ornatum, quadrinquentis aureis æstimata.

### *Collegium Complutense.*

PROFECTVS nostrorum eodem ferè modo, eisdemque exercitiis & erga domesticos & erga externos, quo superioribus annis promotus est: frequentia scholasticorum accendentium ad agendum cum nostris de virtute ac litteris, & ad se diuerberandum Quadragesimæ tempore, tertio quoque die non est diminuta. In vicinos pagos fructuosè excurrerunt nonnulli. ad exercitia spirituallia admissi multi; ex quibus non pauci diuersarum Religionum statum elegerunt. Ex his unus hac ratione ad sese exercendum diuinitus permotus est. Nocte quadam per vias publicas incertus vagabatur: cumque in angulo nescio quid moliens constiteret, ad aures insurtrauit ei nescio quis (neminem enim vidit) Collige te ad meditandi exercitia. hac voce paululum conturbatus, progressus inde aliam viam ingrediens eandem vocem audiuit; & antequam domum suam perueniret, tertio iam eandem hanc vocem percepit, Collige te, inquam, ad exercitia in Societate. Venit ille & exercuit se, &

cum non modo fructu; siquidem superiore vita  
relicta decreuit seruire Deo in perfectione. Præter  
iam dictos Illustrissimus Patriarcha Gaetanus  
Nuncius Apostolicus, per octo dies à negotiis auo-  
catus cum Deo egit in nostro Collegio: qua re &  
populus, & ex curia regia plurimi qui id nouerunt  
valdè sunt ædificati. Admissi ad Societatem sex  
adolescentes maximæ expectationis; minimi om-  
nium, qui decimumsextum annum non excede-  
bant, variis modis à paréibus tentati sunt, vt à Re-  
ligionis proposito se mouerent: ac multa contra  
nostros sparserunt, quasi leuiter permotos pueros  
leuibus rationibus seduxissent. vnde & diplomata  
à Nuncio Apostolico impetrarunt, quibus inde-  
batur nostris, vt pueros liberos relinquerent, ac in  
domum priuati alicuius, aut in conuentum quo-  
rundam Religiosorum deponerent. quod & fa-  
ctum est. nam non viuo loco perstiterunt, vt li-  
ber pateret accessus parentibus & cognatis aliisque  
amicis ad eos alloquendum. Sed bellum cum Reli-  
giosis, apud quos demorati sunt, grauius fuit, qui  
illis persuadere conati sunt, vt relicta Societate vel  
aliis Religionibus, vel suæ potius aggregarentur.  
Vnus igitur ex illis cùm grauius sollicitaretur, fu-  
gam quacumque via meditabatur; & obtulit sese  
quærenti vndequaque occasio: nam cùm in templo  
sacro interesset Dominico die, clàm oculos qua-  
quauersum conuertebat, vt videret si aliqua pate-  
ret exitus; ac vt vidiit fores, quæ in cancellis erant  
apertas esse, paulatim delapsus est, & è tēplo egres-  
sus cœpit per viam publicam versus nostrum Col-  
legium liber currere. Id vt Religiosi senserūt, & ipsi  
post ipsum egressi sunt, & duos ex domesticis fa-  
mulis miserunt, qui veloci cursu Fratrem nostrum  
insequerentur: nec eum fuissent assecuti nisi à quo-  
piam alio homine rem ignorantē, qui ei casu oc-  
currerit,

currit, comprehensus esset iuxta fores templi nostri, per quas se se ex eoruin manibus eripere nitebatur. Inde ergo reductus est in domum unde fugarat: ubi in cubiculum vndeque occlusum coniectus est, & accuratè asseruatus, ne iterum elabetur, tristis & inedia confectus, & durius quam parerat tractatus suam libertatem præstolabatur. Alter qui apud eosdem monachos asseruabatur, assidue ac moleste sollicitabatur ad defectionem; sed ille callidè quidem deludebat eos, ac verbis amphibologicis persuadebat, se iam pro illis stare. aiebat enim se id animo suo definitum, & executioni mandaturum, quod nostrorum spem, & eorum, qui ei loco addixerant, animum falleret. quibus verbis decepti illi; quoniam putabant nouitium in Societatem minimè redditum, nec parenti suo assensurum, sed apud ipsos remansurū; egerunt cum iudicibus ut constitutum tempus decurtagent: quo facto decreuit sein eadem esse sententia redeundi in Societatem. Admirati monachi de tam celeri pueri mutatione, quæ fuisset eius caussa quæsierūt, & quare suis non stetisset verbis, Imò verba mea, inquit, vera probabo. nam Patres Societatis, ut puto, inerit existimarunt me puerum tot modis tentatum facile sententiam mutasse; & cognati mei putarunt, me eos secuturum relicta Religione. at ego contra eoruin omnium sententiam in pristina voluntate permaneo. Et quidem fama per vniuersam Academiam vagabatur, & nostros nō mediocriter angebat, quid pueri defecissent, & in eo ipso monasterio, in quo dies illos transegissent, remansissent. At Deo agente res contrà euenit. nam sexto die iam sole occidente è monasterio educitus primus ille per viarium Archiepiscopi, & iudices alios designatos, coram Academia vniuersa. nam quamplurimi, quem exitum res haberet, præstola-

K; bantur.

bantur, ac letus hilarisque deductus est in nostrum Collegium, scholasticis vniuersis eum comitantibus, atque ad eum hinc inde accendentibus, & ut ei gratularentur & gratias agerent, & virtutem constantiamque laudarent, ac tandem Patri Visitatori, qui domi tunc aderat, cum omnium acclamatione restitutus est. Id ipsum de altero factum est, licet non ita solenniter. Tertius depositus fuit apud Patres Carmelitas Excalceatos, qui cum non tantum à sua sententia deducere non sunt conati, sed potius ut in ea perstaret sunt cohortati, & modis aliis confirmatunt: apud quos illud gratum habitum est, quod cui nondum licuisset per tempus instituta nostra nosse, cum aliquoties vocaretur à monachis ad chorū, vel quid simile, solebat respondere ac si multos annos egisset in Societate; Mea Religio non habet chorū, non est consuetum hoc in mea Religione. Restitutis igitur nō solum à iudicibus, sed à parentibus & cognatis, qui omnem lapidem mouerant, vt à prima tententia dimouerent, pueris Societati, dici non potest, quantum sibi inuicem gratularentur scholastici, & quantopere opinio de nostris & renouata & aucta, obstructo ore loquentium iniqua, vt in similibus fieri solet. E quatuor, qui hoc anno decesserunt primus fuit P. Andreas Fernandez Coadiutor spiritualis, qui cùm septuagintaquatuor annos fuisset natus, quinquaginta integrōs Societati seruierat. nam cùm anno quingentesimo post supra millesimum in die circumcisionis concionantem audiret P. Alphonsum Stradam in templo S. Illephonsi huius academiæ, permotus diuinitus desiderio nostram viuendi rationem amplectendi, paucis post diebus in vigilia sanctorum Fabiani & Sebastiani cum aliis à Patre Villanova Rectore admissus est. oriundus fuit ex opido Monturrone diocesanos Toletanæ.

næ. Et licet infirmis viribus in grauioribus negotiis sese exercere non potuerit, at non destitit pro sua facultate scholasticos externos ad nos aduentantes & libris deuotis communicatis, & scriptis de rebus Indicis & aliis modis ad virtutem accendere, & ad religiosum statum inflammare, vt aliquando accideret tres quatuorve simul à lectione permotos discedere ad aliqua monasteria serio postulantes, vt admitterentur. Nec minus utilis fuit nostræ Societati; nam ea ipsa ratione multos illi adiunxit, qui postea ei inservierunt, eamque illustrarunt; nec in solos externos scholasticos hoc illi studium fuit. nostros etiam zelo instituti Societatis actus, scriptis ad rem facientibus, de regulis, de exercitiis spiritualibus, & similibus permouebat, ac saepius sollicitabat ne decesserent tam sancto instituto, vt cum externis de suo profectu agerent, & ad spirituales meditationes inducerent. Nemo vñquam eum audiuit obloquentem, aut sinistrum aliquid dicentem de alio. patientia fuit eximia, cum ex infirma valetudine multa eaque assidua incommoda pati oporteret: in extrema ætate erat frequentissimus in fundendis precibus pro iis qui in Purgatorio loco expiantur, eamque mente in aliis indere exoptabat. Hac vna re se dicebat consolari, cum proximus iam esset morti, quod in Societate moreretur, eaque præcipue cogitatio magis certum & confidentem faciebat de sua salute. Nam cum quereret ab illo P. Rector, num diuinam in se compleri gauderet voluntatem, atque ei conformem sese præstaret, Summopere, respondit ille, ac valde de sua salute confisum decedere. Nam si quicunque ex laicis, ait, feliciter secum actum putant si vnum è Patribus ac Fratribus sibi decedentibus habeant adstantem; cur ego non gaudeam, ac de Dei sperem bonitate salutem, cum tot Patres ac Fratres

lectum meum circumdantes adspiciam. & adiecit,  
Ob tam insigne ergo beneficium, obsecro obnixè,  
vt omnes mecum recitent, Te Deum laudamus, &c.  
atque ita actis Deo gratiis decessit. Secundus emi-  
grauit P. Ludouicus Montaluo quatuor votoram  
professus: qui cum multis annis sese in disseminan-  
do cum fructu verbo Dei exercuisset, tandem, cum  
per hoc Collegium transiret, longa & permolesta  
infirmitate probatus, suæ patientiæ multis signis  
datis, Deo, cui inseruierat, spiritum tradidit. Ter-  
tius Frater Felix nostri templi sacrishi diligentissi-  
mus obiit, sed grauissimo & permolesto dolore  
exercitus, vt omnino expiatus recta ad cælum e-  
uolaret. Quartus his adiiciendus Frater Melchior  
Fernandez Coadiutor formatus, qui obiit in præ-  
dio, cui nomen est à Iesu del Monte. hic oriundus  
ex valle Moro diœcesis Toletanæ. admissus est ad  
Societatem anno quinquagesimoquarto post quin-  
gentesimum supra millesimum. & præterquā quoddam  
valde utilis Collegiis fuit, in quibus degebat, præ-  
fertim huic de quo agimus, ob curam & industriam,  
qua res domesticas gerebat; fuit charitate præ-  
cipua, & insigni mansuetudine cum obedientia  
coniuncta hilari & liberali. tanta erat in pauperes  
charitate accensus, vt nullus esset in finitimis opidiis,  
qui ad eum tanquam ad communem patrem  
non accederet; & in ipsa die qua decessit quoddam ne-  
mo præstò esset qui id faceret, surrexit electo, vt  
eleemosynam egeno cuidam largiretur. Obiit na-  
tus sexaginta octo annos, quorum quadraginta  
duos in Societate cum omnium ædificatione exe-  
git. Aucta est bibliotheca huius Collegij insigni  
bibliotheca, quam pereruditus sacerdos, & no-  
bis deditissimus donauit Ludouicus Carrillo,  
filius Doctoris Roderici Carrillo Decani medi-  
cæ facultatis Complutensis Academizæ, æstimata

tam mille ac quingentis aureis , triginta in singulos annos designatis, ad eam, & conseruandam & augendam. Nam cum perspectum haberet patris sui voluntatem eam esse, pro summo amore quo prosecutus est nostram Societatem iam ab eo tempore quo Romæ, cum medicus esset Cardinalis Pacieci, Patrum nostrorum Ignatij & Lainez, & domesticorum aliorum infirmitates curabat, & bonis suis, quoad fieri posset, nostris non modicam patrem donare ; ipse vñā cum matre eiusdem propositi conscientia, & per omnia allubente, præter dicta bibliothecam in singulos annos redditus quingen- torum ferè aureorum donauit ( quibus post matris mortem hoc Collegium poterit) plura daturus, nisi aliis necessitatibus prospicere oporteret. Sed quod magis visum est dignum admiratione, & ore omnium tanquam nouum ferebatur insigne facinus fuit Illustrissimæ Dominiæ Catherinæ Mendo- ciæ huius Collegij fundatrixis : quæ cum multis annis summopere exoptasset Christum sequi nudum & paupereum, & ut id assequeretur, vellet bonis suis omnibus renunciare, & ea huic Collegio donare; nostris illi modis omnibus repugnantibus, nihilominus ea fuit prædita virtute in desiderando, ea perseverantia in petendo , vt contra omnium opinionem id meruerit obtinere. renunciauit igitur bonis omnibus, ad redditus quatuor millium aureorum peruenientibus , & suo Collegio donauit, vnde ei tanquam vni è nostris necessaria prudenter. Quam rem qui pro merito considerabat, licet summè admirati non poterant non commen- dare facinus dignum ea , quæ ex tam illustri stirpe progenita, maiorum non minuisse modò, verum auxisset sua virtute nobilitatem, & Christo pauperi, quem adeò imitari conabatur, gloriam nomenque illustre penerisset. Vnde Catholica Maiestas

Imperatricis Mariæ Austriacæ sororis Philippi II. Hispaniarum Regis, cùm audisset huius nobilissimæ feminæ factum, Beata illa, inquit, quæ certam ad cælum viam nouit eligere. Præter hæc domus Issv del Monte aucta est novo ædificio habitacioni nostroruin peraccoinmodo, & redditibus non nullis, tum etiam fundo qui speratur multæ futurus vtilitati caritate & operâ Domini Bartholomæi de Sicilia.

### *Collegium Madridianum.*

INTER cetera Societatis ministeria, quæ cum multo fructu sunt exercita, conciones habitæ sunt à nostris multis in templis, nec raro ad Reges, & Augustam. est autem copiosissimus numerus eorum, præsertim illustrissimarum feminarum qui audiunt præcipuum concionatorem, & quidem vtiliter: siquidem multi pellicibus relictis ad saniorem mentem redicunt, multi qui non ritè confessi fuerant, generales multorum annorū confessiones ediderunt. Adolescens quidam nobilis natione Germanus, qui ad Regiam hanc curiam venetat causa negotij magni ponderis, cùm cognouisset parentem deserta fide ad hereticos defecisse, & sibi præcludi viam, qua suæ indigentia prouideretur; decreuerat in Germaniam ad suos redire cù certo suæ salutis periculo: sed cùm vnum à nostris in templo nostro concionantem audiret, mutato consilio decreuit potius in Hispania vitam inopem traducere, quam cum periculo in Germaniam reuerti. & subuenit Deus per nostros probo adolescenti, nam redditus illi anni designati sunt a Rege, qui sufficere possunt vt vitam cum honore transfigat. Itum est ad carceres, & subuentuni iis, qui publicè puniuntur, tum etiam ad nosocomia

&amp;

& ad scholas puerorum, quæ ad triginta octo pertueniunt, vbi rudimenta Christiana illis traduntur, & inuitantur ut ad domum accedant festis diebus, ut inde egrediantur doctrinam Christianam per vias publicas decantates usque ad locum designatum; vbi ad tria ferè hominum millia fit adhortatio, ab uno ex duodecim Patribus grauioribus ad id designatis. Vocantur nostri festis omniibus diebus Virgini dicatis, ab Illustrissima quadam Domina illustri titulo insigni in templum quoddam, vbi ad honorem purissime Virginis, meretricibus congregatis fiat adhortatio: qua non paucæ ad honestam vitam reuocatae sunt, & nupti traditæ, vel alio modo pro voto seruatæ. Honestæ quædam femina, summa nescio qua occasione, tristitia affecta dæmonis astu secum meditabatur, mortem fune collo iniecto sibi inferre: cum autem duo ex nostris primo mane ad domum, vbi illa morabatur, alius causa negotij, inscijs accederent; illa unum ex iis ad se vocauit, & quid mali decreuisset declarauit, addens adductos ipsos à Deo tam insperatò, ut sibi indigenti mederentur. fecit id Pater qua potuit suavitate exhortatus eam, ut suam expiaret conscientiam, quo & ipsa tristitiam abiecit, & deinceps magna nostram Societatem prosecutæ est benevolentia. Scholastici, qui nostras scholas frequentant, ad octingentos accesserant, exercenturque in virtute & litteris, sed præcipue illi, qui congregationi Annuntiatæ addicti sunt, non multi quidem, quod plures facillum non possit capere, quoadvsque cœptum scholarum ædificium absoluatur, cui absolumento Rex Philippus duo millia aureorum largitus est. Diuertit ad nos idem Rex Philippus in festo Circumcisionis cum Illustrissimo Cardinali Gueuara, & multis aliis Principibus; nam Regina, nescio qua inualeudine præpedita venire non potuit,

potuit, ut decreuerat; venit tamen in festo Epiphaniae, & interfuit solenni sacro & concioni, multisque signis ostendit benevolentiam qua nostram prosequitur Societatem; & eo maxime, quod cum antiqua consuetudine Reginæ Hispaniae semper habeant Patrem Franciscanum à confessionibus; ipsa adduci non potuit, ut Patrem nostrum abiiceret, & Franciscanum assumeret. Tres è nostris obiiere. unus fuit Pater Ludouicus Molina professus quatuor votorum, satis & ob virtutem, & ob eximiam litterarum peritiam omnibus notus, & in magno pretio habitus. Dux potissimum in eo fulsere virtutes, paupertas cum summa humilitate coniuncta. nam cum iam ad sexaginta quinque annos peruenisset, & assiduo studendi labore consumptus fuisset, nunquam est passus aliquid ultra commune: n in victum & vestitum sibi dari; in cubiculo præter imaginem depictam, & libros nihil amplius quam Frater quilibet habebat: liber ad diuinum officium recitandum, & breuiarium ita prævetustate detrita erant, ut folia in quibus continentur minores horæ, vix legi possent: erant enim ante septuaginta penè annos typis excusa. Præstitit etiam obedientia & obseruantia in Superiores, ut in celeritate ad communem conuictum, & in obseruantia à nouitio minimè excederetur. Omnibus fuit non leui dolori mors eius: omnes enim regij auditores, fidei censores, & cæteri Iurisperiti magni eum faciebant, & opera ab eo in lucem edita: quamobrem tam citò sibi ereptum maximè dolebant. Non est prætereundum tam fuisse addictum semper lectioni illius libelli utilissimi, qui inscribitur de Imitatione Christi, ut nullo die modicum tempus non intermitteret à reliquis studiis, in quo caput eius integrum perlegeret; cuinque in extremo morbo, de nulla alia re; quam de Deo cogitaret,

ret, admiratus P. Rector quæsiuit ab eo , num absolutos relinqueret alios libros, & quid de illis fieri vellet. cui ille breuiter indicauit, quid res haberet, & mox quasi ad eum iam non pertineret , Faciat , inquit , Societas pro suo arbitratu. Vixerat in Societate quadragintaseptem annis. Secundus obiit P. Ioannes Vasquez professus quatuor votorum. insigniter functus est suo operarij Societas munere. nam sua familiaritate suaui lucrabatur multos Deo ; in iuuando eos qui morti erant proximi, præcellebat , vnde in eo se munere frequentius exercebat ; & adeò & in hoc & in aliis constanter proximorum saluti studebat , vt numquam defatigari diceretur. Morbus quo ereptus est , dies quindecim perseuerauit, quibus tam insignia dedit & patientiæ & voluntatis diuinæ adimplendæ signa , vt omnes admirarentur. nam ita delectabatur in sermone de suo exitu habito , ita è vultu & gestibus internam hilaritatem ostentabat de suo cœlii deceſſu, vt nihil iucundius audiret, nihil gratius loqueretur. Quam rem non solum nostri, sed medici ipsi animaduerterunt, affirmabantque numquam se tam insolitam expertos lætitiam in migraturo. Quoniam verò summè deuotus erat sacrosancto Christi corpori, petiuit ei quotidie communicare : quod & sæpe factum est, magno cum fructu & cum miro solatio. Tertius præter hos deceſſit P. Ioannes Cardenas, qui præuerat Residentiæ Naualcarneranæ Complutensi Collegio annexæ: vbi omnibus carus erat, tum ob ingenitam modestiam , & in agendo cum proximis suauitatem, quibus modis omnibus prodesse curabat, tum ob charitatem qua egenos prosequebatur ; quam tunc maximè ostendit cum opidum illud molesta peste afflictatum est. nam ille nec metu correptus, nec labori succumbens omnibus subueniebat,

ompium

omnium confessiones audiebat, & necessaria alia conferebat, ut ineritò verus omnium pater haberetur. Extremo correptus morbo, cum Superiorum facultate ductus est ad hoc Collegium, ut commodius curaretur. Vbi & patientia & cæteris virtutibus, & maximè desiderio, quo cupiebat dissolui & esse cum Christo, ut ipse aliquoties repetebat, nostros omnes certos reddens de sua felicitate, ad Deum euolauit. Ad sanctarum reliquiarum ornatum reliquia, & similia alia donata sunt, magno pretio aestimata.

### *Collegiū Conchense & Placentinum.*

IN Conchensi Collegio per solos quatuor sacerdotes ministeria nostra exercita sunt, nihil autem est singulare quod scribatur. In Placentino omnia sunt præstata, & domi à nostris, & foris cum proximis, quæ ex instituto sunt nostrorum operâ parata fuit domus, & eleemosynæ à Præfecto vrbis, & viris vrbis præcipuis designatæ, ad alendos & educandos pueros inopes & orphanos, & cura vni demandata est. cum tamen priùs hac illac vagarentur, nemine illis prospiciente. In aestate ex pauperibus grauiter infirmati sunt quamplurimi absque ullo remedio. nostri igitur de eo egerunt cum Episcopo & vrbis Præfecto, & viris aliis insignibus, qui omnes ad trecentos aureos elargiti sunt, quos per nostros distribui voluerunt. quod & factum est: nam medici vocabantur, & medicamenta necessaria omnibus ministrabantur, & animæ simul curabantur, magno cum ipsorum infirmorum bono, & ciuium ædificatione, qui nostrorum curam & charitatē multis modis commendabant. Postulati sunt duo ex nostris à Fratribus, qui ab Alcantara vocantur, ut in suo conuentu habitarent, &

missi

missi sunt Quadragesimæ tempore, & unus con-  
cionabatur in templo Fratrum, & in monialium  
monasteriis; alter verò explicabat casus conscienc-  
tiæ. & vterque omnium excipiebant confessiones  
& generales non paucas: inimici conciliati, & alia  
rite obita, quæ nōstri munera sunt; unde magna  
& Fratrum illorum, & totius populi conciliata est  
in Societatem benevolentia, vt eosdem vel alios  
obnixè petuerint, qui ad eos redirent; & missi qui-  
dem fuissent, si præstò essent. Idem officium præ-  
stitum est ab uno è Patribus in vicinis opidis, qui  
degit in prædio huius Collegij, quod Magdalena  
nomine vocatur. aucta sacristia pretioso pallio, tri-  
bus calicibus, cruce & candelabris deauratis, &  
affabré elaboratis, & multis aliis ornamentis nou-  
modici pretij.

### *Collegium Murcianum.*

OMNIA Societatis ministeria vitiliter cum proxi-  
mis exercita sunt. Illud de nouo inductum,  
quòd singulis diebus Veneris ad vesperam per tem-  
pus Quadragesimæ exemplum aliquod enarratum  
est coram frequentissimo populo, & cum singulari  
fructu. nam multi permoti sunt ad generales con-  
fessiones. Octo ex nostris missi sunt ad diuersa opida,  
& quatuor quidecum per viginti tantum dies; sed  
fructus longiori temporis respondebat, vt nequa-  
quam voluntati ac necessitati omnium posset sa-  
tisfieri. Quamobrem duo ex Patribus grauiter ex  
summo labore infirmati sunt. Duo alij postulati  
ab Episcopo Carthaginensi, per totam Quadrage-  
simam Carthagine sua munia obiere cum eodem  
labore, sed non cum minori fructu. Reliqui duo  
petiti sunt ab Episcopo Oriolano. duo opida sunt  
ingressu ad regnum Valentiaz pertinentia ad eos  
reducen-

reducendos, qui à Mauris ducunt originem, quibus hic annus designatus erat à censoribus fidei, ut liberè impunes suos errores cōfiterentur. Quinque mensibus & iis ob hyemis asperitatem importunis in hac re perseverarunt Patres nostri summo cum labore, & interno angore salutem illorū procurantes. & labor quidem qui collectione fructus solet reddi leuior, auctus illis est, quod nullum, aut ferē nullum ex terra adeò sterili fructum perceperunt; quamuis non defuere aliqui ex veteribus Christianis, qui velut rosæ inter spinas inter illos morabantur, & dolorem de aliis perceptum leniverunt, dum nostrorum hortationibus vitam mutarunt, & in posterum cum omnium admiratione perseverare proposuerunt. E duobus, qui hoc anno cuolarunt ad cælum, vñus fuit P. Gaspar de Soto, Pañaluere natus diœcesis Conchensis, qui suam adolescentiam dicauit erudiendis pueris, & tradendæ Grammaticæ; qua in re excelluit quidem: deinde in omnibus ministeriis se exercuit, & multo tempore in procuranda ac augenda re temporali Collegij Murciani multa cum laude & commodo. Illud mirificè curabat in omnibus, ne proximis vlla daretur occasio minus rectè de Societate sentiendi, cuius honorem rebus aliis præferebat, hancque suam mentem nitebatur ingerere nostris, qui proximorum saluti incumbebant, quasi maximè deceret ministros verbi Dei. Vnde cum aliquando femina diues, quæ illi sua aperiebat crima, correpta morbo illū vocasset, vt id officij cum ipsa exiceret, absolutè ministerio obtulit ei fiscellam, quam domū deferret, annulis, armillis, in urænulis, ac cæteris muliebribus ornamentis ex auro argentoque confectis plenā, magni quidem pretij, vt ex illis calices ad sacrosanctum sacrificium conficeret; sed ea omnia etiæ femina posset dare (nam in sua

sua potestate erat) respuit illicò ille ea sola ratione, ne quis obloqueretur, ac diceret seductam à confessario feminam ornamenta illa donasse; & hac quidem ratione excusabat factum, cum aliqui ex nostris eum de iniāni metu accusabant. Crescebat autem cum aetate hic conseruandi honore in Societatis zelus, & ad id quoties se occasio offerebat, hortabatur nostros. Vnde postquam extremitate vnguis est, Fratribus scholasticis, qui ei iam decedenti adstabant, haec verba postrema locutus est commendans illis deuotionem ih P. N. Ignatium, & hunc zelum ædificandi proximos, quo ipse tenebatur, tam inflammatu spiritu, ut mirificè fuerint recreati præ se ferentes præmium quo iam erat remunerandus. Obiit igitur natus 64. annos, quorum quadraginta in Societate traduxerat.

### *Collegium Bellomontanum.*

PRÆTER communia quæ non cum minori fructu quam superioribus annis praestita sunt, quidam & animo & re Societati infensus, qui nullam preteribat occasionem de nobis obloquendi, & malefaciendi pro sua facultate, unius ex nostris suas in spiritualibus se exercuit meditationibus; quibus non solum vitam mutauit in melius cum omnium admiratione, sed in eo est totus, ut omnibus persuadeat ut ad nostros accedant, eisq; ad suam utantur salutem. Institutum est hoc anno Seminarium, in quo septem è nostris à duobus magistris instituuntur in lingua latina & græca, Non sine utilitate. Quidam nostris rebus valde affectus ædificat rusticam domum nostrorum recreationi accommodam, quæ ad sumptus duorum millium aureorum accedet.

*Collegium Occaniense.*

**E**DUABUS congregationibus non nuper institutis in hoc Collegio, scholasticorum vna, altera laicorum, hoc anno hi curā sumpserunt prouidendi pauperibus carcere detentis, stipe coacta; vnde per singulos dies necessaria victui illis subministrant. frequentant templum nostrum permulti, præcipue ut Sanctorum reliquias venerentur bene compositas. est in illis ingens os gloriosi Martyris Mauricij in argenteo vase recte collocatum, vt exportari possit ad infirmos id frequenter postulantes, non sine miraculo. Nam quidam cum grauissimo ilium dolore premeretur, nec vrinam emittere posset, multis remediis adhibitis, rogauit nostros, vt sacrum illud os ad se adferrent, duxit unus, & apposuit infirmo, & confessim omni est dolore liberatus, & impedimentum vrinæ remotum est. Coniugata etiam femina, cum in patiendo adeò esset difficilis, vt iam penè efflaret animam, quod per duos dies fœtus in ventre transuersus mansisset, postulauit reliquias, & mox ut applicatae sunt illi, facillimo negotio peperit. Duo sunt ad spiritualia exercitia admissi: unus fuit insignis quidam concionator è Dominicana familia, qui frequentibus litteris id postulauerat decem dies consumpsit expiatis confessione generali peccatis. reversurus domum, magna nobis gratitudinis signa, suiq; profectus exhibuit. Alter ex equestri familia, qui in præcipua Ecclesia insignis est & canonica tu, & dignitate, ac multis fūctus muneribus, quod esset Doctor iurisperitus, venit ad nos nō sine suorum familiarium admiratione. Exercuit se viginti dies, in quibus mirum est quam summissè ac modestè se gesserit. nam relicta argentea supellecstile quam

quam secum ferebat, nostra contentus nihil prætermittebat ex iis quæ fieri solēt; qui generali confessione expiatus cum famulis duobus ad suam Ecclesiam rediit, ita mutatus ut admirationi sit omnibus & exemplo. nam & distributas horas suis meditationibus adhuc obseruat, & suis & aliorum litteris ostendit, quantum debeat ob beneficium prestitum Societati. Dignus valdè est, qui memoriae scripturæque mandetur insignis honor, quo Catholica Regis ac Reginæ Maiestas nostrum hoc Collegium cohonestauit. Cum animi gratia Reges Catholicæ in deliciosam domum (Araniusium nonine) milliaribus circiter sex Occania dissipata accessissent; Serenissima Reginæ cognouit apud nos esse religiosam & piam reliquiarum supellestilem. cuius inuisendæ causa, ex suis aſſeclis voluit adire plurimas: quarum plena pietatis nuncia piissimum Reginæ animum incitarunt, vt sua regali præsentia ipsa nostram decoraret domum: si biisque gratissimum fore significauit, si scholastici nostri aliqua actione eius celebrarent aduentum; quippe quæ Societatis actiones, quibus in Italia excipi consuecebat, iam dudum in Hispania desiderarat. Huius rei gratia quidam dialogus latino vernaculoque sermonे eleganter & venustè compitus paratus est in aduentum, quem in primis hoc Occaniæ opidum pridie Nonas Maij celebravit, & eodem die Reges deum nostram inuisere voluerunt. Quod cùm fieri non posset, Illustrissimus Lermæ Dux Patri Rectori significauit, Catholicis Regibus fore gratissimum, si scholastici nostri regiis curribus euecti domum adirent Araniusij regiam; illi tamen non acquieuit ob difficultates multas, quas inde suboriri necessum erat. Quare altera die, quæ Christo Domino cælos ascendentì sacra fuit, causa solūm nostra Occaniam

redierunt, nostrumque adiere Collegium formosissimum petrasmatis, epigrammatis, hieroglyphicis aliisque carminibus ornatum; exceptaque sunt à nostris maxima ciuium musicæque celebritate, ac in primis religiosè ac piè sanctissimo Eucharistiae Sacramento, dein reliquiis adorandis. tandem suis insederūt subselliis, & nostri Scholastici cuiusdam sancti Ioannis Eremitæ dialogum quadam venustrissima aptissimaque chorea præuenerunt. post subsecuta est actio maximo Regum applausu; qui per duas horas singularis benevolentiae significationibus & voluptatis argumentis interfuerunt, eademque tam egregie ac strenue habita, ut tum ad eximiam delectationem tum ad lacrymas, prout ipsa exigebat materies, ipsi Reges commouerentur. Peracto vero dialogo quam sibi gratum fuisse obsequium coram indicarunt, & hactenus qui præsentes fuerunt, tantæ rei magnitudinem ac celebritatem admirantur. Infecit saeva pestis Tarragonium opidum, cuius quidem grassantis inguentisque terror ac paucor confessarios retraxit, ita ut fere omnibus destitueretur. Vnus tamen è nostris confessiones excepturus hinc exiit, cuius labore ac diligentia magna ex parte subuentum est ægris: quorum tanta copia ac multitudo fuit, ut cum unus solus extremè indigentibus subuenire non posset, necesse fuerit, ut alter è nostris obtentis Collegij subsidiariis accederet (quod isthæc duo Collegia Ecclesiastica beneficia inde sibi asslicant.) uterque nec ylli labori, aut vita parceret, ut confessiones audiret; non ægrotorum solum, sed aliorum etiam qui salutis causa trepidabant. & ut efficacius ac melius explerent hoc munus, modò in ecclesiæ plano expectabant, cadauerum fætore contempto, eos qui confessionis lauacro crimina volebant abluere; modò vero per vicos & compita quætri-

quæritabant & domos. quod singularis virtutis exemplum non retinuit solum aliquos confessarios, qui forte Tarragonij remanserant, & plures alios cuiusque status viros parantes fugam, sed alios etiam quos pestis terror expulerat, retraxit. Consultum quoque brevibus quibusdam concionibus animorum saluti. que quidem medicina animalium & corporum fuit: siquidem eo die quo conciones haberi coepit magna ex parte, cuius rei nouitas in causa fuit, ut etiam auditorum frequentior esset numerus, & feruentior confessionis, sacreque synaxis assumptio, donec contagiosus ille morbus extingueretur omnino. Quamobrem eius opidi incolæ non solum spiritualem salutem, sed corporalem etiam nostris, nostræque Societati acceptam referunt. Ex Scholasticis nostris vni qui & congregationi Parthenicæ nomen dederat, in somnis contigit spectrum; quod quia rarum est, breui dicamus oportet. Hic nostras venit ad classes alias nequam; nostrorum tamen industria, ac doctrina commotus meliora sapere coepit. Qui cum quadam die crimina confessatio dixisset, fuissetque lacrosanctæ particeps Eucharistiae, in somnis sequentem se dæmonem sensit: quem pro viribus conatus effugere, defessus tandem sistit gradum, & expectat tunc obiurgat iuuenem dæmon, quod frustra in abluendis animæ maculis laboret: quippe qui se suamq; animam illi tradiderit. quæ cum audisset in somnis, trepidus querit quo posset dæmonem propulsare. arripit librum & illo molestum percutit monstrum; sed frustra, donec, cum se congregationi Virginis matris adscriptum meminisset, precibus recurrit ad Virginem: quam diligenter è cælis sibi visus est videre, quæ dæmonem propulsauit; Facesse hinc horrendum mon-

strum, meus est hic adolescens, cuius animæ salutem à Deo Opt. Max. impetraui, quod rosarium quotidie meum precibus absoluere. Tunc iuuenis pro tanti beneficij magnitudine gratias agens mortales Virgini, nō semel tantum rosarium quotidie, sed bis posthæc recitaturum sese promisit. Excitatur à somno è naribus emittens sanguinem, quo rubentem librum in lecto eiusque membranam dilaceratam reperit. Nobilis quædam femina obiens, testamento legauit ad coëmenda templi ornamenta, redditus annuos marauidinorum septem millium. Altera ducentos donauit aureos ad casulam coëmendam. Tertia pretiosam vestem, qua itidem casula pretiosa constructa est, & pannus quo sanctissimum Sacramentum tegatur. Autem est præterea Collegium molendino ex aqua, ex quo redditus centum quinquaginta autorum per annos singulos dæcerpit.

### *Collegium Carauacense.*

IN ministeriis Societatis exerciti cum fructu sunt nostri. multi ad sanam mentem reducti, inter quos illustris fuit adolescens deploratis moribus: qui cùm per annos aliquot operâ nostrorum diligenti nō permitteret se ad Deum perduci, tandem cùm nostrorum conciones audiret, nescio quo in verbo ita Deus eum illustrauit, vt in ea meditacione quis fuisset, quis futurus esset, tantam vim effuderit lacrymarum, vt ab ea se non posset temperare. Referebat autem ipse hoc Dei beneficium ad Virginem Deiparam, cuius amore assiduò flagrabat, atque hoc solo bonum sibi esse fatebatur: statim suasu vnius ex nostris abiecit domo chartas lusorias, quæ noctu diuque viris populi nobilioriibus, ac summè perditis paratae erant: ac multis aliis superatis

superatis difficultatibus in nostro Collegio se spiritualibus meditationibus dedit; vbi confessione generali suam conscientiam expiauit, ac deinceps ita tranquillè viuit, vt domo egredi nunquam definierit ad occasiones fugiendas; imò opidum dereliquit, vt à se amicos sui olim similes ablegaret. Perseuerat autem in eo vitæ statu cum tanta hominum admiratione, vt à Deo tactum fuisse, cuius est facere mirabilia, omnes etiam palam fateantur. Illud etiam specimen tribuit nobis diuinæ prouidentiæ, quod cùm externus quidam ab Hispanica natione in nosocomio infirmus iaceret, & ab scholasticis nostris qui solent infirmos visitare, confessarium postularet, & monachum sese offerentem renueret; vnum è nostris inclamabat. at illi quæ est hominum socordia, obliuiscuntur. & magister noster, qui per singula sabbata illud cum scholasticis munus obibat visitandi infirmos, & tunc etiam nescio qua re occupatus non abierat: tamen egit cum Rectore maiori vi vt se mitteret. missus inuenit infirmum iam penè decadente & consolatus eum audiuit eius peccata: quo onere abiecto cum patris magna consolatione, & ægroti summa lætitia euolauit ad superos. Vnus è nostris missus fuit ad conuersionem illorum, qui à Mauris originem trahunt, è quibus paucissimi persuasi vt suam conscientiam aperirent. & hi quidem timore correpti latere volunt suos; vnde labor creuit ex minori fructu. nec adducentur, vt videtur, ad idonea, quoniam debent suos errores iudicaliter, vt dicunt, prius fateri. In opido proximo peruetustæ erat inimicitia inter viros nobiliores, vt penè facultates cum vita & salute exhaustæ essent. vonus è nostris concionem habuit ad eos; qua sic sunt permoti, vt cùm eodem die eos conueniret, illi tradiderint facultatem componendi rem pro suo arbitratu.

*Domus Probationis Villaregiensis.*

PRACIPVVM huius domus institutum est nostrorum nouitiorum institutio: & præter duas ex instituto Societatis exercitationes duo noua media eos feruentiores ac magis perseverantes reddidere. Vnum est deuotio, qua tenentur erga Deiparam, hinc orta, quod imago extracta ex ea quæ fertur à Luca depicta, in sacello nouitiorum collocata est solenniter. ac per octo dies, & in quotidianis exhortationibus, & in familiaribus colloquiis. & in recreationibus nihil aliud versabatur a nostris, quam id quod augere potuit hanc in Virginem mentem, relatis historiis, de beneficiis in sibi deuotos à Virgine collatis, & aliis obsequiis multis longiorum meditationum, pœnitentiarum & mortificationum præstitis: quod in festis omnibus obseruant per annum, & per octauas. ita fit ut quasi filij ad matrem in omnibus necessitatibus ad Virginem accedant, & in filiali adultersum eam fiducia & amore edacentur. est autem experimento comprobatum, quam certò teneris mentibus suorum familiarium præstò adsit Virgo. Alterum medium fuit deuotio in Patrem nostrum Ignatium excita ta collatione effigiei eiusdem cum aliis Patrum Xauerij, Laines, & similium: quorum conspectu ad memoriam reuocant eorum exempla, & summe recreantur, magnique estimant regulas & spiritualia Patris nostri exercitia, ac multam experimunt utilitatem hinc nostris nouitiis proueniente.

*Collegium Optense.*

**E**XCVRRVNT nostri ad opida vicina, ex quo magnum commodum multis accidit, & nomen nostræ Societati: nam vndequaque veniunt non pauci ad nostros de sua salute consulendos. Itum est etiam ad opidum Taranconium, & in eo id præstitum quod dictum est in Collegio Occaniensi.

*Collegium Seguritanum.*

**E**X hoc quoque missiones factæ ad finitimos pagos, in quorum uno cum casu inopinato verbum noster concionator proferret, duo qui iam sese parabant ad honorem, & vitam cuidam innocentii eripiendam, ab ea mente semoti sunt. Itum etiam est ad opidum fermè mille ciuium, qui id postularat, ubi singularis fuit omnium ad conciones concursus, & expianda peccata, ut noctu diuque non vacaret Patribus sibi ac naturæ indulgere. fuere autem multæ exceptæ generales confessiones. Sacristia fuit aucta mille argenteis ad coëmenda ornamenta.

*Collegium Oropesanum.*

**I**N hoc eadem quæ in aliis actitata. nostri Scholastici festis diebus ad pagos vicinos egrediuntur magno cum fructu & ædificatione ad pueros in doctrina instituendos: similiter & sacerdotes excurrunt ad opida ad Comitem pertinentia, quibus ille prouidet liberaliter, ne oneri sint ciuibus. Vnus etiam missus est cum alio ex Collegio Placentino ad opidum longè seiomotum, ubi omnes tempore

Quadragesimæ ita permoti sunt ad expianda nostris sua peccata, ut ceteri Religiosi ociosi permanescint, ut Superiori unus ex illis ingenuè est confessus.

### *Collegium Toletanum.*

Et in hoc Collegio laboratum est, & proximis commodatum. nam tres aut quatuor lites magni momenti finitæ, & inimicitiae sedatae cum ciuium lætitia non modica, quod mala non leuia inde suborirentur. Aucti sunt redditus annui Collegij mille argenteis, tum etiam redditus annui mille aureorum Cardinalis Quirogæ assignati sunt in huius ciuitatis vectigalibus, post nonnullorum Cardinalis famulorum, qui eis modò gaudent, mortem nobis obuenturi.

### *Collegium Talabrigense.*

TALABRIGENSE tanta nostros prœsequuntur benevolentia ob conceptam de eorum virtute ac litteris opinionem, ut nihil negotij illis occurrat, quod nostrorum consilio ac operâ non exequantur. Vnde lites, rixæ, discordiæ, & multæ & graues ad eos componendi gratia delatæ, compositæ sunt pro ipsorum arbitrio. diuertia iam ad litteræ deductæ cum magno populi scandalo, reuulsa sunt, & domum coniuges deducti cum eorum gratificatione. Actum cum sacerdote ut se summitteret homini & nobili & diuiti, quem iniuria afficerat, & ita recōciliati, qui priùs maximo odio dissidebant. Idem factum est inter sacerdotum & generum grauiter dissidentes, ut solet inter sanguine coniunctos exardescere magis dissensio. Virgo quædam ob non obseruatam modestiam & grauitatem

tatem venit in parentum suspicionem, qui & molestè eam increpabāt, & adeò in eam incenierant, vt timeretur ne eam pater interficeret, vt aliquoties fuerat minatus. illa ad nostros accurrit, qui domum exeuntes, vt parentes eius de pace cum filia conuenirent, ita suis rationibus patris animum permouerunt, vt subitò coram ipsis patribus in genua prostratus, & oculis ad cælum conuersis: Tui, ait, amore solius, ô mi Deus, illi parco; deinde vocata puella lacrymabunda nixa genibus, & venia petita osculata est parentum manus. atque hucusque permanent beneuoli & nostris grati, quòd sua diligentia seditionem è domo sua expulerint. Monachus è monasterio egressus in locum ab vrbe semotum sese abdiderat, vt ibi lateret definiens apud se nunquam ad monasterium redire, imò in animum induxerat se veneno enecare, quod secum ad id afferebat, nisi res pro voto succederet. cognouit id vñus è nostris detegente laico, qui domi suæ illum absconderat, per quem in scriptis misit remedia aliqua, & morbo conducentia, ac petiuit vt in loco designato clam conuenirent, & agerent cum eius Superiore de pace, ac modo quo fuisset reducendus iuit Pater noster in designatum locum, nō inuenit. abierat enim tentatione victus, nec nisi post multos labores inuentus adductus est in domum quandam rusticam, vbi iam Superior præstolabatur: quem vt vidit, statim ad eius pedes procubuit, & humiliter venia petita, peramanter & beneuolè exceptus est, & ita re cōfecta domum quisque suam rediuit; & Superior ille cum cæteris Religiosis ita gratum sese ostendit, tum ob rem benignastam, & fratrem ad ouile reductum, tum maximè quòd cum tanto silentio absque eo quòd quisquam id persenserit, effectum est. Inter Ecclesiasticos huius urbis & Senatum, sumpta occasione

ex Ecclesiastica immunitate non seruatā, grauis est  
 orta seditio, & rixæ non paucæ excitatæ. solicita-  
 bant enim Ecclesiastici, non solum suos, sed etiam  
 Religiosos omnes ut suas ageret partes, & ita lites,  
 odia & similia mala timebantur duratura; nisi no-  
 stri arbitri & mediatores intercederent. cumq[ue]  
 multis vltro citroq[ue] remediiis propositis nunquam  
 de pace conuenirent; actum deinceps est, ut ex Ec-  
 clesiasticis designarentur duo Canonici cum duo-  
 bus parochis, & ex senatu duo equites, quibus  
 commissa res, ut facto in nostro Collegio conue-  
 tu nostrorum interuentu res componeretur. qua-  
 ter igitur simul conuenientibus commissariis tan-  
 dem pax conciliata, re scriptis tradita, & obsigna-  
 tis nominibus eorum, qui ex vtraque parte conue-  
 nerant; vt sic pax totius populi bono necessaria  
 permaneret diutius, ut quidem permanet Dei mu-  
 nere. Femina coniugata per inultos annos à dæ-  
 monibus vexata, s[ecundu]m etiam Ecclesiasticis exorci-  
 mis liberata iterum vexabatur. quod vt ad Pa-  
 trem vnum è nostris delatum est, & ille signis  
 acceptis comprobasset quod ferebatur, voluit ipse  
 cu[m] dæmon[e] pugnare, ut eum omnino è corpore  
 feminæ expelleret. Ventum ad pugnam est in tem-  
 plu D. Michaëlis, detecto sanctissimo Sacra-  
 mento. cumq[ue] femina coram sacerdotem adspiceret,  
 cœpit insanire, & huc illucq[ue] se conuertere: quein  
 cum Pater cogeret ad superiorem gradum ascen-  
 dere, & genua coram Sacramento flectere, fecit ille.  
 iussus nomen detegere, detegit, dicens se esse Sa-  
 than. rogatus an locum haberet, dixit se habere  
 Luciferum. rogatus rursus causam ingressus in fe-  
 minam, nullam esse dixit, sed ante duos annos ut  
 illam contorqueret, pro voluntate fuisse ingressum:  
 quod & iussus est omni populo adstante renuncia-  
 re. Cœpit ergo sacerdos noster dæmonem cogere  
     præcepto

præcepto vt exiret, & ne quidquam loqueretur aut  
 detegret, quod cuiquā dētrimento esset. nam hoc  
 ille aggrediebatur; sed obediuit coactus. cumq[ue]  
 vniuersim aliqua proferret, per iocum sacerdotem  
 allocutus est. cui iussus veniam petere, Quomodo,  
 ait, petet, qui veniam nou est consecuturus? & pe-  
 des illius est osculatus. Compulsus exire, & vades,  
 quod nunquam esset redditurus, tribuere S. Mi-  
 chaëlem & Ludouicum Regem Galliarum, quo  
 nomine vocabatur sacerdos; ille, Exibo, ait, & signa-  
 dabo, at vades nequaquam dabo. interrogatus, cur  
 ita; Ne cogar ab illis, inquit, non redire, vt illi qui  
 compulsi sunt exire in Maria matre Dei, nempe in  
 templo dicato Virgini à charitate dictæ, apud op-  
 dum Illescas, vbi pulsi fuerant alij dæmones vadib-  
 us datis. structa vi, & iussus exire renuebat ille,  
 conquestus se nunquam in infernum ingressum,  
 sed in aëre permanisse, rogabatq[ue] ne premeretur  
 ad infima descendere. cunique, vt videbatur, S. Mi-  
 chaël & Ludouicus adstant, ille conuersus ad  
 eos, rogabat mitius secum agi: sed sacerdos vrge-  
 bat vt exiret oblatis vadibus, & ad inferna secede-  
 ret suæ inobedientiæ pœnas daturus. quod ille gra-  
 uiter ferens cœpit tremere & rugire, & emissis vlu-  
 latibus tremēdis; ac dicens, Ad inferna mittar con-  
 demnatus vbi nunquam fui, per duas horas egredi  
 repugnauit. donec tandem victus (nixa genibus fe-  
 mina) dæmon sic allocutus est diuos illos, Egrediar,  
 egrediar, siquidem ita iubetis, ita polliceor & Ma-  
 riæ matti Dei, & tibi sacerdoti Dei: ac statim peti-  
 uit crucifixum, quem vt accepit adorauit, & ado-  
 randum omnibus exhibuit & sacerdotibus exo-  
 sculandum. & aliquando in eas voces prorumpe-  
 bat, Parete statim, parete Deo, ego damnatus ad  
 inferna mittar; & vos cauete. nam pœnæ sunt pa-  
 ratæ lusoribus, falsa iurantibus, obloquentibus, &  
 qui

qui malè parta conseruatis, &c. cumque ergo tandem virgeretur, cœpit mulier contoqueri, & huc illucque & corpus & vultum conuertere, & magnis emissis v lulatibus ita liberata semimortua mansit in terra iuxta aram. Re peracta, actis Deo gratiis. B. Virginī, & S. Michaëli, & Ludouico coram omni populo ob stupescente, reducta est domum, & manet adhuc sana, maximas Deo gratias agens pro tanto beneficio.

## PROVINCIA CASTELLANA.



V M B R A T prouincia quingentos & sex: Patres, vnum supra ducentos, Fratres trecentos & quinque, quoruim alij litteras profitentur, alij domi laborant, nuncio remisso studiis litterarum. migrarunt ex hac, quæ appellatur vita, viginti; ad alias prouincias quatuor amandati: cooptati in nostrum ordinem Scholastici sex & viginti, Adiutores triginta, itaque multo sunt plures quos admisimus, quam quos amisimus, Deo benignissime prouidente, & graue damnum, quod biennio proximo prouincia fecit funerum crebritate, fauore verè paterno reparante.

*Domus Professa Vallisoletana.*

R E L I G I O S A disciplina, nostrarum legum obseruatio pristino more in hac nostra Vallisoletana Professorum sede viguerunt; præuiis exemplo senibus, quorum vestigia minus antiqui seftātur, concors omnium animus est, & voluntatum mira consensio. Societatis erga externos officia, vt in  
vrbe

vrbe per celebri, quæque nostros frequenter aduocat, gnauiter vbiue præstatur. Mauro, quem propria delicta capitali addixere supplicio, nostri, ut baptismum fusciperet suaserūt: quem annuentem, deq; fidei mysteriis edoctum vnda salutaris aspergit, vt Ecclesiæ iam aggregati, expiatique vitiorum sordibus carnifex vnum corpus occideret, animo in cælum euolante. Mulieres numero decem ab in honesto corporum animorumque mercatu fese ad eximiam vitæ munditiam nostris hortantibus transtulere: ex quibus vna, quæ quo formosior, eo ciuitati perniciosior extiterat, seriò vitam corrigenς & luxum, ac delicias vitæ asperitate compensans vno dumtaxat mense superuixit non dubio adeptæ sempiternæ quietis argumento. Beatissimæ Virginis Sodalitas, quam superioris anni pestis ex hauserat, maiore incremento restituta est, Sodali bus tum de sua, tum de aliorū salute solicitis. Philippus hoc nomine tertius totius Hispaniæ & utriusque Indiæ Rex inclytus, Regina comite, nostrum templum in diui Rochi feriis sua præsentia decorauit, & in eo rem sacram venerabundus audiuit. Vallisoletanus & Asturicensis Antistites Regibus in iis quæ ad cæremonias pertinent, adfuerūt: quin & Regina ipsa tali digna coniugio destitutorum hospitali domui (hoc enim loco nomen est) per nostros largè liberaliterque succurrit. Sacra supplex excreuit pretioso peristromatum dono, ad utriusque lateris altaria vestienda, aulæisque sericis, ut pro cælo esse possint cum celebrioribus feriis noua in nostra æde eriguntur altaria. terni insuper ex argento dati calices, inaurataque acerra, lychni pensiles argentei duo, ut in facellis nostris duobus luceant.

*Collegium Vallisoletanum.*

Dicitur Ambrosij Collegium valetudo aduersa tentavit, itaque post diuturnā multorum anginam & cām semipestiferam, quæ ex alio manaret in aliū, tres obiere; sacerdos vnu spectatæ virtutis, duoque; Fratres officiosa diligentia commendandi. Litterarum tria florent gymnasia, primum Theologiaz, de quo sequiturpe aliâs; alterū Philosophiaz, quod Anglicanos alumnos multos, duosque; nostros Fratres instituit; tertium Dialecticæ, quæ hoc anno tradi cœpta est ad Anglos, qui nuper aduenetant, instruendos. Est quidem huius Collegij cura præcipua, vt nostri tam discipuli quam magistri virtutem cum sapientia coniungant: externis tamen, qui multi conueniunt, negare se sacerdotes nostri non possunt, quorū & confessiones audiunt, & caussas tuentur, quæ Societatis patrocinio non videntur indignæ. Collegas nostros numero quadraginta perfectionis mirum tenet desiderium. quare proximo Aduentu post recitatas Litanias omnes ferè genibus flexis in oratione semihoræ spatio perstitere. Bis in hebdomada Fratres omnes Patresque nonnulli in paratā exedram conueniunt audituri Patrem Rectorem de sequentis diei meditatione differentem, & rerum capita proponentem: quæ sanè prouisio ad diuinā contuenda animum efficit perattentum, neque mens aliena cogitādo distrahitur. Habet noster æditimus nouam telam, eamque; valdè pretiosam ad altare maximum exornandum, & ad sacerdotis rem diuinam peracturi vestes faciendas, missam ab Illustrissimo Trascallensi Episcopo, Collegij nostri ex India ipsa fundatore.

*Collegium Medinense.*

DE VODE QUADRAGINTA censi, Patres duodecim, Fratres artium (vt vocant) studijs intenti totidem: vnus latinitatis magister. cæterapars quotidianis ministerijs distinetur. Sancta hebdomada Philosophiaz præceptor & discipuli Beati nostri Patris Ignatij sese meditationibus inclusi totos dediderunt: quippe morbosa proxima æstas pium hoc opus, & nostris adeò salubre tum multis decubentibus impedieuit. Tres fratres mortui, vnus Adiutor, & collegij villicus cessare nescius, duoque philosophi, Julianus Quiros Ouetensis, & Alfon-sus Velascus municeps Medinensis, vterque Collegio tam moribus, quā ingenio charissimus: immaturaqe amborum mors magistro fuit & condiscipulis luctuosa. In Societatem asciti tres, vnus ex Humanitatis schola, duo ad rerum quæ manibus teruntur famulatum. Ianuario proximo prouinciæ Professi ad procuratorem de more tum eligendum, tum ad Vrbem legandum, ac de ijs deliberandum, quæ ad nostrum Patrem Generalem referri sit expediens, huc ex consueto conuenerunt; concionesque Patrum congregatorum, quarum prima Patris Prouincialis fuit, ciuitas nostri amans libenter audiuit. Ineunte mense Julio Rex Philippus Vallisoletum profecturus dics paucos in hac vrbe substitit, cumque religiosa domicilia sua vellet honestare præsentia, nostrum visit in primis Regina comitante. Voluptati fuisse, & templi ornatum, & ipsam fabricæ speciem, quæ ex amborum facie emicabat hilaritas declarauit. Ipsi quidem Regum alleclæ Hispaniæ proceres mentis gaudium non modò gestu ipso, sed etiam vocibus, quas admiratio expresserat, ostenderunt.

Ex quibus duo Philosophicas nostras concertationes magistro præside, & studijs prosecuti sunt, & laudem præconio celebrarunt. Sanctissimæ Eucharistiaæ feriæ celebri pompa peractæ, & dialogo peruenusto.

### *Collegium Salmanticense.*

VIXERE plus quinquaginta, Patres nouemdecim, Fratres Theologiæ sacræ auditores virginiti duo, & quatuordecim Adiutores: translati ad vitam meliorem tres; duo sacerdotes, de quibus infra sermo erit, & unus Adiutor. iacturam quæ maxima fuit, aliqua ex parte adolescentes duodevinti in Societatē admissi resarcierunt: ex quorum tum scientia, tum moribus magna sibi Castellana prouincia, quam superioris anni pestis operarijs præclaris orbarat, subinde promittit. De Societatis ministerijs etiā nihil est noui, quod in annales referri debeat, repetendiq; eadem satietas molesta sit, tamen nostrorum in laborando alacritas, quia se ipsa quotidie perficit, semper est noua. Nam & nostros externi consulunt, concionantes audiunt, de confessione frequenter appellant. iam exemplorum Quadragesima tota narratio, quæ in nostra familia inueterauit, cuius in hoc Collegio fundamenta sunt iacta, in dies videtur esse celebrior. Non enim aut hyems retardat inumeros, aut hora non satis oportuna remoratur: nox enim redeentes fere opprimit, cùm multorum domicilia à nostro Collegio longè sint dissipata. vincit tamen rei utilitas, vincit omnia salubres historias audiēdi communis omnium cupiditas. Spirituales exercitationes externi multi, sed in primis ex Academia complexi; quanto cùm fructu dilata meditandi spacia testantur: nō enim con-

consuetus ijs terminus satis fuit, contemplandi-  
que ocia non pauci protulerunt, cùm & deliciati  
essent, & à clauistro abhorruissent; vt vel ex hoc  
conijcere possimus Deum immortalem illis fuisse  
beneficum. Multorum qui in hoc totius orbis  
florentissimo tutissimoque gymnasio litteris ope-  
ram nauant, vitæ emendatio, morumque laudan-  
da probitas, magna ex parte sacrosanctæ Virginis  
congregationi refertur accepta. in eam qui coie-  
re, quos plus ducentos numeramus, Christianæ  
Philosophiæ, quæ sapientia, & virtute continetur,  
miros se præbent sectatores. Præsidet nobilissimæ  
huic Sodalitati illustris admodum Alfonsus Ca-  
brera in amplissimum Collegium, quod Archie-  
piscopi vocant, cooptatus. Ex hoc Parthenij Soda-  
litij cœtu pernobili multi se varijs Religiosorum  
Ordinibus manciparunt: illique octodecim, quos  
diximus in Societatem admisso, ex hoc ferè sele-  
ctissimo grege fuerunt qui in Societate cum laude  
perseuerant, præter vnum, aut alterum, quibus  
vel nouicijs recessus ipse pestilens fuit. Etenim v-  
nus ex nostris tironibus, genere diuitijsque con-  
spicuus, cuiusdam propinquus suasu recessit, sed ab-  
itum non tulit impunè: siquidem in ipso propè  
paternarum ædium aspectu, post longi tedium  
itineris, vulneribus, dum forte cum quibusdam  
iurgatur, acceptis, ægrè in hospitio curatus, pa-  
triam multo seriùs, quam optauerat, reuisit.  
Qui vero recedēdi auctor fuerat, breuissimo tem-  
poris spatio tres suæ familiæ heredes amisit; addi-  
ta ad infelicem orbitatem probra, carcer ob deli-  
cta, & varij generis ærumnæ, quas præpotens ille  
Deus perniciosi dati consilij vltor creditur imini-  
ssæ. Non silebo duorum, quos sub idem tempus  
recepimus, Adiutorum regrediendi leuitatis cæ-  
litus vindicatz mirabile exemplum. Nam cùm

eos bonos quidem artifices, idiotas tamē, presbyterij insanū teneret amōꝝ, eaꝝ de causa abire iussi essent; vñus breui extinctus quo genere mortis ignotum, dolori nostris fuit, quōd nec sapere nec nouissimā prouidere voluisset. alter cūm semel erectus se denuo admitti supplex orasset, iterum leuis, & vitæ, vt sibi videbatur, ingloriæ pertæsus abcessit: sed non multo pōst in iixa & pugna ab aduersario victus vulneribusque confosus interiit. Duorum nostorū Patrum, quos hoc anno mortuos esse diximus, lamentabile funus bene longam poscebat historiam. Alter Collegij Rector Iosephus à Costa sapientia scientiaque notissimus, & rerum gerendarum solertia præditus admiranda; cuius in Hispania. & in obeuntis Solis India, ac demum Remæ præclara dederat documenta. Alter Michaël Marcus Theologiæ præceptor inclytus, & Societatis rerum amator eximius, cuius se filium obedientem semper exhibuit. & quorum vita ab omnibus diligebatur, eorundem mors tristissima accidit vniuersis: vtriusque obitum cuncta ciuitas deploravit, nostrique luctus se sociam Academia præstitit. Religiosorum familia suo quæque & ordine, & numero vtrique parentarunt, nostramque vicem pariter doluerunt. Rex Philippus, & Margarita coniux dignissima Salmanticam hoc ipso anno venerunt, ea cupidine ducti quę magnorum Principum propria est: nam bonarum artium generale totius orbis emporium videre optabant. nostri nihil tale suspicantes (nec enī sibi persuaserant fore, vt Rex, & majoribus intentus spectaculis, & Vallisoletum properās, nostras ædes inuiseret) ecce præter spem, & opinionem subito admonemur, Regem & Reginam nostrum Collegium, è vestigio esse visuros, adueptumque instare Regalem. Nostri vt in

tanta

tanta festinatione (nam vix semihoræ spacium intercessit) templum exornant, & omnia quoad fieri potest commodè concinneque disponunt. ergo Reges introëunt, templi odores, & locorum qua transirent munditiam approbant. id quod Regina nostri amantissima suo Cofessario patefecit. Indicatum est Regi quantus nostrorum numerus esset, quam in litteris, & religione seduli: ex his umbraculis prodire milites qui in solem pulueremque descendant, quiq; Dei prælia confiant, & pugnas pugnant gloriose: eosdem precari pro suo Rege quotidie. Accepit Rex libenter que dicebantur, vtque nostri in incepto persisterent, est adhortatus. Hiberni alumni, quorum in hac urbe bonarum artium altrice Societati commissa tutela est, Regis ampliore patrocinio testi, in litteris & in virtute pergunt alacriter: anniversaria aucta pecunia est ad vitæ subsidia, quodam nostro illorum Gentili procurante. hinc ad patriam iuandam amandati nonnulli studijs feliciter absolutis.

### *Collegium Palentinum*

**A**L VI<sup>o</sup> sexdecim: ex quibus nouem sacerdotes. A ferijs diui Lucæ auctus est numerus propter nouos Logicos Fratres numero sex, & eorum preceptorum, quos ex Cathedralis Ecclesiæ seminario collegæ, alijque externi discipuli comitantur. Preter Societatis munera consueta cuin urbanis, & paganis, missio ad montanos feliciter cessit. A quodam letali percusso vulnere, publico scriba testante, & in tabulis consignante, obtenta per nostros venia est reo in carcere incluso salutaris: spiritualia apud nos meditati permulti, non solum ciues, sed etiam externi. Benefica ciuitas sua nos misericordia sustentat. Hieronymus Reynosus Ec-

clesię Canonicus de nostra Societate bene meritus multa nobis moriens legauit, librosque suos omnes supelle&tilemque contribuit, quin & sexaginta quatuor millia nummūm annua collegio reliquit, quibus tamen non nisi post quorundam obtutum Collegium potietur.

### *Collegium Burgense*

VICE NOS alit, decem Patres, totidem Fratres ministeria domus adiuuantes, præter duos villæ custodes. quatuor in nostrum recepti numerum, tres ut hęc quotidiana ministrēt, vnuus Theologus minimē contemnendus. Munia nostrorum propria quo solent pede procedunt, illud domesticis nouum, quod Patis Provincialis admonitu fratres adiutores semel in hebdomada priuatim a quodam Patre de ijs edocentur, quæ animum corpusque constituunt. Confessionis, & sanctæ Eucharistiaæ Sacraimenta, quorum frequentiam pestis minuerat, pristino recuperato incremento, suum eundem cursum tenuere. concionum nec in Dominicis, nec in alijs festis diebus vlla est domi nostræ intermissione, quo factum est, vt auditorum numerus augeretur. Nam & templi situs inuitat, & diuini verbi certa prouisio. Eucharistiaæ sacrosanctæ ferias hoc anno, quo primū a nostro P. Generali permisum est, spectabili pompa peregrimus, puéri Iesu per pulchra cffigie, quæ noua in hunc finem apparata thensa vehebatur, præeunte. Eam quaterni ex præcipua nobilitate portabant, scholastici Virgineæ Sodalitatis vexillo prætentō albisque cereis præcedebant; Ecclesiæ primariæ cantores celebritatem ipsam fecere dulciorēm. accesserunt ad commune gaudium sacerdotis externi illius quidem, sed nostrorum studiosi sacrif-

sacrificandi fausta primordia, qui ea die apud nos sacrum primum celebrauit, & manibus Christi IESV corpus Sacramentorum sacratissimum quāta maximē potuit reuerentia gestauit. Catechisimus, vt assolet, à quodam nostro in plateis exponitur, praevio cantu puerorum per communes vrbis vias, vicosque per celebres, qui canticis per bellè compositis, vt carmina obscena vitarentur, quibus magnæ vrbis regiones noctu cum aurium offensione castarum personabant, non minus vtiliter, quam sancte perfecit ipsa quoque ad plebeim in eodem catechismo salubris hortatio mouet animos, & generales excitat confessiones. Pietas erga nostrum Patrem Ignatium hoc potissimum anno in hac vrbre, quæ Castellæ caput est, radices egit altiores. Quædam namque miracula firma testata fide, & communis Notarij chirographo, & testium confessione in publicas relata tabulas religionem cum auctoritate iuxxere. Vnum apponimus tota vrbre per celebre. Quædam adulta virgo cum à medicis desperata esset in morbo, quippe quæ loqui iam nequiret, commonerenturque parentes, quod se delictis confessione haud expiasset, morte praesertim imminentem; mater Nostri Beati Patris Ignatij epistolam, quæ illius esset manu exarata, quamque apud nos esse audierat, supplex gemebundaque petijt. Detulit eam quidam noster sacerdos, & cum sancti Ioannis Euangeliū pronunciasset, *In principio erat verbum,* & epistolam capiti imposuisset, ubi Ignatij manus esset, illico puella moribunda cœpit effari. rogat Pater velle tne aperire peccata. annuit mulier, & voce exili debilitataque confessa sacram percepit Eucharistiam discessuris viaticum salutare. exinde melius meliusque habere cœpit: nunc perfecte valet, & beneficium agnoscit ciuitate yniuersa

Patris nostri Ignatij sanctitatem prædicante, eiusque sibi patrocinium assidente. Domestica res et si angusta fatis, tamen liberalitate quorundam nouos credidores effugit & economus, solisque debet antiquis. Illustris Franciscus Montaluus Abbas Gamonalensis Collegij fautor eximus, quæ nobis iam pridem donauerat, etiam possidenda permisit, seraque nimis homini beneficentissimo visa mors est, qua tamen dilata nihil, debebat ex pacto. valent Abbatis dona scutatis mille quingentis. Illustris femina Francisca Beraui, quæ Societatem, & eius auctorem vnicè amabat dum vixit, & pro sua nobis facultate subuenit, moriens legato non aspernando suam est testata voluntatem. Sacristia à quibusdam varijs est non solum adiuta sed etiam ornata muneribus, quæ ducentorum aureorum summam efficiunt: in his aurea ad sacerdotalem casulam tela, & ex argento lampas, aræ Virginis illuminandæ, thenisque pueri IESV pulcherrimo simulacro in pompis deportando.

### *Collegium Segouiense.*

**S**E GOVIENSIS agri niessis est plurima, quam Parthenica Sodalitas mirandum in modum amplificauit. cogit hæc laicos bene moratos, qui propter statas confessiones quo die cælesti pane vescuntur, candelas ex alba cera manibus singuli preferunt candidæ mentis indicium. Diplomate ad indulgentias Romani obtento Pontificis Sodalibus festa lux fuit, accurrente vniuersa ciuitate. conueniunt statutis diebus qui nomen Sodalitio dedere, & vnius nostri auditæ breui cohortatione hospitia alij alia libenter inuisunt, nosocomiaque perlustrant, ægris & egentibus largè subueniunt, quia

quin etiam singulis sextis férijs se in nostro templo diuerberant, & ex quo sunt grege verbo exemploque demonstrant. Incommoditas ædificij propè coëgit fabricare cubicula, quæ Dei adminiculio propè iam absoluta gratiorein habitandi rationem nostris incolis pollicentur. in hunc finem ciuitas eleemosynam erogauit, quæ aureos numeros bis mille prætergressa preces assiduas pro tā officiosa vrbe ad Deum immortalein nos iubet effundere.

### *Collegium Villagarciense.*

INCOLA ad sexaginta, presbyteri vndecim, Aduatores quindecim, reliqui nouitij. vno tantum è vita discessit, vt quid inter hunc annum & superiorem intersit agnoscamus, quem tam funestum sumus experti. Nouitorum bona pars Ouetum misla, vbi & exercendæ, & experiendæ nostræ iuuentutis noua est instituta palestra, quæ hanc nostram releuet; id quod tironum copia ipsa poscebat. Ludus litterarius tam elementariorum, quam latinorum valde plenus, quod minime spectrabatur propter antecurrentis anni morbos & pestis, id est nonagesimi noni, cuius timor aduenas absterrere merito ac iure debuisset. Cæterum vbi gymnasium, quod peste grassante calamitas, quiescente metus occluserat, patere cœpit; multo plures, quam qui ante pestis exitium venire soletent, ad nostros se præceptores contulerunt, ipseque numerus semper augetur. nam loci tranquillitas, & magistrorum nota sedulitas multos genere nobiles, locisq; distantes euocare consuevit. Prospera domesticorum valetudo in religioso stadio currentes incitauit roborauitque ad forte certamen. Excursio ad urbem Collegio vicinam, quæ Almi-

rini Dynastæ clarissimi paret imperio , duobus messis sacerdotibus fortunatissima fuit : siquidem concionatorem nostrum multi audire voluerunt, neque tamen præ multitudine potuerunt: confessionum tanta copia, quantæ multi operarij sufficerent non possent. Cominætationes rerum cælestium traditæ multis , & ex cathedrali quodam templo nonnulli, qui hæc eadem aliquando gustauerant, & regustauint ipsimet, & alijs suasturos ut venirent , sibiique hoc recessu prospicerent, ex animo promiserunt.

### *Collegium Lucroniense.*

**C**OMMORATI tredecim, sacerdotes septem, seneque Fratres migrarunt ex hac ærumnosa vita numero quinque: duo peropportuni presbyteri, tresque Fratres ex illis , quos diuæ Marthæ religiola conditio delectat. Duo Societati dedere nomen rerum necessiarum administri futuri. Humaniorum litterarum scholæ ut in vrbe, quam pestis vehementer affixerat, non ita infrequentes, discipulorumque bonitate paucitas ipsa compensatur. Intra vrbem ministeria omnia Societatis cum fructu exercita, eadem extra non parum gloriæ præstata. Itum est enim ad pagos, quibus nostrorum grata præsentia: pestis enim impedierat quo minus loca illa nostri de more percurrerent, itaq; nostri desiderium exaggerauerat dilata profectio. In uno castello, vbi nostri solos dies octo morati erant, totius vitæ confessiones auditæ plures quadraginta , ex alijs oppidis multi concito pallu veniebant: non pauci in ipso itinere nostris confessi. tanta erat Sacramentorum auiditas, & ex nostrorum oportunitate lætitia. Multa per hos nostros viatores transfacta salubriter, & ex pellicatu

catu ut turpissimo ita notissimo abducta mulier,  
& ex diuersorio sceleris exire compulsa, quę nunc  
castè vinit, agitq; pudicè amatore lubente, &  
nostrorum consilijs auscultante: cùm tamen Iudic-  
ces, qua erat potentia, neglexisset, & publico pes-  
simō concubinam diu multumq; ijsdem parie-  
tibus tenuisset. Vrbis conciones pleno semper in  
cœtu, Patremq; Rectorem verba facientem po-  
pulus audiē sequitur. Quadragesima præter con-  
ciones, binæ in hebdomade narratæ Sanctorum  
historiæ: sequebatur scuticæ asperitas, quam psal-  
mi quinquagesimi cantus isque modulatus acue-  
bat. Verbera honorati quidam ciues associant,  
quibus cætera turba se cædit alacrius. Catechi-  
smus in hac vrbe ipsis floret Dominicis, cuius tam  
interrogationes, quam adhortationes media in  
platea a ciuibus coniunctis & constipatis audiū-  
tur. Amat nostros hæc ciuitas, amavitq; semper,  
deq; animæ rebus nostros assiduè compellat. e.  
leemosynæ pro communi tenuitatem non paucæ.  
Collegij vestigialeris quinquagenis millenis an-  
nus excrevit, seque paulatim nostra domus sine  
fundatore, fundat & fulcit.

### *Collegium Numantinum*

HABVIT vnum, & viginti, sacerdotes vndecim,  
Fratres adiutorij nouem, vnumq; studijs de-  
dicatum. Laboratum est vehementer peste rursus  
virescente, quæ penitus exaruisse videbatur; et si  
minus fæua, neque cum tanta strage mortuorum,  
quantam superior annus inuixerat. Nostri omni-  
bus præstò fuerunt nulla cum formidine, Deo for-  
titudinem fortunante: siquidem nemo noster ex  
aditu contagiosorum luem traxit, aut infectus  
est peste. omnesq; salubritate aëris redeunte, &  
quod

quod morbosos vitare noluissent, gaudio incredibili affecti, & quod metu iam sublato suum temorem cuncta seruarent, Deo immortali gratias egerunt. Confessiones vulgares multæ admodum, extraordinariæque non paucæ. Latinorum gymnasium ne peste quidem recrudescente conticuit, auditorum haud pœnitendus est numerus.

### *Collegium Pompeiopolitanum.*

DECVNT octodecim, presbyteri nouem, residua pars Fratrum, partim Adiutorū, partim grammaticæ magistrorum. scholas de Christianis officijs Pater vnum exponit multis audientibus. Latini discipuli in quatuor distributi classes discunt, ultra trecentos ingenio, & moribus commendandi; qui in Virgineo sunt Sodalitio conscripti cæteris longè præcellūt: ex his vnum noster est factus. Ciuitas suæ per nostros erudiendæ iuuentuti exedras ædificauerat, & annis ab hinc tribus annuo vectigali dotauerat. sed peste impidente auspicari nequiuimus, itaque hoc anno sexcentesimo a latina oratione in férijs diui Lucæ docendi sunt capta primordia: quæ oratio cunctis arrisit. aderant Prorex, Episcopus, Regni Prætores, senatus uterque, alter ciuum, alter primariæ Ecclesiæ Canonorum, & eorum, quos peculiaris dignitas co honestat, & quidquid est in hac vrbe Nauarræ metropoli eminens, atque præclarum. erat theatrum stragulis & serica tela visendum, ænigmata, epigrammataque græca, latina, & hispana pende bant: quæ res ita deuinxit animos, ut qui a nobis auersi essent in multo iam diuersa sentirent: Societas amicis mutationem admirantibus, Deumque laudantibus, qui temporum dat tempora, & post tempestatem mare tranquillat. Primarij viri per multi nostris confitentur. ad animi salutem exercitati

citati in Collegio nonnulli: in his duo fratres nobilitate præstantes, quorum unus se Religioni deuouit populo mirabundo. Duo non contemnebæ sortis ita dissenserant, vt alter iniicium fustibus probrosis offenderet, Iæsusque de percussoris nece sollicitus esset. noster quidam amicitias tentauit eorundem, perseverantiaque duce perfecit vt plurimis præsentibus optata pax in mutuo firmaretur amplexu, quæ hodie perseverat. Idem hic pacificator mulierculam honestis parætibus natam, quam amator seduxerat, fidæ matronarum quadruplicem custodiæ commisit: eam quidem Patris suasu Illustrissimus Episcopus anni spacio liberaliter aluit, perennique prouiso remedio castè vivit, & pure. Noster aliis cuiusdam nobilis, quem in morte confitentem audiuit, quæ non erat, esse fecit vxorem, procreatusque filius ampla patris hæreditate potitus matrem eamque nobilem hilaritate perfudit, scrique matrimonij, & vis, & veritas ijs omnibus gratissima accidit, quibus notares erat. Anno illo pestilente, qui hunc antecessit, Illustrissimus Antonius Iapata dignissimus Pamphilonensis Antistes maximam misericordiæ partem, quam infectis tribuebat, distribui per nostros dispensarique voluit. factum est ex Episcopi voluntate: nostrique & Patres, & Fratres largitatis Pontificiæ diligentibus administrando tempore partim nuiminos, partim cibos ad Collegium venientibus diuiserunt. simul ac tamen vnuin nostrum Adiutorem pestis infecit, nostra fuit domus inaccessa, neque cuiquam nostro pedem efferre licuit: quæ omnium communis lex erat, quorum ædes lurida pestis attigisset. Nostri excundi cura soluti suum Fratrem diligentissime curauerunt: aderat medicus, & chirurgi duo, neque est in eo fouendo quidquam prætermissum. Apparui quam  
t nostri

nostri amans esset Episcopus, qui nostrum & casum & commune claustrum paternè miseratus nostros quotidie visitabat, nec eum aut niues aut pluiae retardarunt. Nostros inclusos alloquebatur, qui se è fenestris foris stanti Episcopo demonstrabant. necessaria nostris per famulum fidelem abundè suppeditauit, quem huic vni præfecit officio. Peste verò remittente, ne quisquam externus nostrorum aditum timidè fastidioseque vitaret, ipse Antistes primus ingrediens ianuas Collegij aperuit, quas pestis obliterauerat; quin & ex nostris multos in suam aulam pontificiam adduxit: quodd pestis, quæ ciuitatem exinanivit, etiam episcopalem domum solitariam effecisset, nosque in sui solarium adhibuit, quos paterno amore complexitur. Hoc ipso anno sexcentesimo castellum quoddam iu montanis inopinato exarsit incendio, & cùm flamma ædes omnes & templa perdidisset, Episcopus ad testa refienda, reponendasque basilicas, pecuniam vndeque corradi oportere ratus, duos nostros à Patre Provinciali poposcit, qui omnem Nauarram obirent eleemosynæ corrogandas. annuit in re dura Provincialis memor beneficiorum, & opidi ambusti misertus. nostri suo munere probè functi non leuem sumimam collegerunt, gratissimo Episcopo, & ad ea supplenda promptissimo, quæ ad loci restitutionem decesserentur.

### *Collegium Montis regij.*

COLLEGÆ vigintiduo, Patres octo dumtaxat: conscientiæ questiones unus magister explarat, sua Philosophiæ schola est. Latini sermonis studia peste intermissa feliciter nostri reuocarunt: in iis quadringenti numerantur. Alphabeticos ludimagister ex nostris plures trecentis instituit, mirabileque

tabileque est post tot contagia, & tam multos, & tam citè potuisse coniungi. Reliqua Societatis officia de more repetuntur, sed Catechismus publicus floret in primis. Collegij fabrica nihil habet augmenti una excepta cisterna ad aquam pluviam retinendam, quę vbi consedit, saluberrima est: hanc excidere necessitas coegerit, & fontis penuria, unde aquam haurire nostri possent.

### *Collegium Ouetense.*

IN COLA recensiti septem & viginti, Patres tantum sex, pestis iniuria, quę nobis cum numerum operatorum ademit, quem sit reparare difficile. hoc anno domesticorum feruor accensus nouitiorum aduentu, quos noua haec probationis domus exercet, ut eorum periclitata probitas, queat esse durabilis. De muneribus nostrorum & in externos benefactis illud nouum apponam de charitatis Sodalitio, quod in hac vrbe nostri fundarunt. constat ex primariis & clericis & laicis, ex quibus bini singulis Dominicis ostiatim stipem colligunt ad eorum alimenta, quos personarum infelix dignitas mendicare non sinit, & ianuas pulsare pudor vetat. viñtis haec eadē charitas benignè succurrit. Exerciti tres Ecclesiastici, ex quibus duo Ouetensis primarij templi Canonici. Peste sequente quidam quo cleēmosynis peccata redimerent, nostris nescientibus eam pecuniæ summam legarunt, quæ sacrificiam non mediocriter exornauit; data enim argentea crux est scutatorum pretij trecentorum, tapetiaque holoserica, quibus omne templum obtegatur, quæ aureis stetere ducentis: initio casulas, & altaris frontale pretiosum.

## *Collegium Compostellanum.*

HABITANT quatuor & viginti, Patres octo, Fratres in adiuuando occupati nouem, Scholastici Logici totidē, quos à festo D. Lucæ in noua Philosophiæ vniuersæ palæstra pugiles habemus strenuos. Interpres noster earum quæstionum, quæ ad conscientiam tranquillandam conferuntur, ducentos, & eo amplius recenset auditores. quæ sane schola perutilis est, vt qui è Compostellana Academia Parochi euident, se in confessionibus expedite queant, & pro suo quemque valeant morbo curare. Cætera Societatis opera feliciter gnatiterque tractantur, & quia nihil est eorum, quæ fieri solent, dissimile, consulto præterimus.

## *Collegium Sanctanderiense.*

INCOLÆ nouem, sacerdotes quinque, sed qui rerum copia, & agente sedulitate eorum Collegiorum laudem æquauerint, in quibus longè maior est numerus. sunt quidem adhuc inquilini nondum stabili sede constituta: quæ tamen diligenter inquiritur, & areæ coëmuntur ad solum firmamentumq; domesticum. pauculi operarij domi tamen laborant & foris. Nam diebus festis duo vicos & castella pedibus visitant, vicina primùm, deinde remotiora. accepti audiè nostri viatores: incolæ enim ad quos vadunt, & montani & egeni cælestis sæpe doctrinæ magistro carent. Duorum nostrorum longinqua millio fertilis fuit, & solidæ plena lætitiae. Nam ex hoc ipso portu in Legionensis regni montana duo nostri presbyteri penetrantes ad opidum peruererunt, quod Lieuenæ caput est, cuius ditione pagi trecenti inuij desertiq; tenentur.

Nostrî

Nostris ex vrbecula principe pagos obibant, con-  
tionibusque & confessionibus publicæ priuataeque  
vtilitati seruiabant. Prouincia(hoc enim ei regioni  
nomen est) rei nouitate admirata clamores lœtitiæ  
indiceſ edebat. nam & aduenæ, qui ad mercatum  
ventitabant, & indigenæ ipsi nostrorum mercès  
tanto meliores conspicati, Patribus se in secreto  
confessionis foro detegere pergunt: ex quibus non  
pauci ad meliorem se frugem receperunt. concio-  
nibus applaudebant, diuinæ legis publicum can-  
tum stupidi sequebantur; sed nostrorum vitam po-  
tissimum admirati, quæ videbant præconiis cele-  
brabant. Siquidem tota profectio peditum fuit  
nullo vſu iumenti: officia gratuita, cibus & vilis &  
parcus, lectus paleis stratus Dei laudandi materiam  
populo suppeditabat: indefessus labor, in templo  
perseuerantia, tam multos audiendi patientia vix  
videbatur hominum esse, quos natura fragiles &  
infirmos genuisset. Augebat admirationem habi-  
tus ipſe nostrorum: unde rustici coniiciebant no-  
stros illos in mundo nobiles fuisse, & delicate à  
suis parentibus nutritos. Parochorum diligens cu-  
ta perfecit, vt in pagis, quos nostri visere quamplu-  
riimos, nemo per æratem idoneus maneret incon-  
fessus. trinæ diœcœeos loca lustrata, gratias agen-  
tibus ipsis tribus Episcopis, quos Archipresbyteri  
per litteras de nostrorum fructuoso itinere fecere  
certiores. Nostri suam hanc excursionem terræ in-  
tolis vſque adeò probauerunt, vt de petendo So-  
cietas domicilio ad gentis destitutæ remedium,  
quidam Ecclesiastici serlò cogitauerint. Inter alia  
salutariter à nostris effecta principem sibi locum  
vendicat misericordiaæ Confraternitas, vt vocant,  
cuius vna ex multis lex erat de temeraria iurandi  
peste vitanda. pecuniaria delinquenti constituta  
pœna est, quam à iurante vel Parochi, vel iudex

ipse seuerè repetit, eamq; qui temerè iurauit, haud dependit inuitus, pecunia verò pauperibus datur, vt & periuria vitentur, & penuriæ succurratur. Multa euenerunt mira illa quidem, sed iustis de causis tacenda. duo sileri non debent, quæ breuiter explicabimus. Ierat voti causa Compostellam homo quidam verè pius, & legis Christianæ diligens cultor: huius vxor multos iam dies mariti rerum ignara sollicita erat, animique pendebat. die quādam confessa, sole in meridianum tempus inclinante, viri peregrinationem, redditumque felicem Deo intentis animi viribus commendabat; Virginem quoque Deiparam supplex inuocabat, cui a primis aunis piè famulata erat & sanctè. Percepta diuina Eucharistia bonam diei partem in hoc postulato consumpsit. Haud irritæ mulieris preces. Illo namque ipso die, & illo ipso temporis puncto, vt postea maritus exposuit, insolitā quādam vir absens consolationem sensit, & inexplicabili viso recreatus est. Nam cùm voto persoluto sese referret ad suos, dum ē via languens, interquæ itineris quædam dumeta cubans grauissimè tentatur à dæmone, anxius & tristis, Christi in cruce confixi elata quam secum gestabat imagine, Dei auxilium implorauit. non multò post guttis sanguineis illa ipsa Christi stillat effigies, neque tam pauor peregrinum animū occupat, quam replet hilaritas. Pater ex nostris, cui ab ipsa peregrini vxore post redditam animi in confessione rationem talis narrabatur historia, suis oculis aspergit imaginem, & sanguineum colorem contemplatus adduci non potuit, vt ea, quæ mulier & pia, & veritatis amans affirmasset, ficta esse & simulata crederet. eadem sui mariti iam pridem sepulti mores fuisse probatissimos assuerabat: vt valdè probabile sit, Deum bonitatis auctorem, qui simplicium amator est, hos coniuges

coniuges miraculo tanto esse dignatum, neque in hoc ærumnoso seculo decesse, qui antiquorum sanctitatem imitati antiqui temporis experiantur auxilia. Alterum est de quodam pastore propheta, qui annos natus sexdecim moribus probatissimus eos qui peste deceLLuri essent nominatim prædicebat, vaticinium exitu comprobante. rogatus quod sciret, respondebat in quadam nocturna pompa, quæ per campos duceretur, qui morituri essent percellente contagio, eos omnes sibi cælitus esse præmonstratos, hocque de fine quorundam nomine cuiusque declarato per dierum interualla apertissime recinebat: aliis fugientibus ne audirent quæ placita non erant, quæque animus horret; aliis ultro ad pastorem adolescentulum adeuntibus, & se ad præmonitam mortem comparantibus. cum interim pastor & pronunciare perseueraret multorum propinqua funera, & quæ euenissent prædictioni consentanea quietus & minimè mirabundus aspiceret. & quidem cum his, quos secuta pestis absumpsit, actum est præclarè, quos & pastor admonuit, & Parochi sacris omnibus ritè procuratis sepulturæ mandarunt. fama consensit neminem illis in terris sine confessione decessisse. quæ res animarum pastoribus gloriæ fuit. Est in hac ipsa montana plaga diui Benedicti nobile cœnobium, maxima ex Christi sacrosanctæ crucis ligno portione percelebre; ubi nostri ab ipsis monachis benignè accepti, qui in feriis exaltationis sanctæ crucis, quo die innumerabiles conueniunt sacramissimum pignus adoraturi, unum ex his nostris in suo templo Ecclesiastem esse coegerunt.

*Collegium Montis-fortis*

**A**LIT duodenos, qui in hac se vinea diligenter exercent. Grammaticæ, eloquentiæ, poëticæque studia, quibus pestis obstiterat, feliciter resfloescunt; quippe duorum mensium spatio sexcenti discipuli numerantur. non minor est in ludo illo progressio, quem ad elementa prima discenda, & characteres formandos fundator noster patriæ pater instituit: munera, quæ præterea nostri instituti ratio depositit, pro sacerdotum paucitate non frigent. Exeunte Septembri inclytus Rodericus Castrensis sanctæ Romanæ Ecclesiæ Cardinalis, idemque Hispalensis Antistes, huius nostri Collegij auctor, excessit è viuis, & quem erga nostros amorem viuus ostenderat, moriens confirmauit. Dederat annum vestigal aureorum bis mille, quod ciuitas Auriensis Collegio vicina propè cum nullo recuperandi sumptu persoluit: dederat calices, ornamenti, sacrata lintea, imagines ex penicillo per pulchras, & in primis longam ex ebeno crucem artificiosè elaboratam, cuius extrema quæque inaurato argento vesiuntur: quæ multis in capsellis, quas efficiunt caua foramina, sacras reliquias habet inclusas; in iis ex sanctissimæ Christi crucis ligno pars quædam magna conspicitur. quo autem crux hæc talibus pretiosa thesauris venerabilior esset hominibus, Rodericus à summo Pontifice iubileum impetravit, in utroque festo crucis die, & quem quinto Nonas Maij de inuenta cruce, & decimo octavo Kalendas Octobris de eadem exaltata excitataque Ecclesia concelebrat. in decessu tamen domum hanc suam omnium bonorum scripsit hæredem, quibus si duo legata demas, perfretur. Nam quia ingens nobis summa restabat,

restabat, nobilibus puellis voluit esse consultum, quarum remedio aureos annuos sexcentos legavit testamento. statuit insuper, ut scutata mille quotannis pensitanda firmentur ad alendas sanctimoniales, quibus est à Carmelo cognomen, & calcei vsus ignoratur; quarum in hac vrbe voluit esse cœnobium. Neque tamen his duobus pietatis monumentis perfectis nostrorum erit infesta conditio. pars enim residua bonorum tanta est, quantam benignissimi Principis erga Societatem amor efflagitat, eritque hoc Collegium cuilibet oneri perferendo. Templi sumptuosa moles vrgetur, ut Cardinalis ossa in Hispalensi maximo templo deposita huc breui transferantur: cætera fabricatio surgit quinque iam hominis staturis elata; exedræ tamen Latinorum suam celsitatem asecutæ festinè reguntur. Cum primùm de Cardinalis obitu tristis allatus est nuncius, curatum est de cenotaphio pro dignitate apparando, deque exequiis quam exactissimè celebrandis. ergo cantoribus Compostelanæ Metropolis acceritis, & Collegiorum, quæ in Calaico regno habemus, grauissimis quibusque Patribus conuocatis, nouendiale funebre officium nostri peregere. Illustriſ admodum Lucensis Episcopus, in cuius diœcesi Collegium hoc est, primo exequiarum die concionatus, quid nobis, quid Cardinali tribueret, apertissimè declarauit. Idem die postero sacrum celebravit, Paterq; Franciscus Labata Provincialis vicarius ad Collegiorum Societatis in hoc regno res omnes explorandas, verba fecit ad populum. Ex diui Benedicti diuique Francisci familiis, quas ambas habet hæc ciuitas, religiosi monachi exequias tanti Præsulis & sacro & hymnis absoluerunt, deque laudibus Cardinalis pro concione grauiter egerūt. Denique ex nouem nulla dies fuit, quin ex loco superiore Cardinalis

verbis amplissimis prædicaretur, neque oratio de-  
esse poterat in argumēto copioso. Ergo callidi re-  
rum æstimatorēs, non aliter nostros beneficentissi-  
mo Roderico parentasse aiebant, atque regni he-  
redes parentibus iusta persoluunt: ipse enim & ap-  
paratus & comitatus Regum funerea pompa visus  
est dignus. Claudam huius Collegij historiam  
commemoratione Fratris cuiusdam nostri sospita-  
tis admirandæ sacrosancta Dei matte auspicie:  
quæ sic habet. Quidam ex nostris domesticis cùm  
decisis negotiis, quorum causa à suo erat Rectore  
missus, domum rediret, in altum flumen deuenit;  
quod quia profundum, sine lintre transmitti non  
solet; Silim accolæ vocant. cunq[ue] cymbæ gubernato-  
rator abesset, ratus Frater Collegij famulo adiu-  
uante, qui comes erat itineris, cymbam se com-  
modè esse recturum, fluuiq[ue] sese animosè comisit:  
sed vbi ad medium ventum est amnem, vbi aqua-  
rum impetus vehementior erat, Frater & famulus  
licet validè remum impellerent, tamen vortice a-  
quarum instabilem cymbam rapiente vieti supe-  
ratiq[ue] cesserunt. Fratris comes nauigatione de-  
sperata sese coniecit in fluimen; beneq[ue] vertit. si-  
quidem non multo pōst feliciter enatauit; Frater  
verò ne quod extrellum videbatur esse remedium  
nimis citò tentaret, in lintre remansit, qui præcep-  
ferebatur. enimuerò cùm se altæ cuidā declivitati,  
quam efficit vnda præcipitans duabus in imum  
gurgitem lanceis, videret esse vicinum, & aquæ  
cadentis horrendo strepitu aures ipsæ obsurdeſce-  
rent, periculo attonitus se cruce signauit, & voce  
clara pronunciat, Adsit mihi Virgo Maria, cui est  
Antiquæ cognomen. ita nimirum Dei matrem ap-  
pellavit, quam sciebat nostri Collegij Monfortien-  
sis esse patronam ex fundatoris voluntate cum An-  
tiquæ visitato & Hispali & aliis in locis cogno-  
mento.

mento. Etenim Cardinalis Deiparam sanctissimam præcipua quadam pietate & religione veneratus est semper. Igitur in grauissimo vitæ discrimine Fratri opitulatus est Christus , matre Virgine deprecante. Nam per saltum illum aquarum cymba illæso vectore descendit, nec in scopulos impegit, qui & multi & asperi aquam ex alto labentem resistere cogebant, & fluctus resistendo frangebant. Et cum longo iam spatio temporis fluuium ubique torrentem linter errabundus sulcaret , quassatus atque fatiscens in imo fundo subsedit. Frater non ignarus omnium quibus perfunctus erat illud grauissimum esse periculum, Virginem communem aduocatam inuocare non desinit, alteraque manu strenue natantis muli frenum premens, altera remum, nando euasit ad exoptatam ripam incoluisse; non sine stupore multorum, qui è terra ipsa, quem iuuare non poterant, miserabantur fausta & felicia precantes, & ancipiitem nostri Fratris inter vidas viam Deo, cui nihil est arduum, commendantes. Virginis auxit res tanta pietatem, cuius se fama dilatauit . quis enim non admiretur in tam longa iactatione ( nam passuum sex millia per aquas emensa) sanum & valentem suis esse Fratribus restitutum?

### *Collegium Vergarense, & Ascoithiensis initia Mansionis.*

HABITATORES decem , quinque Patres , & totidem Fratres . omnia per hosce operarios ex Societatis dignitate fiunt, siue humaniorum litterarum scholas , siue in proximos nostrorum officia charitatis plena perpendimus. Conciones, Cantabria Castellanaq; lingua neminem salubris exhorte-

tationis expertem esse patiuntur. itur ad pagos, & domi catechismus habetur Vasconum lingua, per-utilis ad gentem Toletani idiomatis ignatā com-modius, instruendam . Ascoithiam huius pro-uinciae nobile castellum ex ordine presbyterorum duo nostri profecti , vt domum inibi inchoarent laicis clericisque poscentibus : cui est postulato libenter assensum propter beati nostri fundatoris Ignatij vicinos penates, lateinque paternum, cuius nunquam memoria consenescet. Ascoithiaē valde propinquā Loyola est eius natale solum , qui nos in Christo generauit. hic facellum ad tempus extruitur: quo die primum celebratum est sacrum, in-numeri mortales adsuere. in nouam fabricam collata gratis pecunia est , laudandaque viduæ vnius liberalitas , quæ vrgendo operi centum aureos libenter attribuit; quę summa pro gentis inopia parua videri non debet . quidam amicus argenteum calicem dedit, & ex eadem massâ patenam. Nobilis matrona nostri Patris Ignatij cognata, sericum ornamentum largita est ad sacrum faciendum. Nostrorum non modò conciones, sed etiam consilia & colloquia tanti aestimantur, vt tum ē sug-gesto dicentes, tum domi salutaria præcipientes à plurimis audiantur. Vtriusque rei fructum corre ctio morum , inueterataeque licentiae quasi fræni inieicti testantur. Nam concubinæ pulsæ, alea ex-terminata, comedationes compotationesque sub-latae, quæ tria publicam offenditionem pariebant præter ipsarum perniciem animarum Neimpe im-mortalis Deus ei se præbet terræ beneficium , quæ nostri Patris Ignatij aliquando impressa vestigiis, & quasi arata fert fructum.

*Collegium Anglicanum Vallisoleti.*

A LVMNI plures quinquaginta, eorum ferè valētudo prospéra. postquam enim Collegio amplificato laxiores esse cōperunt, integra sanitate potiuntur. Iubileum, quod vigesimoquinto quoque anno Romam peregrinantibus Apostolica sedes indulget, id summus Pontifex Clemens VIII. Anglorum Catholicorum vbi cumque degerent, voluit esse commune. quare nostri conuictores Iubilei animo lucrandi pia commentati dies aliquot se intra cubicula tenuerunt. Regi Philippo Vallisoleti quidam Angli adolescentuli, qui ex Audomarenſi Collegio litteris humanioribus exculti Pinciam ad ſeueriora ſtudia venerāt, quodam noſtro ſacerdote Anglo huius Collegij incola interprete, ſeſe ſiſtere voluerunt: eorumque vnuſ natus annos quatuordecim Audomarenſis Collegij no- mine, gratias egit ob tutelam patrociniumque Collegij, ſuamque legationem & Regi, & iis qui eum circumstabant regni proceribus valde probauit. Sed quo maiorem voluptatem caperet, cuius audi- tate in hic quaſi primus gustus accenderat, ipsum Anglicanum Collegium cum Regina comite lateris indiuidua, viſitauit die quaꝝ diuo ſacra eſt Bernardo. Erat Collegij tem- plum mirificè ornatum, domumque totam pa- ratus magnificus decorabat: quamquam in ſacra æde Collegij nihil tam eminebat quam ſancti Al- bani Britanni Martyris reliquiæ in pretiosam in- cluſæ gemmam, Philippi II. donum verè regale. Loca illa, quæ Rex Reginaq; obituri eſſent, picturis eruditis, hieroglyphicis poëmatiſque fulgebant, quorum ſpecies detinebat oculos, animam ſenſa ipsa paſcebat. Patris Henrici Walpoli, qui Collegij

quondam Minister ante annos quinque martyris in Anglia perpessus, & Societatem, & hoc Seminarium nobilitarat, ad viuum expressa, quæ se cunctis monstrabat effigies, animos vehementer emouit. In templum ingressos Regem ac Reginam Pater Provincialis setico pallio indutus excepit: quæ medium cinxere duo Angli sacerdotes Ecclesiastico ritu linteati, Regibus Christum crucifixum venerantibus. eas preces Pater Provincialis cantauit ex libro, quas nouum Pontificale prescribit. Surrexerat Rex. sed cum intellexisset sancti Albani Britanni Martyris illam esse carnem, quæ in gemma præclarissima seruabatur, denuò genibus inflexis procumbens sanctum pignus adorauit, admirantibus Anglicanis alumni, & quid inter Henricum hoc nomine octauum, eiusque filiam, & inter Philippus patrem & filium interesset, clarè cernébibus. Regibus è templo ad primū domus atrium egressis, alumni, qui illic expectabant, vñā & pariter genua inflectentes coniugum Regiam Maiestatem & animo, & ipso habitu corporis honorauerunt, inde ad exedram bini gradiuntur, quæ instar theatri Reges erat acclamationibus & spectaculis remoratura. Erat aula vestita dignissimè, sed ex picturis & poëmatis maior inerat loco formositas. Rex pictam illam poësin, quæ tam multis in locis affixa pendebat, admiratus (erant chartæ plures ducentis & sexaginta) asperuari omnes iussit, inque regiam deferri, vt omnia sumpto spatio perspicceret. Rege intraute neruorum dulcissimus cantus insonuit. siquidem & fidibus & plectro canendi peritiam nostri alumni consequuntur. Erant Angli adolescentes ita distincti, vt medium locū Theologi tenuerent, latus vnum Philosophi, alterū clauderent Rhetores & Poëtæ: qui minimi erant primi stabant, mediocris statura secundi, elatae & proce-

ix postremi; apparebatq; quidam naturæ progradientis gradus in illis: omnium modestia penè incredibilis amorē excitabat. Fuit hoc spectaculum regni Dynastis adē gratum, vt dicerent illorum sortem fore felicissimam, quorum liberi in hoc Seminario eruditarentur. Cū & Reges asseditent, & silentium murmur omne compesceret, bellus quidam puer ex Anglis oratione pereleganti Regis in Anglos imminens largitatem commepdauit; qua finita vocum secutus est cantus. eo desinente adfuit puer ille, quem vti annuis superioribus scripsimus, pater, vt alter Abrahamus Deo obtulerat, & ab Anglia Pinciam vsque detulerat. Cumq;ue in paratum suggestum ascendisset, Hispana lingua, quam celeriter didicerat, ad ea quā decem diuersis linguis explicanda essent à totidē oratorib; viam muniuit, attentionemq;ue captauit. Psalmus tot linguis explanandus ille erat Dauidicus, *Domine in virtute tua latabitur Rex.* Explicandi peropertuni psalmi consilium sapientissimi quiq; laudarunt, iēsque est perfecta feliciter linguae illæ, fuerunt Hispana, Hebræa, Græca, Latina, Germanica, Anglicæ, Vuala, Belgica, Gallica, Itala. Aet;e deinde gratiæ Regibus, quod se tam humanos præbuissent oratore puerulo, qui & vñce & gestu ipso multorum lacrymas expressit, Regesque ipsos emolliuit. qui puer vbi perorauit, Regis osculatus est manū: eum Philippus extento per collum brachio amanter amplexus, ceteros omnes alumnos simili est fauore dignatus. Sic quidam ex optimatibus, qui Regi assistebant, multas epulas Philippum gustasse dixit, sed linguarum tam bene conditarum hunc cibūm omnium fuisse suauissimum. hoc tempore Regij ministri cum cereis, & accensis funeralibus apparebant, quod nōx terras obumbrasset. Nostri quoque Patres gratias egere Regibus, & Seminarium

rium de integro commendarunt: quibus redditâ responsio est sibi curâ fore Collegium, vbi Dei serui sint tam multi, & fides habeat certa subfidia. quin etiam Duci Lermenhi ille quem alit ostensus est, quem ut vidit, paterno est amore complexus, auctorque Reginæ fuit, ut aliquorum alendorum curam susciperet; quod sibi in animo esse Regina respondit. Plura qui scire volet, eum librum legat, quem de hoc ipso argumento accuratè scriptum, & typographi officina perpolitum auctor perulgauit. In eodem libro pulchra illa legetur historia de imagine Mariæ Virginis, quam in Gaditana illa vastitate hæretici Angli, pirataq; infames immannissimè tractauerunt: quam Martinus Padilla, qui Catholicorum classi præerat, in suo sacrario reposuit, secum præclarè actum esse ducens, quod effigiem furiosorum gladiis deformatam Christiani doloris incitamētum habere meruisset: qui tamen precibus sollicitatus fatigatusque Virgineum simulacrum omni pietate colendum Vallisoletano dedit Anglorum Collegio, vt quam Angli dæmones contemerassent, eandem Anglicani Angeli, quantum in ipsis positum esset, honorarent. Curatum est quidein, ut Rege Pincia commorante effigies Virginalis, quam hæretica rabies offenderat, qui illorum mos est, quos satanas arripuit, sumptuosissima pompa collocaretur: sed tempora impedierunt, quo minus Rex Philippus adesset, Madridum reuersus exigentibus ita negotiis sed bene quod Regina mansit; qua præsente in ipsis nascientis Virginis Mariæ feriis, Dei matris effigies secretò ad Collegium missa, ex Carmelitanorum cœnobio, equituim nobilissimorum comitatu, ad primarium Vallisoleti templum lectica transuehitur, comitantibus Anglicanis multis ex Seminario, cereis accensis. Talem tantamq; hospitam celebri pompa excepere

excepere Canonici, eorumque in templo innume-  
 ris accurrentibus pernoctauit. Sacræ imaginis fa-  
 cies obtecta interdum velo remoto mōstrabatur;  
 sed lacrymas & fletum pia turba tenere non pote-  
 rat vulnerum aspectu, quæ multa & atrocia filij  
 matrisque sacrī iconibus hæreticorum rabies,  
 imposuit. Templo iam ab interuentoribus vacuo,  
 quos nox intempesta domum redire coegerat,  
 peritus quidam pingendi artifex lineamenta ad  
 viuum expressit imaginis, quæ communicari cum  
 multis posset, & pietatem propagare. Licet enim  
 concisa gladiis, tamen suum habitum conseruat,  
 & eos qui aspiciunt ad reuerentiam religionemq;  
 componit. Die postero, in quo sacræ Virginis &  
 Dei genitricis natiuitas anniversariâ celebritate  
 recolitur, Cathedralis Ecclesia festum illum diem  
 Christianis semper augustum præcipua quadam  
 magnificētia celebrauit. Concionatus est ex Do-  
 minicana familia Pater quidam doctus & grauis,  
 Collegis nostris Anglicis ante imaginem precan-  
 tibus, qui quaterni succedebant: in concione ta-  
 men, & in sacro maximo totum Collegium asse-  
 dit. Vespertino tēpore pompa instituitur ad ima-  
 ginem ad Collegium deducendam. Ciuitatis so-  
 dalitia vniuersa concurrunt, suum quodque ve-  
 xillum & insigne prætendit. Religiosoruim cuncti  
 Ordines, itidemq; numerosi sacerdotes ex pato-  
 chiis inclytæ vrbis linteati ducenti: in postremo  
 agmine Cathedralis Ecclesiæ Canonici alba cera  
 colluentes, quam ceteris dedere cleticis liberali-  
 tate singulari. thensam argenteam, vbi erat imago  
 Virginea, Canonici quatuor usque ad templi val-  
 uas exportant; ex eo loco octoni Britanni College  
 vestiti Dalmaticis dulce onus subierunt. Prætor  
 urbanus Vallisoletanusque Senatus, Virginis fer-  
 culum corona auræ redimitæ, veloque testæ pel-  
 lucido

lucido sequebantur. Plateæ omnes præ latitia gestare videbantur, erantque domorum parietes pretiosis ornati tapetiis. insolito gaudio omnis populus exultabat: negabant homines artate prouecti quidquam se Pinciæ vidisse vñquam & spectasse celebrius. Collegium nostrorum Anglorum aurea erat tela vestitum, quam Regina in hunc finem commodauit: graues & eruditæ picturæ, ingeniosique versus tuim vernaculi, tum latini templi vestibuluin decorabant, hos habet liber ille quem diximus. Venerat in Collegij templum Regina maturè suis comitata pedissequis ex ipso flore nobilitatis Hispanæ, septaque militari custodia. Appropinquanti templi foribus sacræ imagini Regina supplex occurrit, quam ita est religiosè venerata, vt nemo non tali pietatis exemplo mouetur. quod enim miserrimè Britannorum Reginæ piratae prædonesque peccauerant, vna quæ in orbe est Catholica Regina Margarita correxit, & hæreticorum inexpiable scelus publico illi præconio cōdemnauit. Quidam ex alumnis oratione Latina Virgini pro templi foribus acclamauit, nec enim ædis angustiæ multitudinem infinitam capiebant. oratio vehementer approbata multos habuit, qui eius sibi exemplum postularent. Demum introducta imago est cantu symphoniamque multorum, quos & vocis suavitas & illius artis intelligentia nobilitat. Recedentibus nocte suadente, qui venerant, tamē Regina manet adhuc in tēplo: cumque ei poscenti imago detecta esset, qualis & quāta religio regale illud pectus imbuisset, ostendit. per 9 ipsos dies imago in altari ad hunc vsum excitato primâlit, locusq; datus est, vt suam pictaram cōgregatio, quæq; monstraret. Quæ his nouis diebus pietate duce sint gesta, nō dico: est liber in manibus, vbi hæc explanatè copioscet; narrantur.

Colle-

*Collegium Abulense.*

**A**BULENSIS ager natura ferax, nostrorum cultura segetes fundit copiosas. Nam concionatores auditorum corona non deficit, & confessariis supplicum turba non deest. & cum diuini verbi praecones popularem plausum minimè captent, eos tamen gloria illa consequitur, quæ virtutis est coines. Rex mense Iunio Abulensis hospes à nostris dialogo exceptus, & versibus decantatus. Collegij domus tot iam annos incommoda ædificatione noua fit habitabilis. Senatus vrbis material ex Reip. syluis liberaliter donat ad trabes excidendas, ipsaque erit consignatio gratuita. lapides etiam quia domi nascuntur, facilius ædificare nos admonent. Priuatæ multorum eleemosynæ, eaque prædiuites ad sumptus erogatæ. Duo ex hoc Collegio, & litterati presbyteri, & nobiles operarij ad nobile D. Martini opidum, quod Vallum Ecclesiarum dicimus, fausto pede profecti felicis excursionis initia protulerunt. Mille familias vbecula Hispanis bene nota complectitur; ciues bene morati, & à rusticorum consuetudine prorsus alieni. In hoc percelebri opido nostri illi duo campum adepti sunt, in quo Christiana utriusque charitas posset excurrere. in eo tota Quadragesima comimorati concionibus, confessionibus, catechismo, que in cantu inchoabant, horatione morali cladebant, omnium incolarum in se oculos & ora conuerterunt. Nemo nobilis, nemo clarus, nemo cordatus nostrorum congressu non gauisus est; & quam poterat in sui pectoris dominum quisque utilitatem ex nostrorum aditu deriuabat. Parochi confessiones audiendi constantiam perseverantiamque laudabant: quorum

ex ore laici hoc idem admirabantur; nilque unquam simile Vallidesiensibus euenisse uno ore affirmabant. Via publica gradientibus vulgo acclamabatur, eorumque felicem cunctis suis aduentum minimi maxiimi dictabant. cumq; in postrema cōcione post ferias Christi à mortuis existentis unus ex Patribus benevolæ ciuitati ultimum vale dixisset, & de hospitio tam officioso gratias egisset; gemitus & lacrymas consessus ipse repedit, testes amoris, obsides voluntatis. Egit Senatus de missa ad Collegium grandi eleemosyna; sed nostri duo vehementer obstatunt; nempe quibus animorum una salus ex Societatis instituto proposita esset.

### *Epitome trium Collegiorum qua præterea restant.*

BELLIMARENSE domicilium pagos finitos suo fonte irrigat: qui in eo operarij censi vix duo, panem otiosi non comedunt.

AREVALENSE Collegiū dupliciter ædificare non intermitit. nam & proximos gnauiter adiuuat, & habitandi dilatat angustias, coemto solo ad templū pro fundatoris dignitate ponepdū, qui genere clarus & pollēs diuitiis Collegium amplè dotauit.

LEGIONENSIS nostra domus sui non dissimilis perseverat. ex Philosophiæ incepto curriculo alter it annus. nostri auditores se morigeros præbent & sedulos. Latinorum numerosa schola urbanis montanisque perutilis à sua numquam præstantia degenerat. Hæc sunt, quæ Castellana prouincia gesit hoc anno. Deum immortalem precamur, vt Castellanus hic ager florescat quotidie magis, quem vniuersa Societas semper est experta frugiferum.

## PROVINCIA ARAGONENSIS.


SUNT in hac prouincia de Societa-  
 te duodeviginti supra trecentos.  
 In Valentina Professorum domo  
 quadragintaquatuor, ex his sacer-  
 dotes vigintiquatuor, Scholaris  
 unus, Coadiutores reliqui. In  
 Collegio Valentino, duo & quadraginta; sacer-  
 dotes quatuordecim, prælectores quatuor, nempe  
 Scholasticæ Theologiæ duo, Moralis unus, unus  
 item sacræ Scripturæ; Scholares sexdecim, reliqui  
 Coadiutores. Gandiae vigintisex, sacerdotes se-  
 prem, unus Philosophiæ professor, Scholares un-  
 decim, præceptores Grammaticæ duo, ceteri Co-  
 adiutores. Cæsaraugustæ quadragintaquinque,  
 sacerdotes unus & viginti, prælectores duo, unus  
 Casuum conscientiæ, alter Philosophiæ; Schola-  
 res decem, reliqui Coadiutores. Bilbili quatuor-  
 decim, sacerdotes octo, professores Grammaticæ  
 tres, reliqui Coadiutores. Turiasonæ sunt totidæ,  
 sacerdotes septem, prælectores Grammaticæ tres,  
 Scholaris unus, ceteri Coadiutores. Barcinonæ  
 sex & viginti, sacerdotes duodecim, professores  
 Theologiæ Scholasticæ duo, Scholares sex, reliqui  
 Coadiutores. Tarragonæ quatuor supra quadra-  
 ginta, sacerdotes nouem, quorum duo Nouitij, ti-  
 tones Scholaris vigintitres; Coadiutores antiqui  
 sex, totidem nouitij. Gerundæ vndetriginta, sa-  
 cerdotes duodecim, prælectores quatuor, nempe  
 Grammaticæ tres, Seminarij Humanitatis unus:  
 Scholaris decem, unus professor Grammaticæ,  
 ceteri Coadiutores. Maioricæ sex & viginti, sa-  
 cerdotes tredecim, prælectores quatuor, scilicet  
 Grammaticæ duo, Philosophiæ unus, unus etiam

Casuum; Scholares quatuor, unus professor Grammaticæ, reliqui Coadiutores. In sede Vrgellensi nouem, sacerdotes quinque, professor Grammaticæ unus, Scholaris unus, reliqui Coadiutores. Domus Probationis Oriolana nondum à nostris habitatur. Auxerunt sociorum numerum vigintiseptem; minuere decem, ex iis dimissi sex, horum tirones tres; vixere quatuor.

### *Domus Professa Valentina.*

Hoc anno è domesticis grauiter morbo tentati multi; Dei tamen beneficio conualuere omnes. Enituit pietatis profectusque spiritualis in omnibus studium vehementer, nec minus proximos solitis Societatis officiis, ad pietatem infermandi cura. Admissi in Societatem tres, unus Coadiutor, Scholares duo optimæ indolis & spei. Piis meditationibus exculti nonnulli, inter quos nobilis quidam magno cùm sui, tum multorum aliorum nobilium bono. In omnibus ferè parochiis frequenter à nostris conciones habitæ, in quarum vna verno ieunio concionatus unus è nostris, postulante & astante Prorege, totaq; ipsius familia, & ingenti omnium ordinū multitudine. Copiosi fructus in dies fuere frequentes confessiones. Ad nostras ædes magni siūt cōcursus festis diebus matutinis ac vespertinis ad conciones audiendas, ad Eucharistiæ Confessionisque Sacraenta percipienda. Sollenne est nostros ad extremè labrantes iuuandos diu noctuq; vocari. Inuisa xenodochia, aditi carceres, ad fontes præsertim extremum subituros discrimen firmandos. quoruū unus, cùm longè res alias ageret, quām quæ mox moriturum decerent, nostrorum sualu & industriâ ad meliorem se frugem recepit. Alius latam in se capitis

Pitis sententiam diuinatm esse vltionein palam professus est, non tam pro notis criminibus, quam pro occulta matris nece. Neophy whole cùm esset morte mulctandus, inductus à nostris est, vt in Christiana religione decederet: purgauit animam confessione miro sensu pietatis, tantoque animi ardore sacram synaxim expetiit, vt eam obtinuerit præter morem, & in præconcepta spe omnium animos confirmauit celebri in ipso vitæ exitu suæ fiduci professione. Nobilium Sodalitas haud modica in dies sumit incrementa, datque insigne virtutis & pietatis specimen: & ut mittam cetera, hoc anno trecentos omni humana destitutos ope & vinculis liberauit. Sodalitum alterum, et si nobilitate inferius, non tamen virtute & pietate. Inter cetera, hæc ad memoriam insignia. Sæuuit hoc anno dira quædam ac pestifera lues in Valentino agro, ex hoc cœtu fermè septuaginta, & in iis non pauci nudis pedibus, duobus è nostris viæ ducibus, Deiparæ ædes (distant eæ ab urbe milliaria nouem) Litanias aliasque sacras preces in via piè recitantes composito agmine, pro communis salute ac bono deprecaturi petierunt. Ab' atæ ibi animi sordes, salubri diuerberatione corpus subactū, summa spectantium admiratione domum regresſi. Celebrarunt iidem primi celebri pompa & apparatu diem, quo B. P. N. Ignatius è viuis excessit, serico peristromate ornato facello, in quo Patris eterni Ignatium eiusque socios Christo commendantis imago colitur. euenit res ex animi sententia; aucta hinc in ciuium animis in P. N. pietas, & eam votiva pro beneficiis acceptis donaria ad eandem aram pendentia declarant. Inducti ad id fuere Religiosorum Ordinum huius urbis exemplo, qui eadem Religionis officia in suos Beatos exercere solent. Mitto crebras per annum corporis

ris castigationes, & ante has narrata de more exempla. Obita etiam hoc anno Regis iussu Neophytorum opida. Maurus quidam genere & religione in extrema lueta dare Christo nomen constituit nostri illi assidentis suasu; sacroque fonte lustratus, protinus obiit. Piorum in nos liberalitas maior, ut sexcentorum aureorum æs alienum fuerit persolutum. auctò etiam sacro instrumento, ad trecentos & quinquaginta.

### *Collegium Valentinum*

**E**XTRÉMVM clausit diem P. Ioannes Baptista Giner Theologiae professor, & quatuor votorum professus, vir probitatis, modestiae & eruditionis laudibus insignis: in huius locum suffecti nouem, Scholares septem, Coadiutores duo. Honestarū, ut mos est, assertiones nostras viri primarij vrbis-que Consules; confluxerū litterati viri quamplurimi, & ex omnibus Religiosorum familiis peritissimi quique, ea opinione allecti, quam de nostrorum eruditione iam diu imbiberunt. Erectus est paries ad domus custodiam pernecessarius; & exædificata pars domus, opus quingentorum aureorum supra millenos. Absolutæ item lipsanotheçæ duæ pulcherrimæ aureis circiter trecentis, locatæ in templo die Conuersioni D. Pauli Tutelaris nostri sacro, celebri pompa & frequentia auxit lætitiam & celebritatem Prorex ipse suo aduentu. Opificum numerus, quem scripsimus in Collegio ad verbera & exempla conuenire, vehementer hoc anno auctus, ut fermè trecenti numerentur; quantus ex his fructus percipiatur, ex iis quæ subiiciemus, aliqua ex parte planum fiet. Pia quadam & laudabili contentione suæ conditionis Sodales, de quibus suprà actum est, imitati non absimilem ad easdem

eadem Deiparae ædes supplicationem instituere, eademque pietatis officia exercuere, impulereque alios ad sui imitationem. Horum quidam cum sui oblitus quendam in foro multis coram arbitris male verbis accepisset; tanto est sequenti die dolore tactus, ut pertæsus facti protinus laceratum eodem loco conuenerit, & ad genua prouolutus, veniam supplex obtinuerit: sicque honor restitutus, redintegrata amicitia est obstupente circumfusa plebe. Cum comperissent quidam ex eorum numero, adolescentem colaphos matri impegnisse, ei ut intercesseret exemplo, suaserunt. nec fecellit spes; sic enim est narrantis verbis commotus, ut nec suspiria comprimere, nec lacrymas continere potuerit: domum inde regressus, matrisque pedes ac manus non semel deosculatus veniam exorauit.

### *Collegium Gandiense.*

Vix celebres hoc anno, ita frugiferæ concionatoris nostri conciones Quadragesimæ fuere. Quidam qui præ concepto in inimicum odio à confessione diu abstinerat, nostro verba faciente, ita est propriæ conscientiæ stimulis actus, ut genibus flexis iniuriam publicè condonarit. Non dissimili exitu alias, qui dato pretio sicutum ad inimici necem induxerat, rediit in eius gratiam. Reflorescit in dies magis ac magis noua Sodalitas omnium ordinum, ut alias retulimus. Ad depellendum gliscentem morbum, & placandam offensi Numinis iram, eadē ferè quæ à Valentinis Sodalibus acta. Designarunt duos & quinquaginta, qui hebdomadis sibi distributis nosocomium adirent, fouerent recrearentque ægrotos; præbuitque se in tam pio munere ducem Dux Illustrissimus Borgia; qui honestos Sodalium conatus ad-

modum promouet magno omnium exemplo. E-repti item ab eisdem è vinculis ducenti. Festum diem Assumptionis B. Virginis, à qua hoc Sodalitium nomen accepit, singulari hoc anno veneratione ac celebritate egerunt. In posterum tamen Illustrissimus Dux pro ea, qua Deiparam prosequitur pietate, ad suas voluit huius festi curam curas accedere. Quibus rebus commoti utriusque ordinis opidani egregiè sunt in Societatem animati. Exoptant etiam suam Ecclesiastici Sodalitatem; dumque facultas expectatur, instituta illis priuata exhortatio, ad quam mirum est quam sint frequentes. Translatum hoc anno Circuincisionis festum è templo maximo, ubi quotannis agitari solituim, in nostrum: quod non vulgate fuit annoris & benevolentiae in Societatem argumentum. Imploratum à multis, nec frustra P. N. Ignatij auxilium, &c. vt alia omittam, celebriora tantum, & publicis tabulis ac testimoniis comprobata attin gam. Virgo quædam diu membris capta, aliisque morbis exercita, inuocata P. N. ope, integræ est sanitati restituta. Ab epilepsia alia & colico morbo, quibus miserè cruciabatur, subito erepta. Extremè item laboranti alteri, inuocantiique eiusdem patrocinium, affait, ademitq; letho. Illustrius postremum: Mulier quædam, quæ diro poplitis dolore vexabatur, cum iret cubitum profusis lacrymis se se B. P. N. commendat; dein somno correpta cuiusdam per quietem P. N speciem sibi obiectam dixit; videbatur sibi B. P. videre secum ita hilari vulneru colloquentem; Quia meum inuocasti præsidium, præstò adsum tibi. vt ope feram, tactoque manu poplite omnem ab ea dolorem depulit, sequenti que luce ad debitas cælesti medico grates persoluendas ad nostrum templum accurrit. Expectantiam diu dominus membrū cœptum hoc anno ædificari

edificari Regis Ducisque liberalitate, quorum ille aureos mille liberaliter obtulit, ut irruentibus quotannis aestiuo tempore morbis eatur obuiam. Sacra supellex aucta aureis mille.

### *Collegium Cæsaraugustanum.*

**D**ECESSIT Frater unus Coadiutor singulari probitate: eius locum impleuere duo item Coadiutores. Maxima est in hac vrbe apud omnes Societatis existimatio, in rebusque dubiis libenter ac frequenter nostrorum ope vniuntur. Nullus Quadragesimæ dies absque concione in nostro templo prætermisso. In Proregis aula ter per hebdomadas cōcionatus unus ē nostris. Ad audienda gesta Sanctorum referri solita per annum vespertinis horis, subigendaque voluntaria afflictione corpora multi ventitarunt ad nos. Duo, quorum alter in Iberum, alter in profundum riuulum se dare præcipites dæmonis suasu constituerant, nostrorum suasu meliora iniere consilia, patefactis confessione criminibus. Itum frequenter ad hospitales domos; habitæ piæ exhortationes in publicis custodiis. Excusum hinc quinques in vicina opida, magna multorum vtilitate. Extincta odia, æs alienum persolutum, erepti ē diuturnis peccatorum nexibus multi; auditæ penè innumeræ confessiones, totius anteactæ vitæ quamplures, ab ijs præsertim, qui D. Archiepiscopo diœcesim de more lustranti laboris socii fuere. Ad Neophytoros erudiendos profecti duo; nec frustra, patefecerūt aliqui noxas, nonnulli totius vitæ: in ijs duo à reliquorum conuictu & consuetudine discedentes cum omni familia sese ad veterum Christianorum cœtum receperunt; ne prauo æqualium exemplo redirent ad vomitum. Quatuor Sodali-

tia, scilicet nobilium, opificum, Theologorum & Rhetorum pietatis fructus dedere quamplurimos. Nobilium alumnorum benignitatem experti trecenti. E custodiis publicis educiti, recreatiique pauperes. Eorumdem suasu & operâ Bacchanalibus diebus horas quadraginta patuit sacra Eucharistia in nostro templo ad id apprime ornato: iteratæ per interualla conciones: percepta à multis sacra synaxis. affuere Reuerendissimus Archiepiscopus Præsulque Iauetanus, magno omnium exemplo, ingens utriusque sexus multitudo: fructus haud minor, quam pietas, frænata multorum licentia.

### *Collegium Bilbilitanum.*

**M** V T A T V M hoc anno domicilium in latiores ædes, composita tradendæ Grammaticæ gymnasia Concessum nobis ab Antistite ædibus ferè continens templum ad munia Societatis obœunda. Legati à viro dignitate Ecclesiastica primario aurei mille. lustrati circumiacentes pagi in quodam illorum dissidentes multorum animi sedati. Missi duo Archiepiscopo postulante ad subortos in pago satis opulento tumultus compendos; cessit res ex animi sententia. Confessiones multorum à prima pueritia repetitæ, alijque non exigui fructus percepti. Mulierculæ duæ quæstuariae, mutatis in melius consiliis, quo facilius non solum a scelere, sed etiam à periculo abessent, in Conuersarum cœnobium se se receperunt. Reuerendissimi Episcopi ad hanc vrbein aduentus, celebratus est ab uno è nostris Scholasticis eleganti oratione, summa omnium voluptate. Transferebantur D. Eneconis reliquiæ ad paratas sedes eximia pompa; quæ cùm Collegium nostrum præteriret, excepta fuit a decem pueris ex iis, qui nobis dant

dant operam, apprime ornatis, multigena carinina  
in sancti viri laudem recitanibus : qui dein totidem  
faces manibus præferentes religiosum agmen  
religiosè sunt prosecuti. Diuertit ad nostras scho-  
las Antistes, fuitque ab eorum alumnis drainate  
donatus, quod ipli ceterisque è prima nobilitate  
viris gratissimum accedit.

### *Collegium Turiasonense.*

VIXIT Coadiutor unus probatæ virtutis. Acci-  
tus in nostrorum numerum scholaris non vul-  
garis spei. Partheniani alumni haud exiguos in  
probitate fecere progressus. Philosophiaæ curricu-  
lo dedere finem publicæ theses magno omnium  
applausu, & existimatione doctrinæ. Antistes cre-  
bra in nos benevolentiae signa ostendit: interest  
haud raro litterariis exercitationibus. Nec defuit  
altis nostrorum opera. concionatum saepe; acce-  
ptæ confessiones, traditus catechismus, inuisiæ  
gri; nec animorum modò præsidiis, sed etiam sub-  
sidiis corporum instructi. ad carceres itum. con-  
firmati extremè laborantes. Habitæ conciones per  
Quadragesimam in templo primario maximo  
fuerū. Missi hinc aliqui ad confinia, non inutiliter  
laborarunt. extincta fuere exardescientia odia, &  
redintegratae amicitiae. Accidit in hoc Collegio  
quiddam ad eos, qui sese Societati dant, in senten-  
tia confirmandos oportunum. Nouitius quidam  
relictæ cognatae nimio amore, & reddituum Eccle-  
siasticorum spe allectus, castra deseruit; sed paulo  
post spe delusus, & à cognata, apud quam iacebat  
agrotus, in nosocomium missus, diuinam est ex-  
pertus vltionein, hisque miserijs afflictus milere  
obiit.

*Collegium Barcinonense.*

MIRVS auditorum extenorū, vt s̄epe scriptum est, ad nostros doctores concursus. Annas theses illustriores reddidere Prorex Illustrissimus, omniumq̄ ordinum viri grauissimi; iucundum planè omnibus spectaculum, probataq̄ respondentis doctrina. Ea est omnium de nostris existimatio, vt non raro de quæstionib⁹ ad officium Christianum pertinentibus cùm ab omnibus consulantur, tum maximè ab Episcopo. Vtique congregatio, scholasticorum scilicet & opificum, litteris, virtute & pietate sit in dies illustrior. Scholares alumni litterariis exculti exercitationibus, recitatoq̄ coram Antistite iucundo dialogo, non vulgare eruditionis & ingenij specimen dedere. Ex horum cœtu tres Societatem ingressi. Probatur omnibus opificum probitas; experti caritatem octoginta vincti, qui horum operâ, vinculis soluti sunt. recreati item ægri, & stipe collecta, induta egenorum corpora. Quibus rebus permoti Episcopus, & xenodochij præfecti quingenitorum aureorum annuos census in hæc pia opera expendendos, corundein curæ cominiserunt: quorum tanta est in commissio munore sollicitudo, opera & industria, vt ab eo tempore magna ex parte sit decedentium numerus imminutus. Christianæ doctrinæ summa quatuor in locis exposita diebus Dominicis. Non inutiliter laboratum solitis Societatis officiis. magnus præcipue confessorum fructus. Religiosus quidam, qui exuto habitu miserè aliquot annos extra Religionem diuagabatur, vni è nostris confessus, recursantibus animo melioribus cogitationibus, cōrediit, vnde non licuit discedere. Ad exempla, & eam quæ subse-

Subsequitur, diuerberationem non minor, quam  
superiori anno concursus.

### *Domus Probationis Tarragonensis.*

SPECTATA est tironum virtus in domesticis officiis; in peregrinationibus, patientia; caritas, in recreandis nolocomiis. Missi non pauci nec raro ad circumiacentes pagos ad doctrinæ Christianæ capita tradenda, vnde multis parta salus. Nec suo muneri defuere veterani in lustrandis custodiis publicis, audiendisque confessionibus solliciti. & par labori perceptus fructus. Cum quidam morti addictus ad supplicium duceretur, & reliquos in itinere cruciatus impatienter admodum pertulisset; ab uno è nostris patientiam edoctus, non solum præsentes cruciatus horre desit, sed maiores multo, quin & in frusta discerpi pro resarcienda sceleribus illata Numini iniuria ardenter exoptauit. Ara maxima templi exornata, & tabula egregiè depicta. Ad id, quod ante verbera narrari solet exemplum, præter auditores quamplurimos, Archiepiscopi Collegij alumni omnes vna cum praefecto accessere.

### *Collegium Gerundense.*

PIIS diuinuarum rerum commentationibus ferme omnes domestici hoc anno perpoliti alacrius in proximorum utilitate operas suas posuerunt. Concionator noster diebus Bacchanalibus coercuit multorum licentiam: cumque pro conacione vinctos, & oceultos præ pudore pauperes valde commendasset, ostiatim ipse queritans eleemosynam, collegit abunde, & diuisit vtrisque. Offenderunt nostri de more nosocomium inuisentes

tes morti proximum, qui quatuordecim annos in Societate egerat; in uasit exactum, ut narrauit ipse, malorum ac misericarum cumulus vñà cum summa egestate ad extremum vsque diem. Quinvis locis in vrbe & extra traditus catechismus non minori fructu, quam frequentia: nec minor confessionum vtilitas. Liberata è potentioris impotenti libidine feminæ cuiusdam pudicitia. à fraude dæmonis alia erecta, quæ graue crimen in confessione diu celauerat, sibi falsò persuadens ad cælestem percipiendum panem licuisse illud soli Deo confiteri. detexit illud, ceteraque vitæ totius, & in arrepto virtutis studio constans persistit. Missiones hinc aliquot solito fructu. Congregationis alumni consuetis pietatis & charitatis operibus intenti. Cum in aliis litterariis certaminibus, tum maximè in eo, quo veteri maiorū religione solet hæc vrbs Conceptionis Deiparæ festum celebrare. Scholastici qui nostris dant operam palmas omnes retulere: quo aliqua ex parte sedatus in nostras scholas excitatus turbo, & quod in hac re caput est, summa est in nos Episcopi benevolentia. Is circumcisionis die apud nos prandere voluit; concionatum inter prandendum senis linguis audienciam aures valde demulcentibus.

### *Collegium Balearicum.*

E VOLAVIT ad superos P. Hieronymus Pical, vir non vulgaris eruditionis, nec inferioris virtutis. Acciti in nostrorum numerum duo magnæ spei adolescentes. Sacellum maximum dolatis lapidibus constructum. Excursionum per insulam copiosus fructus. Cum decreuisset quidam in melius mutare consilia, expiauit confessione crimina; delusus diabolus ægrè factum ferens, ingentis colubri

lubri specie illius se oculis sequenti nocte obiecit, suæsitque spe omni veniam obtinendi deposita supremum adire discrimen. surrexit illico obstupefactus, munitusque signo crucis & lustrali aqua fugauit mortuum, & sacrorum mysteriorum præsidiis frequenter munitus, creptus penitus est à pertinaci dæmonis oppugnatione. Illustrè edidit miraculum B.P. N. Ignatij chirographum, cuius virtutem experti sunt sæpe alias incolæ. Desperata erat cuiusdam puellæ salus. accurritur ad ultimum præsidium; affertur laboranti subscriptio; hanc venerabunda deosculatur. nec vota fefellit euentus. poposcit indumenta post biduum, se valere dictans, breuique surrexit è lecto. Instituta de Christianis officiis prælectio non exiguos patit quotidie fructus, iis præcipue, qui à nostris extra insulam Theologiam audire non possunt.

### *Sedes Vrgellenſis.*

EMPTVS hoc anno oportunus situs ad domum à fundamentis excitandam: collati ad opus à fundatore aurei quatuor mille, & mille præterea ad libros, aliosque domesticos usus. Circumcisio-  
nis primum festum multitudine, & Episcopi con-  
cione insigne;is egregiè pro concione Societatem  
commédauit. Concionatus unus è nostris in tem-  
plo maximo Quadragesima tota matutino tem-  
pore, alter diebus festis vespertino. Profecti hinc  
aliqui ad vicinos pagos, multis profuere. Abolita  
iurandi consuetudo, restincta odia, redintegratæ  
amicitiæ, & alia pleraquæ magno multorum bono  
peracta; sed ut imperatæ breuitati consulam, refe-  
ram tantum duo. Mulier in montem proximum  
lignandi caussâ profecta, cùm subiisset animum  
oppimentum calamitatum, paupertatis præser-  
tim,

tim, cogitatio, doloris vi illacrymare cœpit. affucit illico humani generis insidiator habitu & forma sicarij, cognitaq; caussa doloris inœrentē domum redire iussit, arcam pane refertam domi promittens: Quod si, inquit, huc cuim filiis in crastinum regrediare, & te ad maritum ducam, & ingentem conferam auri vim. Rei magnitudine obstupefacta mulier inuocat Deiparæ nomen: evanuit illico diabolus horrido strepitu. pergit inde domum, promissos inuenit panes, eosque sine mora filiis distribuit. Sed vix ante cibum Iesus nomen protulit, cum totus ille panis cumulus spectantis oculos effugit. Narrauit hæc nostris, & ab iisdem dæmonis insidias edocta est. Altera à periculo Christianæ fidei deserendæ, ob contraria cum lamia amicitiam, & à turpi cum dæmone ipso consuetudine, nostrorum ope erepta. Apertum anno vertente Grammaticæ gymnasium, datum lectionibus initium eleganti oratione, præsente Episcopo, aliorumque multitudine, nec sine plausu & gratulatione.

## PROVINCIA BÆTICA.

**D**icitur hæc prouincia Bæticæ vinea in septemdecim distincta areolas excultas vitibus quatercentum & octoginta, quæ à cælesti cultæ vinitore cælestibus irrigatae pluuiis, quo magis sunt diuinis gravidatæ muneribus, eo fœtu vberiore turgescunt. Alit enim domus Professa sexaginta & tres, Collegium Hispalense plus vnum; Cordubense duodecim; Septuaginta; Granatense quinquaginta; Treguentense viginti; Malacense vnū plus; Biacense quindecim;

decim; Vbedense septem; Xerense deceim; Gaditanum duodecim; Astigitanum quindecim; Fraxinetense septem; Caçorlanum quatuordecim; Gaudixiense sex; Anglicanum octo; Montellanum septuaginta; Marcenense quindecim; Residentia Antiquerana quinque. Ex his generosis vitibus duæ & viginti ad cælestem traductæ sunt vineam, ut in fœcundiore consitè solo suis onustæ racemis magis lætæ, & largioribus alimentis satiatæ consurgant: in earum tamen loca substitutæ sunt duodequadraginta.

### *Professorum domus Hispalensis.*

NOSTRORVM sacerdotum charitas ad confessio-  
nes omnium, qui confluunt excipiendas; ad  
vincis, qui sunt in carceribus omni Sacramento-  
rum subfido penitus destituti, opem ferendam;  
ad rudes doctrina mysteriorum fidei poliendos,  
atque ad nosocomiorum ægrotos subleuandos  
extenditur. Conciones assiduæ tam in principe  
templo, quam in insignioribus vrbis parochiis,  
sanctimonialiumque cœnobiis habentur. Per to-  
tam hebdomadam in nostro templo ab utroque  
sexu iuge conuiuium corporis Christi Domini  
celebratur. Itum est ad turpis quæstus domum, ubi  
tanto cum spiritus seruore à quodam è nostris  
concionatuin est, ut aliquas ex illis mulierculis ab  
infami corporis diuulgatione, ab infamiique lupi-  
nari ad Conuersarum claustra transtulerit. Inter  
eos, qui veluti oues errabundæ sunt nostrorum  
operæ ad bonipastoris pascua caulasque traducti,  
insignis quidam extitit, qui cum dæmonis arte  
delusus cogitaret, sibi à Deo iussum fuisse, ut sibi  
violentas manus inferret; nostrorum monitis ad  
sanam reuocatus est mentem, sibi que à dæmone  
fucum

fucum factum fuisse cognouit. Alterius aduerso quodam fortunæ casu perculsi, vrgente præsertim dæmone, ita mens fuit de suo statu deiecta, in eamque redacta desperationem, vt se laqueo suspendere meditaretur. hic casu nostram venit dominum; quem cum de nostris sacerdos videret deambulante inscius animi perturbationis, illum ad confessionem incitat. titubat ille primò, & hæret magna præferens trepidationis notas. sensit illico sacerdos noster ex vultus perturbatione animum perturbatum, instatque: cuius hortamentis, & internis diuinæ dextræ impulsus motibus, perturbatus homo confessionem init, lacrymabundus presequitur; tandem sacrosanctæ confessionis virtute tranquillatus finit. Nec solum contra cupidatum animorumque turbationum æstus, sed etiam contra irarum incendia, & contra aliena bona retinentium avaritiam pugnat. Placatus namque fuit cuiusdam animus, quem ira cundiæ titillabat effusio, & paternæ iniuriæ vltios suauitas exstimulabat. Quingentorum etiam aureorum summa per sumnam retenta nequitiam ad suum dominum rediit. Audiæ erant igni decem, & sex iure, in nefandæ libidinis pœnam. his siue dilationem supplicij querentes, siue misericordum, vt aiunt, solatium, socios videlicet suæ pœnæ patrati facinoris, vt reos, innoxios tamen, subdiderant multos; nostris tamen admonentibus iij, quæ facta dixerant iniustis criminibus, postea infecta fuisse dixerunt, & quæ olim fuerant dicta, retracto postea iudicio fecerunt indicta. Pestis quæ superiore anno in vniuersam ciuitatem per uagata desequiit, hoc in aliquas eius partes irrepsit, & sic nostris non defuit amplissima seges. nullum siquidem iis, quos vis perculerat morbi, è nostra domo officij genus abfuit. Quare ita sunt ciuitatis incolæ

incolæ bene erga nos animati, vt præterquā quodd ad victum cultumque suppeditant necessaria, munificis tandem eorum subsidiis nostræ domui sit penè fastigium impositum. Nec solum intra vrbis mœnia sese continuit nostrorum ardor, sed ad alia quoque pertinuit opida. Duo sacerdotes in opidu[m] Carmonæ sunt destinati, vnde quasi ex copiosissima messe laborum spicis turgentibusquam onusti redierunt. In hoc opido cùm nefarius quidam homo iudicis sententia sagittis esset confondiendus, diabolico dolo ita obduruit, vt salutaria nostrorum ad confessionem hortamenta obstinatè respueret: tandem pia contentione fractus in sese rediit, fœdumque peccatorum euomens virus sese ad necem subeundam ritè disposuit. Excusum est etiam in oras illas, quæ tynnoram pisca-tu celebres sunt: vbi à duobus Societatis sacerdotibus ita fructuosè nostra sunt obita ministeria, vt nullus nō ex tanta hominum multitudine, quæ piscatui operam nauat, conscientiæ maculas Sacramento confessionis abstenserit. Est iam ad te-ctum perducta clericorum Sodalitas, cuius anno superiore iacta fuerant fundamenta. suum illi no-men dederunt septuaginta, quibus tres Ecclesiæ Canonici cùm ipsius Ecclesiæ iudice voluerunt adscribi. Mirum sanè est quanta ex hac Sodalitate in vniuersam vrbe[m] efflorescat vtilitas. Illius enim Sodales nequaquam sua modò salute contenti proximorum quoque saluti operam dant. Xenodochia frequentant & carceres, expoliendis cate-chismo ad baptismale lauacru accedentibus suum quoque tempus impertiunt. Cùm cuidam ex his Sodalibus laicus audaciüs, quām par erat insignē propalām impegiſſet alapam, tantum affuit, vt Sodalis meditaretur vltionem, vt pōtiūs vltro donaret iniuriam, obuiumque illum officiosè sem-

per nullatenus tamen officio respondentem salutaret, perinde ac si ab illo nunquam tali esset iniuria concisus. Est hæc Sodalitas sub patrocinio Conceptionis purissimæ Beatæ Virginis, cuius vocationem miro sanè modò sortita est. Cum Sodales omnes quodam Quadragesimæ die in xenodochium conuenissent, postquam omnia erga ægrotos charitatis munera obiere, precibus ad Virginem præfusis de vocatione eligenda fortis milerunt: tandem pueri cuiusdam iacentis in lecto ministerio purissima Conceptio Virginis sorte exiit. quamobrem Sodales omnes gratulabundi in genua procubuere Deiparæ gratias referentes, in cuius gloriam anniuersarium festum instituentes, hoc anno illud maxima celebritate pergere. Suum obiere diem Pater Franciscus de Herrera, Pater Antonius Crespo, & Pater Ioannes de Soria, viri profectò veri Societatis filij. & tres Fratres Coadiutores, inter quos Franciscus Bereña claruit omni virtutum genere insignitus. Hæc autem quæ de hac domo ceterarum omnium huius prouinciæ quasi parente dicimus, confessiones videlicet exceptas quamplurimas, restitutions factas, frequentem Sacramentorum usum, conciones habitas, nosocomia & carceres iuuisa, catechesis institutionem, multos à flagitiosis amoribus reuocatos, ea ne sint locis singulis iteranda, de vniuersa prouincia intelligi volumus: quæ autem vnicuique Collegio peculiaria sunt, recensebimus.

### *Collegium Hispalense.*

Q<sup>VAMVIS</sup> præcipuus huius Collegij scopus iuentutis confluentis in litteris & virtute institutio sit; ad ceteros tamen omnes, qui confessionis ergo concurrunt, nostrorum quoque pietas redundat.

dundat. Mirum profecto est quām arctus Dei bēnificio mutuæ concordiæ nostrorum animos in hoc Collegio nexus astringat. Fratres Scholastici præterquam quòd in suis excolendis animis occupantur, eorum etiam charitas non domesticis solum sese continet tectis; sed foras erumpit, & dimanat ad exterros. Ipsos namque diuinæ gloriæ cupiditatis admotis facibus suus quoque amor proximorum salutis inflammat, cui procurandæ viribus totis incumbunt. Excurrunt singulis festis diebus per vniuersam ciuitatem, ad otia bundos omnes in aliquod templum cogendos, ut Missæ intersint sacrificio, ad illorum conuenticula ad lusum aleatoriæ pagellæ discutienda, atque ad abiectionissima huius ciuitatis capita, mancipia videlicet & Æthiopes, instruenda catechismo. Insigne apud omnes litterarum existimationem sibi scholæ nostræ pepererunt. Idem hoc anno, qui superioribus in B. Virginis Annunciatæ Sodalitio ordo retinetur. Duæ denuo conflatae Academiæ, ex quibus veluti ex seminariis quibusdam quinquaginta scholastici, ut generosæ plantæ sunt in varios Religionum hortos translati. Maiora in dies doctrinæ Christianæ schola recipit incrementa, ad quam maximus virorum cogitur numerus; non solum ut fidei imbuatur elementis, sed ut sacra præmissa lectione piam aliquam ad virtutes cohortationem excipiat. Est autem sacra supellex; noui libri accessere bibliothecæ; scholis licet adhuc ultima non sit imposita manus, hoc tamen anno illis inductum est teatum, solumq; stratum lateribus. Excessit è vita Pater Hieronymus de Zaragoza, quem omnium virtutum illustrabat splendor: qui sic discipulorum per ipsos sex & triginta annos (tot enim fuit Grammaticæ facultatem professus) animos ad se conuertit, ut illum ardentiss-

dentissimo pari admixto reuerentiæ prosequerentur amore, cuius potissimum in die obitus sui dederunt specimen, cùm omnes collacrymabundi suo amantissimo parenti parentarunt. Excessit etiam Pater Didacus de Leon, cuius menti eos proximorum salutis ardor subdebat ignicullos, vt cùm assidua impediretur febri, adhuc tamen in Indos missionem procurandi sese, cùm rectè valeret, obstrinxerit sacramento.

### *Collegium Cordubense.*

C O R D U B A tam doctrinæ studia, quām spiritualia ministeria, qua solent, sedulitate tractantur. A nostris namque Fratribus externisque scholasticis magna cum frequentia, non minori cum laude publicæ disputationes sunt habitæ. Aliqui in hoc Collegio pia instruentes agmina in publica ciuitatis egressi sunt loca, in quibus habitò de re diuina sermone quām plurimos secum ad animi vulnera confessionis medicamine sananda reduxerunt. nec tamen intermittitur catechesis: illa namque rudibus explananda peculiari studio suum quoque tempus insumitur. Nostrorum ardor in animis pietate imbuendis Dei munere hoc anno illustriùs emicuit. Omnes siquidem sese multo lacessentes vltro summis à P. Rectore precibus contendebat, vt concederet vnicuique à quotidianis domus exercitiis ad diuinorum rerum commentationem animum seuocare, vt inde ad ministeria peragenda alacrior rediret & vegetior. nec nostri solum, sed externorum etiam quamplurimi spiritualibus exercitiis ad pietatem informari non sine fructu voluerūt. Ut reliquas laudes Sodalitij B Virginis sileam, ita se illius Sodales instituunt, vt non modò custodias publicas, & noso-

nosocomia ciuitatis frequenter inuisant; sed conterininos etiam Cordubæ populos Societatis sacerdotum imitabundi discurrant, omnia constanti animo ob sua ministeria oblata stipendia respuentes, ita ut verè in Societatis gremio lacteique; educatione videantur. Itum est in Ramblæ & Montis Maioris opida. est cum Episcopo Cordubensi diœcesis vniuersa lustrata: vbi duo è nostris sacerdotes multorum amicitias publico malo dissolutas reglutinantes, virorum mulieruinque; conscientias variis peccatorum tricis impeditas enodarunt. E corporis vinculis abiere Pater Didacus de Barajas, qui virtute prudentiae apprimè insignitus Societatis legum fuit obseruator exactus. Pater Nicolaus de Rus, qui insigni cum Societatis estimatione, & vberrimo discipulorum fructu animum per ipsos septem & viginti annos Grammaticæ elementis tradendis applicuit. Pater Andreas Rodriguez, qui dum vixit inter nos in miram quandam morum suavitatem, in sui despicientiam & animi sumissionem acquirendam proram sue contentionis obuertit. Petrus Lainez studiosus Philosophiæ, qui sui omnibus tam in virtute quam in litteris expectatione concitauerat. Franciscus Nuñez, maxima virtute praeditus Coadiutor tito. septem tamen rerum humanarum despicientiam edocti sæcularem vitam cum nostræ Societatis disciplina commutarunt.

### *Collegium Montellanum.*

IDE qui semper in Societatis ritè exequendis inumeribus vitae cursus tenetur. certatim enim opidanis usurpantibus Sacramenta officia debita præstantur à nostris. nec industriae infructuosus responderet euentus. In scholis B. Mariæ Annunciations

tex conflari cœpit Sodalitium , & vt principia sese explicare cœperunt, vberrimos nobis fructus conflatum promittit in posterum. Est inita in finitimum opidum expeditio, quæ ob conscientias aliquorum in impuro libidinum cœno voluntarium expiatas perutilis fuit. Confluunt adhuc ad nos quotidie vespere clerici virique primarij, qui vno comitante de nostris tres ipsas horas Sanctorum exemplis lectitandis, serendisque de rebus diuinis sermonibus cum magna totius opidi admirurratione traducunt. Scholastici plures, opidorumque quamplurimi binis saltē diebus hebdomadæ in nostro templo acri se verberatione castigant. Quatuor clerici spiritualibus meditacionibus sunt expoliti, ex quibus tantus in eorum mentibus fructus efflouuit, vt nisi negotiorum aliunde detinerentur vinculis, duo sese iam Societatis vinculis adstrinxissent ; adhuc tamen Dei pietate hoc animis consilium coquunt, vbi tempus commodum appetierit, erupturum. Tironum cura, & vigilandi labor in domando passionum impetu, excolendisque pietate animis summa sedulitate consumitur. sunt omnes ita integræ solidæq; virtutis sitientes (ob quod Deo potius agendæ sunt gratiæ, quam eorum prædicanda sit laus) vt in virtutis itinere capessendo ardor ad id adiuuantum exercitationum flabello quotidie magis excitatus ignescat. Ereptus est ex huius vitæ miseriis ad cælestia gaudia Frater Ioannes Rodriguez, antequam doctrinæ & virtutis eximiae acquisitam supellectilem proximorum oculis explicaret. auxerunt nostrorum numerum quinque & triginta, inter quos insignes duo extiterunt, Pater videlicet Iosephus de Alderete, & Pater Ioannes de Leyua ; qui cum ille esset Cordubensis Ecclesiæ Canonicus, fuissetque Hispalensis & Cordubensis dicccesis

diœcesis Vicarius generalis , hic verò Collegij Hispalensis collega , nunc verò facelli Regij Granatensis Capellanus; omnibus his nuncium remittentes sese in nostra Societate incluserunt, suos labores melius collocatos fore putantes , si eos ad Christi conuerterent famulatum.

### *Collegium Biacense.*

LAXATATE hoc anno sunt quotidiani victus angustiae, auctumque sacram ac domesticum instrumentum. sacram nobilium feminarum prolixis donis: domesticum liberalitate Doctoris Blasij Messia Giennensis Canonici; qui cum nonaginta & eo amplius annos explesset, nobiscum vitæ reliquum commorari precibus exorauit, vbi ex venia P. N. Generalis in Societatem in extremo spiritu adscriptus, bonis onustus operibus, migrauit è vita. Is adhuc viuens præter quadringentorum aureorum censem in annum victum, alios mille quadringentos numeratos in domus ædificationem, & redemptionem census cuiusdam erogauit. Academiæ publicæ auditores ( vbi ex nostris unus Theologiam summa cum omnium acclamatione profitetur) ad nos assiduè confluunt, & diebus sabbati, nostris hortatoribus ac ducibus, valetudinaria adeunt, ægrotos inuisunt, flexisque genibus certatim interueniunt. Femina quædam publico malo primario viro turpi adstricta pellicatu, ad bonam frugem se vnius è nostris concione recepit. Nec non excursiones obitæ in opida suburbana, ex quibus haud pœnitendus partus est fructus.

### *Collegium Vbedense.*

EMICVIT hoc anno Societatis industria in publicis ciuitatis dissidiis mira dexteritate discutiendis. Huius dexteritatis industriaque haud

obscura præbuit indicia grauissimum negotium, ad optatum exitum à Societate perductum. Inter huius vrbis in spiritualibus & temporalibus capita, quæ sese mutuo acri verborum contumeliosorum perstrinxerant morsu, coortum est graue dissidium. grauissimum portendebatur vtriusque malum; eos namque dissidiij flamma ex mutuæ animorum contumacia pabulo spiritus hauserat, vt nisi Dominus suam interponeret dextram, nulla hominum industria comprimi posse viderentur. Id Societati ab Episcopo Giennensi dein andatur negotium. capessitur à nostris, tandemque diuinæ interpositu dextre, nostrorum operâ sunt controuersiæ omnes, magno vtriusque partis consensu, & magna totius vrbis admurmuratione directa. Duæ virgines, quæ à duabus principibus viris fuerant ex parentum domo ad turpem abreptæ pellicatum, à nostris ad suas reuocatae sunt domus; & sic parentum animi ira furentes ad summam traducti lenitatem. Ad sacram augēdam supellectilem, & templi inchoati fastigium, librosque bibliothecæ emendos aliqua nobis incredibili largitate sunt donata subsidia.

### *Collegium Gaditanum.*

IN insula Gaditana præter incolas nautica turba non parum nobis facessit negotij, cuius confessionibus non minore utilitate, quam labore excipiendis incumbitur. accessit & illud, quod pestilens lues in alias vrbis partes sese violenter intrusit, sicque fuit à nostris in xenodochio & carcere tali fœdatis contagione subuentum. Nostrum monitis aliqui per sacram confessionem fœdum peccatorum virus, quod vel per nequitiam, vel per obliuionem numquam cruperat, vomuerunt.

runt. Cuidam ad vitia proiecto, & in cœno turpitudinis miserè volutanti à nostris iniectum est frenum, porrectaque manus, vt de illo miserrimo statu tandem emerget aliquando. Cuius saluti pietas Domini prouidit optimè: illum siquidem paulo pòst ex huius vitæ periculis ad cælestis trā-quillitatem seuocauit. Cuiusdam è nostris operâ militis nobilis ceruices sententiâ iudicis iamiam-que feriendæ securi ex ipsis, vt ita dicam, carnificis manibus fuerunt ereptæ. Incola quidam pensile candelabrum nostro templo purissimo ex argento confectum, in usus luminum consecravit. Alter effictam pueri Iesvs imaginem tribus ornatam vestimentis donauit.

### *Collegium Xerense.*

IN Xerenſi Collegio nostri de more spiritualibus meditationibus instructi, ad laborandum in vinea Domini ſeſc totos finixerunt: nec immeritò. industria namque fructus exæquauit proximorum: vir siquidem ex primariis totius vrbis, qui inueteratas cum alio inimicitias gerebat, auditæ cuiusdam è Societate de condonanda iniuria conacione, ita ſe repente commouit, vt multis coram deposuerit odium, & quamplurimos abruperit codices, quos ad vrgendum aduersarium instruxerat. Noſtrorum operâ præſtitum est, vt publicæ ciuitatis viæ, quæ impudicis puerorum cantibus replebantur, nunc pudicis resonent. Excursio in vrbem Archobrixensem inter insignes quos edit fructus, hic insignis eluxit. Matrona quædam nobilissima vltionis in virum nobilem, à quo fuerat inusta graui ignominiae nota, ita mentem alebat, vt quotidie magis obdureſcens multis religiosis viris ſe præferret inexorabilem: rigidæ in-

Star petræ nostrorum tamen verbis in blandissimam conuersa ceram, sibi quidquid nostri de iniuria remittenda dixerunt, impressit. Sacrum auxit instrumentum casula auro gemmisque distincta, cymbalum quoque; quæ aureis mille steterunt.

### *Collegium Triguerense.*

**C**ONCIONES in hoc opido miros habent, Deo fauente, progressus; sed hoc anno mirabiliores habuerunt. Vir siquidem ex totius opidi primariis, qui suam domum veluti aleatorij lusu tabernam habebat expositam, audita de terribili Dei iudicio concione ita fuit commotus, ut publico lusui suæ domus aditum intercluserit. Nostrorum industriâ fuerunt duo alij proceres opidani ad mutuam animorum concordiam reuocati; quorum alter aduersarium ad pugnam lacefisitum expectabat in agro: vnde mutua cædes, & inter consanguineos læuissima imminebat sedatio. sed cuiusdam è nostra Societate sacerdotis interuentu hostilem exuere sævitiam, & fraternam quamdam induere lenitatem. Excusum est in finitima opida: quorum in vno cuiusdam sacerdotis parens, qui suum filium multis coram in templo calcibus & pugnis acceperat male, quique nulla poterat adduci ratione, ut à filio petret veniam, ut excommunicationis vinculis solueretur; tandem cuiusdam nostrorum sacerdotis, & Patris Rectoris hortamento adductus est, ut in ipso eodem templo propalam ad filij pedes obnolutus audaciæ suæ veniam exoraret.

*Collegium Marcenense  
& Astigitanum.*

M ARCENENSIS sedes quamuis ex reliquis Societatis nostrae ministeriis quibus excusat, opimos referat fructus, agminibus potissimum piis, quæ ducentur ad forum, optato respondit eventu. Adolescens siquidem, qui, cum eodem tempore puerorum agmen appetebat forum, in illo sese habebat, nullis potuiz alterius adolescentis illum è foto conantis extrahere, impelli motibus, quin concionem sacram expectaret audiendam; audiit & intimo cordis sensu percussus mulierculæ remisit nuncium, cui pellicatus vinculis tenebatur adstrictus: & tantum absfuit, ut ipsius mulierculæ importubis postea cederet tentamen, ut illa potius constanter respuens, ad fortius resistendum in matrimonij cōfugerit arcem. Maximus est virorum mulierumque confessiones sacrumq; conuiuum adeuntium numerus, quem præclarissimum Ducis Archobixiensis inuitat exemplum. Opidanorum in nos liberalitas elucet maxime, & hoc potissimum anno in centum aureorum eleemosynæ largitione, ad quandam domus nostræ labantem deambulationem fulcendam, sese clarius expliçuit.

In Astigiana vrbe à nostris minus commodum cum magis commodo commutatum est solum, ubi duæ contiguæ emtæ sunt ædes, in quibus nostri possent dilatari liberius. Confectum curriculum Philosophiae initus alter cursus exceptit. Rheticæ & Grammaticæ lectionibus, alia Casuum cōscientiæ accessit explicatio. Iis qui detinentur in vinculis confessione purgatis, sæpe à nostris primùm cœlestibus Eucharistiæ epulis, ab externo

externo deinde quodam nobili terrestribus saturantur.

### *Collegium Caçorlanum.*

INVISVNTVR à nostris loca finitima. Sacramen-  
torum in hoc Collegio usus assiduus est. Totius  
anteactæ vitæ factæ sunt confessiones non paucæ.  
Quidam cum publica omnium offensione viue-  
ret, postquam nostrorum operâ pœnitentiaæ Sa-  
cramento est ablutus, nullatenus postea potuit in-  
duci, ut idem repeteret flagitium, quo se cum alio  
obstrinxerat, licet ab illo precibus minisque im-  
pelleretur. Alter quadam visione perterritus, in  
qua sibi per quietem de obliuione confessionis  
corripi videbatur, statim cuidam è nostris omnes  
sui animi labes magno anteactæ vitæ dolore, fu-  
tureque emendatione proposita detexit. alij à pel-  
licatu ad continentiam, aliique ab animorum dis-  
sensione ad pristinam concordiam sunt reuocati.  
pecuniae quæ vi & tyrannide fuerant usurpatæ, ad  
suos dominos rediere. In carceres & in xenodo-  
chia à nostris itum est assidue: in quibus non mi-  
nus aniinis quam corporibus ægrorum suppedita-  
tus est cibus. Subleuata est inopia eorum, quos  
pudore à corrogando victu deterritos fames ve-  
xabat. Militum cohortibus, quæ in hoc opidum  
diuerterunt, veniâ priùs à ducibus impetratâ, à  
nostris dictus est dies, in quo cum confessionis  
lauacro animorum sordes abluissent, sanctissimo  
Dominici corporis cibo refecti, festum Deiparæ  
ea qua potuerunt pompa celebrarunt. Ad pia  
agmina quæ ducuntur ad forum, ad diuerbera-  
tionemque, quæ in nostro templo fieri solet, præ-  
ter scholasticos, magna laicorum multitudo con-  
fluxit. In quadam domo earum, quas hoc Colle-  
gium

gium præter conuictorum in hospitia scholasticonum destinauit, adolescentis quidam ita se in castimoniæ integritate retinenda fortiter gessit, ut cum à quadam muliercula muneribus diu instigatus esset, numquam tamen suum animum fletere voluerit. Decreuit tandem muliercula se in adolescentis hospitium dare. excogitatum exsequitur, pulsat ostium: tuin ille arrepto feruentis aquæ lebete per fenestram supra mulierculam effundit. sicque feruentis aquæ ardore libidinis ardor extinctus est, adolescentisque in posterum evasit incolumis. Conuictorij fama per hanc prouinciam increbescit. conuictores quinquaginta numerati sunt: quorum sex cum duobus laicis spiritualia exercitia peregere.

### *Collegium Malacitanum*

Q VAMVIS apertissimus semper in hac Malacitana vrbe explicetur campus; nunc tamen sese apertior explicuit, in quo Societatis explicaretur industria. Cum enim pestilentia virus adspersam primò vrbe, eam penitus infecisset, aliquique essent destinandi de nostris, qui Episcopum adiuuarent, in illis quos peccatorum & pestilentia virus imbuerat sanandis; omnes prompti & alacres hanc sibi quique prouinciam expetendo operabantur euentum: sed super duos solum tam felix accidit sors non sine pia cæterorum æmulatione: quorum vota labor & fructus æquant. Nec in hoc tantum sese Societatis explicuit charitas; sed in apertum domus præbendo aditum tali contagione fœdatis: quod, & illustrissimum aliud exemplum charitatis, in proximorum animis, existimacionem amoremque nostræ conciliauit Societati. Cum duo è nostris sacerdotes in agro hominem pestilenti

pestilenti oppressum lue, moribundumque offendit, eum suis ipsi humeris in xenodochium publicum detulere, vniuersa ciuitate clamante nostros ea appetere ministeria, quæ cæteri tanquam abiecta & contagiosa repudiant. Præter hoc inellis alia Societati ostensa fuit ampla: illis siquidem, qui ad tritemes ablegati sunt, cum in hoc portu hieimarunt, subuentum est à nostris. Spiritualia & temporalia iis qui in custodiis tenentur, suppeditantur subsidia: nostrorum siquidem monitis aliqui viri pij, ad eos soluendos è vinculis, qui ob æs alienum detinentur, pecuniis corrugandis intendunt. Illustrissimus D. Thomas de Borja, Patris nostri Fracisci de Borja frater, huius Ecclesiæ Episcopus sese nobis quam humanissimum præbet, exceptus est in scholis breui quodam dialogo à nostris scholasticis habito. Sumus vrbis erga nos liberalitatem experti: septingentos namque aureos ad domui nostræ imponendum fastigium destinauit.

### *Collegium Fraxinetense.*

F RAXINETENSIS vinea etsi nouella, sic tamen eius fecunditas numeroso fœtu se fundit, ut in annuo redditu vetustis exæquetur. Nostrorum operâ frequens Sacramentorum usus instigantium defectu consopitus reuixit. Confessiones generales auditæ sunt multæ, pellicatus flammæ omnino restinctæ, prauaque iurandi falsò quæ in hoc opidum sensim irreperat consuetudo sublata. Sodalitas quædam pia nomini Iesu addicta, quæ iamiamque labebatur, fulcita & in pristinum statum reducta est. Ex qua quanta se effundat utilitas quotidiana docet experientia. Aliquæ in vicina opida profectiones institutæ sunt, in quibus

ita nostri sacerdotes obruebantur confitentium multitudine, vt vicarij mirarentur eos, qui antea violenter trahebantur, nunc lubentissimè confluere ad confessionem. Plurimi his in opidis à pellicum consuetudine erepti. aliqui, inter quos duo potissimum Parochi, concordati omnium iratū fibris euulsis. adita sunt xenodochia, & carceres non neglecti. In hoc opido Episcopi Bada-xensis suasu sacrarum virginū cœnobium aditum est incitandæ pietatis gratiâ, illudque ad religiosorem vitæ normam reuocatum. In altero finitimo opido adolescens impura succensus libidine ad illi satisfaciendum noctu pergebat incautè. ecce tibi in medio itinere alter adolescens obuius factus, impressa pectori manu repulit illum, inquiens, *Quò miser tendis? cur in tuum interitum prudens sciensque ruis?* siste gradum, illumque ad tuam referto domum. Dumq; pauidus adolescentem sic sibi loquentē corripere statuit, euanuit ex illius oculis. quare in se reuersus ad meliorem vitam se reuocauit. Gymnasia magno scholastico-tum, maximo cum illorum prouentu, numero frequentantur. Sacra supellex, cuiusdam sacerdotis supellestile, quam nobis testamento legauit, aucta est.

### *Collegium Granatense.*

PRÆCIPVE Fratrum Scholasticorum seminarij virtus eluxit, maximum virtutis ardorem cum litterarum amore copulantum. Vno omnium ore eximia legum nostrarum custodia, quæ in omnibus nitet, prædicatur. Tres sunt susceptæ excursiones, ex quibus insignis Societatis existimatio, & uberrimus animorum fructus ministeriorū exercitatione comparatus est. Gymnasia externa frequenti

quenti auditorum conuentu celebrantur, nec minus illorum sedulitate & progressu illustria reduntur. ex quibus quatuor virtute & ingenio probati adolescentes in Societatem admissi sunt. Inter ea quæ Dominus obtulit Societati, ut eius in proximorum salute querenda explicaretur industria, fuit lauissima pestis: quæ cum omnem fermentè Bæticam inuasisset ad hanc tandem aliquando urbem furibunda pertinuit. inuasit primo urbis totius faciem, qua cum xenodochium repletum esset, nec reperiretur, qui illius saluti spirituali corporaliq; consuleret. P. Rector aliquos è nostra Societate sacerdotes ad hoc minus subeundum destinandos putauit. Nec defuere multi, qui hanc periculosam aleam subire multis precibus contenderent: sed inter omnes duorum potissimum sacerdotum, vniusque Fratris Coadiutoris pia vi etrix euasit pertinacia; qui ardenti spiritus feruore succensi, ad P. Rectoris pedes lacrymabundi conuoluti suos humeros huic molestæ & periculosæ prouinciæ sustinendæ obtulerunt. Nec minus feliciter illorum cōtentioni & pio feruori respondit euentus: ita siquidem se in xenodochio moderando, & ægrorum confessionibus excipiendis gesserunt ut vniuersa ciuitas, & Illustrissimus Archiepiscopus quamplurimas Societati gratias egerint. Ex his qui xenodochium adiere, duos vis morbi perculit, unus tamen tantum excessit è vita: quorum in locum alij suffecti sunt duo, qui ambo contagio percussi obiere. Quod cum Archiepiscopus & vniuersa ciuitas videret, ne ob ægram urbis faciem tot tamque præclaris Societatis viri periclitarentur, a P. Rectore, ne illos ulterius mitteret, petiere. erga quod Societatis officium ita ciuitas se gratam exhibuit, ut illud in publica rerum gestarum annalia ad perpetuam rei memoriam

riam retulerit. Inter fructus quos nostri ediderunt, hic illustris enituit. erat mulier sententia iudicis capite damnata: hæc incensa furore ob sententiam ita se ferocem præstítit, vt nullis posset adduci hortamentis ad conscientiam expiandam. aduocatur unus è nostris, cuius verbis ita se repente commouit, vt ex ferocissima leæna ih mansuetissimam se conuerterit agnam, sua detestans sceleræ, illaque Sacramento confessionis abluens: cui beneficio ita se gratiam ostendit, vi promiserit nostro sacerdoti sc, cùm euolaret ad celum, à Dominino petituram, vt citò vterque se mutuo in illo conspiceret. nec frustra brevissimum siquidem post temporis internallum sacerdos ille fuit primus, qui in xenodochio pestilenti morbo excessit è vita. Alij duo ægroti, quibus lingua ad loquendum erat impedita, nec poterant confiteri; vbi nostri vocati sunt, illlico illis expedita fuit lingua, suaque expiavere crimina. Aliquæ restituções sunt factæ, dissidentesque aliquorum mentes ad concordiam reuocatæ. Multi tam scholastici quam externi nostrum templum per totum annum ad diuerberationem frequentant, horumque numerus & feruor augetur in dies.

### *Collegium Anglicanum Hispali.*

Ex Societate numerati sunt octo, ex alumnis sex supra triginta, qui omnes maxima cum animorum concordia, & in litteris, & pietate feruore se gesserunt Quatuor sacerdotes in Angliam profecti sunt, quorum quædam in via hæretici cepere: sed Dei beneficio, ex illorum manibus evasit, omnesque in Angliam pedem intulerunt. Hoc anno sacerdos ex hoc Collegio profectus ob fidem interiit, quod magnam ciuibus pietatem mouit.



mouit. Confectum est Philosophiae curriculum, duoque publicè theses magna cum frequentia & admurmuratione defenderunt. Festa D. Gregorij & D. Thomæ solemniter, ut semper peracta sunt, quorum in quolibet quatuor voto in Angliam redeundi se obstrinxere. Laxatæ sunt ædes, aucta-que supellex sacra.

## PROVINCIA SARDINIAE.

**N** primariis quatuor Sardinie locis totidem sunt nostræ Societatis Collegia, Sassaritanum, Calaritanum, Ecclesiense & Algarense; quibus domus Probationis Calaritana addita. Aliud hoc anno ex nostris hæc prouincia 127. cooptati octo, desideratus nemo. Et quamvis aliquorum salus tentata; officiis tamen difficillimis, quæ Societas nostra obire solet, non defuit sollicitudo nostrorum, ut in unoquoque Collegio seorsum videre licebit. ad quæ non parum tulit adiumenti Patris Visitatoris solers diligentia, qua animosiores & promptiores pro cuiusque viribus in suo mune-  
re obeundo redderentur.

*Collegium Sasaritanum.*

**D**EGVNT in Sassaritano Collegio quadraginta-  
tres: ex his nouemdecim sacerdotes, Theolo-  
giæ alumni nouem, Philosophiæ duo, domesticis  
ministeriis præstò sunt duodecim. Ex sacerdoti-  
bus profitentur Theologiam duo, alter Casus  
conscien-

conscientiæ , Philosophiam alter , humaniores litteras duo item sacerdotes, Grammaticam alter nondum sacerdos , qui omnes integra potiti sunt valetudine ; quare & fructus non pœnitendos reportasse certum est, cum suo & oportuno quisq; tempore exercitiis spiritualibus nostræ Societatis non sine animorū solatio vacarit. Assiduis Theologiæ Scholasticæ prælectionibus Casuum conscientiæ iam diu exoptata adhibita est , tum exterorum tum domesticorū solatio : cuius incommodum quainuis senseramus diu, iam modò stabilem fore cum multorum progressu speramus. Cætera scientiarum exercitia , quæ nostra Societas præstare solet, Theologiæ scilicet, Philosophiæ & litterarum humaniorum incedunt altius. Assidui sunt omnium facultatum discipuli , quorum animi ardentes fiunt præsentia virorum nobilium in publicis concertationibus; inquisitorum præcipue , & cæterorum qui operam auctam hoc tempore concernunt , & quasi mirantur. Ex his maximam frugum copiam , tum in studio scientiarum tum morum speramus. In præsenti verò eos legimus, quos morum differentia, & multorum detestatio peccatorum in omni personarum statu assiduis nostrorum cōcionibus affert, quos item Sacramentorum frequentia parit fructus, quos denique multorum totius anteaetæ vitæ confessiones. Ex his vnum aut alterum relatu dignum aperiam. Vexabat mulierem diu ægram cadodæmon per speciem æthiopis teterimi, cauda atra & ingenti ; cumque nullo modo fugare posset, quin per singulos dies cubile circumsaltans appareret, vnius è nostris monitu fugauit omnino, & aquæ lustralis aspersione. Habebat alias cohortationem, æterna supplicia eorum ante oculos proponens, qui peccata fideliter & integrè non

aperuissent. Adolescens, qui per octo annos grauem culpam celarat, statuit illam abluere: differt nihilominus. incidit in grauissimum morbum, nec aperit tamen (ita difficile est cum semel occultaueris, aperire.) visus est cubiculum demonibus plenum per speciem videre, duos præcipue qui arctissimè tenebant, ut suffocarent. iis angustiis excitatus vocat Patrem, cuius cohortationem audierat. confiteretur, & in integrum est restitutus valetudinem. Sodalitia beatissimæ Virginis, quæ iamdiu in hoc Collegio creuerunt magno animorum fructu, auctiora fiunt. quartum cœtum hoc anno sub titulo Assumptionis B. Virginis eos continet viros, qui nondum matrimonij legibus astringuntur: cum enim iam una domus non caperet, & viuendi ratio sit diuersa, quod facilius eorum progressui prospiceretur, quasi in colonias discesserunt. Floret in dies, vberesque iam tulit fructus; etenim ingressi sunt aliqui Religionem. Sensit alias, quam sit utilis congregationis assiduitas. Ægrè tulerat iniunctam pœnitentiam: discessit eo animo, ut numquam congregationem adiret. gerebat miser cum aliis inimicitias, qui cum impigrè per viginti eum dies quaesiissent, tandem eodem die, quo animū nō redeundi ad congregationem ceperat, in eorum manus incidit graui in facie accepto vulnere. resipuit accepto malo, & mentem malam depositum, & in pœnam criminis se eo vulnere affectum esse nouit. Habita est in hoc Collegio prouincialis prima congregatio, nondum antea habita in hac prouincia, magno totius ciuitatis applausu, nostorum ex Patrum, quos præ oculis habent, tanto conspectu. nec sensit hospitum onus Collegium, immò abundantius refectum est ob ciuium & primatum in eleemosynis conferendis munificentiam.

tiam Domus Professæ templum, quod ex eleemosynis fit, surgit, & est prope fastigium; breui speramus sacrosancto Missæ sacrificio aptum. Etenim præsentaneum erit adiumentum Petri Ferralis I.V.D. vita functi eleemosyna: qui cum ardere desiderio videndi in sua ciuitate Professorum domum, iamq; etiam viuens sua omnia bona offerret, parua refamiliari contentus, ut priuatus cum coniuge viueret, filiis orbatus; moriens dum hæc moliretur, omnia bona Collegio mandauit, ea conditione, ut pro suis commodis domus ædificationi præstò esset, eo animo ut vtrisque proficeret. Huius viri semper nobis clara & honesta amicitia fuit. In arduis & difficillimis Collegij nostri rebus & in causis ciuilibus, quibus diu vexati sumus, eius semper diligentia cluxit, non solum scientiarum adiumento, in quibus ipse clavuit, sed etiam armorum, si res fertur, cum virtù discrimine. quod ipse pleno ore testatus est aliquando. res mira in viro sagaci, modesto & taciturno. Hanc notā subibat libenter, reputari scilicet eum, qui pro nostris rebus tuendis & conseruandis nimiam curam, omnemque sollicitudinem ponebat. Hanc animi sui propensionem & benevolentiam singularem moriens complevit. nam & sua omnia bona externa quotquot erant, & id quod post mortem superest proprium, osla scilicet, in nostra Societate recondi voluit. Cumque impedimentum est per Turritanæ Ecclesiæ Antistitem, quominus in nostri Collegij templo mandarentur sepulturæ, statuit in alio seruati, quo usque templi nostri ædificationi extrema manus imponatur. Cecidit sine dubio semen quod primi Patres seminarūt, in terrain bonam. is enim erat ex primis Societatis nostræ discipulis: creuit scientiarum imbris oportunis, tandem seminantibus retulit

centesimum fructum, ipsum tamen centuplo in cælis frui speramus. Ex hoc Collegio missi aliqui ad pleniorē frugum copiam referendam : nec frustra non enim modò multorum qui nostris sacerdotibus peccata aperiendi tenebantur desiderio satisfactum est, verū etiam concionibus profuerunt multum. Aperuit vñus peccata, quæ per decem & septem annos tacuerat, cùm intellexisset tanti criminis fœditatē. In secunda feria Paschatis concionabatur alter, pacis pulchritudinem, fructus, animi tranquillitatem ante oculos proponens: permoti sunt decem & septem qui graues gerebant inimicitias, & inter se se reconciliati, magno non modò totius populi gaudio, sed admiratione. Alio in populo, in quo non assueverant germana lingua concionantes audire, cùm è nostris vnum propria lingua audirent, ita satisfecit omnium animis, vt vix dicas. Id compertum est ex confessionibus supra centum totius vitæ, tum ex morum noua institutione, & bonorum restitutione, tum denique ex disciplina Ecclesiasticorum, quæ in pristinam restituta est pulchritudinem. Blasphemandi mos cùm acriter reprehenderetur, extinctus est omnino. Carnispriuij dissolutioni obuiām itum est pia institutione precum per horas quadraginta. magno animorum solatio confluunt ad nostrum templum, non modò vt cohortationes audiant nostrorum, sed vt sanctissimo Eucharistiæ Sacramento reficiantur. nec solum iij sunt ex congregationibus, sed alij plures; vt non iam carnispriuij ferias censeas, sed maioris hebdomadæ aut Paschatis festa, ex animorum pietate coniicias.

## *Collegium Calaritanum.*

EXCESSIT per totum ferè annum Collegium Calaritanum numerum quadrägenarium. aliuit sacerdotes 12. ex his alter Philosophiam, alter litteras humaniores profitetur: Scholares vero non sacerdotes nouemdecim, tres Grammaticam docent, alter Seminarium intra domesticos parientes. audiunt Philosophiam octo, litteras humaniores & Rheticam septem, qui prouinciae seminarium constituunt. Tandem domesticis ministeriis 12. dicatos tenet, quorum unus legere & scribere pueros docet. Vberiores fructus ex schoulis hoc anno pro maiori diligentia eorum qui eas regunt perceperimus. Numerus frequentantium fuit auctior. in tribus enim Grammaticæ classibus, Humanitatis & Logicæ quadringentos numeramus discipulos. Proficiunt tum in Latina, tum in Græca lingua nostri, qui sunt ex seminario, eiusque rei specimen in solemnioribus festis præbent poëmatibus, epigrammatis, orationibus, quas saepe & saepius habent sancta & religiosa exercitati æmulatione. Nec deest illa cura, quæ animosiores & promptiores reddit in via spiritus: superiorum instructi disciplinis, cohortationibus, exercitiis spiritualibus ipsi præiuere, subsequi deinde antiquiores, quod magis iuuenum animi accendantur. Quare & in publicis & in priuatis officiis magnum sensimus adiumentum. Doctrinæ Christianæ docendæ consuetudo crevit: in quatuor enim ciuitatis locis informantur, non modò pueri, sed & gradiiores; in nosocomiis item, in carceribus, quos saepe adeunt ad confessiones audiendas. Denique præter illa quæ communia sunt omnibus, illud unum conati sumus pro viribus

bus in hac ciuitate morem quendam in corporis cultu parum honestum, qui iam irrepserat, tam in feminis quam in viris, pro concionibus publice & priuatim protrsus extingnere. Dissensio exorta erat inter duos huius regni Antistites ex contentione quadam propinquorum. ea fuit vnius est nostris in pertractandis animis dexteritas, ut ou*re* no sedaret illam animi perturbationem. effecte vero inuicem inuiserent, se se amicè salutarent, & alter alterum inuitaret, ut in suo templo concionem haberet; firmissimæ pacis argumentum iis qui inter se dissidentes cognouerant. Duo item huius regni capita dissidebant: inuitamus ex his maius, ut eo die, quo sanctissimæ Crucis exaltatio celebratur (hæc est nostri templi inuocatio) Missæ & concioni interesset. voluit & vna nobiscum prandere sponte sua, & sufficere munificientissimè, quæ necessaria essent. hanc noctus occasionem Pater idem, audet & aliud inuitare: monet hos tantos viros de suo officio, quamque decet illos omnem animi molestiam pro tempore & loco deponere. dant ambo manus, amorisque redintegratio maioris secuta est. Crucis exaltationem variarum linguarum concionibus extulerunt nostri inter prandendum magno audiendum applausu, & non sine diligentia admiracione. Prætero cæteras sedatas inimicitias inter primarios viros. hanc tamen non præteribo. Magna orta erat seditio in opido quodam propter homicidium. accensi erant omnes ex altera parte vindictæ rabie, maxiima impendebant toti populo mala. Nouit unus est nostris, scribit & accersit ad se viros (tanti sunt ponderis nostrorum epistolæ) tumentium corda ita placat, ut ex inimicissimis amicissimos faceret, cōdohatâ iniuriâ. Hoc anno in toto fermè Sardiniae regno, ob imbrium & niuium

uium abundantiam magna animantium pestis  
secuta est: nec erat spes vlla frugum. publicæ pre-  
ces & vicatiū effundebantur a fidelibus, vt iam-  
iam impendentia mala auerteret Deus. iis per-  
moti qui sunt ex congregatione B. Virginis (ij  
sunt primarij & nobiliores; & qui totius regni  
magistratum gerunt) vltro quæ ad templi nostri  
ornatū essent necessaria, ad symphoniam, ad cœn-  
centum offerunt. Ardebat cereis luminibus unde-  
quaque templum; ita verò detinebantur spectan-  
tium oculi, vt neque in templo, neque in choro,  
neque in sacrifitia locus nostris concederetur, ab  
ipso diei ortu ad occasum usque solis. Habuerunt  
ex nostris multi coram sanctissimo Eucharistia  
Sacramento cohortationes. Archiepiscopus Ca-  
laritanus secunda die tanto allectus splendore, &  
animorum ad nos conuolantium deuotione, ac-  
cessit: præstitit idem concionandi munus post  
Missæ sacrificium, quod pari animi solatio fecit:  
plusquam quingētis sacram synaxim est imperti-  
tus cum his qui sunt ex congregatione, & nostras  
scholas frequentant. quos cum iam templum non  
caperet, discedebant ad congregationum orato-  
ria, vt grates Deo debitas agerent. In iis tribus die-  
bus ex omni hominum genere auditæ confessio-  
nes. iubilæi specimen præ se ferebat tantus homi-  
num concursus. multi non modò per horam, sed  
per quinque & sex horas magna animorum dul-  
cedine, vt ipsi testati sunt, orabant. Tribus B. Vir-  
ginis cōgregationibus accedēs hoc anno quarta,  
cœpit quasi arbor iuxta ripas florere: speramus  
fructus uberrimos ex his in quibus exerceri cœ-  
pit. aggregationis beneficio creuit altius. Dum  
prosperè nostrorum ministeriorum cursus dirigi-  
tur, non defuit aduersa fortuna quæ ausa est retar-  
dare: sed diligentibus Deum omnia cooperantur

in bonum. Duobus abhinc annis primaria femina in præcordiis nostram Societatem habens , sua omnia bona è vita decedens , huic Collegio legavit. Ægrè tulit frater, qui iam bona illa omnia propria, vel saltem maiorem partem reputabat. Rem ad iudicium vocat. nec defuit vñus, qui pleno ore diceret, non solum hanc causam , sed quotquot emergerent, contra Societatem nostram ad extremum vsq; se defensurum. Is erat vir doctus, & acri ingenio rem aggreditur: sed ipso in limine (quam bene afflictis rebus prospicit Deus!) incidit in lethalem febrim. resipuit; sacerdotem ex nostris (nec mora) vocat, veniam petit, non sine lacrymis appetit peccata eidem . Hoc supererat solatij, dum per illos paucos dies vixit, videre aliquem è nostris. enixè contendit ab iisdem, ut corpus suum sepulturæ mandaretur in nostro templo; concesserunt libenter Patres. Quod sibi magis carum erat in vita, bibliothecam scilicet optimis & nouis ornata libris , reliquit testamento , pignus profecto amoris. Duæ aliae primariæ feminæ bonam nummorum partem suis testamentis legarunt. Vicereginæ item liberalitatem experti sumus , quæ propriam auro contextam & pulchrè distinctam vestem ad altaris ornatum concessit.

### *Collegium Ecclesiense.*

**E**Nostris vixerunt in hoc Collegio sacerdotes quatuor, vñus non sacerdos magister Grammaticæ , reliqui Coadiutores: omnes in nostris obeundis ministeriis diligentes. Conclaves quæ habetur diebus Dominicis post primum sacrum, si vñquam profuerunt, in præsenti magis. Habuit concionem Quadragesimæ tempore vñus, non minori animorum progressu: aboleuit eum monrem

rem quo canendo alij alios iniuriis laceſſere ſolebant. Magna pauperibus erogata eleemosyna, iis præcipue, quos pudor aut erubescenția vexat magis. Uſus Sacramentorum fuit frequentior. Statuerat mulier veneno coniugem interficere; conſilium malamque mentem depositum, dum ſua peccata confefſario noſtro aperit; iamque cum eo, quem odio proſequebatur, tranquillam & tutiſſimam vitam agit. Totius vitæ peccata multi aperuerunt. Vnus per quadraginta annos peccata integrè confefſus non erat; doctus à noſtris pacatum poſt confessionem ſenſit animum. Inter alios qui in priſtinam amicitiam rediere vnuſ fuit, qui per multum tempus quæſierat inimicum, ut vita priuaret. rem ſubodoratus vnuſ ex noſtris, illius animum, qui laceſſitus fuérat, ſedauit. vocat ipſo noſtrum templum ambos: diſcedunt amici. Æris alieni bona pars reſtituta; multa item naufragorum bona, præcipue litteræ ingentis valoris. multa item ſublata, quæ parabant animorum præcipitia. Per mensem Octobris, dempto nemine, noſtri omnes exercitiis ſpiritualibus vacarunt, non ſine fructu. Duo ſacerdotes miſſi ſunt Bosam antiquam huius regni ciuitatem, ad fructificandum. habebant in templo maximo ſingulis diebus conſicionem, in aliis item ciuitatis ecclesiis cohortationes magis familiares. Doctrina Christiana inforinabantur rudiores, ad quam aſſiduus ſemper fuit totius ciuitatis concuſſus. Ex hiſ ſecuta eſt inter coniuges præcipue diſſidentes concordia, auditæ confefſiones generales nō paucæ, ob inſufficientiam præteritarum. Adeunt noſtri carcerem, nosocomium; animis medelam apponunt, corporibus eleemosynam queritant. Addunt ſtimulos ciuibus, ut harum rerum maiorem curam gerant in posterum. Illi verò excitati in ſuam ciuitatem

tot collatis beneficiis ardent desiderio nostræ Societatis. incumbunt in hanc curam toto pectore, non modò ciues omnes primarij, ad quos spectat Reip. commodis prospicere, sed omnes quotquot sunt. Episcopum item eximiam in nos benevolentiam cum iis, quos à consiliis habet, hæc eadem cura sollicitat. Scribunt omnes, qui Reip. Patres vocantur, ad Patrem Prouincialem, scribit & Episcopus omnium precibus exoratus, cuius epistolas maximum pondus habituras sperant.

### *Collegium Algarense.*

VITAM agunt in hoc Collegio duodecim, sex sacerdotes, & totidem Coadiutores: quorum labores non pauci, non modò in iuuandis extetis, sed in domesticis ministeriis præ Collegij angustia. numquam tamen defuit doctrinæ Christianæ docendæ usus. Per duos menses docuit in nostro templo Rector Collegij, & vicarim. excitauit hæc cura alios ciuitatis magistros, ut diligentius sibi commissos pueros informarent. In maiori templo & aliis priuatis ecclesiis assidui fuerunt nostri concionatores; hinc iam frequentiores experimus omnes ciuitatis huius in Sacramentorum frequentia. Vna tantum est in hoc Collegio schola; præ multitudine discipulorum & progressu, non omnes eadem docet magister, sed alios alia pro cuiusque captu. Eius diligentia eluxit maximè, magno totius ciuitatis bono. Sodalitium Virginis, cuius maior pars ex discipulis constat, augetur. Obeunt ea pietatis munera, quibus ipsa irrigatur & crescit. nosocomio & carceri adhibita est nostra diligentia. Pauperibus eleemosyna largita, tam illa quæ corporis, quam quæ animi medelam affert: qua quidem in meliorem fru-

gem

gem reuocati multi. Multa item mala, quæ in graves viros irrepserant abolita. Opus Collegij surgit indies. sex étenim hoc anno superiùs peracta cubicula, sub quibus bene instructas officinas ad domesticos v̄lus & idoneas habet. Duo Quadragesimæ tempore in aliam diœcesim discellere. alter concionem habebat in Cathedrali, alter confitentium peccata audiebat: deinde in comitatu Episcopi huius ciuitatis eius diœcesim magno animorum fructu perlustrant. videbantur enim nostros exspectare plures, vt ex maximis peccatorum fluctibus emergerent. Ita affectus est cuiusdam animus nostrorum officiis, vt omnia necessaria ad residentiæ domum offerat sponte, & liberalitate non parua, cuius votis in sequentem annum, per Quadragesimæ tempus speramus nos responsuros.

### *Domus Probationis Calaritana.*

ALVIT domus Probationis viginti, tirones undicim, reliquos veteranos, ex his sacerdotes quatuor. cooptati septem tantum, non plures capit angusta domus. In iis erudiendis nulli iusto labore pepercimus, yt tales euadant, quales perexigit nostra Societas. nec frustra; sensimus enim fructum non mediocrem, tum in corporis tum in animi mortificatione, in contemptu rerum humanarum tam publicè quam priuatim, tum in iuandis pauperibus & ægrotis, ea charitatis officia exercendo in hospitali domo, vt assolent nostri tirones. Adhortatus per occasionem unus ex nostris ægrotos, multorum confessiones audiuit. ex his multi totius vitæ peccata absteserunt. Etsi domus hæc nostrorum in educatione sit tota, non omissit ea Societatis nostræ ministeria,

steria, quæ pro tempore & loco præstari possunt. Rudes docet doctrinam Christianam & pueros: confessiones non paucæ audiuntur; circum vicina loca excurrunt aliqui dum licet, nec res aliter se habere potest. Hottantur enim loci oportunitas, & nostræ Societatis charitas, quæ proximorum necessitatibus semper adest. Peregrinati sunt multi per varia loca, eo quidem tempore quo aberat periculum, cum vix antea auderemus. cecidit res ex animi sententia: nam & periculum abesse sensimus, & animoruim progressum consecuti sumus non mediocrem. Ex hac domo discessit Pater, cum iam tertium probationis annum persolueret, ut adiungeretur socius ei qui ex Ecclesiensi Collegio Bosam profectus est: ex quorum solicitudine & diligentia eos fructus quos suprà memini, percepimus. Miltat Deus Opt. Max. eam operiorum copiam, quos tanti agri fertilitas exoptat, ut læti aduenientes ad omnipotentis Dei gloriam & honorem manipulos portent vberimos.

## PROVINCIA AQVITANIAE.

*Collegium Tolosanum.*

VERE in hoc Collegio ex nostris triginta duo, sacerdotes quindecim, præceptores octo, quorum tres sacerdotes, auditor Philosophiæ unus, Coadiutores vndecim, præter tres qui degunt in seminario Illustrissimi Cardinalis Ioyosæi, sacerdotem unum, duos Coadiutores. Præter statos fructus, quos cum variis prouinciis communica-tunt scholæ, etiam hæreticis ad saniores mcntem reuocan-

reuocandis non infugiferè laboratum. Rediere supra triginta, quos ab Ecclesia repulerat error prauarum opinionum; multi, quos idem aestus abripiebat, confirmati, vt in fidei statione persisterent. Sed hæc atque alia externa domesticis subiectemus. Prospera commodaque satis omnia nostri habuerunt domi. nam duorum solum modicè tentata valetudo: creditorum supra quam sperabamus dilata fides, & quod insolens est, ad quingentos supra mille aureos processit hoc anno liberalitas eorum, qui Collegium alieno æte oppressum adiuuere. Qui replicata memoria annorum omnium maculas confessione abluerunt, ad trecentos tantum-non accessisse dicuntur. viri quidam reconciliati cum vxoribus, à quibus dissidebant: quin & duo cùm uxoricidium destinassent animo, nefarium consilium abiecerunt. Alij abducti à flagitio partus necandi. Nec minor exstitit fructus in aliis à turpitudine reuocandis; atque inter plurimas vni tantum eleemosynæ procuratum, quantum adulter pollicebatur, vt abstineret à scelere. Illudebat dæmon malisque artibus imponebat multis; detecta fraus, & ope solemniū remediiorum depulsa. Vnius puellæ rusticæ spectata victoria de Orci tyranno, qui ad simplicis animi corrumpendam pudicitiam, clementia hominis specie, vt videri posset, sæpius puellæ oculis obuersabatur, & quæ pollicitationibus, quæ minis, vique etiam adhibita, vel ad stuprum, vel ad desperationem inopem puellam sollicitabat. hinc noscas dæmonē fuisse, quod exhorrescebat quam maximè salutaris signi impressionem, & quod puellæ manum, cùm apprehendisset, sic exusserit, vt impressa ardoris vestigia relinqueret. cuius generis etiam antea fuerant nummi, quos in manu puellæ deposuerat. Deo nimirum ita disponente,

vt callidi hostis caueret à dolis, cuius calorem tartareum persensisset. tandem in urbem deducta ad nostrum tēnplum cūm venisset, illis armis instructa, quibus hostem antea importunum à se repelleret ac trinmpharet. In vrbe varius ac multiplex fructus nostrorum: nam præter conciones, toto anno habitas diuersis in templis (vt aliquando etiā sex ē nostris variis vrbis regionibus conciones habeant. ita libenter à curionibus inuitantur, & à populo audiuntur) duorum qui quadragintadiali abstinentia in celebrioribus templis egerunt, emicuit bene locari operam: quam sibi gratam probauit Senatus, frequens supra quām soleret. In cœnobiosis sacrarum virginum effectum est aliquid ad Dei gloriam; nam auctus numerus accessione nouitarum. vni non defuit omen, cui cūm iam à puero precaretur parens eum sponsum, qui maximè Deo gratus esset, Christo desponsata est. patuit non irrita dedisse vota. & ne dotis penuria obstaret (quinquaginta erant aurei) primaria femina vltro in annos singulos pensionem pollicetur, dum nouum cœnobium redditibus suis fundetur. Præter adhortationes habitas ad moniales variorum Ordinum, præfectorū rogatu, in uno spiritualibus commentationibus sic exercitæ, vt vix vlla fuerit, quæ non sanior & sanctior fieri illis optarit. Neq; hic stetit exercitorum fructus. Idem præstitum in celeberrimo vrbis cœnobio, cūm à præfecto, quem Priorem appellant, & magistro tironum ductum esset initium: vtque propagini consulatur, inducta consuetudo, vt qui ad sacram hanc militiam accedunt, iis exercitationibus inaugurentur. quod idem, ubi ponunt tirocinium, faciendum est, cūm exomologesi totius anteactæ vitæ. Imò verò, quod erat optandum, præpositus Prior, vir pietatis & doctrinæ laude conspicuus,

spicuus, ipse suis & dux & magister huius artis factus. Quare cum instaret Patroni, quem auctorem instituti colunt, celebritas; induxit nouemdiale omnibus cœnobitis, ut missis reliquis huic vni feriarentur, quo sese melius ad proxima sacra compararent. itaque communis labor publicam attulit vtilitatem, ac tantam animorum lætitiam; ut ipsis etiam mirum sit, ac Societati nostræ, quasi hæc illis gaudia fecerit, vix satis gratias referre se putent. Particeps factus similium deliciarum alterius Ordinis magister nouitiorum, & vnum Parochus; quin duo alij cœnobitæ, eius loci in quo regularum obseruatio minus vigebat, cum essent nostrarum scholarum Theologiæ alumni, edocti hanc sacram Theologiam. vnde spes est (quando maximè nati ad concionum munia, neque deest ardor alios iuuandi) ad reliquos fructus partem aliquam promanaturam. Cum omnibus actum, ut librorum spiritualium usus, qui penè exoleuerat, restitueretur. Itaque dati quidam in vulgus recens, ut nouitate pellicerentur: nec iespes fecellit expectationem. Nobis quoque hac parte laboratum: nam cum aliquis post Theologiæ decursum stadium donandus esset sorbonica laurea & doctoratu, ac tantiisper hunc quietis secessum amasset; crucis lauream in Societate nostra duxit potiorem omni magisterio. Non defuit nostrorum opera animam agentibus vel incarceratis, seu cum peccatorum sarcina circa ferias solempnes omnibus deponenda, seu cum capite damnati ad agonem ultimum animandi: in quibus mulierculæ vnius gratum pietatis & constantiæ spectaculum, quando ad despicientiam rerum humanarum suum ipsa hortatorem hortabatur. Parthenicum utrumque cœtum ex eo florete intelligas, quod propè triginta ad varias Religiosorū fami-

fias miserit: his nempe lectis fructibus amat diua  
 Virgo Deam munerari; neque nostræ oblita So-  
 cietatis: partem accepimus. In maiori, quam di-  
 cunt, congregatiōne spectes cum voluptate flo-  
 rem illibatum Senatus & populi sub signis diuæ  
 Virginis merere; at celebrioribus patronæ fériis  
 ita videas Parres ad gratias & celebritatem vel  
 precum, vel orationum & poëmatum confluere,  
 vt credas Senatum ad diuæ Virginis indictum. Fa-  
 cilè intelligas quātus sit reliquorum ardor, & quæ  
 ab eo proficiscuntur. hinc enim discordiæ subla-  
 tæ, quæ inter primarios intercesserant: hinc largi-  
 tionum in pios usus liberalitas, vt aliquādo vnius  
 ad centū aureos excreuerit: hinc fugitiuæ pecu-  
 niæ non contemnenda: ad auctores redierunt:  
 quodque frequens est, multi optimates repetita  
 totius vitæ memoria contractas scelerum fordes  
 abluere. Instant & rei bene gerendæ pro virili, qui  
 sub annunciatæ Virginis sunt tutela scholares, qua  
 frequentia constantiaque maiori, quam solerent,  
 qua piis commentationibus: non raro etiam di-  
 uerberationibus, dum post assignatum medita-  
 tionis argumentum psalmus quinquagesimus re-  
 citatur. Diuisa inter eosdem Christianæ pietatis  
 munia sic libenter per classes obeunt; vt alternis  
 Dominicis aut in xenodochio iacētes, aut carcere-  
 viñtos inuisant, & pia quidem animum allocu-  
 tione, paupertatē etiam largitione, stipeq; eroga-  
 ta solentur. Reliqua toti Collegio vel solemnia, vel  
 cum ceteris communia attingentur magis, quam  
 exponentur. Quamplurimi scelera non leuia, quæ  
 pudore victi male reticuerant, elocuti. Lites inue-  
 teratae, discordiæque altæ familiaruin vicinarum  
 ad certam pernicieem ruentium, quas nullius vel  
 gratia, vel auctoritas poterat conciliare, nostri  
 concionatoris congressu sublatæ. Cælesti agape  
 pasti

pasti in nostro templo duodeuiginti millia. Tragœdia Maxentij elegans & illustris data : sed subiuncta præriorum diuisio , fecit tragicomediam cùm dolerent vieti, triumpharent laureati. Catechesi instituti rudiores variis parochiis. Excusum etiam in vicinas vrbes accitu Episcoporum aut opidanorum , vbi egere concionatores per ea tempora quæ nascéntis Christi, aut patientis ferias antecedunt. At publicam bonorum omnium auxit lætitiam nostrorum ope duobus in opidis restituta suis sedibus Christiana sacra : à quibus olim præscriperant perduelles: & ab altero quidem, iam quadraginta erant anni , ex quo exulabat religio. Concionatum est ab uno è nostris Castris (vrbs est vigintiquatuor circiter miliaribus Tolosa dissita , & hæretica prauitate tota penè infecta) toto Aduentus & Quadragesimæ tempore , necnon Dominicis & festis diebus inter utrumque intercurrentibus, tanto concursu, vt conciones sub finem habendæ fuerint in amplissima aula, in qua causæ aguntur, vt eo liberiùs hæretici interesse possent : quod & fecerunt probantibus, atque etiam nonnumquam lacrymantibus iisdem. Catechismus explicatus, & quidem habita præcipue ratione rudium & mendicorum, quibus vt allicerentur aliquid eleemosynæ distribuebatur. Idem factitatum erga incarceratos. In xenodochio verò ægrotanti hæretico, cuj manus intumuerat, datum consilium , vt abiurata hæresi manum aqua lustrali lauaret. lauit & detumuit, sed cùm hæresim nondum repudiasset , vt instituerat, sensit postmodum eundem tumorem manum utramque occupare. Data opera vt corrugatis eleemosynis, pararetur vmbella serica Eucharistiæ deferenda. Confessiones generales auditæ multæ , exercitiæ spiritualia traditæ , edocti

sacerdotes cæremonias Ecclesiasticas. Reconciliati Ecclesiæ Catholicæ tres hæretici , aliisque id desiderij iniectum. Res fuit publica lætitia non indigna, cùm procurator Caluinista, qui differebat professionem fidei , in morbum incidens, sacerdotemque nostrum , sibi ut confitenti daret operam, conuocans, à Ministris interuenientibus accitu uxoris hæreticæ est occupatus. cœpit inter Catholicum concionatorem, & diaboli Ministros lis oriri , de anima decumbentis ad orcum , vel ad cælum trahenda. Huius quidem arbiter honorarius erat idem ægrotus, qui cælo causam adiudicauit; frendentibus adeò hæreticis, vt interposita fuerit opera Præsidis vtriusque, Catholici & hæretici , qui post multam concertationem eum quod vellet facere permiserunt. Nihilominus tam obstinata fuit protervia hostium fidei , vt necesse illi fuerit officio diuendito se cùm tota familia Biterras recipere ; vbi hæresi abiurata , generalem apud nos confessionem instituit.

### *Domus Probationis Tolosana.*

EGERE in hac domo Probationis sacerdotes duo, Coadiutor unus, reliqui nouitij. Præter experimenta & solita pietatis exercitia, quæ singuli nouitij certatim obeunt, ac satis longas peregrinationes, quas quindecim ad diuersa loca suscepérunt , hæc pauca speciatim subnectuntur. Unus è nouiciis cùm alias legisset & audisset aquæ benedictæ haustu sæpe sublatas febres, ipse aliquando febri satis molesta agitatus ( Tertianam vocant ) cùm iam signa aduentantis æstus in se præsentiret, fide plenus aquam benedictam eibit impendi febri iter præclusurus. & exinde febri prossus liberatus est. Duorum adolescentum, qui abiurata

abiurata pridem hæresi in scholis nostris , qua à teneris annis fuerant imbuti, iam nouitiatum erant ingressi , alterum saltem mater Caluiniano veneno iamdiu infecta obstinato animo eripere nobis, vel potius Christo, volebat. Quare dum filios alloquendi facultatē obtinuisset, modò hunc, modò illum lacrymis vberissimè ex oculis manantibus ac voce miscrabili obtestabatur, sui ut miserentur, scéque agnoscerent matrem , orbitatem suam adhuc recentem recordarentur. Quid plura? nullis ad tironum animos deiiciendos machinis pepercit ; at immoti perstiterunt adolescentes, oculisque siccis matrem consolati , ab ea quamuis ægrè se expediuerunt, dolente quidem de victoria filiorum, de qua tamen gloriari poterat. Aliquot è nouitiis, dum è Monteserrato, quò peregrinationis causâ concesserat, domum repetunt, inter montes Pyrenæos cibum capturi, diuertunt ad hospitium; in quo cùm tenuiter quidem vires refecissent, expensis longè maiores, quām putarent, non tam à se factas , quām exactas soluere corum crumenâ sâpe sibi excussa non potuit. Quid agerent non habebant, maximè cùm hospitis inclemens nihil de pretio remitteret. ergo animis ad Deum sublatis adhuc scindit ad crumenam recurrent, moxque argenteum nummum recens excusum in ea reperiunt, vtique sibi subsidio, vt ipsi credunt, à B. Virgine missum. cùm tallem nummum à nullo se accepisse probè meminerint, nec crumenâ toties excussa illū occultare potuerit. inde ergo maiori in B. Virginem fiducia pleni, ac solito alacriores iter suum licet valdè asperum prosequuntur, haud dubiè præsentem B. Virginis opem insolita alacritate & fiducia attestante. Aliquis iniecit voluntatem complectendi Societatem lectio vitæ B. P. Nostrî Ignatij,

vt per eum semper augeat Societatem Christus  
per quem dedit illi principium. Quidam nostris  
nunc aggregatus , dum in votis haberet Societa-  
tem, visus est noctu sibi videre B.P.N.Ignatium,  
vt sequeretur Christum intrepidè adhortantem,  
cīque quasi manum auxiliatricem prætenden-  
tem. Verum fuisse somnium alacritas maior ad  
desiderium implendum in eo relicta comproba-  
uit. Duo erant candidati Societatis, quorum alter  
alterius consilij & voluntatis erat conscius. alter  
ergo quadam nocte visus est sibi videre socium è  
montis culmine deorsum ruere , ex eoque lapsu  
toto corpore sauciari: experrectus mente futuri  
præsaga cœpit timere socio, ne lapsus corporis la-  
psum indicaret mentis. iamque vni è nostris ma-  
nè significauit:nec vanus timor. nam cum sequen-  
ti die is cuius lapsus & inconstantia in somniis  
prænunciabatur , aperuisset socio sibi inter dor-  
miendum visum esse è monte quodam excelsa  
deorsum præcipitem ferri se , ita ut somnium  
somnio apprimè responderet, post duos dies ab-  
iecit religiosæ vitæ consilium. Diceres præuisum  
esse socij lapsum, vt alter eo cautor fieret. Vnus è  
nouitiis cum iamdiu desiderium viuendi in So-  
cietate concepisset, nec tamen cuiquam è nostris  
aperire vellet, & stuabat animo, quia vulnus latens  
sanari non poterat : ergo insultans aliquando so-  
cio eiusdem secum voluntatis , inquit, Fac me Ie-  
suitam. tum alter , Irrides me ; sed num aliquid  
boni foues animo ? paucis iis vltro socij animum  
tandem percussit, vt arcanū tamdiu suppressum ab  
eo intellexerit, ac sui officij amanter sociū admo-  
nitū coegerit, vt paulo post scipsum vni è nostris  
aperiret, ac demum vitæ instituto se adiungeret.  
Iocus planè bonus, cui successit tam felix exitus:  
pluresq; possis tales optare socios quam reperi.

Colle-

*Collegium Burdigalense.*

**V**IXERE in hoc Collegio quadragintaquatuor de nostris, sacerdotes sexdecim, præceptores quatuor, omnes sacerdotes; Scholastici 20. quo-ruin tres sacerdotes, & Coadiutores vndecim; præter quatuor, qui sunt in residentia Sammacha-riana, sacerdotem vnum, præceptores duos, & Co-adiutorem vnum. Seminarium Theologicum nostrorum huc Tolosa deductum. Prioratus no-  
bis nec opinantibus à viro nobili nō ab vrbe pro-  
cul oblatus & attributus. Eo nostri laxandis ani-  
mis percommodo vtuntur. Locus quippe cælo  
juxta salubri est, & vtili solo. Quo die in eius agri  
possessionem itum est: rusticus quidam expedito  
iam ferro alterius rustici iugulo truculenter im-  
minens, ynius è nostris interuentu, in ipso articu-  
lo qua precibus, qua minis à nefario facinore de-  
territus, adeoque iuncta cum aduersario dextera  
postquam genibus flexis vltro citroque venia im-  
petrata est vicino, suis ac sibi est restitutus. Feriis  
paschalibus hæreticā perfidiam decem eiurarunt.  
Duo in illis nobiles, quorum alterius castellum  
(vbi primū per edictum Regis liceret emerge-  
re) suis conuenticulis, conductisque conciuncu-  
lis tenebriones de Caluini grege destinarunt. Ac-  
cessere duæ mulieres & alij in eo genere complu-  
res. Confirmationis Sacramento multis inter hæ-  
reticos, lubrico videlicet & periculo loco ver-  
santibus auctæ vires atque roboretæ. Simoniaci  
aliquot adducti malè partis vt vltro se benefi-  
ciis abdicarent. Marito persuasum, ne maritam  
adulteram ferro confoderet, sed suas potius res  
habere sibi iuberet. Conciones in ipsa hæretico-  
rum ditione sanè fructuosas habuere nostri, vbi

vix ipsos annos quadraginta vox vlla fuerat au-  
dita veritatis: multorum ibidem confessiones ex-  
ceptæ. Sacris denique sacerdos operaçus frequen-  
ti concursu. Indoluere scilicet lupi Ministelli, sibi  
suis etiam in saltibus oves de faucibus extrahi.  
Ergo minaciter eminus vlulantes, edicunt ne sa-  
lutarí canum latratui quispiam aures daret. Ipsi  
verò quamvis sæpe vocati, sæpe prouocati, suis  
egredi lustris, & cominus cōgredi nunquam ausi.  
Missi cum Illustrissimo D. Cardinali suam diœce-  
sim obituro, duo Patres ex nostris, qui solemni-  
bus Societatis nostræ munijs obeundis in tanta  
messis vbertate sic assidui solidos ipsos dies accu-  
buique fuerunt, ut vix cibo saltom capiendo tem-  
pus daretur. Adolescentem filium hæreticus pa-  
ter abductum vrbe ad Ministrum Caluinistam de-  
ducebat, veneno scilicet hæreticæ prauitatis infi-  
ciendum. Ipso primo profectionis die, vbi patrem  
in taberna diuersoria dormientem animaduertit  
vigilans ac strenuus adolescens, clanculum eo re-  
licto rate consensa, secundo non tam Garumna  
flumine, quàm Spiritus sancti flamine, nocturnus  
ad filios lucis in vrbe reuolat. Illi verò perbeni-  
gnè ac liberaliter acceptum hodieque pergunt  
alere, patre illo non modò nihil erogante, sed ne  
rogante quidem, vbinam sit gentium. Alter hære-  
ticus vna vnius è nostris concione permotus, sta-  
tim diuissimo cœtu Patrem conueniens, paucisque  
pòst diebus hæresi publicitus eierata, Catholicam  
fidem summa voluntate complexus, in ea hodie-  
que perseverat. Accessit quidam Scotus à suis Mi-  
nister designatus: is quoque nostri concionato-  
ris argumento, deinceps etiam disputatione cum  
illo habita peruiictus, hæresim abiurauit; & quia  
populares eius in hac vrbe complures studium  
eiusdem in Catholica fide liberius profitenda re-  
tarda-

tardabant, aliò discessit operam Theologiæ daturus suis aliquando iuuandis, viatico interim à vi-  
ris piis operâ nostrorum adiutus opportuno. Iam  
hoc festiuum; hæretica mulier Catholicam ad au-  
diendum Ministrum improbè sollicitabat. Au-  
diam ( inquit illa) si tu priùs concionatorem Ca-  
tholicum audieris. Conuenit, itur ad audiendu-  
m nostrum ; captatrix illa muliercula capit, &  
se deinceps nisi Catholicum doctorem negat au-  
ditaram. Ingens auditorum concursus ad ædem  
nostram æstatis etiam æstu coquente factus : die-  
bus vero Christi Domini natalitiis omnino tatus,  
quantus nostra memoria numquā haec tenus. Eam  
frequētiam Senatus cum Præside frequētissimus,  
sex viri ciuitatis Rectores, & Prorex ipse perbe-  
nignè cohonestarunt. Beatæ Virginis Mariæ So-  
dalitas, quæ nostris ante hos annos ferè vndeциm  
vñbē pulsis, ad Franciscanos Patres concesserat,  
ibiique haec tenus durarat, tandem summa Patrum  
illorum voluntate , quasi postliminio reuersa ma-  
gnos omnino fructus nobis variisque pollicetur.  
Habita iussu Cardinalis Illustrissimi compen-  
diaria Casuum conscientiæ ad Parochos expla-  
natio sermone vulgari: simul sanctæ Missæ statas  
solemnisque cæremonias edocti permulti. Exer-  
citiis spiritualibus cum alij viri & adolescentes  
honesti sunt exculti, tum vñus honore ac munere  
publico præsignis, qai huius vñius negotij confi-  
ciendi causâ octo minimum dierum iter cōfec-  
rat; sed laborem fructus abundè compensauit.  
Duorum iniunctorum sublatæ, ægri complures ad-  
iuti. In iis vñus sacrum viaticum, quod defereba-  
tur, lectulo desiliens, supplex & humili stratus ex-  
cepit. Alter illacrymans præsentem coram Domini-  
num tanto sensu pietatis allocutus est, vt circum-  
fusæ coronæ lacrymas expresserit. Vit honestus

morti propinquior quāmpudaret, nostro qui tum  
 fortè cū Illustrissimo D. Cardinali proprius aberat,  
 accito, confessus, rogauit impensiūs, vt ciuis alias  
 quicun graues inimicitias exercebat, ad se veni-  
 re ne grauaretur, veniam se petere coramque pe-  
 titurum. Super hæc accepto ab ipso Illustrissimo  
 D. Cardinali viatico plenariaque donatus indul-  
 gentia, diem illum clausit extremum. Miles qui-  
 dam glriosus magna apud Caluinistas auctori-  
 tate, maiore sui confidentia, farragine venenorū  
 ab hereticis vndequaque decem ipsis annis emen-  
 dicata rhapsodiā non imprudenter minus quām  
 impudenter in sacrosanctum Missæ sacrificium  
 idiomate vulgari (vt erat homo penè idiota) vul-  
 gauerat, & vulgo fucum fecerat. Eum è Societate  
 nonnulli rogati perlitteras à Theologis ipsis Pa-  
 riensibus variis telis facile confixerūt; vnum verò  
 præ ceteris duobus voluminibus in eum editis  
 gemino velut ariete sic perculit atque prostrauit,  
 vt ipsi comilitones heretici vulgo velut attoni-  
 ti stuperent: tantaq; suauitas stili fuit etiam con-  
 figentis, vt sibi certatim libros illos qua prece, qua  
 pretio compararent. Edax quædam tenaxq; sca-  
 bies puellulæ genas frontemque populata, iam in  
 certam oculorum perniciem grassabatur. Eam pa-  
 rentes D. Magdalenæ (cuius in æde nostra facel-  
 lum est) voto concepto commendarūt. Nec mora-  
 eo ipso die puella meliusculè habuit, altero verò  
 detersa funditus labe conualuit, & voti damnati  
 parentes in eo facello volentes libentesq; persolu-  
 erunt. Furiosus quidam aquæ lustralis adspergi-  
 ne, simul cerea imagine Agni Dei sanatus. Mulier  
 impulsu dæmonis, primum aptata ad collum teste  
 sese frustra strangulare nixa, ferro protinus arre-  
 pro duo sibi vulnera, in gutture vnum, alterum in  
 pectore altius impresserat. Clamore concidentis  
 horribili

horribili exciti vicini accurrere , alij chirurgum, alij sacerdotem nostrum accersere. perfectumque non sine specie miraculi, ut expiatis ritè peccatis, viatico insuper, & Extremæunctionis Sacramento munita vitam, ut speramus, beata morte miseram commutaret. Duæ puellæ haustu aquæ benedictæ salutari febrem illico depulcrunt. Peristy-  
lum sibi senatus concionibus audiendis in æde nostra faciendū curauit opere pereleganti, idem-  
que sibi commodi seorsum iuncti curant Quæ-  
stores ærarij Regis præfecti, vñà cum Cancella-  
rio ac Iuri dicundo præfectis; sed & aliud peristy-  
lum sibi cogitant sex viri vrbis moderatores. sic  
flos populi deriuatus ad nos confluit. Quidam  
non obscuro loco matrem in foro publicè verbe-  
rauerat, eamque insuper graui lite vexabat gran-  
dis iam natu vir: forte illius mater cùm nostro  
confessario conscientiam aperuisset, rogauit vt  
pro se proqué filio faceret. fecit ille, nec ita multo  
post pertinax ac ferox ille homo, qui adhuc viro-  
rum nobilium, ac nostrorum etiam preces super-  
bè repudiarat, pernegans se vñquam in gratiam  
cum matre redditurum, quibusdam ex illis graui-  
bus honestisque viris præsentibus, nec tale quid-  
quam expectantibus, derepentè ad matris pedes  
accidit, flens & veniam obsecrans: nec prius erigi  
se passus est, quām tertio iterata m à matre bene-  
dictionem accepit. ea res omnino miraculi spe-  
ciem tota vrbe habuit, vsque adeò fuerat despe-  
rata. De totius vitæ confessionibus, deque operi-  
bus misericordiæ Societatis nostræ solemnibus,  
de catechismo, aliisque id genus consulto tace-  
mus, quia longum adeoque superfluum esset ea-  
dem sæpius tam ystata præsertim inculcare.

*Collegium Ruthenense.*

**A**L VIT hoc Collegium viginti è nostris; sacerdotes septem, præceptores sex, quorum unus est sacerdos; Coadiutores quinque, & Scholasticos tres, quorum duo Philosophiæ student. Horum opera domi forisque multis utilis fuit. nam præter scholarum exercitationes, quæ penè mille-nis profuerunt, etiam ad externos, & longè positi-  
tos deriuata est utilitas. sed primum domestica tangamus. Concionatus est toto tempore Aduen-tus in primario templo unus è nostris, cui fre-quens auditorium præter morem dedit operam. Classis Philosophiæ auditorum multitudine, & i[n]geniorū flore sic floret, ut nunquam antea tam florens fuerit; cumq[ue] tam multos locus capere non posset, cogerenturque sub iuste pluvio dicta-ra excipere, extuctis intra classem temporaneis tabulatis angustiæ nonnihil laxatae sunt. Discipu-lus unus imprimis nobilis morbo decumbens, condiscipuloru[m] precibus, ut petierat, commen-datus, facta exomologesi quam citissimè conua-luit. Præmia solemnia, quæ iamdiu benemeritis dari desierant, liberalitate Reuerendissimi Episco-pi magnificenter distributa. Addita tragœdia latina Iephæ, quam splendidissimus apparatus, magna[que] hominum frequentia cohonestarunt. E multis qui Societatem affectant, selecti octo præstantes iuuenes pietate & litteris, è quibus tres Philosophi in Lotharingum nouitiatu[m] missi; reliquos partim Philosophos, partim Rhetores exceperit & fouet Tolosanus. Cæteri istorū exem-pla animosiores effecti oportunum admissionis tempus expectant. Hæc domi. Duo è nostris missi in Gaballiam, qui concionibus, familiari alloquio,  
piorum

piorum librorum distributione cùm Catholicos, tum hæreticos adiuuerunt, populumq; à cho-  
reis ad vespertinas preces suauiter traduxerunt. Alter tota Quadragesima cōcionatus Sanctafricæ  
(vrbs est ab hæreticis dudum occupata, in qua ta-  
men constanter tertia pars ciuium Catholicam  
retinent religionem:) in ea ergo omnium penè  
Catholicorum exceptit confessiones de tota vita  
confitentium. Ecclesiæ reconciliauit aliquot hæ-  
reticos: ex iis unus iam septuagenarius, veritus ne  
in hæresi moreretur, institit quām maximè, vt  
quamprimum restitueretur Ecclesiæ. Alia ( erat  
enim mulier penè sexagenaria ) cùm festo die  
Christi resurgentis hæresim publicè eiurasset, la-  
crymans ipsa lacrymas omnibus mouit. Ea res sic  
hæreticos malè habuit, vt sequenti nocte eius do-  
mum incendere sint conati, postibus illius resina  
& pice obliitis, igneque subiecto: atque ea sanè  
deflagrasset cum vicinarum omnium periculo,  
nisi Deus media nocte huc hominem deduxisset,  
qui clamore vicinos excitans diuinam prouiden-  
tiā piorum conatibus inuigilare ostendit. Do-  
ctrinam Christianam edocti pueri, puellæq; præ-  
sentibus grandioribus, ipsisque etiam magistrati-  
bus. Præmiola ad accendendos animos eam ob  
causam distributa sic probata sunt, vt aliqui etiam  
ex parentibus hæreticis liberos suos vel mitterent  
ipsi in Ecclesiam, vel saltem eò proficisci sinerent  
ediscendi catechismi causa. Minister hæreticus  
hic degens nostrum sua quotidie deliria populo  
propalantem, adeò reformidabat, preces vt indi-  
ceret ob eius decessum. Qui olim disputationibus  
omnes prouocabāt Ministri, nunc fracti alloquii  
ea de re habitis, silentium colunt plusquam Har-  
pocraticum, causæ scilicet suæ & viribus diffisi.  
Discedente nostrum lacrymantes Catholicipenè  
omnes

omnes sunt prosecuti. Concionatus item vñus è nostris Lauauri (est hęc vrbs sedes Episcopalis) auditus est libentibus animis, concursu solito maiore; quem secutus est fructus non pœnitēdus. Nam cūm vix tres quatuorūc in feriis Christi nascētis soliti essent cælesti pane refici, reperti sunt ducenti, aut his plures. Doctrinæ Christianæ explanationi, quę ter quothebdomadis fiebat, frequentes interfuerunt, non modò pueri puellæ quę, sed viri etiam grauiores.

### *Collegium Auscitanum.*

L ABORARVNT in hoc Collegio septemdecimi, sacerdotes septem, præceptores sex, quorum vñus est sacerdos, Coadiutores quinque. Affulit nouus sol Archiepiscopus vir pius, & nostri amās. Hunc exceperimus venientem epigrāmmate & dialogismo. sequenti verò die ob felicem eius inaugurationem datum drama, cui titulus Ambrosius inauguratorus. Iunctum socco cothurnum sic probauit, ut in annua præmia certam pecuniæ sumnam excitandis discipulis pollicitus fuerit; quin & egregiam diui Ambrosij tabellam in rei memoriam se propediem curaturum spopondit, interim alteram magni pretij diuæ Magdalenaæ è Parisiensi nostro naufragio ære suo ob raritatem creptam, dono mittens. Secundùm hunc diem die quarto in templo nostro piè faciens, & nostris & scholasticis ferè ducenis sacram synaxim est impertitus. Voluit idē apud nos quasi vñus è nostris semel iterum quę prandere. Eius vicarius argentea pyxide non minimi pretij, Christi sacro corpori recipiendo nos donauit. Explicata doctrina Christiana à Patre Vicerectore in nostro templo magno concursu & fructu. Exceptæ confessiones generales

uerales plurimæ, & in his nobilis cuiusdam, qui iam toto triennio tam salutari remedio se priuarat. E cœno hæreos emersere terni, & in iis nobilis femina. Ad idem dispositi duo. vnus aliquis quinque beneficiis onustus, nostrorum suasu vnicō viuit contentus dimissis cæteris. Floret vtraque parthenia Sodalitas, ea maximè quæ maior vocatur, accessione primorum ciuitatis. Discipuli longè solito plures Philosophicum stadium emens, scilicet triceni septeni. Foris autem tres sacerdotes tribus in opidis Quadragesima & Aduentu concionati doctrinam Christianam rudibus explicarunt. Frequentem usum Sacramētorum penè abolitum restituerunt, anicularum deliramenta extirparunt, dissidia inter proximos, turbasque ciuiles pullulantes sustulerunt. Quæ de corpore Christi nomen habuit Sodalitas, iam pendebans concionatoris nostri hortatione, quæ defloruerat refloruit, pieque sanctum, ut Sodales singuli, singulis mensibus cælesti pane reficiantur. Alio in opido Sodalitum institutum sub titulo D. Nicolai, iis inter alias legibus, ut minimum quinques quotannis omnes communicent, ac si quid iurgij enascatur, de primorum sententia illicio componatur, qui pacem renuat, ex Sodali albo expungatur. Gimontij hoc anno sacerdos unus è nostris est concionatus Aduentus & Quadragesimæ tempore, tanta ciuium gratulacione, ut ynà omnes de Collegio nobis ædificando & dotando cogitarint, eaque de causa miserint ad R. Patrem nostrum Prouincialem primarios duos Consules. Ibi veteres inimicitiaz inter sanguine iunctos, qui annis septem eadem domo & mensa vni fuerant, nec se vel verbo uno salutarant, sublatæ. Varia item odia inter diuersas familias capitali odio totos quatuordecim annos disse-

dissidentes, frustraque de reconciliatione ab aliis tentatas extincta penitus. Libri improbatæ lectionis combusti, offerentibus vltra possessoribus. Restauratum nostri suasu pia ciuium liberalitate magnæ Matris sacellum. Excusum deinde in pagum vicinum haeresi media ex parte infectum, concioque habita in ecclesia penè diruta: & quoniam à triginta penè annis concionatorem audierant nullum; illi è suggestu de vita rectè instituenda familiariter loquenti auditores detecto capite polliciti sunt se omnia quæ diceret facturos. tandem ibi tres ab haeresi crepti.

### *Collegium Agennense.*

VIXERUNT hoc anno in isto Collegio trintatæ quatuor, ex quibus octodecim Collegij officia obeunt, sacerdotes sex, totidem præceptores & Coadiutores, reliqui sexdecim. demigrante seminario nostrorum Theologorum Burdigalain, hic per semestre spatium substiterunt. Scholarum fructus idem qui superioribus annis. Parthenix Sodalitates florent pietate & numero; maior præfertim, quæ ex novo facello exædificato ad pietatem sensit sibi calcar admoueri. Rediere ab haeresi ad fidem tredecim, & in iis sacerdos sexagenarius aliusque vir nobilis. Libri pestiferi flammis vtricibus traditi. In urbe hæretica, in qua à virginis minimum annis synaxis nulla fuerat celebrata, post hortationem ad eam rem habitam, festo die cælitibus omnibus sacro, hæreticis inspectantibus, centum & sexaginta sub dio, quia templum solo æquatum erat, communicarunt. Redierunt in gratiam sexaginta hominum paria, inter quæ lœta fuit conciliatio duum primarū familiarium & magistratum, qui simul postmodum pane cælesti

sti sunt refecti. Alter tam atroces cum alio gerebat iniurias, ut viginti annis confessione & communione caruisset: destitit tamen suauem vnius e nostris, & bene paratus Christi corpore est refectus. Excitatum incendium, & vicina quæque populans, iniecta cælestis agni cera benedicta extinctum est. In vico proximo res fuit usque ad eam noua, Catholicuni concionatorem audire, ut vix illa concione non fluxerint aliquibus lacrymæ, & quidem eo die, quo de paciente Christo fit sermo: pluuiio quamuis cælo & lutulentis viis, tantus fuit concursus, ut aliqui deliquium sint passi. Sodalitium Rosarij B. Virginis in insula Iordana restitutum, mosque illius ter quotidie salutandæ postliminiò reuocatus. Explicata ab uno e nostris officia Christiana. Confessione facta unus continuo morbo, quo decem & octo dies afflictatus fuerat, leuari coepit. Alter itidem emissio B. Virginis voto conualuit. Idem posset dici de pluribus aliis ægrotis. Sublatus abusus confitendi ea quæ libido ferret. Miles quidam cum iam abiecta militia rei augendæ operam dedisset, & contestata lite prædium quoddam amississet, impatiens damni finire vitam decreuit. Prius tamē, ut consueuerat, in nostro templo rei diuinæ voluit interesse, indequæ editioreni quemdam tumulum quem Garumna alluit, petens, se post orationem derepente in fluum præcipitat, Iesu nomen identidem inclamans. Atque ille quidem mersus est, sed non demersus. Diuina enim vis hominem sustentabat, petireque non sinebat. homo ergo senex non sine Deo ad ripam enatans domum delatus, vni e nostris ad id vocato confessus est, sibiique redditus suam recordiam coram omnibus est detestatus. Obiit vir pius & doctus Theologus Ecclesiæ Cathedralis istius urbis, vir amantissimus Socie-

tatis nostræ, & quam moribundus sanctam appellabat. Is ergo tum prædium, tum domesticam supellectilem Collegio nostro legavit.

### *Collegium Petracoricense.*

HABVIT ex nostris Collegium hoc viginti plus minus, sacerdotes octo, magistros sex, quorum unus sacerdos, Philosophiæ auditores duos, reliquos Coadiutores. ex multis morbo vexatis obiit sacerdos unus. Concionatum à nostris in summo templo non modò Aduentus & Quadragesimæ tempore, sed penè etiam totius anni Dominicis. Fructum tamen taceo, non quia exiguis sit, sed quia communis. Hæretici quatuor Ecclesiæ sunt restituti, totidem ex nostris classibus adolescentes in Societatem admissi. Præter solitas solemnioribus festis excursiones, discurrit unus æstiuo tempore per pagos & opida magno cum fructu: nam sacerdotes a concubinatu retraxit, dedocuitque abusum quo spreta auriculari confessione, generalique contenti absolutionem imperiebant, & ad sacram synaxim admittebāt. Hæresim professos Ecclesiæ reconciliauit, meditantes fugam ad hæreticos ita mouit suis de Eucharistia concionibus, ut palam alseuerarint se numquam ab Ecclesiæ castris recessuros: quæ vt firmiora essent, instituit illis ex facultate Reuerendissimi Episcopi Sodalitium sub titulo Corporis Christi. Missus item auctoritate Illustrissimi Cardinalis de Sourdis, Archiepiscopi Burdigalensis ad populum multis ab annis hæresi infectum: cui muneri cùm inuigilaret, Ministelli hæretici nulluin non mouerunt lapidem eum vt de medio tollerent, vel saltem eius conatum retardarent: placuit tamen Deo veritatem signis aliquot declarare.

Cùm

Cum enim noster de Assumptionis Deiparæ triumpho concionaretur, mulier hæretica perfidè fronte in Ecclesiæ contemptum nere cœpit; nes admonita damnatum opus intermisit, donec eius filius, qui tum fortè natabat, aquis præfocatus affertur. concurrunt vndeque ciues rei nouitatem stupefacti, tanto numero & impetu, ut cœnaculum alioqui firum coruerit, & quinquaginta circiter viuos cum mortuo cōsepultos, obruerit. Aliud eodem tempore prodigium contigit. Contenderant hæretici de cœmiterio suorum cadaueribus destinando, cuinque hortum cuiusdam Catholici præter iuris ordinem sibi usurparient, unus ex hostibus exultare cœpit, sibiique & suis gratulatus: Equis, inquit, erit primus, qui suo corpore cœmiterium hoc consecret; cumque alter Catholicus respondisset ipsummet fortè futurum; recusat ille honorem, seniorique debitum addit: locum tamen designat quo sepeliri vellet, ac mox domum profectus interiit, ibique primus sepultus est. Taceo pluuiam sanguineam ad deterrendos homines à tanta impietate diuinitus missam. Sed cum lapidibus nostrum obtuere meditarentur, hic Christi consilium secutus, excusso puluere ad aliam migravit prouinciam, ubi benignè exceptus gregem Domini magnopere est consolatus. Rogatu Capituli, & ciuium Sarlatensis primū hoc anno urbem illam nostri sunt ingressi. Dici vix posset quanta amoris significatione nostrum exceperint concionatorem, quantoque cum concursu eidem toto Adventus tempore concionanti, ac doctrinam Christianam explicanti dederint operam: aderant penè omnes à minimo ad maximum. Fructus inde consecutus fuit frequentatio Sacramentorum in fériis Christi nascentis. cum enim alijs penè esset nullus, qui extra Pascha cœlesti

lesti pane reficeretur, tum pauci reperti sunt, qui idem in natalitiis non præstiterint. Centum circiter de tota vita confitentibus aures datæ, & multis quidem qui nunquam omnino, aliis qui numquam id bene fecerant. reuocati multi à simonia. Cùm Priuatenses ciues sancta æmulatione vicinarum ciuitatum Lemouicensis & Petracoricensis, de Collegio nobis ædificando cogitarent; tandem obtinuerunt, ut interim dum negotium vngeretur, concionatorem haberent vnum è nostris. Vix dici potest, quanta cum animi lætitia exceptus sit & auditus, iam ab anno 1599. & respondit operæ fructus: nam frequens Sacramētorum usus introductus. voluerunt enim præcipue ciuitatis familiæ nostro confiteri. Sublatæ lasciuientium choreæ non sine difficultate, quod etiam obtinutum est à Sodalitatibus quibusdā, quarum prisca pietas degenerarat in antiqua bacchanalia. Tenebriones nocturni assueti viuere ex rapto, repressi. A concubinatu multi retracti, confessiones generales auditæ plurimæ. vicini hæreticorum Ministri iussi tacere. reconciliati quamplurimi dissidentes, & in his aliquot coniugatorum paria. Quæ & similia cùm ciues videant nostrorum operâ præstata, ita afficiuntur, ut magis ac magis de Collegio ædificando & ornando cogitent. quam ad rem iam ecclesiæ aliquot pararunt donaria. Nobilitas circum vicina, ut fructus est particeps, ita amori non cedit: sic ut unus illorum de Collegio nobis ædificando cogitarit, quod fortassis in alia pia opera commutabitur. alius ter mille numeros auteos coronatos malè partos restituit suis dominis.

*Collegium Biterrense.*

Dicitur v multumque expetiti nostri Biterras appulerunt mense Iulio anni 1599. Collegij ergo ædificationem adeò vrsarunt ciues, ut magnis licet impensis, locoque commodissimo tandem absoluerint, & sub diu Ludouici titulo dedicarint. Versantur ergo ex nostris ibi sexdecim, sacerdotes septem; quorum duo docent, alter Casus conscientiae, alter Philosophiam; præceptores alij quinque, & reliqui Coadiutores. Alet enim Deo bene propitio plures in tempus futurum. redditus enim illius est quatuor millium trecentorū Francorum. Scholæ ultra quam in initiis sperandum foret, feruent & numero & splendore iuuenum ad omnem animi cultum propensorum. Pietatem collige ex eo quod quinque Dominicanorum familiam, unus Capucinorum auxerunt, præter eos qui nostram ambient Societatem. Confessiones plurius auditæ, & scelera malè dudum occultata, bene patefacta: quod scilicet intelligerent nihil apud nos antiquius secreto confessionis. quæ res exciuit aliquos, ut itinere per molesto trium quartu leucarum, ad nos, ut se peccatis expiarent, venirent. Reuocati à necromantia aliqui, reuocati hæretici ad fidem centum, aut his plures. In iis matrona nobilis, quæ quo antea petulantior in irridendis Catholicis, eò iam ardentior in iis imitandis, ac potissimum in Sacris tribus aut pluribus quotidie audiendis. Alius magne apud hæreticos expectationis, & non modò Ministris permultis charissimus; sed ipsi etiam Bezæ hæresiarchæ familiaris, ac propter eximiam doctrinam ab omnibus hæreticis honoratus; cum unum è nostris semel concionantem audisset, motus di-

uinitus longo pōst tempore stimulānte conscientia fugam ab vrbe hæretica meditatur , & in nostrum Collegium venit de rebus sux salutis consulturus. cumq̄ue Biterrēses hæretici rem inteligerent, adeunt hominem, lacescunt disputatiunculis, minis perterrefaciunt : sed frustra. abeunt igitur mentis impotem conclamantes. At ille sibi talem insaniam gratulatus, facellum nostrum petit, ibique oratione latina non sine lacrymis ad Christum fusa, magna Catholicorum lætitia hæresim abiurat, ac tandem Auenionem profectus, indeque Romam discedens, pollicetur multa se de rebus hæreticorum scripturum , quorum ipse testis esset oculatus. Similia possent addi quamplurima ; sed ex iis paucis reliqua coſigentur. Quot enim in fide fuerint confirmati, vix dici potest, sed hic fructus maximè cōſistit in adolescentibus nostræ fidei creditis. mittuntur enim à parentibus hæreticis, nequidquā reclamantibus Ministellis diaboli: suntq̄ue reperti quamplurimi, qui bruta Ministrorum fulmina hoc nomine intentata audacter contempserunt. Excursiones multæ factæ sunt in vicina opida, nec sine fructu: repressi enim sunt hæreticorum conatus, erectæ cruces, templa restaurata, nutantes in fide confirmati, & alia id genus. Vnus ætate senex graui languore animi oppressus dæmonis blanditiis eò adductus est, vt se suumq̄ue filium perniciosissimo consilio hosti generis humani dedere cogitaret : sed à tam impio consilio suasu vnius è nostris, cui postea est confessus, est reuocatus. Ægerrima mulier, & penitus conclamata, simul vt ad extreum certamen vñcta est, conuasuit mirantibus omnibus. In Agatensi missione ( est Agatensis ciuitas Episcopalis non incelebris ) præstitum , vt prisca ſæpius confitendi & communicandi consuetudo,

quæ

quæ penè exoleuerat, restauraretur admirante ci-  
uitate frequentem populi concursum, ad sacra  
mysteria percipienda.

### *Collegium Lemouicense.*

F V I M V S in hoc Collegio toto ferè anno quin-  
decim sedecimve, Patres sex septemve, præ-  
ceptores quinque, Coadiutores quatuor. A Pa-  
schate addita est quinta classis, quam plures qua-  
dringentis frequentant auditores, in iisque pluri-  
mi nobiles. In vniuersum nongenti sunt studiosi  
in quinque scholas distributi. Duo Carthusien-  
sium, sex Franciscanorum, quos Recollectos vo-  
cant, habitum suscepserunt. Duo in nostram So-  
cietatem admissi sunt, plures petierunt. Distribu-  
ta sunt diligentioribus publicè præmia, liberali-  
tate Reuerendi Antistitis & Episcopi Lemouicen-  
sis, dicto ad eandem rem appositissimo dramate,  
cui nomen Somnium vigilis. Hæresim nostrorum  
operâ sex aut septem abiurarunt. In fide nutantes  
plurimi cōfirmati: graues inimicitiae inter pluri-  
mos sedatae. Martialis Mouretus procuratoris fi-  
lius, grauissimo conflictatus in morbo, atque à me-  
dicis desertus, B. P. N. Ignatij precibus se com-  
mendauit, imaginem petiit, osculatus est, statim-  
que melius habere cœpit, ac breui cōualuit: nunc  
beneficij non immemor Societatem nostram in-  
gredi meditatur. Lustralis aquæ præsens reme-  
diūm non animis solum expiandis, sed corpori-  
bus etiam morbo leuandis adhibitum; patuit mi-  
ra eius viis in depositis, & quibus frustra medico-  
rum auxilium expetitum fuerat. In quo genere  
puer scholarum nostrarum ægritudinem, quam  
multi ob insolentiam & grauitatem doloris in-  
cantationi tribuebant, non alio pharmaco vel

carmine depulit, auctore vno è nostris, qui maiore ieunio in vrbe Ecclesiasten egerat, multisque in aliis expertus fuerat, sacrae huius aquæ haustum febrium ardoribus restinguendis potentissimum. Quin etiam Doctor medicus paralysis dolore animo propè defectus, sibi vitæq; redditus non Galeno, vel Hippocrati Gallum, sed huic pio medicamini Christoq; gratias debet. Tanta huius Collegij fama, ut ex vicinis castris & vrbibus, ad viginti iiii quadragesima interdum milliaria distantibus cōfluant, expiandorum peccatorum, & petendi consilij caussa. non semel etiam ex remotoribus vrbibus missi Cæsus conscientiæ soluendi. Confessionum maior in dies frequentia & fructus. his enim audiendis vacant ferè assiduè sex Patres; & iam non mulierculæ tantum, vt initio, sed viri etiam graues, nobiles, Iudices, regij Quæstores, aliquique ciues ventitant. Aenti (quæ vrbis vnius diei itinere ab hac distat) Pater unus tota Quadragesima conciones habuit; alius toto penè anno catechismum in vrbe docuit. Ad vicinalocâ interdam missi præceptores concionandi caussa. Pro Aduentus tempore Francopolim (inferioris prouinciæ Ruthenæ caput est) unus; Burgum in agro Burdigalenſi alias Pater, ad habendas conciones missi.

## PROVINCIA LVGDVNENSIS.

**V**IMVS in hac prouincia socij  
 ducenti & septuaginta, in sex  
 Collegia, & domum probationis  
 cum residentia Tonnonensi dis-  
 tributi. In Collegio Auenionensi  
 octoginta, sacerdotes triginta;  
 ex quibus duo Theologiaz Scholasticæ magistri,  
 moralis unus, Philosophiaz verò & Mathematices  
 quatuor, septem sunt auditores Theologiaz: ex  
 aliis, qui sacerdotes non sunt, quinque litteras  
 humaniores profitentur, quatuordecim Theo-  
 logiaz, nouem Philosophiaz dant operam: ceteri  
 Coadiutores. in Collegio Turnonensi quadra-  
 ginta versantur ē nostris, sacerdotes vigintiduo;  
 ex quibus unus Theologiam profitetur, quatuor  
 cum Mathematicis Philosophiam, duo Theolo-  
 giaz dant operam & Casibus conscientiaz: ex cete-  
 ris autem quinque sunt humaniorum litterarum  
 magistri, unus Theologiaz & Casuum auditor, al-  
 ter Rheticaz: ceteri Coadiutores. in Collegio  
 Camberiensi & residentia Tonnonensi huic Col-  
 legio subiecta degunt viginti septem; & quidem  
 Camberij sex sacerdotes, magistri quinque, ceteri  
 Coadiutores; in residentia Tonnonensi sex ver-  
 santur, sacerdotes quatuor, unus catechistes, ma-  
 gister puerorum alias Coadiutor. in Collegio  
 Aniciensi fuere plus minus duo supra triginta,  
 sacerdotes quindecim, ex quibus unus Casus  
 conscientiaz docet: ex aliis vero magistri 6. reliqui  
 Coadiutores. in Collegio Dolano numerantur ē  
 nostris 47. sacerdotes 22. ex quibus unus Casus  
 conscientiaz docet, tres Philosophiam, alter huma-  
 niores litteras, quatuor student Casibus conscienc-  
 tiaz;

tix, ex aliis verò quinque humaniores litteras profitentur, totidem Catibus vacant, unus Rhetoricæ, ceteri Coadiutores. in Collegio Bisuntino viginti, sacerdotes decem, ex quibus unus Casus conscientiæ docet, alter Logicā, magistri humaniorum litterarum quinque, totidem Coadiutores; in domo Probationis Auenionensi tres supra triginta, quorum octo sunt veterani, sacerdotes quinque, è quibus unus cum altero non sacerdote tertium probationis annum peragit, alias est nouitius, quatuor Coadiutores, ceteri nouitij. Admissi in Societatem septendecim, dimissi è nouitiatu duo; è Collegio Auenionensi unus, defunctus Camberij unus.

### *Collegium Auenionense.*

D ISCIPLINA domestica suum cursum & splendori tenuit, studium mortificationis & solidarum virtutum idem cum superioribus annis, obedientia, fraterna charitas, demissio sui potissimum apparuerunt: ad paupertatis propositū confirmandum, renouata consuetudo Societatis fereendi ad superiorem omnia, quæ quisque priuatim haberet: non sine fructu. sic enim nouo iubilæi anno ad proprios & antiquos dominos omnia redierunt, amputatæ fibræ leuiculæ tenacitatis icuncularum, & aliorum huiusmodi; in singulis nouis religiosæ nuditatis ardor exarsit. sed ferè quæ maximè excellunt in hoc genere, quia quotidiana, & cum reliqua Societate communia, prætermittenda: satis sit hoc veluti iacto fundamento fontes ipsos ex quibus tamen præclara in salutem proximorum facinora dimanarunt. indicasse. Agnouimus sanè præclaram Gallicæ nobilitatis in Societatem yniuersam voluntatem: cum enim propè

propè effusa Gallia in occursum Reginæ suæ Auenione iter haberet, non modò Principes viri nostros, qui se officij gratia salutatum venerant, humanissimè acceperunt, cum spontanea studiorum suorum in negotiis nostris pollicitatione, verum etiam familiarissimè domum nostram inuisere, lustrare templum, miscere variis de rebus priuatim colloquia voluerunt. Possem hinc texere catalogum bene longum Senatorum & Consiliariorum regiorum, Equitum non insimæ nobilitatis, Ducum & Principum, Episcoporum, Archiepiscoporum, Cardinalium, qui omnes in hoc eodem officij vel humanitatis genere versati sunt; sed insinuasse sit satis. tatum quia inter istos unus excelluit, non committam ut tam insignem in nostros omnes benevolentiam, tam illustre non vulgaris sanctitatis exemplum tam breui commemoratione prætteream. Is fuit Illustrissimus Cardinalis de Sourdis, idemque Archiepiscopus Burdigalensis Reuerendissimus. Is igitur, non modò quādiu fuit Auenione, nostris usus est quam familiarissimè, sed cùm de profectiōne Romana cogitaret, suos omnes in diem certum peccatis expiandis paratos esse iubet, ducit ad Collegium, coactam in congregationem B. Virginis familiam habita ab uno e nostris exhortatione, ad Sacra menta confessionis & Eucharistiae comparat. ipse coram adest ad excitanda studia singulorum, præstolatur domi nostræ donec omnes ab exhortatione peccatorum sordes eluerint. quid plura? postridie eodem loco suos ipse sacro pane reficit & nescias herine an familiæ totius pietatis sensus magis eluceat. tanti refert, ut ad omnia, hic maximè, ad virtutem domini & pastoris exemplum. Neq; hinc tamen Cardinalis optimi quiescit pietas, modestia, benevolentia, agit cum nostris

ad horam ferè prandij. at nihil tale cogitantibus familia dimissa nobiscum in prandio se esse velle pronunciat, vescitur nobiscum, cibis nostris tanquam unus è nostris non minori silentio, modestia, reuerentia, quām minimus è nostris. Alterum est in hoc genere bencuolentiæ non omitendum. Post aduentum in urbem Serenissimæ Reginæ, cùm R. P. Laurentius Magius eam adiisset, tum vt qualiacumque studia nostrorum offerret, tum maximè, vt res Societatis commendaret; quod obsequium sibi esse gratum ostendit, simulq; recepit, oratione quę propensam in nos voluntatem satis indicaret, facturam se in re nostra, quantum sciret possetq;: cùm ergo eam adiisset, fortè tum erant in aula regia Ducissæ Nemoracensis, Guisiana, de Ventadour, iubebat bono animo esse, & breuem certumq; nostrorum redditum pollicebatur, Quin, inquietabant, constitutum nobis est vnà cum Regina ad genua regia accidere, precibusq; & lacrymis auimum expugnare. Tertium quoddam est nouum omnino & insolens, atque his maximè dignum annalibus. Carpenteractum (ciuitas est primaria Venecini comitatus) dudum Collegium expetierat, atque hoc demum anno ita negotium vrgebat, vt propè res confecta videretur. hoc vbi Auenionenses intellexerunt (neque enim eos latere poterat, maximè quòd ea re Carpenteractenses liberiùs gloriarentur) veriti ne propinquitas noui Collegij splendoris aliquid auferret de suo, néve aliqui ex nostris propterea dilaberentur, conuocant illicid in curia municipali cōcūm ciuitatis. contentio ingens oritur vicinas inter & propè germanas ciuitates. Romæ res agitur per procuratores viros primarios, studia Cardinalium vtrimeque ambiuntur, coram ipso summo Pontifice negotium disceptatur.

ceptatur. propè iam actum erat in fauorem Carpentoractensium, cùm ecce tibi accenduntur animi Auenionensium furore dicain, an amore incredibili? nihil est tam coniunctum amori quam furor, & quia inclinare in partem aduersam videbamur, in nos tota tempestas incumbit. Ponite vobis ante oculos imaginem offensi animi, & graves amicorum iras falsis rumoribus concitatas. quid offensio, quid ira, quid amor, quid opinio concepta suggesteret, id omne Auenionenses nostri in suos publicè prouunciant, priuatim euomunt. utrobique fortasse leuiores, sed tamen excusandi, quia, vt inquit ille, Res est solliciti plena timoris amor. Verbo absoluam, res vt in publico tumultu periculosior erat, quam ipso exordio appareret, ita breui discussa de hominum mentibus caligine nostrorum orationibus, superiorum diligentia, prudentia Illustrissimi Prolegati, auctoritate summi Pontificis, qui totius causæ cognitionem sibi reseruata voluit, tempestas exorta conquieuit. Quod tam ambitiosè Auenionenses de Collegio disceptarint, fecit scholasticorum numerus, & Academiz nostræ existimatio. de hac diximus obiter ferè quod satis erat: tantū vnum addā, hereticos ipsos tati nominis fama permotos, frendeant licet, & minas pro concione intentent Ministri, liberos suos iam liberiū nobis erudiendos tradere. sed lepidum accedit, dum egregij illi concionatores grauius in parentes inuehūtur, vt vnuſ tanquam vi aculeati & amentati argumenti persuasurus in hanc orationem inciderit: Docti sunt Iesuitæ, fateor; ad pueriles animos imbuendos prompti & parati, non negauerim; ab his cognitione antiquitatis & historiarum petenda, verissimè dictum est; ab his poëtices & eloquentiaz præceptorum docta & subtilis explicatio, non inficior,

non abngeo; vos tamen ut harum omnium humanarum scientiarum ac disciplinarum cognitione liberorum vestrorum ingenia excolatis, eorum animos ibitis perditum Iesuitarum in fide & religione impiis & nefandis erroribus? haec fuit Ministri oratio, quam motus admirabilis animorum est consecutus. Si enim, exceperunt plerique qui aderant, ita est, ut hic noster est professus, cur non uno oinnes consensu liberos nostros scholis Iesuitarum addicimus? neque vero fuit repentina & tumultuaria deliberatio; aliqui enim quod tum conceperant perfecerunt, neque denuntiationibus & terroribus conuenticuli consistorialis auocari a proposito potuerunt. Iam numerus scholasticorum quantum hoc anno creverit inde licet colligere, quod in tribus inferioribus ordinibus scholarum in antemeridianas & pomeridianas diuisio fuerit facienda; nihil tam nobis obest in re classica, quam locorum angustiae. In cohorte Parthenica hoc anno supta centum & quadraginta numerati, viginti ad varias Religiosorum familias transierunt, plures ad eandem perfectionem aspirant: & certatum à Sodalibus non minus eradiatione quam pictate cum reliquis oinibus. Animaduersum enim in promotione ad gradus Philosophicos vix unum aut alterum ex tanto numero non academicum extitisse, ex academicis qui non promoueretur relictum fuisse neminem. Erecta separatiim pro Theologis academia, magnum ut speramus, saluti animarum emolumentum allatura. ex iis decem aut duodecim conciones Quadragesimales cum laude & fructu sustinuerunt. Altera ciuium & nobilium congregatio augetur in dies numero non magis quam feroce. huic nomen dedit, & nouum publica professione splendorem attulit Illustrissimus Prolegatus: a plerisque

plerisque studiosissimè ambitur. hos inter cùm  
vir pius sèpius admitti flagitasset, in grauem & le-  
thalem morbum incidit. Moderatores re intelle-  
cta hominem antequam moreretur, admittendum  
iudicarunt. igitur venit ad ægrotum Præfctus  
cum aliquot Sodalium comitatu, salutat humani-  
ter, alloquitur: sed qui responderet non erat; si-  
quidem ægrum ante horas quindecim & vox &  
sensus propè omnis defecerat. pergere nihilomi-  
nus Præfctus appellare hominem, quis esset, &  
quam ob causam venisset insurrate. initum di-  
ctu, vix audiebat Parthenicæ congregationis no-  
men & causam aduentus; cùm ecce veluti ex al-  
tissimo somno excitatus loqui cœpit, pronunciare  
orationem eam, quam quisque quo die admitti-  
tur, solet, alternatim etiam respôdere ad hymnum  
in gratiarum actionem tanti beneficij; quo recita-  
to simul obticuit, moxque suauissimè patrocinio  
diuæ Virginis recreatus, obdormiuit in Domino.  
Cùm esset obseruatum fore è multorum salute,  
qui hæresim abiurare parati erant, si essent qui re-  
cens ad fidem conuersos re & opibus adiuuarent;  
Illustrissimus Vicelegatus eam prouinciam con-  
grégationi dedit, vt simul eorum animas & cor-  
pora curaret. hanc verò ultro recepit, & magno  
cum fructu continuo exercere cœpit: siquidem  
intra tres menses supra quindecim, qui ad hæreti-  
cos transierant, ad nos redierunt. Hæretici aliquot  
multorum dierum suscepto itinere venire Aue-  
nionem, vt agerent cum nostris, eorumque operâ  
reconciliarentur Ecclesiæ: inter quos duo adole-  
scates inductos se ad Catholicam religionem ea  
potissimum ratione professi sunt, quòd apud nos  
templa, atæ & alia monumenta religionis anti-  
quitatem redolerent; tempora omnia, quæ passim  
in Gallia vidissent, à Catholicis Catholico ritu, &

Catho-

Catholicæ religionis vñibus consecrataj ab hæreticis vel nulla, vel recens ædificata cernerent. Liberati duo in carcere detenti interuentu nostro. tertius per nos grauiorem animæ mortem eusit: hæreticus is erat extremo suppicio afficiendus, quod contra edictum Principis alium in Comitatu Venecino ad singulare certamen prouocasset. Neque verò vtiles labores nostri solis hæreticis fuerunt; etiam perfidis Iudæis. merces operis fuit vnius Rabbini inter suos seniū octogenarij admiranda conuersio. Is post internam decem annorum pugnam, tandem manus dedit vero Messia Christo, quod prophetias impletas agnosceret. proque patria potestate qua fungebatur in puellam quinquennem, eam secum ad baptismum adduxit. Iurgia, dissensiones, odia, multorum annorum inimicitiae partim repressæ, partim restinctæ. sed inter cæteras nobilis fuit non vnius exulcerati iam pridem animi reconciliatio. nobilissimi erant Principes ciuitatis in duas factiones diuisi magno Reip. malo, periculo maiore. res fuerat à multis frustra diuque tentata, sed tandem à nostris domi nostræ ipso sacratissimo dic Pentecostes, magna utriusque partis voluntate confecta est: cum ipsis palam & aperte pollicerentur, id à nullo alio, quam à nostris confici potuisse. Multa, præclara illa quidem, sed Collegiis ferè communia omnibus, prætermittimus.

### *Missiones Venecinæ.*

INTER Venecinas ob viciniam locorum Arausicanam numero, à qua etiam ordiemur. Arausica vrbis celebris olim & maxima, vt ex parietinarum multiplici & insana substructione licet intueri. Principibus Arausicanis nomen & nobilitatem dedit:

dedit. eam vrbē ante annos triginta quinque hæretici Caluinianæ factionis ex insidiis occuparant, eiectis omnibus, ad quos religionis, vel sacrorum tura pertineret, atq; ita grec fidelium oves sine pastore tot annorum spatio ritu sacrificij & Sacramentorum vſu caruerant. Sed hoc demum anno, annuente diuina misericordia, & beneficio Henrici IV. Galliarum Regis, Principe in pristina & auita ditione restituto, pastores ouibus redditi, Ecclesiastici regulares sacerdotesque de consensu hæreticorum in partem vrbis admissi; conditio tantum adiecta, ne Iesuitæ concionatores accederent. Visum est prudentissimo Principi, quoniam multa capita proponebantur ab hæreticis, huic ita respondere, ut neque abnueret, neque annueret. Pauci menses effluxerant, cum occasio obtulit se huiusmodi nostros conuocandi, orta dissensione inter præfectum arcis, & eum qui iuri dicundo ciuitati præsidebat, hæreticos ambos. Catholici in præfecti partes discesserūt. Præses oppressus multitudine & potentia aduersariorum abiit, magistratus coactus, atque in eius locum Catholicus nominatus. Hic itaque homo Romanarum partium statim agere cœpit de concionatore Iesuita, breuique quod vrgebat obtinuit; hæreticis iam non valde repugnantibus, quod in eum concionatorem superioribus mensibus incidissent, à quo mirum quanta verborum severitate castigati, quodque hominem Societatis pacatiorem fore crederent. Quare missus Auenione unus è nostris. Is diœcesim ferè Catholicam esse comperit præter ciuitatem Arausicam: in qua etiam (quod magnopere mirere) licet hæresis annos propè quadraginta dominata sit, ciuium tamen Catholicorum numerus tertia parte maior semper extitit; in dī si eratores, si transfugas, si faciem eiusmodi plebe-

culæ eximæ, plusquam dimidia. Fides erat integra illa quidem, sed plerosque moribus & vita vix Catholicos agnouisses. ita omnia non modò impunè licebant, sed etiam sine acriore conscientiæ mortuæ hotè igitur primum curatum, ut conçionibus, explicatione doctrinæ, vsu Sacramentorum, cæteris Ecclesiæ piè ac religiosè observandis suo nomine digniores efficerentur. Verum haud scio an quidquam aliud Catholicos in suscepcta religione magis confirmarit, quam institutæ supplicationis pompa celebris; altera in urbe in peruvigilio S. Eutropij Apostolorum discipuli, quem Arausica ciuitas patronum agnoscit: foris altera ad ædem diuæ Matis, suscepcta trium leucarum peregrinatione: atque in hac postremæ conuenerat Arausicanæ Catholicæ ferè mille. Procedebant in primo agmine virgines candidæ in veste, matronæ sequebatur, inde pueri adolescentes, in medium agmen clerus implebat alternantibus canonicorum & musicorum choris; totus procedentium ordo conferta virorum turba cum cereis & facib' accensis cladebatur. mira in vultu alacritas, in incessu modestia, in cantu pictas & religio elucebat. nemo deseruit ordinem, nemo mutauit, nemo pluuiam ingruentem accusare visus; quæ res ita permouit hereticos, ut se ipsos ignorantes tepehēdere non dubitauerint. Hæc ferè cum Catholicis; iam heretici reducti quartuor, atheisti vani. variis errores in priuato colloquio confessi sunt ferè centum, quorum aliqui planè veritatem intuentur, ac sentiunt nobiscum: sed nimis quia homines sunt, & hominibus placere student, impensius à publica fidei professione retardantur. magistellos suos ita vulgo iam damnant imperitiæ, ut nostros longè ipsis antecellere, doctrinamque fidei, quam tradimus, non impro-

improbabilem' videri fateantur. Multa præterea, dum percurritur Arausicana diœcesis, ad promouendam rem Christianam appositè gesta sunt. Paternis in Comitatu Venecino habitæ cōciones in Quadragesima non sine messe. duo hæretici Catholicis adiuncti: multi inter se dissidentes conciliati: mulieres aliquot à turpi vita ad pudicitiam honestatemque traductæ: sublatæ superstitiones: malè parta suis dominis restituta : xenodochij census, qui à paupere domo ad familias locupletes transierat, reuocatus. Vnum accidit ad commendationem I s s v nominis spectante populo celeberrimum. cùm enim mulier energumenæ inter ceteros ad sacram synaxim accessisset, ac modestè simul & religiosè sui compos accumberet; vbi diuinam hostiam in manibus sacerdotis vide-re cœpit, furere illicè, tumultuari, horrendumque in modum clamare institit: sed à nostro sacerdote in Iesv nomine silere iussa mirum dictu quām drepentè, quām serenato vultu quieuerit, quanta cum significatione pietatis oblatum Christi corpus acceperit. Visanum (opidū est in eodē Comitatu) alterum è nostris concionatorem habuit in Paschali ieiunio: magna facta mutatio animorum, vt iam nobiscū penè conspirent omnes, cùm antè non occultè ferrent suam à nostris abalienationem. Plurimi qui numquam antè ritè confessi esserent, expiati religiosè. Tres publicam hæresim ciurarunt: nonnemo abiecit occultam. Sublatum est scandalum quoddam iam inueteratum & publicum concubinatus. mulier quæ cum offensione totius opidi contumaciter à parentibus dissidebat; persuasa tandem, supplex vt veniam peteret, & obedientiam pietatemque vel offensionibus præferret vel opibus. Adita vicina loca non paruo fructu, inducti pij catus doctrinæ Christianæ

næ, miraque iam alacritate passim omnibus aruis salutaria decantantur. auditæ nobilium confessiones, vnuſque inter alios, qui iam biennio abstinebat Eucharistia propter inimicitias, nocendi voluntatem simul totius vitæ peccata melior saniorque posuit. In feriam quintam Parasceues, tam deuoto elegantiique opere temporarium sacellum extructum à nostro Eucharistiæ aſſeruandæ, vt admirabundi accurrerent incolæ, plurimumque ad pietatem & reuerentiam excitarentur, cùm nihil vñquam tale ſe dicerent ſeniores in vita vidiffe.

### *Missiones Oxitanicæ.*

**H**æ quatuor fuere; Nemausensis, Aleptensis, Vticensis & Monspeliensis. Nemausensis superiorē inchoata magnos hoc anno progressus habuit. id cùm hæretici vererentur, nec vano timore præſagirent, consilium cœperunt in illa ſua consistoriali synagoga de aditu in vrbem nostris intercludēdo. concionatori enim in Delphinatum ſuſcipiendum iter fuerat, ad plū & felix pro religione negotium. Vicerunt tamen curæ ſecūdæ, ne palām repugnare viderentur: vicit prudentiſſimi Gubernatoris & Principum vrbis auctoritas, qui iam in negotio irreligiosæ religionis ſuæ, non ſine aliqua religione moleſtiaque versantur. Igitur admissi ſumus, ac velitationes illicò, mox pugnæ in occurſu, demuin totis caſtris vtriunq; certatum. inde trepidatio ingens in vrbē tota, quotidiana conuenticula, denunciationes Ministrorum, minæ non obscuræ: ſi quis eſſe cum nostris priuatim aut publicè auderet, excommunicatiōnes palām intentatæ: data syndicis pecunia, vt in re tanta curiosi & diligentes eſſent: certis locis disposita

disposita militum præsidia, excubiæ vigiliæque nocturnæ, illustratio pomerij, seuera exactio tesseræ, celerum obequitatio; quæ omnia ad eorum potissimum terrorem erant composita, qui se nostris adiungere cogitabant. Sed constat eum motum animorum vrbe tota secundò & tertìo fuisse, vt tantum non abesset à tumultu: nec alia ratione, quām metu armorum in Ministrorum fide teneri populus potuit. Iam verò, vt fortis videbentur atque intrepidi, ausi sunt principiò pugillem nostrum priuata disputatione laceſſere: deinde ubi probatum aliquoties non venire rem è sententia, Patrē de statione & gradu moueri non posse, lumine disputationis tenebras errorū suorum suorum magis magisque clarescere; aliò conuertunt ingenia & artes, schedas, commentariola vel commenta potius, lucubratiunculas magistelorum & eiusmodi manuscripta spargunt in vulgus; sua etiam mendacia, ne in obscurō versentur, typis mandant, posteritati commendant: & commentariis commētaria, scriptis scripta, opusculis opuscula opposita typis etiam excusa conatus aduersariorū eluserunt, res nostras illustriores nobilioresq; reddiderūt. Igitur nostrum aggrediuntur non iam amplius verborum aculeis, sed lenociniis, laude, gratulatione donorum naturalium: palam etiam profitentur nihil esse in quo dissident, non aliud docere se aut credere, quām doceremus. Quid multa? Patrem Caluinistam esse prædicant, præterea fictitiam declarationem, & fidei Catholicæ abiurationem nuperrimè editam ignori proſsus & haec tenus in Gallia inauditæ pseudoiesuitæ, quem P. Edmundum appellant, tota vrbe proclaimari, legi in tabernis & circulis, circumferri aliò spargique curarunt. Sed fruſtra conatur hæresis cursum veritatis Euangelicæ re-

tardare. siquidem inter tantas in vnum hominem  
 conspirationes , non modò maxima Societatis  
 laus , verùm etiam ingens animorum fructus be-  
 neficio supremi numinis locum inuenit. Primò  
 enim hæretici tríginta quinque relictis erroribus  
 religionem Catholicam palam amplexi sunt. quo-  
 rum è numero tres magistratum gerunt, vñus in-  
 signi eruditione clarus, nobiles duo, matrona pri-  
 maria, & Ministri Genevensis filius; cui tum for-  
 tuna domestica, tñm puerilis educatio, tum inge-  
 nium satis ad ea studia natum breui Pastoris inter  
 suos dignitatem pollicebantur. Deinde tota ciui-  
 tas ita commota concionibus, exhortationibus  
 disputationibusque nostrorum, vt plerique sub-  
 murmurent, se, si per edicta regia, quod iam agi-  
 tur iure cōmuni & libero ciuitatis, suffragijs ho-  
 norum & Magistratuum Catholicis vti liceat;  
 palam eam fidei doctrinam professuros, quam in  
 recessu animotum iam agnoscunt, & vt veram,  
 atqae vt ad salutem necessariam amplectuntur.  
 Cum Catholicis præcipuus labor, præcipua vtili-  
 tas: vix nomen suum in illa colluwie sustinebant,  
 Vix vlla hos inter & Catholicos distinctio in vita  
 moribusque, nulla præter Dominicum diem Fe-  
 storum obseruatio, nulla religio ieutiorum, nul-  
 la dierum ciborumque discretio, infrequentes in  
 templis, rari in concionibus, in ritu sacrificij pau-  
 ciores: ceterum coīmunia cum hæreticis omnia,  
 domus, mensa, thorus, sepulchrum. quid ergo mi-  
 rum si commisti inter gentes didicerant opera  
 eorum? satis sit dicere, his tantis totque malis sua  
 diuino beneficio quaestita remedia : eumque mox  
 motum & animorum commutationem esse con-  
 secutam, vt animaduersa (non poterat enim non  
 incidere in oculos) Catholicis incredibilem vo-  
 luptatem, atque in fide admirabile robur adtule-  
 tit.

rit. Hęc in vrbe summatim: singula enim prosequi longum eslet. itum. etiam ad agros & vicina opida cum aliqua messe animorum. excusum ad Arelatenses, Tarrasconenses, Belliguadenses, ad sancti Āegidij, & alia circumquaque loca variis occasionibus: ubique cum fructu. Venio ad solemnem cum hęreticis concertationem: quam tamen antequam aggrediar, duo præmittenda sunt, quæ mira Nemausi accidere, ad terrorem hęreticorum, & fidei illius veritatis, quam Ministrorum impietas oppugnabat. Ex hęreticorum sentina nescio quis iurare & peierare solitus crebro in eum sermonem incidebat, vt fibi cæxitatem imprecaretur, nisi vti affirmabat ita res eslet. valuit imprecatio, cæcus drepentē factus est Præful Catholicus cùm octauo die annuæ celebritatis sanctissimi Sacramēti populo benediceret, vbi theca sacratissimi corporis contingere cœpit, vñdit clara & euidenti visione diuinissimum os Iesu Christi Domini nostri: facies plena decoris, & maiestatis lumine incredibili radiabat, lineamenta sancti sudarij, quæ circumfertur, imaginem referebant. atque hęc tam augusta species in eo spatio, quod hostia consecrata occupauerat, apparebat. Diceres Deum opt. max. hoc tam insigni miraculo Catholicos omnes, & sacerdotem nostrum maximè, ad breui futurum certamen de reali præsentia corporis Christi in Eucharistiæ Sacramento comparare voluisse. Accipite nunc pugnam nobilem, nobilemque victoriam, cuius hęc fuit occasio. Ediderat noster in Ministrum quemdam Gratianopolitanum apologeticum doctrinæ de SS Sacramento quam Gratianopoli publicè pro concione docebat, quamque sciolus ille vulgato libello voluerat iugulatam. Igitur capita Nemausensis Ecclesiæ, ita suas synagogas appellant, venienti malo

occurrentum rata, primū in circulis & concionibus Apologetici auctoritatem eleuare : deinde ratiunculas aliquas obiicere, easque librariorum operâ spargere in populo : demum ut Theologos Burdigalenses, & alios Catholicorum in suis in Mornazum lucubrationibus initarentur; centum circiter auctoritatim, quas citari falsò, vel non referri aut usurpari fideliter assererent, inuentarium edere. Vulgus non tam ratione quam opinione dicitur. Quare concionator noster consilium capit hominis aggrediendi rationem dictorum scriptorumq; redditurus. sed nō est repertus in consistorio, qui congregi vel etiam coram adesse auderet. res delata ad quendam Chamierum nobilem in his partibus Ministrum, Pastorem Ecclesiae Montis Damarij, cuius etiam erant capita præcipue in nos scripto euulgata. Mittitur igitur Diaconus cum notario qui Patri nunciaret, si diceretur dies, Chamierum minimè vadimonium deserturum. dicitur, accersitur Minister, yenit. ac postquam in ærarij cameram conuenissent omnes, hora post meridiem ferè tertia (duabus enim horis à nostro expectatus est aduersarius) cuncti que ascendissent; prior assurgit hæreticus, ac nescio quam precandi forinulam præire cæteris incipit sonora voce. Noster contrà obsistere id esse contra decretum Concilij Laodicensis, quo veramur cum iis quoruī se similem esse vellent, commercium habere precationum ad Deum. visum est Illustrissimo Cardinali de Sourdis, qui tunc fortè aderat, & moderatoribus disputationis viris primariis, quos sibi uterque cum secretario delegerat, vti quisque priuatim & in silentio suam funderet orationem. Oratione peracta, profert Minister librum de sacrificio Missæ, noster Chamieri manuscriptum. hæreticus Patrijs nomen inter

ter falsarios, Pater hæreticum inter plagiarios referebat; de falsis igitur & calumnia in utriusque libris tota quæstio. Hic ego non enunciabo singula, quæ diebus septem totidemque sessionibus disputata sunt, quæque fideliter excepta habentur in actis. narratio enim in iustum volumen excresceret Vnicum indicabo quod media disputatio ne accidit, & in quo diuinam quandam eluxisse vim æqui & iniqui fateantur Seniores & Pharisei Calvinianæ synagogæ superiorum dierum actis propè examinati, ut obstinatè confirmarent se se & plebeim dubiis erroribus, & in aliquam veritatis lucem intuentem à sanis cogitationibus auerterent; consilium ineunt plenum fraudis & insidiarum, plenum calliditatis atque malitiæ: bibliothecam inuchunt in ærarium, accumulant codices codicibus, & libris libros. Interea hora consueta Catholici conueniunt, mirantur ingenia hominum, rident consilia & artes. facto initio cum proposita fuissent Ambrosij loca ad examinandum, neque Pater aliud cogitasset. ecce tibi Chamierus pauca præfari flagitat de Eucharistiae doctrina, quam secta Caluini profitetur. annuunt moderatores. Hic ille professione fidei suæ primùm iniecta, minuta quædam argumenta profert confirmandis erroribus: tum è pera monumentum antiquitatis & memoriæ commentariolum extrahit, indeque recitat notas librorum & pagellarum innumerabiles, quibus Catholicam transsubstantiationis doctrinam euertat: inuolat in librorum apparatum, voluit, euoluit, deuorat puluerulentos codices: modò à commentario ad libros transfert oculos: modò eosdem à libris ad commentarium refert: vagatur, ut animo & oratione, ita corpore & oculis, ac vix tandem post multas horas absoluit. hoc erat præ-

fari paucis, hoc Ambrosij locum examinare. Non defuerunt inter Catholicos qui subdubitarent, ne, aut longitudo temporis, aut rationum varietas, aut multitudo numerorum, aut apparatus auctoritatum Patri vel memoriam ademisset, vel rationem obscurasset, vel fregisset eloquentiam. Fuit etiam nonne ino, qui generosum Christi militem tam malitiosè circumuentum fleuerit; sed eisdem tamen mirificè recreabat eius in vultu serenitas, constantia, grauitas, coniectus oculorum, quibus lætitia nescio quam indicabat. Euomuerat stomachum & blasphemiarum pestes omnes hæreticus, cum noster plenus Spiritu sancto, munitus Christianorum armis signaculo crucis, orsus est ex tempore defensionem veritatis, cum ea dignitate, modestia, lumine orationis, grauitate doctrinæ, copia rationum, & firmamentorum omnium (nihil augebo dicendo) ut illicet aures, oculos, mentes audientium, non solum voluptas incredibilis, verum etiam admiratio ingens impleuerit. Aduersarij enim vestigijs insistens initio dicendi exposuit Catholicam hdem mystrij Eucharistici, eamq; testimoniis Scripturarum, & totius antiquitatis Græcæ & Latinae firmissimis rationum momentis, ac miraculorum inculpata fide roborauit; deinde conuertit orationem ad partem refutationis, nodos omnes dissoluendo, ambigua quæ erant explicando, germanum Scripturæ & Patrum sensum aperiendo, ita dilucide atque perspicue, ita solidè & graniter, ut viri acutissimi fateantur, nihil se unquam tale in eo genere vel audiuisse, vellegisse, vel vidisse. Depromserat ex illo suo pagellarum & numerorum armamentario infelicis memorie Minister omnia celorum & machinarum genera, quæ Sacramentariorum scriptis continetur & linguis, adhibuerat

rat omnia, omnia viribus orationis ingeniique  
torserat; sed ea noster ita dissipauit ac perdidit,  
nullum ut feriret, pleraque, ne vanus esset iactus, in  
hostes ipsos retorqueret: tanta verò dicendi faci-  
litate, tanta similiūm rerum vbertate & copia,  
tanto flumine ac torrente rationum, ut in eo actu  
Catholici diuinum nescio quid agnouerint, hæ-  
retici magum eum & incantatorem iudicarint:  
ita aduersus Dominum non est cogitatio neque  
consilium. Cum iam sex ipsos dies disputatio re-  
nuiisset, & hæreticorum plerique nutarent (facile  
enim etiam à rudioribus quam in partem victoria  
inclinaret, intelligebatur) Archisynagogi cōlisto-  
riales disputationem, si quo modo saluo ipsorum  
honore fieri posset, claudendam primo quoque  
tempore censuerunt. Quare ut noster fusus fuga-  
tusque, Minister stetisse in acie videretur, vltimas  
dicendi partes accusatori, nullas defensori relictas  
esse voluerunt. Cum enim Chamierus conatu al-  
tero etiam insolentiori ructasset omnia, quæ no-  
tis illis vnceti commentarioli continerentur, ac  
dicendo diem exeinisset, luce altera cuncti conue-  
niissent, Pater responsionem paratam haberet; ecce  
tibi missi à Præside Castrensis curiæ Magistratus,  
Patrem ac Ministrum sequi se iubent. venitur ad  
Præsidem: monet Præles conuentus eiusmodi  
Regi haudquaquam placere: docet quid alibi in  
simili negotio turbarum acciderit. quare se pro ea  
auctoritate, quam haberet, pergi vltérius in dispu-  
tando prohibere. Ita parendum fuit potestati legi-  
bus arimatæ, & cui non patuisse sit crimen: sed  
nullus fuit tam parum oculatus, qui non quod  
res erat existimauerit, nec ad alios quam ad ipsos  
hæreticos prouocarit. porrò fructus disputationis  
is fuit, ut orthodoxi, qui sunt, mirificè fuerint in  
vera & antiqua Sacramentorum fide & religione  
confir-

confirmati, qui hæretici iudicio plus valent, fauerint Romanæ doctrinæ, & nonnulli de pondis erroribus serio cogitare cœperint; Præses ipse, qui pugnam diremit, paulo post, ut audiuiimus, cum hac tum aliis disputationibus persuasus hæresim abiurauerit; omnes Chamierum plagij & calumniaæ reuin esse, nostrum nihil minus quam lege de falsis teneri cognouerint. atque de Ne-mausensi missione hactenus.

A L E P T E N S I S non annua, ut superior, sed tan-tum Quadragesimalis, messem non pœnitendam dedit. tres abiurarunt hæresim, quam iurauerant: Catholici circiter quinquaginta, qui defectionem à fide meditabantur, in officio & fide & religione maiorum conseruati: discordiæ magni momenti compositæ: curatum ut loco sacro perpetuò & decenter Eucharistiæ Sacmentum allaruaretur, utque ad ægros religioso & honorifico comitatu deferretur: crux insignis grauibus ob aduersan-tes hæreticos superatis difficultatibus publico loco erecta. quidam molesto periculo quoque morbo decumbens concionatoris nostri, ut vulgo est creditum, visitatione sauatus.

V T I C A E alias è nostris versatus est maiore etiā cū fructu. Ea in ciuitate multis ab annis hæretici dominantur; sex Calvini errores, quos à puero im-biberant, ritè expiati posuerūt: inde Ministerorum in nos odiū, doli & artes fabricatæ, ut suos à nobis auerteret, falsi rumores & calumniæ disseminatæ, quæ tamen (quia nuda veritas ipsa se prodit) au-ctoribus suis plurimum obsfuerunt. Inde in ministeriali synodo eo tempore Uticæ coacta, ex variis lacunis & antris tenebricosorum hominum, decretum excommunicationis in eos promulgatum qui concionatorem Iesuitam audire præsumeret. Templum magnificentem olim & elegans, sed ante

triginta annos dirutum, magno Catholicorum consensu, & communi conspiratione etiam hæreticorum, instaurari cœptum. In concionibus frequentia vel maxima. Hebdomadariæ cohortationes ad Canonicos & Clericos de ipsorum officio ritè ac decenter obeundo suam laudem & utilitatem habuerunt; dè habitu clericali, horis canonicas, confessione absoluta, clave iurisdictionis in Sacramentorum administratione, & aliis eiusmodi admoniti paruerunt. denique, quæ diuina est misericordia, ea in moribus & honestate vitæ facta mutatio, ut alia facies vrbis appareret, Reuerendissimus Vticensis nostros diutius secum esse flagitarit.

Missio MONSPELIENSIS, si non primaria, certè intèr principes numerari debet, siue ob celebritatem vrbis, & potentiam hæreticorum in ea, siue ob fructus admirabiles, quos vnu s è nostris labore semestri reportauit. celebritatem facit vrbis amplitudo, academia medicinæ nobilissima, & senatus triplex : potentia verò Caluinistarum tanta, ut omnia possint. Eam in urbem penetrare sèpe fuerat in votis & Catholicorum & nostris; sed hoc demum anno collegium Canonorum, re iam deliberata, negotium strenuè vtgerre per litteras, nosque omnino in suam fidem ac tutelam recipere cœpit. Exigua spes erat, tamen visum est tentare euentum rei, & iter ingredi quæ via aperiebat. admittimur in urbem ea lege ne supra dies octo moraremur. concionamur illicò. Hic verò hæretici, quod iis inconsulis habitæ à nostris cōciones, furere palam, varia versare consilia, electionem eius, quacunque ratione fas esset, deliberatam habere. quod ubi Catholici intellectæ, coacto consilio mittunt ad Consules, qui nunciarent haud esse æquum, ut à Ministris concionato-

cionatores acciperent, ex pactis & conuentis datam optionem eligendi quem vellent, sibi gratum & ratum esse quem habebant, rogare id ut sibi aequis ipsorum animis facere liceret. Consules subueriti, ne, si pertinaciū obsisterent, seditionis autores viderentur, nostrum quindecim alios dies esse in urbe permisérunt: atque hæc prorogatio temporis, semestris moræ fuit initium. Noster cum satis firmata sede, serio de negotio missionis suæ cogitare cœpit. Cum Catholicis labor omnis, quod & fructuosiùs opera cum eis collocari posse videretur, & hæreticos non temerè exacerbando iudicaremus. Quis verò explicet, quā multa, quām potius omnia religiosi & externi cultus ornamenta vel quæ nunquam in vsu fuissent, instituta; vel quæ raro usurparentur, celebriora redditæ; vel quæ penitus interiissent, ad vitam reuocata? non enumerabo singula. satis sit omnia dixisse. Reddam hīc tamen unum aut alterum, quod speciem miraculi habuit, & piam religionem cerei agni renouatam magnopere confirmauit. Excitatum fuerat in urbe incendium tam repentinum, tam ingens, ut populatio magna timeretur. iam tria ædificia consumperat, neque humana auxilia quæsita proficiebant, neque spes extinguendæ flammæ apparebat. Igitur pia mulier & nobilis, fide feruens cereum agnum coniicit in flamas spectante turba omni. mirum dictu. ignis illicè furere desiit. Catholici rem miram prædicant, hæretici tam præsens remedium admirantur. Puella item nobilis Senatori Catholico desponsata, cùm in equo peteret suburbanum; equus oneris impatiens miseram excutit, terit pede, ferit calcibus, sed nullo vulnere, nullo (quod magis mirere) doloris sensu. id illa acceptū refert virtuti ceræ consecratae quam à Patre acceperat, & quam præcipuo cultu

cultu venerabatur: neque solum id apud se libera-  
liter agnoscit, verum etiam ubique sepe & iucun-  
de predicat. Sublata perniciosa consuetudo, quam  
ritus Caluinistarum induxerat, non baptizandi  
infantes, nisi Dominico die. Festorum celebritas  
persuasa, non tam oratione concionatoris, quam  
vindicta diuina mox insecura, que ancillam aqua-  
rum inundatione penè submersit. Graues inimi-  
citæ compositæ, & multæ, quarū una, in duas fa-  
ctiones urbe distracta, iam à duobus annis maiora  
in dies incrementa capiebat. Res ab arbitris &  
tribunalibus ad sicarios venerat, vt lis alterius  
morte finiretur, nec erat qui auctoritatem suam  
interponeret. Non irrito conatu noster tamen au-  
det rem ardiam & difficilem, aggreditur, tentat  
singulorum animos, extinguit odia. Ter aut qua-  
ter confecta res videbatur; toties ab hoste huma-  
ni generis ulcera renouata: sed demum vicit Pa-  
tris constantia, virtus, auctoritas. Data utrumque  
fide conuocat capita familiarium in locum ab  
omni suspitione & periculo liberum, iubet nomi-  
nare & adducere secum arbitros. res coram &  
utrumque ambitiosè disceptatur: postque varias  
agitationes lite composita dant manus, dant am-  
plexus & oscula, tanta lætitia singulorū, vt lacry-  
mas tenere non possent; tanto gaudio & applausu  
totius ciuitatis, vt ipsi Consules licet haeretici, de-  
tam præclaro in commune bonum officio Patri  
gratias agendas iudicarint. Atque haud scio an  
nobis quidquam aliud magis omnium animos  
mentesq; deuinxerit: nisi forte quis curam ægroti-  
tis adhibitat vel anteferat, vel certè non inferio-  
re loco ponat. Sanè fuit etiam ea toti urbi gratissi-  
ma & utilissima: præsertim morientibus, quorum  
nonnemo, quam animæ salutem obstinate negle-  
cerat, nostrorum admonitu respicere cœpit. Vir  
clarissi-

clarissimus Senator & Protopræses designatus, cum in lethalem morbum incidisset; sacerdotem nostrum ad se vocat, apud eum titè peccata deponit, iubet eius suasu ferri ad se longo cereorum ordine, & pompa celebri sacrum viaticum pignus immortalitatis & gloriæ nona res fuit & inusitata: iam enim à viginti annis in urbe Monspeliensi tanti Sacramenti solatio ægri morientesque cauerant. sumit post deuotam adorationem Christi corpus, edit palam Catholicæ & Romanæ fidei professionem, ac paulo post inter manus concionatoris nostri felicem mortem cum vita feliciore commutat. Demortui unus dupli oratione funebri cohonestatum: quod officij genus, ut alia superiora charitatis obsequia, ita permouit Protopræsidem virum grauissimum, defuncti Senatoris parentem, ut antea neglectam Catholicorum caussam magno animo susceperit, ac totam familiam cunctis ipse prælucens piè & christianè institui voluerit: vidua vero cum propter nimiam in ornatu cultuque corporis elegantiam iam à duabus annis ab vsu Sacramentorum abstineret; posito luxu se totam Parris arbitrio commiserit, aliasque suo exemplo & adhortatione ad tam sanctum modestiæ & pietatis propositum pertraxerit. Valuit etiam ad deinerendam ciuitatem capitum doctrinæ Christianæ mense integro accurior explicatio: quam pueri nobiles & ingenui eo studio & ea discendi alacritate excipiebant, ut sëpe supra quadringentos auditores ad tam nouum & iucundum spectaculum alicerent. Sed nihil ita iuuit ad omnia, quam concionandi munus: aderant semper ad tria millia, sëpe plures, atque in his triplex senatus, viri cum nobilitate, tum Iuris & Medicinæ scientia spectatissimi. Porro dū infirmiori sexu singularis extitit fructus,

ad multorum etiam virorum salutem. Vna præ ceteris potens auctoritate & opibus, atque inter Principes Gallie feminas nobilitate paucis inferior, non sibi magis consilio sanctissimo, quam reliquis omnibus clarissimo exemplo profuit: maximè quod ea variorum ornamentorum, & fucandi capilli puluere nescio quo auctor habebatur, quodque nulli dedecus esse posset Principem tam prudenter, tam nobilem, tam gratam omnibus imitari. ac videtur Deus opt. max. quodam velati miraculo, quo eam dormientem a meddis incendi lectuli flammis ita libertavit, ut ne vestigium quidem in vestibus & capillis appareret, piam eius voluntatem probare & confirmare voluisse. Hinc factum est propter insignem in vita & motibus omnium ordinum mutationem, ut charissimum nostrum Patrem cuiuslibet haberent, neque se patem eius studiis & laboribus referte gratiam possic prædicarent. Hæretici ipsi depositis odiis reueneri cœperunt, videre amicis oculis, æquis auribus audire, probare dicta fructaque omnia, morum suavitatem & liberalitatem vultus eo magis amare, quod nos tristis tetricos esse & austeros passim audierant. Sed non licuit diutius in urbe agere, certis enim de caussis iustas est noster à Superioribus cedere illicet, & primo quoque tempore redire Agenionem: simulque incredibile sui & Sociorum desiderium reliquit. Postea intellectum est quam diuino consilio res Societatis administrarentur: paulo post enim Catholicos inter & hæreticos ingens orta seditio, quæ propè Episcopum extinxit, Proregem ipsum cedere urbe coegerit: cuius seditionis mitum si non auctores habebamus, & adhuc in urbe fuissimus.

*Missiones Pontificiae.*

PROCVRATAE hoc anno cum Illustrissimo Vicelegato & summo Pontifice missiones ad opida vicinarum ciuitatum, quas incendium haeresis miserè deformatuit, felix initium habuerunt. ratio omnino Apostolica est; mittimus summi Pontificis nomine cum mandatis & auctoritate scripto explicata, accipimus ab Episcopo diœcesis quid agendum, vbi commorandum, quantum temporis res & negotia requirant. in quolibet pago vix paucioribus diebus quam octo, neque pluribus quam quindecim, nisi forte in celebrioribus opidis, commoramus. Concionamus summanè & sub vesperum: meridie explicamus rudimenta fidei Christianæ: horis intermediis confessionibus audiendis operam damus, aut agimus aliud ad bonum opidi, & salutem animarum: Parochis, sacerdotibus & aliis huiusmodi, qui promouere rem Catholicam possint, monita damus, ut quod sui muneris est, diligenter & fructuosè exequantur. nemini graues nos exhibemus in victu & vestitu, atq; in eum finem pecuniae quantum opus esset, à summo Pontifice imperatum. denique omnia omnibus efficimur, ut omnes Christo lucrifaciamus. Iam verò loca, ad quæ adhuc accessimus, ferè sunt in Delphinatu, quod ea prouincia auxiliis huiusmodi potissimum indigat. Prima excursione, diœceses duas, qua parte maximè succurrentum, peragratæ; Vaisonensis nimicum & Tricastrina. In singulis opida lustrata minimū decem, quorum duæ in Prouincia, totidem in Arausiano Principatu, reliqua sexdecim in Delphinatu sunt. In paucis Catholicī dominuantur. in plerisque haeretici numero superiores,

nonnullis utriusque æqua parte regnant. templaque in toto illo tractu locorum ferè nulla, quare utuntur Catholicici priuatarum domoruin oratoriis, quæ tamen stabula rectius appellaris. beneficiorum pacis habent omnia hoc tempore, aut Parochum aut sacerdotem; quibus alij sedecim, alij viginti, nonnulli etiam triginta annis caruerunt. quibusdam in opidis satis amplis septem aut octo Catholicici, pusillus grex, cum aliis quadraginta aut quinquaginta, qui commorantur in villis satis rem otis, parœciam implent quocumque venimus, quasi de cœlo delapsi, ita à Catholicis accepti fumus. Conciones cōcursu frequenti celebratæ, auditæ confessiones de tota vita quamplurimæ maximo cum fructu: odia composita: peruersæ in moribus consuetudines amputatæ: publica & horrenda blasphemiae licentia, quæ in opido quodam grassabatur, reprehæsa: extremæ Vnctionis usus, qui propè abierat, reuocatus: tempora tria aut quatuoriam ædificati aut instaurari cœpta: solemnies in choro preces, quæ ab annis triginta fieri desierant, à Canonicis hortatu nostro palam recitatæ: confessarij qui in casibus reseruatis, & absolutione à censuris Pontificis auctoritatem sibi assumserant, officij admoniti: formula absolutionis, quæ à plerisque ignorabatur, edicta. heretici circiter decem ad saniora consilia redierunt: plerique alij profiteretur Catholicam religionem, quam animo conceperunt; nisi potentia & impotencia dominorum, qui maiori ex parte sunt heretici, impedirentur.

M i s s i o ad Montem Damarium vel Ademarium, vulgo Môntelimart, sicut & sequens Vappingensis, quoniam fuere in Delphinatu, cum Pontificiis iungi possunt. Igitur apud Damarium Montem sacerdos unus è nostris quad trimestreim

posuit operam magno cum fructu. in ea vrbe viuit inquietum hominum genus, & curiosum in primis, vt fert ingenium hæreticorum; Catholici tamen non pauci. inde ingens totius ciuitatis desiderium, vt noster cum Ministro congrederetur; sed recusauit hæreticus, quod diceret sibi cum Jesu ita non licere rem esse. Nouem autem decem numero Catholicorum accesserunt. Sacramentum Confirmationis, quod iamdudum propter tyrannidem hæreticorum conferri nequierat ab Episcopo, occasionem dedit de eo agendi in concionibus, & aliquot viros ac mulieres ad Catholicam fidem pertraxit. Festo B. Virginis in cælum assumptæ trecenti circiter (res olim inuisa) ad cælestè conuiuum comparati. Catholici præceptores in urbem industi, qui magna cum laude, & æqua omnium voluntate, etiam liberos hæreticorum erudiunt agitur præterea de femina proba & Catholica, quæ idem officium virginibus præstet. Ultimo bimestri excursu ad opida vicina magno comitatu Catholicorum Montis Damarij, frequenti concursu opidianorum, fructu non pœnitendo. Est vero portenti simile, quod dicam, verum tamen noster concionabatur de variis vitæ periculis & exitu incerto: & eo ferè momento quo dicebat fore fortasse ut aliquis eo die ex hac vita migraret; mulier hæretica, quæ ante aliquot annos cælites deridens paralysi laborare cœperat, ceruices sibi fregit, & infelicem animam cum pestilenti spiritu efflauit. Vapingum (Gap vulgus appellat) sedes Episcopalis, in Delphinatu, sacerdotem alterum è nostris habuit ad conciones Quadragesimales. diuortia magno cū gaudio ciuitatis composita. curatū, vt quod antea non asseruabatur Eucharistiae Sacramentum, iam cum ea reuerentia & honore, quo pars est habeatur in promptu.

Erectum

Erectum præterea Sodalitium ad promouendam tanti Sacramenti religionem , cui intra mensem nomen dedere supra ducentos, plerique nobiles, aut inter suos primarij. Doctrina Christiana ter in hebdomada explicata tanto cum fructu, ut pueri ipsi barbatis hæreticis ruborem & timorem incuterent: Catholici deinceps idoneum aliquem habere statuerint, qui rem tam feliciter inceptam prosequatur. Aliquot qui defectionem à fide meditabantur, in cæstris Pontificiis recenti: reuocati quatuordecim qui defecerunt, illustri multorum maximè vnius exemplo , qui cum ob ingenij sagacitatem atque prudentiam nomen haberet inter suos, litteras publicas acceperat ad miserum inunus exercendum clamosi Ministri . Is igitur post conciones auditas cœpit cum nostro priuatim agere de præcipuis religionis nostræ capitulo bus. certatum est utrumque acerrimè: sed tandem post quinque horarum disputationem designatus Minister manus dedit, agnouit errores, ad pœnitentiæ portum configuit, sequè palam medio in foro Catholicum esse professus est. Hic hæretici iocum credere, ridere fucum, tam bellè hominem simulare ac fingere gratulati ; sed fabula versa est. variè enim tentatus à variis seriò dolere se dixit, quod tamdiu in errore perseverasset, ac rogare, uti quem amassent peruersa docentem, iam meliora exemplo suadentem amplecterentur. atque ut nulli amplius dubitationi locus relinqueretur, spectantibus omnibus psalmos Dauidis ex Mætotti Gallica & metrica versione, dedit ignibus & flammis. Magna spes maximarum rerum non Vappingi modò , verum etiam in reliquo Delphinitu, si pax diuturnior, perpetuatio missionum, misericordia Dei, ut fecit haec tenus, annuerit, cui sit honor & gloria.

*Collegium Turnonense.*

TURNONENSIS Collegij fructus is hoc anno fuit, quem ab eo Collegio, quod infectis hæretica ciuitatibus peste circumscriptum veluti propugnaculum præsidiumque est omnibus, expectare Catholica Ecclesia, & Societas nostra debuit. nam cum omnium circumquaque urbium Antistites & rectores, ipsique etiam ciues utilitatem, quæ ex nostris hominibus percipitur, agnoscant ac prædicent; scholarum quidem nostrorum disciplinam ita omnes expectunt, ut hæretici etiam non pauci filii eam suis partim per litteras, partim ipsi coram petuerint; dummodo ad eam admitterentur, de religione parum solliciti: numerusque in scholis omnibus lectæ ex finiti- mis prouinciis iuuentutis est octingentorum aut amplius. Confiteri autem nostris sacerdotibus ita magni faciunt, ut procul etiam dissiti nobiles, aliiq; vel eos hac frequentes adeant, vel hac causa subinde accersant ad se. Concionum porrò sic amantes sunt, ut alios, cum nostros non possunt, audire nolint. habitæ itaque anno propè integro quinque in urbibus, quæ in vicino sunt maximæ, conciones hos præcipue fructus pepererunt. hæresim deposituere amplius quam centum, plerique dissuadentibus atque omni ope operaque auer- tentibus propinquis, aliisque, & ipsis adeò Ministris, nonnulli cum iactura aliqua facultatum suarum, aut non sine iacturæ metu. In his fuit Mini- stris demortui filius, qui nocte per somnum admonitus fuerat, ut ad nostrum sacerdotem peccata confessurus accederet. fuit qui, quod videre vi- sus esset per visum nocte magnum terræ hiatum, in quo flammis arderent hæretici, iisque potissi- mū,

nūm, qui temp̄a spoliarant & euerterant, ita per-  
terrefactus est, vt postridie manē ad Patrem no-  
strum adierit cum tota familia, vt hæresim cete-  
raque peccata confessione expiatet. fuit denique  
qui cum socio pariter hæretico excommunicat-  
us, ob quoddam non admodum graue furtum,  
subita socij morte commotus nihil fuerat, adeò  
vt negligens quidquid illud esset excommunicationis, ne cogitaret quidem tam lubrico & peri-  
culoso loco positus de remedio sibi prospicere:  
cūm drepentē sic ex brachio quo facinus admi-  
serat laborare cœpit, vt nulla medicorum ope sa-  
nari posset, aut eorum etiam curatione dolores,  
quos sentiebat grauissimos, leniri. Biennium sic  
abierat, curamque cum spe salutis abiecerat: sed  
amicorum Catholicorum suasu petiit, vt ab ex-  
communicatione utraque solueretur, solutosque  
sensim Dei bonitate mirabili brachij dolores,  
cūm de peccatis statim postea confiteretur, sen-  
sit. Inter omnes autem Catholicæ religionis de-  
sertores Ecclesiæ restitutus fuit, & religiosæ fa-  
miliae suæ, à qua multis antè annis profugerat, sa-  
cerdos, qui à nostro concionatore victus, relicta  
concubina redditum sibi ad suos Fratres multis la-  
crymis multo Catholicorum fauore facilem fe-  
cit. absoluti præterea multi fuerunt, qui cum hæ-  
reticis communicassent aliquando, tamen inter  
Catholicos catholicè viuebant, Ecclesiæ vel non  
omnino reconciliati, vel non legitimè: innume-  
ri verò sese in fide corroborarunt publicis con-  
cionibus aut priuatis adhortationibus informa-  
ti confirmatiq. Venit etiam ad nos senex annos  
decem, vt aiebat, yltra centum natus, qui quadra-  
ginta totis annis in montibus inter hæreticos  
non hæreticus vixerat, neque aures tamen eo  
tempore tōto coacionanti cuiquam commoda-

rat, neque commodari sibi confitenti petierat  
 Cum Ministris Caluinianis duobus locis disputatum est, utroque bis, alio etiam loco semel sic  
 ut in celebri frequentique verrarumque partium  
 conuentu certa claraque pro nostris ubique steterit victoria. eorum libri aliquae vetiti multi sunt  
 igni traditi. Effectum pariter est, ut sacerdotes aliqui, & in vita sanctiores, & in officio doctiores  
 essent. nec neglecta est puerorum ac rudium hominum Christiana institutio, propositis etiam  
 quorundam liberalitate premiis est exornata.  
 Confessiones peccatorum a principio repetitae, sunt  
 a quam plurimis exceptae: redintegratae quoque  
 sunt a non paucis, quas sacrilegus pudor integras  
 fieri non permiserat. quin etiam auditae sunt ab  
 iis, qui vel salutis incuria vel sacerdotum inopia,  
 vel vindictae libidine, per multos annos ab iis absti-  
 nuerant: atque in vniuersum ut communicandi  
 confitendiisque consuetudo celebrior ac frequen-  
 tior esset, effectum est. in eamque finem Sodalita-  
 tes aliquæ sunt alicubi restauratae, alicubi etiam  
 instauratae. restitutum inde est æs alienum pluri-  
 mum, & furto vel furore quæsitum; simoniacis  
 contractibus aut item est obuiam, aut prescrip-  
 tui remedium: coniuges grauiter dissidentes,  
 ad mutuam animorum concordiam sunt reuoca-  
 ti, cum alter alterum vulneribus per propinquos  
 occultis artibus infictis ad necem non semel ex-  
 petiisset. Femina quædam in iurgio sub vesperam  
 cum viro suo habito per iracundiam se dæmoni  
 deuouerat, à quo stimulata nocte in sequente tan-  
 quam canis in lecto coniugi adlatrabat; sed ori  
 admoto pane benedicto, nuncium dæmoni re-  
 mittens, liberata est, visaque ab eius ore quasi  
 musca euolare. Nobilis vir quidam foedis suis fa-  
 citis valde ignobilis vixerat. cum ecce morti pro-  
 ximus

ximus horrendis admodum spectris terretur tor-  
queturque : nec corpori tamen , nedum animo  
medicinam fieri patitur, quasi nullum ab eo mor-  
bo mortis sibi periculum esset . sed à cognatis a-  
amicisque vocatus sacerdos è nostris perfecit tan-  
dem, ut mutata mente saluti suæ prospiceret , de-  
siitque confessus illa terriculamenta paucis iis ho-  
ris, quibus hanc lucem adhuc vidit, videre. Adole-  
scens quidam ad decimumquintum circiter an-  
num ætatis, Eucharistia nondum sumpta, perue-  
nerat ; cum circa festum Paschatis , venit ad eum  
nocturnus mutusque spiritus: qui ubi cubiculum  
in quo iacebat tumultu complessit, pauimenti la-  
teres omnes disturbans , insedit eius fauibus ac  
stomacho, premens atque suffocans eum, vocem  
certè, ac sensum propè omnem intercludens. per  
annos duos cum dimidio sic hominem vexarat,  
noctibus iis in hebdomada duabus, quæ diem  
Dominicum & diem Louis sanctissimo Sacra-  
mento sacrificioque corporis Christi consecratum  
utrumque consequuntur. Galliam Belgiumque  
percursarat, eo ubique noctibus illis per horas  
propè quatuor infestabatur dæmonio pari sem-  
per ratione. cum vero in patriam reuertisset, &  
rem domino, cuius in officina laborabat, retulis-  
set; deductus ab eo est ad sacerdotem nostrum:  
qui ubi eum re cognita ad confessionem com-  
munionemque compataisset, dedit ei cereum agni  
Dei imaginem. Venit ut solebat nocte in sequenti  
dæmon, lectum circumcursat , iuueniem terret,  
spectra nescio quæ ei ante oculos obiiciens , &  
nescio quos sonos ad aures insibilans; sed eum  
non attingit. clamat puer , herum aduocat , qui  
ad eum alias accedere iis horis . quibus eo in cru-  
ciatu esse consueverat. cum tentasset , vi quadam  
occulta eum remorante ad cubiculi fores, repulsus

semper fuerat; tum tamen liberè nulloque obstante accessit, & vexatum diu adolescentem, conspectu præsentiaque sua recreauit. De cetero quietus ab infestante spiritu fuit iuuensis, excepta Dominica die postea, qua comunicare cœpit: cum enim res pro concione fuisset ad populi ædificationem exposita, dolens se detectum diabolus rediit nocte; sed lectum obiens perterrefacere quidem eum voluit, & vehementer etiam perterfecit, tangere autem munitum agno Dei non valuit, nec amplius postea rediit.

### *Collegium Camberiense.*

**R**ECREATA aliquantulum ex proximorum annorum peste belloque ciuitate, & vniuersa prouincia, ministeriis & laboribus consuetis, eo maiori alacritate quo diutius retenti fuerant, repetendis fuit locus. Inspexerat nuper Collegium R.P. Prouincialis, auxiliaque submiserat, itaque domi & foris strenue labores instaurati. multi illique de primaria nobilitate nostrorum operâ in mutuam, duo tresque in Ecclesię gratiam damnata hæresi restituti: in iis adolescentes duo Genevensi in lacu ab ineunte ætate lutoſa Caluini fece imbuti. eorum alter domino nobilis, in ephebis Principis honorariis apparebat: alter cuiusdam nobilis erat affecta, qui eum ad nos erudiendum & fide Catholica informandum adduxit. Restituta anno superiore cum scholis Sodalitas, ad omnem doctrinam & pietatem resurrexit. Illustre est generosum cuiusdam Parthenici factum, ac tutelans Virginis opere præsenti planè inclytum. erat is Marchionis cuiusdam Principi charissimi charifimus, & ipse Marchioni secretarius: cum tardius equo saepius respitante herum Principi obuiam festi-

festinante se queretur, petulanti culusdam ca-  
chiño exceptus est. grauius id ille scomma tulit,  
& malum minatus est. postridie in vico sibi cùm  
occurrisse, recruduit dolor, & ad manus utriusque  
ventum per inguen in imum ventrem sicula  
lethalē vulnus accepit secretarius. vicinam chi-  
rurgi in officinam semianimis delatus, ubi spiri-  
tum mente inque aliquantum recepit, confessari-  
um requirit ocyūs, simul viuātne qui læserat, an  
liberè fugerit, saluum se eum cupere, atq; omnem  
ei ultro noxam vitamque condonare. quod idem  
sæpius Prætori iustitiæque ministris, qui super ea  
re interrogatum venerant, & Principis iussu hinc  
rium prolequebantur, protestatus est. Adebat con-  
fessarius, & è Sodalibus præfectus, & alij nonnulli.  
magno conscientiæ sensu confitetur, præces pa-  
cemque Superūm & Sodaliū poscit, unum veri-  
tus ne se aut mortuum suffragiis, aut superstitem  
cœtu Sodales excludat. assidue in magnis dolori-  
bus & acerbissimis cruciatibus Litanias rota-  
riumque Virginis percurre, pacem nominatim  
ab ea exposcere, meliorem frugem vitamq; stri-  
ctiorem in posterū polliceri. Socij de more inui-  
sunt, solantur, adsunt, Litanias B. Virginis tutelari  
pro salute vitaque Sodalis, secundum scholas ve-  
spertinas communiter in facello persoluunt. Mi-  
rum dietu. cùm ante orientem solem occubitus  
rur diceretur (neque enim vulneris altitudo præ  
sanguinis ebullientis copia explorari adhuc po-  
tuerat, & rupta ilia credebantur) plurimumque  
ei febris illa nocte perinetueretur; Sodaliū pre-  
cibus effectum, vt sine febre commodè placide-  
que quieuerit, & triduo post multa sanie & tabe  
sponte de vulnere profluente, dubia & haec tenus  
anceps spes vite, certa securaque, sic tamen ut per-  
petuò ex coxa claudicaret, pronunciaretur à me-  
digis.

dicitur sed ut vitam, sic coxam integrum paulo post  
 restituit Patrona Virgo, vulnera (ita Virgine praeseruante & sospitante) admirando, ut sica quasi ad  
 artis ostentationem impacta, neque viscera in  
 imo ventre, neque nervos aut musculos in ingui-  
 ne grauius laesisse sit inuenta. Statim ut tantillum  
 ingredi potuit, voti reus, & morae impatiens ad  
 sacram Eucharistiam in templum nostrum pedes  
 perrexit, & deinde in Sodalitio veniam cum la-  
 crymis petiit, hortatusq; est ut irae moderarentur.  
 Eorundem Sodalium eluxit charitas, tum in pau-  
 pere quodam Sodali, peregrine profecto & aegroto,  
 quem & collatitia pecunia & emendicata pur-  
 gandum sanandumque curauerunt: tum in de-  
 functo altero ritu Sodalitatis efferendo, Sodalium  
 quolibet cereum candidum praeferente, magna  
 spectantium approbatione, nunquam a fundata  
 ibi Sodalitate usurpata ceremonia. Quatuor de  
 eorum cœtu hoc anno sacerdotes prima libami-  
 na Deo obtulere: qui deinde in varias paroecias  
 ad suos recedentes mirificos cohortationibus, ca-  
 techesibus, exemploque in primis suo fructus edi-  
 derunt. Vnus Societatem nostram, duo tresve  
 Cappucinorum familiam sunt ingressi. Diuersa-  
 rum familiarum Religiosi aliquot in Sodalitate  
 numerantur, qui alias item Religiosos exemplo  
 & monitis tum ad arctiorem disciplinam, tum ad  
 Sodalitatem pellegerunt. Benedictinus ex iis mo-  
 nasterij haud procul a Geneua Superior, domi  
 prius exercitiis spiritualibus ad aliquot dies ex-  
 cultus, auctoritate exemploque suo monachos  
 sibi subditos ad meliorem arctioremque discipli-  
 nam traduxit, atque ad eam rem plurimum pre-  
 cibus Sodalium se profecisse, quas identidem per  
 litteras poposcit, testatur. Sanctorum, qui in for-  
 titione mestrua sibi obtigerint, studiosissimi sunt,  
 duoque

duoque qui iam in castris Cappucinorū sunt, ad  
 ea se sententiis illis vrgentibus compulsoſ asſe-  
 ruerunt: alij in patriam reuersi longiusque positi,  
 etiam à viginti & amplius leucis eos expetunt,  
 periferrique magoā religione curant. Cum verò  
 neque templum, neque classes loco positæ nobis  
 ſunt, sed iis in angustiis, ut ipſa loci facies adole-  
 ſcentes iuxta parentesque deterreat; Serenissimus  
 Sabaudia Princeps, qui ad omnem honestatem  
 ſuos litterarum ſtudiis conformari percupit, ma-  
 ximum & vrbi huic & toti prouinciae ornamen-  
 tum, & verò adolescentibus ad ſtudia non mini-  
 mum incitamentum ratus, ſi templuin classesque  
 noſtræ aliquam haberent dignitatem; ad nos di-  
 uæ Catharinæ ſacro die, procerum comitatu ſe-  
 ptus, Senatoribus asſeſtantibus, ingentiique  
 omnium ordinum frequētia & concurſu, ſe con-  
 tulit, ad nouum classiū templique ædificium  
 primum lapidem iacturus Inſtruxeramus deſi-  
 gnatam templo ſcholiſque futuriſ aream eo au-  
 læorum, tabularum pictarum, & ceterorum hu-  
 iuſmodi ornamentoſ cultu & apparatu, qui  
 honorificentiorē auguſtioremeque redderet ce-  
 remoniam: ſed eam longè illuſtriorem diſcipulo-  
 rum noſtrorum ſolers labor, & ingenioſa indu-  
 ſtria reddidit; qui multiplicib⁹ carminum &  
 emblematum, tum vario & elegati artificio, tum  
 auro, argento, aliisque huiuſmodi pigmentis pul-  
 chre interſinctorum dædalmatis, aulæa ac cru-  
 eem p̄æcelsam media in area de more ejectam  
 venustissimè festiuſſimeque depinxerant ſecun-  
 dum ſacrum ſolemni ritu ab Epifcopi Vicirio fa-  
 tum, ad locum primario iaciendo lapidipræpa-  
 ratum, ære innumeris facib⁹, quas Princeps ipſe,  
 nobilitas ſenatusq; p̄ferebat, collucete, & ſuauil-  
 ſimo symphoniacān Ducis ex familiā coſcentu,  
 iucundissi-

iucundissimè personātē, instituta supplicatio. Dux ipse in fundamenta descendit, magnoq[ue] pietatis sensu & animi exultantis lātitia primum lapidem collocauit. eam ceremoniam breue & appositum exceptit drama, discipulorumq[ue] pio Principi de litteris, patria & religione meritissimo festæ ac faustæ salutationes, gratulationes acclamationesque omnia sic ei placita acceptaque fuere, ut cūm recognoscendis iis bonam vespertini temporis partem magna voluptatis significatione tribuisset, ea postridie ad filios Principes Taurinum transmiserit. quo apparatu cūm primum lapidem Princeps collocasset, duo millia aureorū ad opus persequendum destinavit, Collegioq[ue] drama remisit, & eodem vt deinceps beneficio frueretur, velle se confirmauit. Tam piam Principis munificentiam Senatus ciuiumq[ue] sequi cōoperat pari studio liberalitas, gubernator ciuitatis & primus Senatus p̄s̄es sibi quisque facellum aēdificādum deposcerat. Reverendissimus Tarentāliensis in palos & sublicas fundamentis in aqua solidandis signa & materiam, Dominus Maurianensis lapiedinam concesserant. Matrona quædam primaria ut ceteris esset incitamento, auream catenam sexcentorum circiter aureorum, quam pulcherrimam habebat, in ornamenta templi se posuerait, nec reliquarum illi studia concedebāt. Dum ventris ita vteremur secundis, ecce bellum subito exarsit, atque omnia quatefecit. at non ita multo p̄st dedita vrbe, & scholæ sese erexere, & cetera omnia eo magis redintegrata, quo frequentior vrbs fuit. Patuit tum sanè Gallorum in nos voluntas: omnium enim ordinum ex iis ad nos venire quamplurimi, etiam Principes multi, imd ipse Rex Christianissimus non semel sacri causia facellum nostrum inquisit, Superiorē de Collegio

& numero nostrorum, multisque aliis, benevolè ac familiariter, est percontatus, ipsumque Collegium ac eius bona in suam fidem diploñate dato recepit, s̄pēque, vt pro se Deo funderemus vota, palam efflagitauit. quæ res, vt inimicos Societatis, qui nos vrbe pellendos putabant consternauit; ita amicos, quos huiusc rei metus perculerat, vehementer recreauit. Nunquam alias tanta contentum ac communicantium seges, sed in festo Sanctorum omnium maxima. ad nos enim Principum, Ducum & ceteræ Galliæ nobilitatiſ confessionis cauſa tantus cursus fuit, vt ciues in aliud tempus reiiciendi fuerint. Venit interea tandem Illustrissimus Cardinalis Aldobrandinus, qui R.P. Rectorē ad eum honoris cauſa profectum comiter admodum & humaniter accepit, nec ita multo pōst, Collegium inuisit. Concederant magna ex parte reditus nostri, sed iacturam tum Cardinalis, tum Principes Galli, tum vel maximè Rex, suis eleemosynis leuauit. Venio nunc ad missionem Tonnonensem. E toto Chablatio superiori anno Serenissimus Dux Caluinianos Ministros deturbarat, atq; vt ibi Curiones, à Reuerendissimò Geneuensi constituerentur curarāt. quod vt audiuit S.D.N. Clemens VIII. sex è nostris ibi esse voluit, vt in cultum illud Augiæ stabulum repurgarent, & hæreticis Geneuensibus sese opponerent: quod & fecerunt strenuè atque feliciter. nam ex sex illis athletis duo t̄s̄lve Tonnoni concessionibus habendis, confessionibus audiendis, doctrina Christiana tradenda, & pueris etiam litteris imbuendis sedem fixere: alij vicatim perambulantes eadem munia obierunt. Atque vt ex paucis quæ hic libabimus huius missionis fructus elucet, schola numero discipulorum & pietate ita floruit, vt ipsi etiam hæretici ad eam suos filios

\* inscrin:

miserint: ex quibus vnuſ matrem hæreticam ad nostros adduxit, nec prius deſtitit, quam illa ad veram fidem ſe recipereſet. In alterius animo cūm iſ error iſſedilſet, vt nullius monitiſ ſub vna ſpecie ad ſacram synaxim impelli poſſet, tandem vniuſ ē noſtriſ operā conſilium mutauit, & paulo pōſt confeſſione ritē animo expurgato felicitet diem vitæ clauſit extreſum. Sodalitas SS. Sacra-menti multis in lociſ iſtituta; Rogationum fo-lemeſ ſupplicationes quæ omnino obſoleuerant, reſtitutæ. nec ſine fruētu auctum cūm hære-ticiſ, quippe in dies ſingulos hæretici plerique Caluini caſtra deſeruere, quiſ & pagi integri ad veram fidem reuocati. quæ ſua reputanteſ dama na Gebenneneſe minifteſloſque fuoſ paſſim agitari animaduertenteſ, eоſdem noſtrorum diſputatio-nbuſ prohibueſ. Mulier quæ obſurduet, ad-motiſ ſacriſ lipſanis auditum recepit. æger puer ad D. Mauritij facto ab vno ē noſtriſ ſacro, in pri-ſtinam valetudinem eſt reſtitutuſ. Mauriennæ etiam ex hoc Collegio cūm per Quadragesimam fuiffent duo ē noſtriſ ſacerdoteſ, præter ordina-tioſ ministerioruſ noſtroruſ, in frequentatio-ne Sacra-mentorū, morumque profligatorū caſtigatione permaltaſ eaſque valde ridiculaſ ex animiſ plerorumque euulſerunt ſuperſtitioneſ, pæneque anileſ fabulaſ plus ibi in meſendo quam in ſubigendo & praeparando ſolo laboratum. uſque adeò noſtroruſ ductum per amanteſ & re-uerenter ſequen-ter ſequeban-ter. Hoc inter cetera exi-uum. Cūm ſuperiori bello, & quæ bellum excepit gra-uifſima lue, profaniſ in lociſ multa eſſent ſe-pulta cadauera, neque eis vel per ignorantiam, vel per incuriam eſſent iuſta perſoluta; effecit concionator, vt à parenti-bus conſanguineiſque defunctiſ in expiatiſ per ſacra parentaretur tum publice.

publicè, tum priuatim : factum insuper, ut plerique vel oratoria, crucésve fossis superstruxerint, vtque collecta ossa in cæmiteria, locaque sacra ex profanis Catholico ritu transferenda curauerint.

## *Collegium Aniciense.*

IN Collegio Aniciensi omnes pro Societatis more domi forisque multiplex occupauit labor. Missiones factæ in vicina opida atque prouincias septem. In iis præter superstitiones libri hæreticorum magorumque pestilentissimi sublati : Catholici à frequentandis hæreticis deterriti : conuicti hæretici, atque ex iis ad fidem traducti aliquot: sopia dissidia, & ea quidem, quæ non exigui putabatur momenti. Quod foris, idem prestitum pro viribus domi Adolescentes duo scholastici nostri, viginti circiter annorum vterque, honesto & liberali loco nati, caluinismum edocti à puer, Catholicae veritati manum dederunt, & hæresim ciurarunt. Concludam propolito nobili diuinæ bonitatis argumento. Anicij vir hæreticus vulneratur lethaliter; curatur sedulò ab ipsius amicis & domesticis, ut ciuret hæresim, fidemque Catholicam profiteatur : adhibiti duo è nostris summa vi eius obstinationem animi oppugnant. profectum nihil die qui fuit illi. suptemus, pomeridiano tempore, chirurgi & medici appriuè Catholicij unciant concilatum esse, illum ante diem clausum morituruin proinde saluti animæ consuleret. His oppugnatus machinis, siue ut in loco sacro sepelietur, siue ut se tot cohortationum molestia liberaret, simulat se velle Catholicum mori, profiteri fidem Romanam. sed dolus deprehensus est, quod nollet sa cramento firmare se corde credere, quod ore profiteretur. adde quod fidem

Catholicam de vero corpore Christi interroga-  
tus abnuit: quam ob rem sacerdos noster detra-  
etam laruam omnibus ostendit, hominemque  
vehementissime est ad suam salutem pro breui  
quod adhuc supererat spatio cohortatus. tum ille  
aperte profiteri persistit se in Caluini & Mini-  
strorum fide mori velle: videbaturque non obscu-  
re à malo dæmone agitari. Sacerdos ergo penè de-  
sperans de illius conuersione recedit paulo pòst  
rediturus: iubet interea, ut aqua lustralis afferatur,  
eaque vir ille & locus circum aspergatur. Faciunt  
verò etiam amplius, aquam sacram vino mistam  
ægro propinant. mirum dictu, paulo pòst quieta  
& pia mente æger iubet accersiri sacerdotem: qui  
continuò adeat, hominem Dei digito penitus  
immutatum videt, suique dissimilem, edentem  
Catholico ritu signum crucis, ac religiosissime  
comparatum ad omnia salutis remedia. quid plu-  
ra: hæresim eiurat, Deoque professionem sole-  
ni iuramento sancit, peccata confessionis Sacra-  
mento expiat, & sacrosanctum Christi corpus de  
tanto mysterio pro breuitate temporis edoctus  
sumit cum lacrymis. denique tanta fuit hominis  
immutatio, ut omnes incredibili gaudio perfusi  
aduerterent neminem alium à Spiritu sancto tam  
subito, tam abundè hominis in hæresi educati  
mentem illustrare & instituere potuisse. res ut  
gesta, & à me exposita, pro concione in templo  
maximo magna omnium acclamazione narrata  
est. Haud scio an abs re futurum sit illud adiunge-  
re. B.P. Ignatius, cuius tunc natalis agebatur  
dies, piè fuit à quibusdam è nostris pro illius mi-  
seri salute inuocatus.

*Collegium Dolanum.*

IN Collegio Dolano confessionum atque concionum inessis haud pœnitenda. communicantium censa sunt in nostro templo capita sexdecim millia. Tria Virginis Mariæ Sodalitia, altiores quoad pietatem & cultum Deiparæ promouendum in dies agunt radices. ex maiori vnum Societatem ingressus, duo ad alia se contulere; alter quidem èremitis piè vitam agentibus se adiunxit; alter autem celebri quodam opido ad docendas litteras humaniores accitus, confessionis menstruæ, quam in nostris scholis rationem acceperat, usum inuexit. Sodalium quidam cum grauissimis tormentum dolofibüs biduo conflictatus esset, nocte ingruente ad sanctissimæ Virginis matris implorationem illicò vis morbi remitti cœpit, sospesque conualuit. Scholæ florent. Vnus honesta familia oriundus, cum ita grauiter decumberet, ut iam ab omnibus medicis depositus haberetur, nihilque amplius remedij in humanis suggereretur; parens uterque vnius è nostris consilio, ad B. P. Ignatium perfugium habuerunt: ad quem cum vota supplices fudissent, accepto ipsius B. P. chirographo, propria manu quibusdam in litteris exarato, adolescenti osculandum tradiderunt, deinde collo appendentes, anhelanti iam ad mortem pectusculo applicuerunt. mirum, ipso temporis puncto immanitas morbi se fregit, paucisque post diebus integræ sanitati stupentibus medicis, vimque Superum in tam insperata curatione agnoscens adolescentis restitutus: quod eius parens etiam scripto & syngrapha confirmauit. Mira quorundam pietas, & in constringendis corporis motibus insolitus ardor. certatim enim

sibi arma comparant ad carnem subigendam , ciliicia, funiculos, zonas ex hirsutis & asperioribus pilis confectas; aliaque id genus. Pridie Idus Novembris in area Collegij Iezabelis acta tragœdia, cum dramate sphyngis, andapodosi totius fabulæ ad solemnem præmiorum distributionem liberalitate Domini de Dicey militiæ Dolanæ præfeti. Et hæc quidem in vrbe: nunc verò vafia in varias vrbes & opida excursiones. Nobis tandem aditus diu expetitus Salinis apertus est : vbis non pauca è re diuina gesta ; illud imprimis quod tres pestifera errorum prauitatem ab Ecclesia diuulsi ad optimæ parentis gremium redierunt. Eorum unus cum haereseos venenum simul cum lacte nutricis perbibisset, & totis vigintiquinque annis Pœnitentiæ Sacramentum exhorruisset, demum sub ortâ cælesti luce oculos in veritatem intendit. Alter cum quinquaginta annos nunquam ritè peccata expiasset, utpote, qui nunquam bene solutus haerese in nodis, quibus astringebatur, magno & doloris sensu, & ingenti lacrymarum profusione ingentein peccatorum sarcinam depositus. In gratiam multi rediere: duo in primis viri nobiles & potentes, qui totam vrbum pugnantibus inter se, ut sit, factionibus distrahebant. ita enim sacerdotis nostri contentione, & singulare demissione se ad alterius pedes non semel abiicientis præfractior emolliitus animus, ut magna furoris flamma illico consopita refrixerit. plures sacerdotes atque Religiosi, alioquin à nobis alieniores, fuere deuincti. Quantus porrò concionum fructus, litteræ à Magistratu ad Superiorum datæ testantur: nimis numquam se aliquos maiore vel fructu vel admiratione audiuisse. tamen ex hoc uno licet colligere, quod cum accepisset populus, factam concionatori nostro, & socio qui additus erat illi sacerdos,

sacerdos, grauiores nodos soluendi potestatem,  
 tantus vitæ maculas eluere volentium factus sit  
 concursus, ut bona pars vrbis alioquin frequen-  
 tissimæ, vel generalem ediderit confessionem, vel  
 quidquid acrius conscientiam vrebatur in eorum  
 aures exonerarit: atque ad id facilius assequen-  
 dum haut parum antelucanæ conciunculæ à Pa-  
 tre socio ad seruitia & rudiorem plebem habitæ  
 profuere; necnon catechismi explicatio cum co-  
 ronarum, & id genus præmiorum distributione,  
 quæ bipartito puerorum & puellarum agmine,  
 B. Virginis Litanias concinendo, non exigua (ut  
 in nouo iucundoque spectaculo) totius ciuitatis  
 vel approbatione vel delectatione. Eadem prope-  
 modum seges in duobus opidis à duobus aliis.  
 sed in priore illud non omittendum: puer annic-  
 culus cum atrociori morbo cruciaretur (nunc  
 enim carnis exsiccatione vix hærebat, nunc præter  
 modum horribiliter toto corpore intumescebat)  
 pro concione, quæ die sanctorum Innocentium  
 habebatur, auditorum precibus commendatus, &  
 litato pro illo innocentis Agni sacrificio, non ita  
 multo post conualuit: materque ad nostrum cum  
 filio gratulabunda; Et, inquit, cuius salus non  
 ita pridem conclamata, haud dubio sanè argu-  
 mento innocentes illos, in quos Herodiana saeuït  
 impietas, innocentem puerum mortis faucibus  
 exemisse. In altero autem ad quatuor vel quinque  
 primas conciones adeò repentina ab improba iu-  
 randi consuetudine, inueterata odiorum simulta-  
 te, fœda verborum licentia, ad diuini nominis ve-  
 nerationem, amoris mutui concordiam, linguæ-  
 que sanctimoniam facta traductio; ut omnes tan-  
 tam rerum commutationem mirarentur, nouam-  
 que faciem opidum induisse faterentur. Itum  
 etiam ad quoddam sacrarum virginum cæno-

bium, omniumque totius vitæ confessiones exceptæ.

*Collegium Vesunctionense,  
seu Bizuntinum.*

IN Collegio Bizuntino ad quinque humaniorum litterarum classes duæ hoc anno accessere; Logicæ vna, alia Theologiæ moralis: quare aucti redditus, Collegiumque nouo ædificio. Theologum nostrum non pauci Doctores, viri præterea graues, etiā ipse Proepiscopus & Officialis, uterque nostri peramans audiunt aliquando. quare fore speramus hæc ut lectio Casuum plurima sit nostris ceterisque allatura commoda. Scholasticorum numerus ad 800. est. Habet parthenici Sodalitatem centum viginti. maior verò congregatio constat urbanis ferè totidem. Vnus eorum morti proximus syndonem, qua proximè sepius liendus erat, voluit semper habere ad caput, homo simplex ac feruens spiritu: atq; ita crucifixum alloquebatur, sèpissimè ob oculos positum, ut esset spectantibus stupori. narrabat tunc nostris postquam etiam ut bene habuit, audiisse se vocantis tubæ sonitum, visos angelos ipso D. Michaëlis festo die, Diuum eundem sibi apparuisse, hortatum esse bono foret animo, vitam suppeditaturam & præterea duos è Societate læta occurrisse fronte, qui se monerent de recuperanda valitudine, quare viæ plurimum adhuc superesse, & laboris pro Dei gloria suscipiendi. Visum secuta est valetudo præter medici sententiam testantis miraculum. Alterius Sodalis crus plumbea glans affecit casu nescio quo, mortem ut immaturam timeremus; quod globulus extraheretur, adhibenda erant flamma & ferrum: ea verò ita patien-

ter tulit, nullum ut ederet penè doloris sensum nisi usurpatione nominum Iesu & Mariæ. Planè è materno Deiparæ sinu haurire se talem patientiam prædicabat adolescens: qui ut conualuit, globulum B. Virginis in beneficij memoriam attulit. Doctrinæ Christianæ nonnihil interrupta explicatio, quo audiùs expectabatur, eo maiore frequentia fructuque est resumpta, habitaque non tantum ad pueros, verum etiam ad vinitores, quorum hic ingens numerus, initio perquam felici. Cum dæmon ex obfesso puellæ corpore, quod annos iam vigintires occuparat, abire nolle, nisi daretur facultas sacerdotem eum Societatis, qui tam multas Christo lucraretur animas inuadendi, abiit tandem nullo sui relictio vestigio. Etiam foris constitit nostrorum fructus quina excursione. quodam in opido nostrorum suasu erectum à fundamentis templum ingenti ausu, omnium ad opus confessione, ferore maximo. Eadem effectum operâ, ut maiore in æde altaria omnia distributa honestioribus matronis ornentur: res est quæ & pietati inseruiat, & multorum incitamento. Curatum item plurimis molestissima eximeretur conscientiæ vexatio, quod multis retro annis ex cædua domini prohibentis sylua ligna extraxissent. ingens sanè damnum, magnumque restituendi negotium, quod in dies excresceret. effecit noster sacerdos, ea lege dominus loci ut remitteret suis, ut pro se quisque extruendo templo liberè quidquam daret. Ibidem superioribus annis catechesis instituta renouata est resonante æde puerorum cantu, accurrentiumque plausu. quare præter binas supplicationes mysteria mortis Christi referentes (facto nunquam ibi viso) duplex catechismo datum publicè præmium, ex vicinis opidis concursu maximo ad nouum

spectaculum sanè gratissimum. Gaudet etiam hoc opidum Sodalitate sanctæ Ursulæ nostrorum suasu & cōsilio. Alio in loco res accidit commendatione digna: noster inter concionandum exemplo utitur non leui, quo probat Eucharistiam propulsandis ignibus, incendioque extinguendo posse pluriuum. postridie eius diei ventus surgit maximus tuin minimè suspicantibus. acclamatur ad ignem, qui domum inuaserat. plebs concionis non immeior sanctissimum Sacramentum efflagitat. affertur quantocv̄s; visus statim ignis ante eius cōspectum effugere, sed alias duobus aut tribus locis occupat ædes diceres dæmonem huc illucque flammarum globos spargentem. Sed dum igneus tûbo septem octoque peruadit domos, noster, vt potest, hortatur in tanta rerum desperatione, cereosque agnos in ignem iniicit: suas etiam vices obit Parochus circumferendo SS. Sacramento. ad miraculū tandem incēdium clausere duæ particulae agni serico vestitæ, post incēdium ipsis in ædibus igne cōsumptis inuictæ omnino illæsse: immò altera inter cineres charta obuoluta. integerim redduntur sacerdoti nostro, multis ad rei commendationem sibi efflagitantibns. Ultimum adscribam. Par coniugium ita lemūribus domi vexabatur assidue, vt non raro vxor huc illucque raperetur conatu maximo: sed nostris confessi, & sacra synaxi armati, necnon agno benedicto, nihil in posterum domi audiueret, vel habere periculi. Duo alij vt peccata confessi, & mensa cælesti excepti nostro in templo, sunt à dæmonum crepti præstigiis. Arcebatur mulier à templo feria quaque quarta hebdomadæ, ne sacro posset interesse: sed mox vt agni particulam de collo appendit, à tantis molestiis se liberam est mirata.

*Domus Probationis.*

Quā tirocinium ponunt, omnes impensē nā  
uant operam propriis nostrāe disciplināe vir-  
tutibus comparandis & augendis. argumentum  
illud est non obscurum, quōd in valetudinatio  
versati sunt more quidem solemni, fructu verō  
quām aliās maiore tum suo, tum ægrorum. nam  
plerisque confessiones totius anteactæ vitæ ardo-  
re nouo suaserunt; in quo non minore aliquando  
labore atque difficultate, quām studio fuit desu-  
dandum. Certè vñus de numero infirmorum, ho-  
mo militaris & nimium efferus, tandem adductus  
est, ut omnia vñiuersæ vitæ crima, apud sacer-  
dotem Iesuitam, quod pridem extimuerat, piè &  
religiosè deposuerit, nouisque è milite veterano  
catechistes ei qui sibi proximus, quem olim hæ-  
retica labes infecerat, fidei nostræ rudimenta  
spontè atque peramanter ad aliquot dies inculca-  
uerit. Neque verō vñus ille dumtaxat fructum  
cepit confessionis; complures enim à pari medi-  
cina parem hausere sanitatem. estque inuentus,  
qui desperato penè corpore, vbi curasset animum,  
sensit in dies se conualefcere; donec viribus inte-  
gerrimis vtraque vita donatus solum patrium re-  
petiit. Denique si mortem alij nou effugerunt  
peracta confessione, in morbis certè grauissimis,  
neque patientia, nec in obitu constantia carue-  
runt. Quanto animi feroce in plateis Christianæ  
doctrinæ rudimenta expedita, quanta animi ala-  
critate pauperum ritu mendicatu ostiatim, quām  
secura mente de prouidentia cœlesti peregrina-  
tiones suscepτæ, quām strenuè omnia probatio-  
nis munia sint obita; narrare omitto, quia com-  
munia: vñius tamen constantia planè singularis

nequaquam reticenda. Hic honesto loco natus paucos in tirocinio menses exegerat; cum ecce tibi duo auunculi eius Auenionem properant, saeculum Nouitorum in quo forte omnes post augustissimam synaxim precabantur, intrant: notatum adolescentem in turba reliquorum facta re facra adoriuntur: ac post varia certamina frustra tentata, quod validius eum impellant, eò demum matrem aduenisse maximo cum vita discrimine contestantur. Immutata fronte iuuenis hæc audiuit, diuinaque virtute confirmatus animi signa dedit admòdum vitilis atque generosi. vrgebatur interim auunculus uterque, nato ut fas esset ad afflictissimam in hospitio matrem adire; rationi consentiens esse, ut quæ parens leucarum quinquaginta & amplius molestissimum suscepisset iter visendi filij, aliquid ipsa solatij reciperet à filio; ipsammet ad eum venturam profectò fuisse, nisi morbus ex itinere longissimo contractus, & angore vehementi auctus obstitisset. P. Rector ubi rationes audiuimus, ipse prior domum in quam mulier diuertisse dicebatur, petit, aduertus & morbi veritatem exploraturus. mox domum redit, inquietos & moras non patientes reperit, nec sedari verbis potest, nisi promissi solutionem adiungat. Quapropter unum cum nouitio (altero socio, & ambo bus auunculis comitatus) denuò visit mulierem. matri sicutur filius, quem illa ut conspexit, præcipitanter è lecto, cui non ægrotat, sed lassata incumbebat, exsiliens præuolat in collum eius, arctissimeque pignus sibi percarum stringens habenas maternis affectibus laxat: per cœlites mortalesque omnes filium obtestatur, ne matrem dolore contabescerentem perditum eat: capiat eum viduitatis affectusque iam ætatis commiseratio. Adolescens memor illius, Siccis oculis ad vexillum

lum crucis euolandum, ea dicit, vt graui eius religiosoque sermone ad tempus aruerint maternæ lacrymæ; docens multis, quo loco beneficium vocationis habere debeat. Propè ad vesperam ventum erat: igitur reliquo certamine in sequentem diem dilato inuitatur ad prandium noster: quod P. Rectore volente non recusat. Postera die non tam ad epulas quam ad prælium pfectus, amicè primò excipitur. discubbitur, multi vltò citroque seruptur sermones. at machinas iunctis viribus admotas adolescens magno animi robore pariique constantia sustinet. de prandio victæ partes victorem quasi triumphante in arcem Nouitorum, & si nondum animis benevolis comitati sunt: & in sacello postquam filio præunte & monente mater orauit tantulo tempore, surrexit ab oratione mente vultuque sedatiore. licet enim fuerit iterum in lacrymas victa, ostendit tamē id se facere potius amore naturali foras erumpente, quam voluntate peruicaci. Quam ob rem extremum vale crebris singultibus interruptum constantissimo filio datura, eum ad genua prouolutum, ac benedictionem simplici vultu flagitantem videt; at renuit exorari primò (quasi spes aliqua sit, si neget quod petitur, obtenturam se quod contendit) tandem iuuenis intrepidus sibi ipse arrepta materna manu non amplius repugnante benedicit, exsurgitque tam hilari vultu, quam mater discedit afflito. Non desunt aliorum exempla, qui in recta obsequendi religiosè Deo sententia egregiè sibi constituerunt, licet inuitis atque vctantibus consanguincis.

PROVINCIA GERMANIAE  
SUPERIORIS.

**N**VMBRAT pronicia Socios 341. defuncti sunt quinque; ad Societatem admissi quatuordecim. reliqua præcedenti anno ferè familia.

*Collegium Ingolstadiense.*

**D**O MESTICORVM feroꝝ exſtitit singularis. ſex catechifinis ſuperiori anno habitis, adiecti quatuor alij. Saepē in platea a deambulantibus pueri instructi, non ſine præmiolis. Parochianis à Parocho deſertis à noſtro ſuccurſum, atque etiam tempore peſtis ſacra, conciones, Sacramento mi- niſtrata. Confefſiones de tota vita, vel de multis annis exceptæ ſeptuagintaquinque. Ciuiſ nostræ deſenſionis interſle ratus mediam ciuitatem, niſi noſtrorum opera intercederet, Sacramentis cari- turam, aut in hæresim lapsuram affirmauit. Ab hæresi abſoluti quadragintatres. Hos inter penè ſexagenarius poſt diuturnos conſcientiæ ſtimu- los, ex loco hæretico cum familia Ingolſtadium migrauit, ne migraret ad inferos. Homo doctus nouem annis ita hic verſatus eſt, vt Catholico- rum concionibus nunquam, hæreticorum in vi- cinia nonnunquam interueniret: audito tamen ſemel concionatore noſtro, ita flexus eſt, vt gra- uiter affirmaret, non ſe perfidis rabulis vñquam amplius aures daturum, ex eoꝝ noſtrum audit aſſidue. Iuris ſtudiosum curioſitas huc adduxit, pietas detinuit. Venerat videndi magis quam audiendigratia. Ecce autem eo die, quo iam con- verſus a noſtro SS. Euchariftiam ſumpturus erat, parens

patens hæreticus bene manè de longinquò inex-  
pectatus aduolat; miratur, & increpitat filium,  
qui se inconsulto religionem mutasset, abductu-  
rus etiam in locum hæreticum. Filius SS. Eucha-  
ristia nihilominus percepta, postridie nostrum  
conuenit, parentis aduentum, reprehensionem,  
insidias aperit; sibi gratum, fortassis etiam utile  
fore, si noster parentem adiret. Adiit & ita placau-  
it, vt ab illo consultus quoque fuerit super filij  
in hac academia commoratione, enimque relique-  
rit hic lubens, hortatus Collegium nostrum ut  
frequentaret. Denique nil proprius factum, quam  
ut dum perditum it animam filij pater, inueniret  
suam. Alius ex eiusdem Patis nostri congressu  
bona fideli semina conceperat, sed inimicus ho-  
mo superseminauit zizania: nam partim dæmonis  
suggestione, partim prauo sociorum sermone  
peruersus, subito potius urbem deserere statuit,  
quam hæresim. Inter multos malos consciens re-  
pertus est unus bonus, qui repentinum hominis  
consilium ad Patrem perferret. Adiit hominem  
Pater, eoque adduxit, vt præcipitis insaniq; pro-  
positi veniam deprecaretur: & quam ob cauſam  
citius antè erat discessurus, eam ob cauſam diu-  
tius postea mansit, nimirum ut Catholicæ fidei  
dogmata posset condiscere. Fuit qui animum in-  
duxerat Styram repetere, hortaturus parentes, ut  
solum potius, quam animum mutarent (alterum  
enim Serenissimus Archidux Ferdinandus  
fieri iussicerat, nolens habere subiectos sibi, qui non  
essent Deo Ecclesiæque;) sed breui animum sic  
mutauit ipse, vt domum festinaret hortaturus  
parentes, ut fidem perfidiæ, patriam exilio præ-  
optarent. Quidam vitam potius quam sectam  
ponere paratus, ita ab sententia deductus, ut hæ-  
resim peius exilio & morte iam oderit: nec modò  
Catho-

Catholicum fieri, sed & facere pulchrum duxit; socium suum seriò hortatus, ut cælū patriæ ( quo vno hamo adhuc suspensus hærebat ) ne posthaberet. Haud grauatae sectitus est alter doctorem, quem vidisset prius facere, quam docere. Alius sæpe iuratus nunquam se Ecclesiæ reconciliatum iri, multis aliquando donis à cognato suo ad fidem allici potuit, pellici non potuit. Bis tèrve cum illo congressus noster effecit, ut cederet verbis & veritati, qui noluit muneribus & gratiæ; sociumque dehortantem, contrà vehementer ad se cohortaretur imitandum. Quidam desiderium præ se tulit adeundi cum Patre nostro Prædicantem, ut de religione audiret conferentes. Dant se itineri, in cuius medio dolens ille & gemens, ait, minimè necesse esse ulterius progedi, se iam agnoscere nostræ religionis veritatem falsitatemi-que suæ. Eo amplius de huius conuersione laboratum est, quod ab eius nutu & exemplo penderent ex sociis duo, qui etiam fidem eius continuo æmulati sunt. Cuidam scriptum quoddam veræ fidei argumentum noster dederat; quo ille cum nimium stringeretur, foras ad Prædicantem quatuor millia passuum exiuit, & tanquam Magno alicui Alexandro Gordium nodum soluendum obtulit, quin etiam petenti donauit liberaliter, quo facilius responsum eliceret. sed citius ex pu-mice aquam expressisset. Iuuenis spe frustratus domum regreditur, factum sociis indicat; unus de sociis Patri; Pater Prædicantem inuisit: Prædicans quemquam ad se venisse, vel scriptum aliquod argumentum se accepisse negat, pernegat. Iuuenis ad Patrem rediit cinctus angustiis: videbat, si Catholicus fieret, patriam terrestrem relinquentam fore: si non fieret, cælestem. Vicit tamen & victus est amor qui debuit. libros hæreticos quos

quos antea non vendidisset magno pretio, Patri & Mulcibero postea libens dedit nullo. Aliis duobus Prædicantibus frequenti congressu, tum voce, tum oblatis scriptis os obstructum. Ciuis Ingolstadiensis dum negotia sua foris persequitur in hæretica ciuitate, lethali corripitur morbo, inuitant illum hæretici ad sacrilegam suam cœnam: respuit. instant importunè, oportunè, sed frustarè comminantur se illum in plateam electuros, nì pareat; non proficiunt hilum. Vbi verba se perdere sentiunt, ad vim conuertuntur; nolente & reclamante ægro, Prædicantes accersunt; quos cùm ille iam adesse intellexisset, in infimo corpore firmissimum gerens animum vim vi repellere parat pietatis magis quam imbecillitatis memor: minitatur, si accedant, se vltimas in eis vires experturum, non modò bolum ipsorum & Bacchum, sed etiam conspectū & alloquium abominans. Tum verò tanquam impius desperatur, deseritur ab omnibus, nemo illi vel frigidam amplius ministrasset, ethi prolongare vitam potuisset, excepto paruo filio itineris comite, qui & corpus eius curauit pro virili, & animam aduersus pestifera hæreticorum Sacra menta & solatia excitauit, donec eam Deo certaminis spectatori reddidit. Puella septimo ætatis anno hæreticis commissa fuit, interque eos ita nouem annis versata, ut Catholiceam religionem cum omnium stupore mordicus retinuerit, carnes diebus interdictis iniuriosè licet in os iniectas, egesserit; & Norimberga tātum confitendi communicandiisque caussa huc venerit, maiore quam pro ætate & sexu constantia. Studiosus ante hac Pragam delatus, ibique paucis diebus comonoratus, omnium vitæ dierum errorrem correxerat, nemine magis dolente, quam parentibus: qui proinde filium ad aliam academiam prorsus

prosperus hæreticam transmiserunt, dato amicis & patrifamilias, apud quem diuersaretur, negotio, ne eum vsquam ad Catholicos dimitterent. sed inspectatores suos iuuenis sancto illusit dolo. Iniecit sodalibus desiderium lustrandi Ingolstadij: discedentibus socium se adiunxit, specioso praetextu latentem tegente cauſam. Huc ubi venit, comitibus furtim desertis, Collegium petit, conscientia maculas eluit, cælesti almonia robatur, paratus etiam patrimonium, si necesse sit, propter fidem amittere Reuersus in illam academiam re feliciter simul teſteque perfecta, rescripsit Patri nostro, se per eandem simulationem proxime Herbipolim concessurum. Parentes & filius; coniugum duo, ceteroquin inimicorum nouem patria recōciliata. Editæ in lucem Apologiae tres, pro Societate duæ, vna cōtra Lermæum Caluinistam, altera contra pseudocatholicum seu caluinopapistam, eð pestilentiorem, quod ille apud suos tantum nos traducere conatus est, iste etiam apud nostros: tertia pro Catholicis doctoribus & dogmatis contra calumnias præconis Lutherani: Commētarius græcolatinus sancti Gregorij Nyſſeni in psalmos, nunquam antehac excusus: Vindicatio item locorum quorundam Tertulliani contra depravationes Francisci Iunij Caluinistæ: tomus primus de Cruce recognitus & auctus: secundus græcolatinus in lucē primum datus: volumen Orationum Leonis Imperatoris itidē græcolatinum, neque antē impressum. Exercitia spiritualia tradita duodeuiginti. Alias Religiosorum familias complexi quinque, Societatem vnum. Vnius ex maiore congregatione B Virginis memoranda extitit charitas. Studiosum vehiculo ex Vngaria aduectum, Vngarica febri, vel insaniam potius laborantem, hospitio & lecto suscepit suo, eiq[ue]

eique omnia obsequia diu noctuque exhibuit. Morbus à peregrino in hospitem migravit : hic vitam illius morte redemit sua ; & æger ostendit, quantum religioni studuerit sanus. Perpetuò aliquid orabat ; insaniebat propemodum sine insania, adeò precibus, obedientia, comitate circumstantes exhilarabat. Defunctus & sepultus est magna solennitate: iuuenis non modò virtutis, sed & ingenij doctrinæque ornamenti ita exultus, ut præceptor eius diceret Principi Cancellarium esse mortuum; adeò iam in Iuris cognitione processerat. Vniuersa illum Academia sic luxissè visa est, ut nullum ex studiosis alium. Qui ei morbum pro hospitio, mortem pro conseruata vita attulérat; iam tum valens, primus obuoluto capite inter lugentes prodiit.

### *Residentia Biburgensis.*

TEMPLVM Allerstorffense D. Virginis votorum nuncupatione per celebre, maxima ex parte funditus de nouo ædificatum, ad usus nostros populi que accommodatum, multò quam antea fuerat, capacius, elegantius, artificiosius. Serenissimus Dux Wilhelmus cum Serenissima coniuge comparuit postridie dedicationis; casulam, antependium, puluillum & thecam corporalis, omnia ex serico villoso rubicundo attulit secum, plura pollicitus. Serenissimus Maximilianus misit aureos ducentos; nobilis quidam trigintatres; sacerdos triginta; aliis argenteum cyathum, cum aliis quibusdam ad usum templi pertinetibus, aestimatione 14. plus minus aureorum. In templo S. Leonardi altare quatuordecim auxiliaribus Sanctis erectum contributione variorum.

*Collegium Dilinganum.*

RECEPTI in Societatem quatuor. spiritualibus  
commentationibus exercitati nouem. Cuius-  
dam cœnobij Prælatus, cùm minùs iam commo-  
dè officio suo fungi posset, Illustrissimo Principe  
nostro agente, eadem exercitia obiit dies quindec-  
im, eo fructu, vt libenti animo personam, quam  
ægrè sustinebat, deposuerit, seque ipse in ordi-  
nem redegerit. Non minorem vtilitatē ex iisdem  
meditationibus ceperunt alii monasteriorum  
Prælati & subditi. In præcipuo cœnobia suppe-  
ditata consilia disciplinæ constituendæ. Ex alio  
magnum malum, ne in plures contagio manaret,  
sublatum. In aliis consultum studio literarum.  
Graue periculum, quod alij imminebat, nostro-  
rum consilio depulsum. Abbas quidā curauit hic  
imprimi sua impensa meditationes R.P. Vincen-  
tij Bruni de Christo passo, Germanicè à se versas, &  
singula exempla in singulos monachos hic litteris  
operam dantes ( sunt autem supra octoginta ) dis-  
tribui. In duplii Sodalitate B. Virginis penè tre-  
centi numeratur. Varias Religiones ingressi octo.  
Vnus discedens Sodalitati obtulit quadraginta  
aureos, alij alia. Frequentia studiosorum ita cre-  
uit, vt necesse fuerit, Humanitatis scholam diui-  
dere; tantam multitudinem nunquam vidimus.  
Reuerendissimus Episcopus Collegium & acade-  
miam cœbrò visit, vestem multam aræ, sacerdoti  
& ministris in aula academica coëmi curauit,  
impensa amplius sexcentorum aureorum. De to-  
ta, vel penè tota vita confessi amplius octoginta.  
Aliqui odium graue posuere. Tabellarius hac  
transiens, sacellum nostrum ingressus, vidit fre-  
quentes ad quendam nostrum accedere: quo ar-  
gumento

gumento virum bonum esse coniectans, consilium repente capit confitendi. Confessus dixit confessario nobiles viros ad quos iret, pluribus annis non esse confessos, si ipsum esse tam bonum virum noscent, venturos profectò. Monuit hominem confessarius ne sineret eos perire. Triduo post venit unus, deinde etiam alter. Ab haeresi domini forisque absoluti circiter octoginta. inter eos Illustris viri coniux, quæ ita pertinaciter antehac retinuerat errorem cum lacte nutricis haustum, ut viris doctrina & auctoritate præstantibus, præcipuisque Patribus nostris, & marito egregie docto nunquam cesserit. nunc tandem iuante Deo, cessit unij nostrorum, & filiolos duos, quos in disciplinam haeretico concionatori tradiderat, reuocauit. Mulier morti vicina accersiuit nostrum: obstabant negotia, quo minus veniret statim. sub noctem ubi venit, illa paulo post quam cum eo de salute sua egisset, placida morte defuncta est. affirmauit maritus eam, nisi nostro præsente, mori non potuisse: quod interfuisset sape cum ille animam agentibus præstò esset, & ut sibi mors ipso aliove de Societate præsente obtingeret, Deum precata esset assidue. Perpurgatae bibliothecæ duorum Principum. Oblata Collegio Bibliotheca Patrum in quinque tomos diuisa, Opera DD. Chrysostomi & Hieronymi, vini dolia decem, vestis holoserica amethystina pro duabus casulis, & alia.

### *Collegium Monachiense.*

**O**BIT Fredericus Braber, spectatæ virtutis, industriae, laboris Coadiutor, annis amplius quadraginta in Societate exactis, magnæ in omnes charitatis, animi æquitate ac magnitudine præstans.

præstans. Huius loco in nouitiatum missi tres. Viguit inter domesticos in exigendis à se pœnis ardor & æmulatio. Vota Professorum edidit Pater unus, Coadiutorum formatorum duo: sacerdotio initiati sex. Editus sermone patrio liber utlissimus contra hæreticos, doctis admodum probatus. Commentationibus B.P.N. eruditii quinque supra sex illos nouos sacerdotes. Quadragesima horatum oratio bis instituta. Extra Pascha Christi corpus perceperunt in nostro templo trigintaquinque millia quadringenti. Venerat quidam peregrè, doctusque ritè confitendi rationem à confessario domum iam redierat, sed cutis plenus. erat in animo totius vitæ peccata ad memoriā reuocare, & exponere sacerdoti; sed per difficile id visum homini litteratum ignaro. Modum ergo excogitat nouum, vt in bacillum quemdam referat omnia, figuris quibusdam creta consignatis. Baculum illum secum afferens remenso itinere bene longo, contendit ad confessarium, & eretum ante se baculum identidem inspiciens voluit, reuoluit, atque vt vnumquodque explicasset, dígito delebat, eoqué modo facile singula in mentem reuocauit. Venit aliis, homo iam octogenarius, hospitio accipitur ab anu quadam, templo nostro assueta. Hęc de proximo bene merendi occasionem nacta, sermonem intigerit de rebus piis, commendat confessionem peccatorum, eiusque utilitates. Ille simile in vita nihil, multa in contemptum sacerdotum & confessionis audiisse se iactabat apud suos, vana omnia afferens, quæ de confessionis modo & commodis prædicarent sacerdotes: sufficere Deo confiteri. Anus contrà proferre in medium quę didicisset à no stis. Quid plura? Tantum pondus Deus addidit verbis illius, vt cedere cogeret senem quamuis pertinacem.

cem. Totam enim noctem traduxit penè insomnem, de confessione instituenda cogitans, primoſque pueritiæ annos memoria repetens. Manè viētrix illa præmonito priùs confessario quid cum homine egisset, prædam adduxit, quam diabolo eripuerat, obsitum annis & peccatis seniculum, sed iam culpas cum dolore detestantem. confessus & ad magistrum suam reuersus: Iam verò, inquit gratulabundus, mihi videor ex integro restitutus; reddidit mihi vir iste (confessarium intelligebat) cor animumq; perditū. Totius vitæ aut plurimorum annorum peccata detexerunt quadringenti. Redierunt ad Ecclesiam trigintaquatuor: retracti duo iam-iam abeentes. Consilium voluntarię necis creptum desperabundis duobus. Persona ex laqueis diaboli, cui se deuouerat, expedita. Ad opera pietatis plusquam mille ducenti aurei applicati, præter eleemosynas pauperibus conquisitas, peccandiisque pericula auersa. Dissidentes plurimi, præsertim coniuges, ad concordiam reuocati, ita ut datis dextris veniam mutuo peterent. Instituta de nouo exhortatio ad mendicorum gregem, quem Serenissimus Wilhelmus conuiuas habet ordinarios. Vnus catechistarum minimum sexaginta adultos ad generalem confessionem permotit. Sodalium Partheniorum consuetata pietatis officia omitto: vnuſ libros hæreticos in amici bibliotheca repertos non paucos in conspectu illius libentis exuſſit.

### *Residentia Eberspergensis.*

TOTIUS vitæ voxas eluerunt minimūm nongenti; crimina verò pluribus annis nefariè celata, non pauciores mille. Libelli hæretici, vel superstitiosi partim ab inquisitis extorti, partim à vogantibus

lentibus traditi. Sex ab impura viuendi consuetudine ad honestatem traductæ , ex quibus vna prius non quieuit, quām flagitij socium in melius commutatum videret. A voluntaria morte prohibiti quinque. Duo paria coniugum, & tres capitalli odio dissidentes in gratiam redierunt confessio-  
nis interpositu. Vir quidam nobilis , ipsa etate & magistratu, quo functus est annos 40. venerabilis , postquam de restauranda valitudine spem omnem abiecit; tam ardenter vnum è nostris ex-  
petiit, vt familiares coacti fuerint certum hominem cum litteris hac de caussa Eberspergam ab-  
legare. Ecce autem repente damnat consilium, haud dubiè dæmonis astutia; mittit equitem, qui peditem reuocet. Cursor Patri obuiam factus do-  
mini voluntatem explicat, non esse cur longius iter emetjatur. Ille quod res erat subodoratus, ait plura sibi ibidem negotia esse, comitem se redeun-  
ti futurum. Interea seni displiceret, quod modò pla-  
cuerat; nuntium tertium mandat, qui secundum reducat. Vbi ex insperato Patrem adesse videt, manatibus gaudio lacrymis, quidquid potest hu-  
manitatis exhibet, & vniuersas vitæ maculas con-  
fessione detergit, tata solatij copia, vt verbis asse-  
qui nesciret. domesticorum iudicio, ex leone ia-  
agnum versus videbatur. Nam quos ante a durius  
increpare, toruum intueri, ad omnia reprehende-  
re; iam demissè rogare, sedulitatem commendare,  
blandè affari consuevit: atque adeò sordebat illi  
terrestria, vt de spe propagandæ vitæ nihil audire  
sustineret, optaretq; dissolvi & esse cum Christo.  
& quod se totum retum cælestium contemplatio-  
ni dederet, exclusi conspectu filios & cognatos,  
vt colloquio sacerdotum de salute differentium  
liberius frueretur. Accersitus est noster ad tres  
fratres germanos multiplicis furti reos, eosque

mætore

mætre oppressos ægerimè ad Pœnitentiaë & Eucharistiæ Sacraimenta adduxit. Ad solemnem facinorum promulgationem perducti, simul ac sententia lata est de suspendio, vociferari, in genua procidere, iudicis fidè ac misericordiam implorare. Cùm nulla flexi iudicis indicia apparet, contrariam insistunt viam, crudelitatem plusquam barbaricam exaggerant, damnationis auctores & fautores inculant, vltioneim diuinam, tam his quām opido comminantur, seque nulli horum ignoscere nec velle, nec posse protestantur. Sacerdos noster inter hæc oportunè, importunè conatur efferatos emollire, Christi de ligno pendentis imaginem ostentat, ad patientiam & detestationem scelerum hortatur, gaudia cælestis patriæ inculcat. Frustrà illi contra ius fasque ætatis florem præcidi, nihilque minus quām morte in promeritos identidem exclaimant. Pater à leuibus ad alpera descendit, proponit horribiles inferorum cruciatus, qui obstinatos maneant: nì resipiscant, se tanquam à præfractis, & ad perpetuas ærumnas sponte ruentibus discessurum, & curru quo vehebantur desulturum Surdis concionatur. Pater parumper auersus ab illis mentem, oculos manusq; in cælum tollens pro desperatis Deum precatur, sibiique spiritum Societatis efflagitat. Et subito contra omnem exspectationem duo ex reis cantionem voce clarissima modulari incipiunt, qua se voluntati Conditoris totos committunt, animamque piè commendant. Iunior autem tanto cum sensu Christi in crucem suffixi imaginem, quam antea penitus aspernatus fuerat, amplectitur & exosculatur, vt videntibus iucundissimum spæctaculum præberet, imò ne vnquam à se diuelli posset, cingulo suo illigari magnopere contendit. Idem faciunt ceteri, veniamque à circumfusa

multitudine, & nominati à magistratu precati, tormentis se grauioribus dignos palam dictitant, Demum Patri à turba pauplisper seuocato, rursus peccata cum magna doloris significatione contentur. Et donec laqueus in collum insertus vocem intercepit, non cessarunt hoc iterare, *In manus tuas Domine, &c.* Præter miracula ad imaginem Crucifixi, intercessionemque D. Sebastiani patrata, mulier partui vicina leuiuscum dolores sentiens in æde nostra Sacramètis ritè ad pugnam se communit. Intermisi dolores postero die ingrauescunt, biduumq; totum ita laborat, ut pauplatim natura succumbente, immobilis & morituræ simillima strato incubans, parentes & maritum vocet, ut si quid offensum deprecetur, ultimumq; vale dicat. Fit fletus & eiulatus. arte obstetricum penitus elusa, suspenditur è collo agnus Dei, præsentissimum alias leuamentum: nihil proficitur. Voudentur ternæ ad diuersa loca peregrinationes: nulla spes affulget. Visum est adhuc restare perfugium. Parturientis infatus ad sacerdotem nostrum, qui utrique erat confessarius, anhelus festinat. Suadet noster, preces ingeminent, vota nuncupent, agnum Dei applicent periclitanti. Respondit hic, omnia, sed incallum tentata. Viro tandem à sedimisso Patrem incessit cogitatio eorum, quæ nuper de B.P. Ignatij miraculis inauduerat. Circumspicit vnde si quid reperire posset de reliquiis aut chirographo. Commodum autem libellus summarij constitutionum occurrit, ita secum ratiocinanti, Quod fieri potuit per nudam sancti Patris subscriptionem, cur non idem per regularum virtutem fieri posse credamus? legimus certè pluribus lacrymis has quam illam constitisse. Nec mora, continuò flexis humi genibus Deo & B. Ignatio supplicat, ut in extrema necessi-

necessitate constituta ne deseratur. Fiducia igitur singulari erexit, libellum chartæ implicatum adfert ad parentes laborantis feminæ, rem totâ pro captu rudium explicat, iubet admoueri hæc verba sæpius in clamando: O S.P. Ignati, fer auxilium. & ecce vix dum bene admouerant, verbaque protulerant, cum statim melius habere, tantumque robur cælitus impertitum sentire desperata cœpit, ut ad quinque horas strenue pro partu laborarit, donec feliciter enixa est. Partus pedibus, ceterisq; membris globi instar conuolutus ex utero matris prodiit. Qui præsentes adstiterant, ne quid infanti humanitus accideret gratulabundi deportant ad templum, sacro fonte tingendum, nomenque Sebastiani indunt, cuius festus dies præ foribus erat. Anus vero maternus, quem neque consoluerant, neque aduentum lætitia pleni exspectabant, vehementer indoluit Ignatium non esse vocatum propter diuturniore miraculi recordationem. Hæc omnia publica fide testium examinata & iurati manu confirmata, populi sermone adhuc celebrantur. Alia femina difficulti parturitione conflictata prioris exemplo &hortatu ad eum Patrem misit oratum, ut libelli copiam faceret. Sed ille reliquias interim de capillis, & interula B. Ignatij dono Superiorum acceperat. Capsellam igitur, in qua condebantur de collo detraxit, parturientique appendendas tradidit. Quamprimum fuerunt appensæ, illa filiolum felici partu in lucem edidit.

### *Collegium Augustanum.*

Duos morbus absumpsis graui plurimorum sensu. Eorum alter P. David Gassner, operam annis amplius viginti Societati iuxta populoque

probauit; concione bonus, & aduersus hæresim  
maxime disertus. Alter Godefridus Hamart for-  
matus Coadiutor annis 40. in Societate exactis,  
quatuor & triginta huiusc Collegij econo-  
miam administravit, nec ante laborem, quam vi-  
res amisit. Rerum humanarum in eo despicien-  
tiam vel hæretici suspexere; eumque non tam ca-  
nities, quam nota viri patientia à probris reddidit  
immunem. Et quod mireris, festus D. Godefrido  
dies supremus Godefrido nostro illuxit. Octogin-  
ta circiter vitam omnem eiusve magnam partem  
relegerunt. Femina meditata scelus quo maritum  
seque decreuit iugulare, nostro agente detestata  
est. Alteri salutem suam desperanti confessio per-  
suasa, spes iniecta. Hæresim quinquageni terni  
eiurarunt. inter hos Wirtembergensis, non vul-  
gari doctrina ac dignitate vir, diu, antequam se  
dederet, acriterque cum nostris disceptauit. Odia  
restincta multorum. Quidam 40. Philippicos re-  
stituit. Societatem unus, aliam Religionem duo  
elegere. Septenos hæreticos, cum pugnantia dice-  
rent, puer ita in ruborem dedit, ut puero silētium,  
quod argumentis nequibant, precariò suaderent;  
ne scilicet adstantes eiusdem farinæ homines ta-  
lia de Luthero audirent, quæ de nobis mallent.  
Sub digressum, Satius erat, inquit, cum cacodæ-  
mone, quam cum Iesuitarum fœtu congregdi.  
Sub esuriales dies extremos adolescens acrius  
cum hospite suo delitigauit, damnavit creophagiam:  
imperat herus ira percitus, continuò in hu-  
iustice ludibriū carnes lixentur, mensæ inferan-  
tur, nostro solo frustra obnitete. Iam materfami-  
lias lances onerarat, easque elata manu, voce, ca-  
chino in triclinium asportabat; cum subito pe-  
des labare, manus deficere, patina feminaque si-  
mul ad terram affligi, p̄uimentum iure natare  
conspicere

conspicitur. Visum hoc domesticis non fortuito  
euenisſe: deprecati errorem correxere. Adolescen-  
tem è nostro lyceo par nobilitas ac innocentia  
ornabat: huic duobus abhinc annis pedum alter  
sensim dēbilitari cœptus, vt modò difficulter in-  
cederet, pōst paulo eadem difficultate insisteret;  
tandem coactus à ludo semper abesset; nunquam  
à lecto, nisi subalares admoueret scipiones. Frustra  
consulti medici magique: nam iuges acutique  
dolores sesquianno iuuem exercuere. domesti-  
ci aut malo finem, aut vitæ optabant. Eger B.P.  
Ignatij icuncula donatur, coram qua cum lacry-  
mis precatus, animaduertit aspectum B.P. Ignatij  
aduersus se solito amoenorem; inde ipse dulcissi-  
mos sensus, & haud falsam valetudinis spem con-  
cipiebat. Vix vna fuisse sit dies cùm dormienti vi-  
sus est assistere quispiam, qui vocaret ad Maria-  
nam ædem, vt preces ibi faceret: tum ipse secum  
mirari, expurgisci, sentire se leuatum. Iamque se-  
gniūs defluebat humor, redibat virtus, & sensu  
valetudo. nunc in scholis assiduus est, necdum  
tamen è morbo penitus recreatus. A Sodalibus  
B. Virginis bini ad fidem reducti. Libri impij ab-  
lati, coempti saniores. cætera visitata virtutis ope-  
ra non omisla. Templo nostro legati aurei ducen-  
ti. Desertum Collegium est magno patrono Octa-  
uiano Secundo Fuggero, quem vixisse omnes  
quidem boni, nos præ omnibus sentimus. Quim  
afficeretur erga Societatem, beneficia multa, ina-  
gna, assidua, semper recentia testabantur. Populi  
vox est Collegium multis multa debere, huic  
omnia. Habitamus ipsius potissimum liberalita-  
te, ædes locumque Augustæ amplissimum: cœpi-  
mus dona pro Collegio maxima, pro templo ap-  
paratus, vestes, vasa ex argento auroque plurimi.  
Decessit prudentia meritisque grauior quam an-  
nis.

348 PROVINCIA GERMANIÆ SVPER.  
nis. Ita enim quotidie vixerat, ac si ephemericidem  
morti approbaret. Suos ipse dolores patientius  
tulit quam alij spectarent.

## *Collegium Ratisponense.*

COMMENTATIONIBVS B.P.N. exulti ex eodem  
cœnobio religiosi septem, reliqui deinceps ex-  
colendi. Desertor monasterij suauo nostro rediit.  
Discordes coniuges & alij in concordiam relati.  
Multis persuasum, vt hæreses vitadæ cauilla alio  
se conferrent. 52. ad Ecclesiam redierunt: inter hos  
adolescentis pugna specabilis fuit. Frater is erat  
negotiatoris hæretici parentibus orbus: cumque  
nunquam seriò cum pseudouangelieis faceret,  
templum aliquando D. Emili fami ingressus ad  
D. Wolfgangi sepulcrum sese abiecit, ibiq; Deum  
enixè preeatus est, vti sibi Càtholico fieri liceret.  
Deinde cum in princeps templum se contulisset,  
adeò pietas illi hominum lociique placuit, vt è  
proximis feminis quæreret, quo pacto quis ad il-  
lam pietatem aspirare posset? tum illæ huiusc rei  
rationem à Iesuitis petendam esse responderunt.  
Is igitur ire è vestigio ad nostros consilij cauilla, &  
deinceps totum ferè per annum creberrimè nos  
interuisere. Inter hæc dum in domesticis fabula-  
tionibus crebra in Papam conuitia iactantur, ille  
impatienter, aut missitando, aut discedendo se  
prodidit. Tum frater, qui eius cum nostris con-  
gessiones ex affine rescierat, acriùs instare, eiique  
vt ad cœnam nefariam accumbat, imperare. Ado-  
lescens anxius ad pristina & fida nostrorum con-  
silia aecurrit. Nostrí rem inuidiæ periculiisque ple-  
nam odorati, omnem in Episcopum eiusque Can-  
cellarium curā reiecerunt. Hi suscepta adolescen-  
tis cauilla, egerunt cum Præposito vicini monaste-  
rij

rij S. Magni, vt eum qui à Magistratus suorumq;  
sæuitia tutus non esset, recipere. Dic palmarum  
quando nefarius bolus glutiendus esset, de com-  
pacto in monasterium penetrat, humaniter à  
Præposito receptus. Ne autem in ignominiosæ  
fugæ crimen incideret, fratrem, tutoresque ac-  
cessit, honestos ac graues homines, quibus se re-  
ligionis cauſa è confugisse explicauit. Illi furen-  
tibus similes adolescentem conuitis insectari, ra-  
tionibus, blanditiis, minis oppugnare, & è mona-  
sterij septis elicere. Quod si factum esset, actum  
sit de illo graui ignominia pœnaque affiendo,  
qui aliis exemplo foret haud temerè deserendæ  
religionis. Actum agunt. Nam ita prudenter ino-  
derateque respondit, vt illorum furores compri-  
meret, & quietos domū remitteret. Sopitus ignis  
est, non extinctus. summittunt muliebrem pro-  
pinquarum & affinum cœtum: illę verò furiarum  
instar ex inferis emissarum cum apud eum se ge-  
rerent, tandem lenitate loquentis emollitæ, etiam  
ridentes importunum pedem retulerunt. In hac  
arena depugnauit athleta noster ad duodecim  
hebdomadas, quibus continua fuit ad illum adi-  
tio, si qua ratione in sūmum solū allestare possent:  
miserum, si deprehendissent. Interea confessio-  
nem generalem instituit, Christi corpus percipit,  
Sacramento Confirmationis communitur. Cum-  
que antehac quot mensibus certo quodam dolo-  
re capitis, qui non multum ab insania aberat, la-  
boraret, post Sacraenta percepta nihil doloris  
amplius sensit. Quæ res vna reliqua erat, ob quam  
aduersarij monasterio insultarent, quod videlicet  
hominem nauci essent helleboro purgandum:  
quare non tam ambitiosè amplectendum esse.  
Tandem Monachium auerso itinere, ne in manus  
hostiles incideret, missus est, ubi in Serenissimi

Maximi-

Maximiliani clientelam receptus litteris apud nos  
tros dat operam. Alius conscientiæ stimulis  
agitatus, tantam animi lætitiam à confessione ad-  
ceptus est, ut osculum pedi sacerdotis figere vel-  
let. quod ubi facere prohibitus est, obuio mendi-  
co instar daleri lætissimo vultu donauit, egregie  
vultus repulsam osculi. Femina nobilis & graciata  
nouem milliaribus huc venit confessionis gratia,  
cumque ternos iam fœtus vita cassos edidisset,  
nacta est filium viuum valentemque. Parthenio-  
rum feroꝝ omni pietatis officio enituit præci-  
puus. Quidam Canonicus, qui à nostrorum con-  
suetudine proſus abhorruerat, cum vitæ finem  
imminere sentiret, nostrum quendam nominati-  
m postulauit; qui eius confessionem audiuit, bi-  
duumque alatere non discessit. Summis precibus  
à Patre cōtendit, ut ſibi liceret venire in Sodalium  
numerum. cuius rei cauſa Sodalitati legauit flo-  
renos 300. ducentos nostro nouo altari principi.  
Eidem Congregationi donauit centum florenos  
alius Canonicus. nobis legati quinquaginta.  
Nonis Nouembri obiit Reuerendissimus Epi-  
scopus Ratisponensis, vir summa prudentia & re-  
rum vſu: librorum audiffimus, adeò ut bibli-  
thecam eius dicant eſſe vigintiquatuor millium:  
sex linguarum peritissimus. Vixit vſtusque te-  
nitas admiranda in principe, ut & animi erga  
omnes demifſio. Collegium templumq; nostrum  
frequentauit, nostro sacrificanti loco ministri re-  
ſpondit: nostro confiteri solitus, ab eoque in ex-  
tremo discriminē curatus diligenter. Canonico-  
rum rogatu Congregatio B. Virginis funus pro-  
ſecuta eſt, ut Catholicus Antistes in hæretica vrbe  
honorificientius ſepeliretur.

*Collegium Halense.*

**O**CTO coniuges, animo vel etiam thoro & habitatione separati denuo coniuncti. Inter alia etiam duo inimicorum paria pax consignata. Exercitiis B.P.N. erudit i quinque, quorum tres erant sacerdotes; reliqui duo familiam S. Benedicti complexi sunt: alter etiam insigni exemplo nobilitatem generis, dotes naturæ non vulgares, matris lacrymas & preces, blandimenta propinquorum prædiuitem vxorem & officia perhonorifica offerentium, vocanti Christo constanter posthabuit. Purgati ab omnibus superioris vitæ masculis amplius quadraginta, multi à multorum annorum. Contractus fœnubres octo rescissi, & cum llicitis permutati. Cappucinorum familiae ut aderentur petiuere Sodales B. Virginis nouem, impetravere quinque. Quidam bis tèrve paupere in quæsiturus domo exiuit, inuentum domum duxit, cibo refecit. Parauerat aliis duro labore parvulam pecuniæ summam; quam cum optimè collocatam esse cuperet, B. Virginis facello donauit. Quidam pro impetranda adolescentibus castitate totum meusèm lumbos magno constrinxit fune. Quem sequenti mense imitatus est alter, additis pluribus eiusdem generis: quorum intentio præcipue prædicanda. Nam aliorum plura maioraque etiam pœnitentiæ opera taceo. Ad vicini monasterij Religiosos excursionis omnium confessiones exceptæ, alias nonnullorum.

*Collegium Lucernense.*

**P**ATER Hugo Rokoletus dum Roma in Belgium proficiscitur, antequam Lucernam attingeret, ad celebre monasterium Eremi Heluetiorum

rum moribundus diuertit. Eum cœnobitæ & viuum omni charitatis genere, & mortuum honorifica sepultura affecerunt, cum commendatione pietatis, quam in moriente perspexerint. Femina cum domus incendio conflagraret, non solùm sinistrum brachium adusta, verum etiam capite tigno impacto læsa, incendio protinus relicto ex pago ad templum nostrum contendit, confessione doloris leniten quæsivit & intravit. Cum duæ personæ tanto inter se odio flagrarent, ut res ad graue periculum veitura videbatur, nostri operâ totum est dissipatum. Omitto reliqua eiusdem generis. Æs alienum restitutum. Matrona casulas auro intertextas duas, vela calicibus tegendis, aliaque ornamenta altarium templo nostro donauit. Mediolani confecta omnia pretio quingenatorum quadraginta aureorum. Alius ex Pfifferorum familia lipsanothecam ex ligno nigro preciosam, argento & gemmis interlucentem; alias ex eadem familia lipsanothecam argenteam, & rosarium ex lapide hæmathite tornatum interiectis aureis granis, vtrumque aestimatione centenorum aureorum. Minoræ donaria omitto. Bibliothecæ census ducentis florenis liberalitate viduæ auctus: multaque alia subministrata. Ab hæresi conuersi vel in fide confirmati 30. Sodalitia scholasticorum virorumque, professioni suæ responderunt. Missiones quatuor institutæ, & consueta Societatis munera obita.

### *Collegium Friburgense.*

INIMICITI & graues non raro sedatae. Cuidam persuasum ut marito suo contenta castè viueret. exactis duobus mensibus à quibusdam admirantibus tantam morum commutationem interrogatur;

gatur; vnde tantum bonum? Ex frequenti, inquit,  
 ysu Sacramentorum. Confessiones generales au-  
 ditæ 58. Hæresi soluti quadraginta unus. Bona  
 malè parta restituta non pauca. De Parthe-  
 niis taceo ordinaria. quidam ad conuiuia lau-  
 ta sæpe inuitatus, vt cupiditati frænum iniiceret,  
 delicias easnon tantum repudiauit (periculum et  
 iam saluti imminere præsentiebat) sed dum alij  
 genio iþdulgerent, ille domi prostratus Deum  
 pro noxis, quæ inter pocula cõtrahi solent, arden-  
 ter deprecatus est. DD. Francisci & Benedicti ex-  
 emplo nonnulli, ex iuniperis lectulos sibi com-  
 posuerunt, & super illis horas aliquot, aut etiam  
 integras noctes corpus voluntarunt. Aliqui vt  
 flammam libidinis restinguerent, se nudos in ni-  
 ues proiecerunt. Accidit, vt cuidam faces impuræ  
 Veneris à procaci muliere, tum verborum leno-  
 ciniis, tum munusculorum pollicitationibus  
 subiicerentur. cùm iam serpentem flammarum in  
 pectore persentiret, subit animo promissum Dei-  
 paræ factum, simulque diuinæ offendæ recorda-  
 tio; atque ita non tantum se, sed etiam mulierem  
 sermone de sempiternis flammis habito, ab hoc  
 incendio fœdo liberauit, itaque perculit, vt facta  
 peccatorum expiatione à prioris vitæ turpitudine  
 ad honestatem se receperit. Serenissimus Wilhel-  
 mus Dux Bauariæ lipsanothecam misit ex ebe-  
 no claviculis argenteis multifariam distincto:  
 eius fastigio insidet argentea D. Vrsi imago, ad ex-  
 citandam reliquiarum memoriam, quæ crystalli-  
 no orbiculo custodiuntur. Audiuerauit scilicet R.P.  
 Petrum Canisium eo quo defunctus est anno, à  
 Salodorensi ciuitate, his S. Martyris reliquiis ho-  
 noratum, sed pro dignitate non satis exornatis. Se-  
 natus Friburgensis per litteras illi gratias egit.  
 Præter alia donaria materia casulae ex argentato

354 PROVINCIA GERMANIÆ SVPER.  
filo conficiendæ , & panni Damasceni aliqua pars  
oblata:

## *Residentia Oetingensis.*

**O** BIIT Iacobus Fray Superior, administratione  
vix suscepta, actis in Religione annis viginti,  
Societatis augendæ studiosus, si quis alias, & fe-  
**lix** De omni vita confessi ducenti quinquaginta  
tres; permulti de annis plurimis. Hæretici absolu-  
ti sexaginta duo. Maior solito fuit peregrinorum  
omnis generis concursus Sacra menta à nobis per-  
cipientium. Nouus catechismus in templo nostro  
præter ceteros institutus. Odium & lis geminæ  
familiæ primariæ, nostri Patris interuentu sedata,  
idque tertium. Inter alios nobiles duos etiam  
consopita dissensionis fauilla , ne in flammam  
eruimperet. Restitutio aliquot centenorum facta.  
A meretricio aliquot feminæ abstractæ. Sodali-  
tium B. Virginis nobilibus & magnificis quoque  
viris floret. Præfectus eius Abbas monasterij cu-  
iusdam aram egregiè exornauit : bibliothecam  
suam à nobis purgatam, nostram aliquot suis co-  
dicibus auctam. voluit: necessaria item ad viatum,  
vt sæpe aliæ, subministravit. Biblia Regia septem  
tomis Curio propinqui opidi nobis donauit. Una  
& altera matrona nobilis suam vestem ex serico,  
& Damasco pro amictu atæ vel sacerdotis ob-  
tulit: aliæ alia munera. In opida crebrò excus-  
sum, solita Societatis officia præstata. Dissidium  
in quadam ciuitate periculosem & exitiale, quo  
duæ familiæ propè ad interitum usque iactaban-  
tur, discussum. In monasterio quopiam Abbas &  
omnes monachi, semel iterumque confitentes  
audit. Aliud monasterium est ditione tenens opidum  
& pagos aliquot: subditi fermè omnes, vix

de: c. n

decem exceptis, adeò, pestifera Lutheri tabe iam ab annis quadraginta correpti, obstinarant, ut quiduis contra dominum suum Decanum monasterio præpositum auderent; auctores rebellionis quinque vel sex abhinc annis inter rusticos supra & infra Anisum concitatæ. Enim uero Ministrum verbi Lutheranum Cæsatis mādato proscriptum, illi non multo pōst armis, tibiis ac tympanis hostiliter reduxerunt; æneis fistulis onusti, eundem ad cathedram redeuntem stipauerunt. Decanus enim perpetuis libellis supplicibus apud Maximilianum Secundum, & Rudolphū Secundum Cæsares instituit, ut perniciousus blatero cathedra, quā obsidebat, deturbaretur, & subditi rebelles vi aliqua adigerentur ad obsequendum. Quippe aliquoties Martem ciuerant, & monasterium armata cinxerant manu, vastaturi penitus ni prudentia & lenitate præpositi, vel metu maioris mali percissent. Quamobrem superioris Austriae Præfectus, cui negotium hoc à Cæsare datum, vbi desedit rusticorum tumultus; quadriennio superiore cum trecentorum militum cohorte eō se propriuit, octo rebellionis capita in crūcem egit, duorum ædes in publicum terrorem exussit, reliquis iuramento adactis ut obsequerentur domino suo Decano. Recepérunt omnes ita se facturos, sed quoad religionem, pauci præstiterunt; donec excitatus ille felici progressu reuocatæ postliminio religionis in ditione Lunælacensi, collegit animum idem apud suos moliendi, & à R.P N. Prouinciali contendit, vnum alterūm ve sacerdotem è nostris ad hoc institutum impetrare, qui subditis suis ad pristinam fidem reducendis laborem impenderent. Missus est unus, qui quatuor mensium intervallo, concionibus, frequenti catechesi, priuatisq; colloquiis oportunè,

importunè arguendo & increpando minus quam obsecrando, Deo iuuante, ad mille septingentos Ecclesiæ restituit supra spem & exspectationem. Plerique enim difficillimi & pertinacissimi fuerunt, deliberatum habentes assuerantesque potius extrema perpeti velle, quam sectam deserere, multo veò minus in Papisticam fidem iurare, aut eius professionem edere. adeò ut Decanus proximodum abiiceret omnem spem profectus, nec auderet tantum Patri nostro permettere, veritus ne subditi denuò seditionem mouerent. Fuit inter ceteros homo grandæus, qui mutationem in primis auersabatur, eligendo capitum discrimen potius: cumque virgeretur, Ecquid igitur descendisset eousque ut peccata confiteretur, si paratus non sit facere præterea quæ requiruntur? respondit se hoc quidem fecisse in gratiam domini sui Decani; illud autem facere non posse, ut se omnino ad fidei perseverantiam deuinciret. triduo tamen post in sententiam Patris abiuit, longa prius disputatione conuictus. Mouit eos permultum, & in admirationem rapuit nostri Patris charitas, cum viderent locis procul dissitis, montosis & asperis omne genus languidos & ulcerosos adire, solatio mulcere, ad tolerantiam erigere, omnem horrorem & fætorem negligere (quod nemo aliorum coenitius tentaret sine contagio.) In cœmertiis cruces infigi sepulcris, & frontibus easdem imprimi perfecit: quorum utrumque antehac ludibrio, posterius etiam piaculo & execrationi fuit. Imaginum vsus & rosariorum introductus, & cetera omnia redintegrata, quæ Catholicis in more sunt. Iis qui resipuerant, sacra munuscula diribita, præsertim agni Dei. Restituta ab annis quinquagintaquinque supplicatio corporis Christi. Cum alicubi noster operatus aquam

quam lustralem spargere vellet; populus tamquam fulmine iciendus turbulenter procurrit è templo, obuersis manibus & pileis, ne tangerentur; sed verbis animatus & doctus paucis ad stationem reuersus est. Iter faciens noster in vico quodam celebri, Iudicis ita rogantis vxorem hæreticam, quæ videndi Iesuitæ desiderio flagrabat, semihoræ colloquio flexit, vt Lutherò nuntium mitteret.

### *Residentia Constantiensis.*

MEDITATIONIBVS Societatis informati sexdecim, Religiosi ferè omnes. In Societatem adscriptus Parochus magnis doctrinæ naturæque præsidiis instructus. Libri praui ad pyram oblati. Confitentes auditu ducenti plus minus supra undecim millia. Totius vitæ criminum nexu soluti quadringenti vigintiquinque. Ad Ecclesiæ gremium reducti tringinta sex. Bibliothecæ accessere libri æstimatione aureorum octoginta. Sacrae suppelæctili cruces duæ asseruandis reliquiis crystallica & argentea, candelabra totidem; vestitus sacerdotis triplex, aræ duplex, pretio aureorū quadringentorum: rei domesticæ plastra vini duo, & alia dona. Ad priores catechismos adiecimus duos alios. Excusum crebrò ad loca omnino quadragintaquatuor, aut amplius. Pagum à domino suo dissidentem, & exulceratis animis paßchalem confessionem communionemque negligenter, noster à Vicario missus absoluit, pauitq. Cœnobium virginum, quod graui aliquot annos infamia laborarat, disciplinæ restitutum, à peccatis absolutum. Parochus ciuitatis cuiusdam inuitauerat nostrum, ciuibus ignaris & re comperta, adeò freuentibus, vt de eius remissione Parocho

imperanda bis actum fuerit in senatu. Sed una Patris concione ita voluntates mutatae, ut plerique confiterentur, & quidem totius vitae peccata ducenti, Patriq; magnos haberent honores. Tradita duobus Parochis regula, quam in catechesi seruarent. Perpurgata bibliotheca à libris noxiis.

### *Collegium Oenipontanum.*

**C**ONFESSIONES generales auditæ supra centum. Sacrā synaxin apud nos suū pse de cies quater mille centum viginti. Hæretici conuersi quatuor. Dissidentium haud vulgares reconciliatio-nes animorum factæ. Quo in genere quidam ex nostris pia fraude usus, seorsim alterum adiens, quām bene aduersa pars de ipso sentiret, loquere-  
tur, immò & veniam oraret, ostendit, ad similia præstanta eundem cohortatus; sic pace & amore utrumque religauit. Libri obscuri, hæretici, magici adempti: vnius bibliotheca perpurgata. Con-  
stituerat annis abhinc duobus Rudolphus Imperator, ut Tyrolensis Camera florenos trecentos nobis numeraret, ad infirmariam extuendam: id quod hoc anno factum. Cūm igitur ædificium in horto Collegij, versus PP. Franciscanorum hor-  
tum exsureret, rati illi vicinum nimis sibi fore, litem intendūt. In concilio diu multumque cau-  
sa discutitur. iacent omnes operæ; res ad iudicium Cæsareum deuoluitur. tandem secundum ius pa-  
trium & municipale, iussu Imperatoris compo-  
nitur & Collegio adjudicatur. quin & per litteras Imperator injungit Cameræ, ut pro ædificio pro-  
sequendo ulterius subsidium conferat; quod ipsa liberaliter præstítit. Nam mille florenos præter alia ad tecti structuram necessaria contulit. Dono nobis datæ tabulæ insigniores dux, Sanctorum reliquiis

reliquiis nobilitatæ; Opera Abulensis, plaustrum vini, & aurei ducenti; legati centum. taceo minora munera. Sodales B. Virginis indefessum tenent, præter alia, in erudiendis rudibus studium, in præripiendis libris hæresi, magia aliisve superstitionibus infectis; in obiurgandis obstinatis, &c ad pœnitentiam adducendis.

### *Domus Probationis Landſpergensis.*

**O**BIUIT Pater Iacobus Lucius annos in Societate versatus trigintaquatuor, octodecim hic concionatus. Funeri eius clerus & populus tanquam communem parentem lugens, in magno frigore constanter interfuit. Desiderium illius frequenti commemoratione testantur, cum ob singularem animi candorem & humilitatem, tum ob charitatem eximiam, & in afflictos commiserationem, quos solabatur & iuuabat ut poterat. Ad tirocinium ponendum recepti quatuordecim. Adolescens cum videret in Societatem sibi nonnisi expugnata matre, à qua tenerrimè ut unicus diligebatur, aditum nullum fore; hac arte usus est. Aduerterat matrem curiosius obseruare quid ageret, quidve lexitaret. quare domo proditurus aliquando diui Wolfgangi Episcopi Ratisponensis historiam de industria (quod casu factum videri volebat) ita explicatam reliquit, ut mater curiosè sollicita in eum ipsum locum incideret, ubi Sanctus ille iuuenis etiamnum, veniam Religionis capessendæ à matre optimis rationibus petuit & impetravit. Et adfuit Deus consilio: siquidem mater non modò cessit, sed etiam effecit, ut maritus per litteras apud Patrem Rectorem contenderet, ne filij desiderium diutiùs moraretur. Vir nobilis cum se frustra obnidente filium Societati nomen

dedisse accepit ; certum hominem mittit , illum qui hinc in patriam reducat, simulq; ad eumdat litteras , quibus omni artificio ut respiciat retro persuadere conatur . Alia præterea epistola ad quendam affinem suum in magna dignitate constitutum, quam Patri Rectori nostro exhiberi solebat: quò ad illum dimittendum acriùs impellat, cùm alia extrema minatur, tuin illud maximè, ni extemplo gnatū sibi remittamus, seipsum quam primū ad nos excursurum , & chartis famosis tam apud Catholicos quam apud hæreticos nomen nostrum traducturum , palamque ostensurum, maiori nos inhumanitate, quam vel ipsos in Vogaria Tartaros, à parentibus liberos abstrahere. Sed neq; Superiores nostros hæminæ, neque filium permouent. Hominem tamen litteris, numen oratione placare , ac mentein saniorem insano precari non destiterunt feliciter. Nam vna & altera corporis imbecillitate animus fractus & eosq; lenitus est, vt domi se continuerit, donec is quē dixi, eius affinis ex itinere, quod Roinam habebat, ad eum diuertens , hominem simul cum matre nostro & nobis ita conciliauit, vt quem antea omnibus modis ex Religione abreptū cupiebant, nunc ad constantiam adhortarentur : & vltro pollicerentur, si quando sacris primis eum operari contingeret, nulla se quamvis longi itineris molestia difficultateque impeditum iri, quo minus corām iis intersint. Tribus ex opidis, vbi mendicare prohibitum est , missi peregrinatum nouitij, qui id tentarunt per mendicorum Præfatum educti. Cūm eos alibi duo amici , non sine magna æmulatione ad se quisque rapere conaretur: neutrum offensuri ad ptochodochium diuerterunt, vbi nec obsonium, nec lucernam ad Horas Canonicas persoluendas habebant: sed ea amicus submisit.

submisit. ita sub horreo demùm festia ex itinere membra posuere. Expiati ab hæresi quindecim. Aliò excursionem frequèter. Religiosos quibuscum vixeré nostri, quothebdomadis ad virtutem adhortati, confitentibus aures dederunt : vni etiam exercitia. Vir annorum septuaginta septem ad carceres damnatus perpetuos, ne iniinicis ignoscet, Pœnitentiæ & Eucharistiæ Sacramentis sibi interdixerat, ad plurimorum admonitiones & diuinos terrores ita callum obduxerat, vt infernorum tormenta minitantes ioco minimè saltari eluderet : tātū illic damnatorum numerum esse, vt sibi locus futurus non sit. Noster decem & plures dies, cum cùm quotidie adiisset, oleum & operam perdidisse videbatur: neque tamen spem abiecit, sed precibus acrius institit, corporis afflictiones addidit. Senex posuit pertinaciā, & quam inimicis dedit, à Deo per sacra mysteria veniam, à magistratu mitigatæ gratiam pœnæ accepit. Aucta res sacra florenis quingentis. Domesticis vñibus legati totidem.

### *Collegium Bruntrutanum.*

PROCAX muliercula, quæ abhinc triennium multam mendaci ore lasciuia, sollicitatiique in se probri suspicionem, aduersus vnum è nostris Patribus disseminarat; nuper mense Iulio palinodiam cecinuit, luceque palam in publico, vigintiquatuor iudicum confessu, in oculis ciuium, qui frequentissimi voce præconis fuerant euocati, iniuriā nostro illataim professā est, idque à se eò factum, quod eam Pater ille in confessione legitimas ob causas absoluere à peccatis recusasset. Et iam miseræ exulandum erat, ni nostri Patres supplicibus amicorum lacrymis flexi, vnā

cum iudicibus, qui sententiam de exilio pronuntiabant, Episcopum conuenissent, & ut relegatio in nummariam mulctam permutaretur, impertrassent. Alia itidem perdita femina, quæ nomine oblati matronæ per vim in syluarum recessu flagitijs aduersum nostros fœdam in vulgus dissipat infamiam, medio foro maledicendi correxit libidinem, nullumque se in nostris vñquam, aut sceleris, aut turpitudinis vestigium deprehendisse astuerauit. Annorum vel omnium vel plurijum conscientiam nostris sacerdotibus detexerunt duo supra quinquagenos. Quinque ad Ecclesiam reuersi. Malè parta restituta. Libri hæreticorum veneno corrupti aliquibus magno numero subtracti. E Partheniis quatuor ad Religionē, tres ad sacerdotium euecti. Alius impudicam mulieris importunitatē, qua ad flagitiū incitabatur, reiecit. Quidam mense integro ægrotis ministravit. Consilio adiutus Præses Collegij Canonorum, ut Episcopi auctoritate clericorum disciplinam ad vetera instituta reuocaret, ac diuinum cultum, labantesque Ecclesiæ suæ res, ad pristinum reduceret decorem.

*Missio Pontarliacensis in opidum  
Comitatus Burgundiae.*

PONTARLIACENSIBVS nostrorum opera adeò fructuosa grataq[ue] extitit, vt vir opulentus sponte quingentas argenti libras suppresso nomine legauerit, ex quarum annuo censu certa pecunia summa colligeretur, qua duo è nostris cōdein euocarentur circa Pentecostes festum, & munera Societatis obirent. Transactum suscepimusq[ue] hoc negotium sine villa Societatis obligatione.

Curam

Curam nos vocandi & dictæ pecuniæ rationes in se suscepit S. Iuouis congregatio , quæ è præcipuis ciuibus constat. Pro re nata in iram odiaque inuectus aliquando Ecclesiastes, sic vnius, qui superioribus diebus vindictæ appetens, per fenestræ clathros vibrarat enseim , quò inimici perfoderet filium, emolliuit pectus; ut quem pereemptū optabat, per Patrem nostrum vocari voluerit, cum eoque in gratiam redierit. Per Quadragesimam celebratae conciones & catecheses quotidianæ, tanto concursu, vt qui commodas vellent habere sedes, eas præoccuparent duabus, tribus, aliquando quinque horis. Restitutiones magni pretij factæ. Persuasum Parocho , vt pueros suorū catechisino erudiret. Duo ab hæresi absoluti. Pontarliacenses datis ad Patrem Rectorem litteris redditum infinitis efflagitarunt precibus , affirmaruntque eosdem duobus annis maius emolumentum animarum saluti attulisse , quam omnes cæteros transacto sæculo.

## PROVINCIA RHENANA.

**V**IUVNT in prouincia Rhenana per quatuordecim Collegia duasque Residentias, vna Missione adiuncta, distributi, trecenti tres & sexaginta Socij. Collegio Coloniensi tribuuntur septem supra triginta, sacerdotes vigintiduo, extra hos magistri scholarum quatuor, & Coadiutores undecim. Treurense Collegium sex & viginti tenuit, sacerdotes sexdecim, tres præceptores, rei domesticæ Adiutores septem. Domus Probationis tres & quinquaginta, quorum præter quinque sacerdotes & quatuor

quatuor Coadiutores, quadraginta quatuor sunt tirones. Moguntinum duos supra quinquaginta, sacerdotes vigintidos, magistros quoque, discipulos Theologiarum duodecim, Philosophiarum duos, Coadiutores undecim. Herbipoli duodecim quadraginta degunt, sacerdotes octodecim, praceptorum quinque, Philosophiarum studiorum sex, nouem Coadiutores. Spiræ unus & viginti, sacerdotes undecim, magistri tres, Scholastici duo, Coadiutores quinque. Fuldae viginti tres, undecim sacerdotes, praceptorum quinque, Coadiutores septem. Heylghenstadij tredecim, sacerdotes septem, professores duo, Coadiutores quatuor. Molshemij quatuor & viginti, undecim sacerdotes, magistri tres, Positiux Theologiarum auditores duo, Coadiutores octo. Confluentiarum decem & septem, sacerdotes duodecim, praceptor unus, Coadiutores quatuor. Paderbornæ quatuordecim, sacerdotes octo, magister Humanitatis unus, Coadiutores quinque. Monasterij sexdecim, sacerdotes nouem, duo magistri, Coadiutores quinq. Hildeshemij nouem, sacerdotes quinque, professor unus, Coadiutores tres. Embricæ undecim, sacerdotes septem, scholiarum magistri duo, rerum domesticarum Adiutores totidem. Residentia Erfuriana duos sacerdotes habuit: Altensis item duos sacerdotes cum uno Coadiutore. Aquisgranum missi sacerdotes tres cum Fratre uno. Admissi in Societatem viginti; è vita discesserunt tres.

### *Collegium Coloniense.*

**S**ub initium huius anni creptus est nobis P. Henricus Conesius Suchtulensis, è diœcesi Coloniensi, annos triginta quinque natus, quorum in Societate quindecim laudabiliter & religiosè transfege-

transfegerat: tantumque consecutus erat, ut nec a familiarissimis ullus in eius actione motus incompositus notari posset. Videbatur propter insig-  
nem cum prudetia coniunctam agendi dexteritatem valde ad gubernandum idoneus. Quare etiam tum cum per phthisim infirmissima esset valetudine; ita conuictorum nostrorum, quorum regens erat, curae salutiique incubuit; ut non nostri solum, ac studiosa iuuentus, sed omnium ordinum ciues decessu ipsius indoluerint. Huius loco sex alij in Societatem accepti sunt. Ministeriorum nostrorum fructus, ut alias praeclarè constituit, è multis dumtaxat pauca attingemus. Explicuerat pro concione sacerdos noster, qua pietate publica ac solennem supplicationem prosequi conueniret. ita permotus est nobilis militiae Praefectus, ut & ipse & conquisiti ab eo quatuor socij ciliciis & saccis cooperati, pedibus nudis, ardentem singuli facem gestantes, circum totam hanc urbem, omnibus admirantibus, SS. Eucharistiam, nouo prorsus exemplo, antecederent. Ab haeresum corruptelis multi reducti sunt; unus & triginta numerantur. Inter hos par coniugum, qui pluribus annis non a Deo solum & Ecclesia, sed etiam inter se grauissime dissenserant. qui una nostrorum operâ triplici incommodo liberati, post perceptum Confirmationis Sacramentum, magna animi constantia latitiaque Pœnitentiæ & corporis Deminici mysteria frequenter pergunt. Alia in his virgo fuit annos nata vicenos quinos, sola pudicitiae cura probabilis, certe psaltria & vanitati supra modum addicta. Hæc Anabaptistarum orgiis se immiscuerat: sed concione peracta cum in illorum impiorum flagitia consentire nollet, virginis crudeliter cæsa, illibato tamen pudore eus sit. Ergo se in Calvinistorum

rum conuenticula nihilo sanctiora immisit : sed eorum quoque perfidam nequitiam, Deo dante, intelligens, saniora consilia respicere cœpit, & ad sacerdotem nostrum , cui omnes animæ sius liberè sincereque explicaret, adire. Enimuerò hīc se versipellis dæmon omni arte opponere , nunc speciem adolescentis cithara canentis assumere, nunc viri maturioris, nunc terrificos vultus monstruosque induere , vt eam à confitendi proposito abduceret. Sed triumphauit inuita diuinæ gratiæ vis , Patris nostri operâ Deo & Ecclesiæ restitutam, vt se castitatis voto obstringeret, impulit. Extractus fuit è clancularia concione factionis hæreticæ magistellus Consulum vigilantia. De huius pestilentissimis libris cùm senatus haberetur, quid fieri placeret; censuit melior pars eos non aliis, quam nostro Collegio deberi, cuius potissimum præsidio & labore huiusmodi pestes ab hac republica propulsantur. Quam laudem non semel Societati deberi senatus vniuersi princeps ingenuè prædicauit. Delecti ergo ex optimatum numero , qui huic senatus consulto vt fieret satis, curarent. & hi non modò codices ad nos detulerunt: sed etiam lauto nos prandio, quod ad Collegium liberaliter miserant, recrearunt. Edocti viri nobiles feminæque, vt inter ipsa cum hæreticis conuiuia à carnibus abstinentiam, & indicta ieunia sanctè casteque obseruent. Catecheses hoc anno supra alios emicuere & frequentia maiore & celebritate. Interfuere maximo numero & fructu pueri, quos ab ignotis parentibus expositos è publico senatus alit: qui per catechesim varias precandi formulas edocti, non semel fixis genibus orare deprehensi sunt eo tempore, quod lusibus alijs tribuebant. Idem & Pœnitentię Sacramentum frequentare singulis mensibus cœperunt.

I:um

Itum quoque ad carceres bono prouentu. Adolescens domi suæ nobilis , sui familiæque suæ immemor, flagitium admiserat, ob quod capitibus reus agebatur. Is ipsa morte infamiam grauiorem ducebatur ; nec de morte piè christianeque obeunda prius ut cogitaret adduci potuit , quām à nostro sacerdote commonitus & expiatus, humana omnia cum ingenti omnium admiratione & approbatione, saluti suæ posthabuit. Ea res præbuit occasionem senatui , quām præclarè de zelo nostrorum & industria sentiret , identidem contestandi. Facinorosi quatuor in opido vicino facinora sua capite luere debebant , hæretica labe infecti omnes : qui pariter nostro labore Catholicæ Ecclesiæ manus dedere. Horum vnuſ ceruicem carniſici præbens, Pater, inquit, inuocandamne mihi censes Virginem matrem ? Omnino , ait noster. Age igitur, sancta Mater, propitium mihi obsecro præbe filiu. Quia in deprecatione caput in terram deiectum. Alter etiam tanta cum pietate supremum iectum exceptit, ut caput humili cadens in læuam aurem se vertere, fixis oculis cælum intueri, ac labra ad nomen I e s v conformare visum sit. Aliis quoque compluribus nostrorum opera perutilis fuit. Immanem iniuriam ciuis quidam honestus acceperat ; quam tamen Patris nostri precibus lubens volens condonauit. Ad patientiam instructæ, & ad tolerandam coniugum sœvitatem feminæ, quæ fugam & violentam mortem meditabantur. Quædam ob diras mariti imprecations propè ad insaniam acta remedium à confessore accepit. nec abiit inultus dirus execrator; sed tœda elephantiasis illuuiie deformatus, docuit suo malo reliquos mortales, castum seruare os , bonaque verba dicere. Cerea quoque agni Dei imagine desperabundi ad saniorem mentem, & parturientes

tes ad feliciorem partum se adductos lætantur. Scholæ & lecta iuuentute & copiosa egregiè florēnt. In hac eximia Sodalitas Annuntiatæ Virginis, è qua ad varia Religiosorum cœnobia multi transiere. Postridie Dominicæ in Quinquagesima supplicantium ritu itum ad septem præcipuas urbis ecclesiās. Feria insuper sexta, toto Cineralium ieuniorum tempore lugubri cantu Litanias nominis IESV & plainum Miserere concinuerunt. Eam rem cùm ad pietatem promouendam in ciuibus valere plurimū intelligeremus, tacitè id postulante Serenissimo Coadiutore, à Dominica passionis quotidie usurpauimus. Hebdomada itē sacratiore Officia nocturna in oratorio Sodalitis recitata sunt, intercīnēte oportunis locis cho-ro. Sub exitū interuenere quidam saccis tecti, pedibus nudis, qui se ad exemplum pœnitentium diuerberarunt insolito his locis spectaculo. Quo ita delectatus fuit Illustrissimus Nuntius Apostolicus, ut sibi eo vitæ sensum prorogari fateretur: qui omnibus solemnioribus congregationibus interesse voluit. Ad hoc autem pietatis exercitium suo exemplo multorum prouocarunt duo è familia Serenissimi Principis Coadiutoris, qui aculeatis flagellis ante sumimam aram in templo nostro, cùm psalmus Miserere decantaretur, se dilacerarunt.

Eiusdem Serenissimi Principis rogatu, missus est sacerdos cum socio Nouesium: cuius aduentu & præsentia excitatos Ecclesiasticorum animos, ciues professi sunt. Nam & frequentes habuere ad populum conciones, quæ rarae fuerant antea, & frequentius diuinis mysteriis operati sunt. Puerorum quoq; magister serio suos admonuit, alios mores induerent, modestiam in templo seruant, neque ut antea nisi expleto sacrificio diffundant, gerent.

gerent, adesse enim Iesuitas, qui suis discipulis hęc nullo modo permetterent. Laboratum consuetis nostrę Societatis ministeriis fructu non modico. Praua consuetudine inoleuerat, vt inter Missarum solemnia opificum famuli, efferaque iuuentus in cæmeterio, ipsoque adeò templi vestibulo mirè insolecerent: at operā nostri sacerdotis, auctoritate senatus sublatum est. Emollii quorum hactenus genua obriguerant, & supplices diuinæ mysteriorum actioni intersint effectum, ne, vt consuetudo praua obtinuerat, ante finem sacrorum templo excedant. Femina nocturnis spectris mirè exagitata, à cacodæmone obsessa putabatur; adeò vt ne à tribus quidem viris contineri posset: sed beneficio agni sacrati, ac Confessionis & Eucharistiæ Sacramentis sanitati integræ restituta est. Egregia quoque opera constitit in virgines nobiles S. Quirini Canonicas, quarum nonnullæ in rebus fidei instru&tæ, & ad frequentiorem Christi corporis perceptionem pietatemque excitatæ sunt. Antistita æquè nobilis Merensis cœnobij, cum suis virginibus Nouesium se contulit, vt generali confessione labes animi sui emacularent. Frequentior etiam concionis usus introductus. Ipso natali Christi die ad confessionem communionemque præiēre Consules & Senatores plerique exemplo nouo, quos bonus ciuium numerus consecutus est. Paschatis festo vniuersus Senatus è manu nostri sacerdotis SS Eucharistia refici voluit. Ac fuere qui non modò Christi beatæque Virginis sacris diebus, verū etiam quolibet mense, adeoque saepius diuino pabulo se reficerent, stupescientibus rei nouitatem & insolentiam plerisque. Quo autem nos amore prosequatur populus, sape ostendit. Nam licet perpetuis belli vastitatisque cladibus vehementer afflitus.

fit, beneuolum tamen erga nos animum, tum misericordiae operibus ac eleemosynis, tum ab hereticorum calumniis vindicatione declarauit. Hereticus erat, qui cum in aliis, tum etiam in hoc calumniabatur, quod sibi olim Catholico confitenti absolutio denegata esset. eius improbitatem ciuis Catholicus egregie repressit. Qui haec inter cetera: An tu nescius, inquit, bone vir, olim te combibonibus eam caussam narrasse, quod centum aureos, quos male pepereras, restituere nolles? In nunc & furtum tuum potius alleges, quam calumniam Patres appetas. In discessu denique nostrorum fuere non pauci, qui cum ante in mero re ob nostrorum aduentum fuissent, commutato in amorem odio, grauiter dolerent.

### *Collegium Treuirensē.*

**Q**UOD nostris hominibus primum & antiquissimum esse debet, id præcipue curatum hoc anno est, ut omnes suæ proximorumque saluti & perfectioni promouendæ, sancta animorum confessione pro suo quisque munere constanter inuigilarent: cuius vigiliae fructus, non modò ad confertissimam in nostris concionibus & catechismis multitudinem; sed maximè ad religiosa cœnobia emanauit: in quibus ad sui instituti sanctitatem agnoscendam & adamandam, adiuti complures atque confirmati fuerunt. In celebri virginum monasterio disciplinæ religiosæ, ac præsertim votiuæ paupertatis integritati, consultum est optimè: quando Reuerendissimus Archiepiscopus, propter summam inter visitandum difficultatem, priusquam ad Superioris electionem veniretur, voluit, ut à nostro cōfessiones omnium audirentur, & ad cœtum vniuersum exhortationes

nes oportunæ fierent. Inter varios qui se spirituallibus exercitiis excoluerunt, præcipui diuersarum fuere familiarum Religiosi. Eorum vnum monasterij regendi cura liberatus, à sui Ordinis Generali coram impetrarat, ut vitæ religiosius in postrem instituendæ apud nos initium sibi facere liceret. quod cum ultra spem ad votum ei cessisset, fratribus suis ad idem experiendum auctor & hortator esse voluit. Ereptus error qui aliquos de referenda gratia sollicitos, ab huiusmodi nostrorum officio requirendo impediebat. Nos enim nihil remunerationis accepturos integris Cœnobitarum & Canonicorum Collegiis planè perscrissimus. Carthusianus Ordinis desertor, & plures annos apud sectarios verbi Minister, meditationibus iisdem apud nos exercitus, rescissa, quam interim veluti cum uxore contraxerat, sacrilega copula, ipse Ordini, ipsi Ordo restitutus est. Eadem hac medicina sanatus est adolescens, cuius ex perturbatione mala maxima, atque adeò par ricidia timebantur. plurium verò aliter vel odia restincta, vel ne summi viri dissiderent odiis, sinistræ aliorum de aliis opinione euulsæ. Coniuges qui per dissidium, & absentiam diurnam, utrique mala fide ad alias nuptias transierant, abdicationis adulteris, in matuam gratiam & societatem restituti sunt. Obstinauerat Prælatum quendam vitæ presentis amor, ut in graui morbo nullam de extremis mentionem admitteret. is à nostro tandem ut salutaribus Sacramentis vti vellet, emolitus, & præstitit officium, & liberalem Collegio eleemosynam moriens reliquit. E ministris huius diœcesis quidam valde honoratus mox de infidelis bonorum administratione reus factus, & publico suspendio damnatus, à nostris ad curam animæ traductus est, adeò ut ignominiosissimam

mortem suorum delictorum pœnam , animo libentiore subierit, quam vitam, si vltro condonaretur, acceptauisset. Pœnitentium, ut assolet, maximus numerus fuit, qui & in opidis vicinis, non domi solum atque in templo , sed per compita & agros confessarium securi sollicitarunt. multis post expurgata in confessione in mente, corporis sanitatis, quam penè desperauerant, non sine magna admiratione & gaudio rediit. Ab insanis hæreticorum aliqui reuocati; alij vacillantes in fide confirmati ; libri pestilentes dominis libentibus erupti. Quidam quòd septennium Catholicus duravit inter blasphemos hæreticos, B. Virginis præsidio fuit acceptum, cui quotidie, quam in nostris scholis magister orationem olim commendarat, sedulò recitauerit. E Sodalitio Virginis eiusdem duo Societatem nostram complexi sunt : tres in Carthusiam, tres item in alia Religiosorum monasteria se incluserunt. Feruerit in omnibus se edomandi, & proximis beneficiendi studium. Vnde cilicia verberationesque crebrè usurpatæ , pauperum ægrotorumque solatia, honoratissimi cuiusque demissio maxima . Pridie Natalis Domini post breuem in oratorio de Saluatoris amore & humilitate sermonem, Præfectus eximia pietate sacerdos , ut illud exemplum imitaretur , positis humili genibus, opus aliquod pium, quod exequetur, imperari sibi petiit. Quem reliqui facto illo piè commoti, certatin sequebantur, & egregia sanè virtutum illarum documenta in nosocomiis præsertim, ediderunt. Sanctioris autem hebdomadæ præcipuas ferias hunc in modum celebrarunt. Quarta feria bini incedentes templa obiuerunt, atque in singulis statos psalmos & Litanias, præeunte Præfecto pro necessitatibus Ecclesiæ recitantes, valde pietatem populi accenderunt. Fe-

ria quinta cœnæ Dominicæ typus quidam exhibitus est , quando duodecim è Sodalito delectis pauperibus epulum præbuerunt apparatusimo loco,& mensa argentea suppellectili instruēta. Ministrabant præcipui quique Philosophorum ac Theologorum , qui usque ad lances abluedas, magna fē spiritus alacritate submittebant. Ipse vero magnificus Vniuersitatis Rector Doctor S.Theologiæ cœnatis illis pedes lauit, & eleemosyna pecuniaria singulos per liberaliter donauit. Feria sexta obscurato peripetasinatis oratorio Sodalitatis,duodecim horis comprecationes ac meditationes, aliaque pietatis exercitamenta continuarunt. Postro cæterorum etiam discipulorum cum modestia & pietate iuncta sedulitas, non minimum labores magistrorū solatur. Reuerendissimo nostro Principi à consecratione recenti Iosephus eductus è carcere, datus est. comprobarunt actionem spectantium lacrymæ , & ciudam in nos Principis Electoris pluribus argumentis testata beneuolentia. Nec defuit nobis aliorum quoque liberalis humanitas , qui ferè quingentorum coronatorum eleemosyna quam oportunè Collegium subleuarint . Ciuium denique summorum atque infimorum propensus nimis amor patuit, cum pridie S. Andreæ nocte concubia domum Collegij improviso casu incendium occupauit.superantibus enim flammis,cum ædes contiguæ, cum tota Collegij annona pro desperatis haberentur,tantopere tamen illi allaborarunt, ut quæ pars prima in arserat, etsi tota, sola tamen in medio absumpta in seipsam conciderit. Mirum in tanta ciuitatis totius concursatione, nullius aut petulantius aut importunius auditum esse verbum: quin potius de præsenti, ut apparebat, egestate nostra dolor eos concusserat , & de in-

sperato exitu nobis deinde amicissimè gratulabantur.

### *Domus Probationis Treuirensis.*

TIRONVM hoc tempore numerus longè maior, quām antehac vñquam, quorum viginti hoc anno accesserunt. In his, reliquos ut præterea, unus memorabili pertinacia parentem diu multumque sibi reluctantem fregit ac superauit. Ille namque filij odoratus de Ordine nostro incundo consilium, vsque adeò impedire ipsum, & auertere à proposito molitus est, ut certos viros magistratu & auctoritate insignes, ad prouinciæ Præpositum allegarit, qui eius nomine vrgerent, ne filio in Societatem aditus per nos pateret. Morrem gesit R. P. Prouincialis hominis non tam pio quām perturbato animo. Verūm hic adolescentis non leui percussus tristitia, animum sumpsit tamen, ratus iam ābi vel maximè debellandum esse aduersarium. Neque antè ab oppugnando parente destitit, quām precibus, lacrymis, æquabilique constantia expugnarit. Siquidem is filij captus fortitudine & perseverantia, eum libens volensque Societati tandem obtulit. Bis hoc anno quaquaversum per omnem hanc propè diœcesin est more Apostolico ex obedientia discursum. Catechismi passim in templis opidorum vicorumque, & viis publicis traditi; conciones habitæ; aures præbitæ confessionibus magna omnium voluntate pariique fructu. Mirum apud quosdam alioqui Catholicos ita pietatem refrixisse, ut sacra communio etiam in natali Domini vsum in vulgus amplius non habuerit. Eam rem Parochi quidam verterunt in excusationem cur nostros vel excluderent, vel ægrè admitterent. Explicatum itaque

itaque quantum momentū habeat ad uitam  
reuocandam integratēm crebra peccatorum  
exomologesis, corporisq; Dominici perceptio.  
Et sanè vno in loco et si id persuaderi Parochō  
non potuerit, nimurū isthuc homines reduci  
posse; is tamen cū p̄o concione argumentum  
hoc tractari audiret, notaretq; ex motu populi  
inclinatam voluntatem; non se tenuit, quin co-  
ram omnibus ad concionantem accurreret, duos-  
q; certos dies proclamari iuberet, quibus con-  
fessionis Sacramentum frequentaretur. Factum  
igitur pluribus in locis, vt p̄æter consuetudinem  
eo tempore nostrorum hortatu, insigni numero  
sacram synaxin vulgus obiret. Abstinuerat qui-  
dem sedecim annis ab omni Sacramentoruī v̄su:  
is ad mentem saniorem adductus est, tantamq;  
cepit animo voluptatem, vt p̄ædium quadrin-  
gentis æstimatū daletis, Societatis nostræ v̄si-  
bus in grati animi significationem perpetuò v̄llet  
dicare. Donationem consulto nostri recusarunt,  
auctoresq; homini fuerunt, vt certam pecuniam  
instaurando collapso eius loci hospitali Eccle-  
siæq; sartis tectis conseruādis impenderit. Alius  
non contentus proprium animum peccatorum  
sordibus eluisse, adducere alios gestiebat: & cū  
primo aditu à peregrinis istac transeuntibus id  
non impetraret, nixus in terram genibus tamdiu  
defatigauit homines rogitādo, dum illos ad con-  
fitemur sacerdoti nostro induceret. Catechismorū  
in his excursionibus fructus is fuit. Complu-  
ribus in locis mira ignoratio efformandi crucis  
signum, p̄æcipiūorumq; Christianæ fidei my-  
steriorum, per hoc charitatis officium, magna ex  
parte discussa est. Quodam in loco in quem plu-  
rimi utriusque sexus conuenerant, commixti par-  
vulis adulti, cū sub catechismi initium ex pie-

tate genua submississent, surgere priusquam finis esset, cum hora amplius duraret, saepius commoti noluerunt. tantusque fuit discendi amor, ut cum catechista formando crucem praeret, eum simularentur omnes, neque puderet canos addiscere aetate extrema, quod neglexissent prima. Vbi enituit cuiusdam nobilis virginis ardor maturae annis, dum crucis signum una cum aliis effingebat, atque identidem perquireret ab asecla nunrecte ad nostram doctrinam crucem efformaret. Iucundum piumque praetaliis præbebat spectaculum cubitalis puerulus, qui crucis signum supra aetatem in se dextræ depingere non erat contentus; sed ut alios seduplo & annis & corpore maiores, at tardiores, doceret, toto corpore animoque connitebatur. quod non pertinebat manus breuior, eò vox acutior intentiorque ignauos trahebat. Cuius nisu inirantes adultiores, felicitatem parvolorum magnis vocibus deprædicabat, suam inscitiam cum gemitu detestates. Utinam, aiebat, talium Doctorum copiam frequentiorem Deus in posterum nobis submittat! O perdita, inquietabat sexagenarius dolens, pueritiae meæ, immo totius aetatis tempora, decalogum qui necdum perdidicerim, nec qui se ad docendum obtulerit, inuenerim. Per pagum quemdam alium cum tenebatur iter, simulque reperirentur in via colludentes pueri, cœptus in illis catechisinus est. res noua; magna subito confluxit multitudo utriusque & aetatis & sexus. primùm risu, postea non mediocri affecta est admiratione. Nam ad explicationem mysteriorum signi crucis, decem praceptorum, mira attentio. Circa quintum praceptum cum ebrietatis prauitas attingeretur, non sustinuit quidam, quin erumperet in clamorem: Itane vero, peccatum sit ebrietas? an non omnes vinum

cum

cum voluptate hauriunt, & quorsum tam nobilē donum à Deo tributum? Arrestis auribus multitudine responsionein catechistæ exspectat. Tum ille, Vinum bibere peccatum nullum est, quippe isthuc à Deo concessum hominibus. at vino abuti, eoque inebriari, flagitium, quod cælum hominibus occludat. Claram esse doctrinam Apostoli ebrios regnum Dei non possēturos. Obmutuit interpellator, didicitque minus se tribulibus suis dictum comprobasse. Itum præterea in pagorum opidorumque scholas, tradita doctrina Christiana pueris, eiusque docendæ ratio præscripta didascalis. Conciones etiam fructu passim non caruerunt. Præstitutis ab Ecclesia diebus in quadam parochia sacram Missam non audiebant integrā; sed habita sub medium sacerdotis concione, effusa turba sese abripiēbant. cùm explicasset ex suggesto noster integri sacri audiendi utilitatem & necessitatem, ante benedictionem sacerdotis tum ex templo vix abiit quisquam. Alibi explicata SS. Eucharistiae veritas, recteque eam sub altera tantum specie sumi, quosdam in integrā cum Ecclesia gratiam reposuit, quosdam, ut non obscurè constitit, confirmauit. Tum explicata ritè confitendi ratione, etsi iam antè confessi essent, non tamen animo suo putabant factum satis, nī iuxta præscriptum modum denuò se expiandos offerrent nostris. Haud minūs utilis fuit familiaris nostrorum, consuetudo. Pellici consuērat quidam. eam ad sacerdotis nostri sermonem domo exturbauit. Alius non minūs ad prauitatem abiectus, lenocinium abs se repulit; simulque Biblia hæreticorum fraude corrupta, illicē minutim dilacerauit. Peruersus fuit nonnullis in locis, cæteroqui Catholicis, mos, ut nempe famuli & ancillæ Catholicis parētibus oriundi in

vicinorum hæreticorum essent famulatu: persuasum pluribus ut Catholicis dominis deinceps operam suam locent, neque conciones vñquam hæreticas audiant. Ut vero ea voluntas sit firmior, actum cum Magistratu, obtentumque huic ut morbo præsens & idoneum antidotum adhibeat. Odia complurium sublata sunt. Perquam acerbis duo animarum curatores inter se distrahebantur animis, eoque processerant, ut pro concione palam mutuis sese conuitiis proscinderent: ij ad æquitatem reducti sunt. Abductus nonnemo à superstitione prece, quam super morbido pecore recitare consueuerat, usurpare ut amplius nolleret. Denique nullo ex loco abiuerunt nostri, quin magnum sui desiderium reliquerint; gratiamque illis conciliauit, quod ostiatim victimum emendicarint, publico sumptu apparata cōiuia renuentes. Atque ut horum pleraque per veteranos acta; tironum tamen nec animus, nec opera desiderata est: quorum cum primis in eo eluxit studium, ut præclaram de se ipsis victoriam reportarent. Tantum vero abest, ut profecionum laboribus variisque incommodis, quibus probatur interdum, frangantur; ut iis etiam veluti stimulis excitati alacrius in via Domini progrediantur, imò sic obuiis ea vlnis excipiunt, ut maiora non raro expectant & exoptent. Tantis scilicet eorum animi gaudiis perfunduntur, ut neque pro incommodis hæc ipsa numerent; sed tanquam Deo digna munacula exosculentur. ea autem vicissitudine, quæ diuina bonitas est, aduersa prosperis, læta tristibus commiscentur, ut sese filiorum instar iam à Deo demulceri, & ad ardua quæque stimulari appetere senserint. Quos enim peregrinos aliquando vix testo primū atque alloquio quidam dignabantur, eos deinde liberaliter acceptos ægeritim dimitte-

dimittebant. Cachinnis etiam probè vexatos, cùm iis nil moueri aduerterent, tum demum famelicos primum quidem officiis, deinde abeuntes eleemosynis & honoribus sunt prosecuti. **Quid** multa? bono Societatis vbique relicto odore, copiosum ex dictis itineribus fructum nostri retulerunt. **Quæ** res fecit fauoribus ut alij atque auxilio, alij fortunis subinde suis domesticam subleuarint egestatem. Prolixa in primis Canonici Argentinensis enituit in nos munificentia, qui mille propè aureos ad annuos census comparandos benignè contulit. Doceri demum hoc anno cœptus est catechismus in Cathedralis Ecclesiæ schola, & exceptus tanta puerorum auiditate, vt iam nunc præuidere sint visi, quid venientibus annis hæc res sit emolumenti allatura ad salutem. audias eos iam usurpare quædam, quæ à catechista percepunt, eaque in ebriosos, cæterosque vitiosos ita teruenter & liberè declamitare; ut ruborem iis quasi quidam morum censores, & nequitiæ vindices incutiant.

### *Collegium Moguntinum.*

**E**x hoc Collegio morbis tentati per hunc annum quidam; unus post diuturnum cum iis conflictum succubuit P. Ioannes Mockingius Belga. annum ætatis sextum & trigesimum agebat; insigni in Deum religione, in Superiores obseruantia, in proximum zelo & charitate: quam extremis his annis necdum sacerdotio iniciatus, quotiescumque litterariis studiis tempus aliquod cum bona Superiorum venia eripere potuit, catechesi pueris rusticisque tradenda, viendis incaceratis, solandis in xenodochio ægris, afflictisque iuuandis, cum magna ædificatione nostrorum

externo-

externorumque declarauit. Excessit omnibus Sacramentis munitus, reliquo singulari humilitatis, obedientiae & patientiae exemplo. Qui sani superstitesque mansere, muneri quoque suo non defuerunt. conciones doini forisque, & varie catecheses continuatæ; quarum beneficio perfectum ut non pauci desertis lectariorū synagogis ad Catholicæ Ecclesiæ gremium commigrarint, minimum viceni. Sacerdos acidulæ haustu corpus curaturus, occasione diuturnioris moræ rusticanis hominibus rationem manè vesperique & super mensam precandi verbo exemploque tradidit. Rudimenta fidei distributis catechismis insculpsit, eos qui è memoria didicissent rosariis donauit, quæ publicè deinde gestare non dubitabant. unde secutus est hominum concursus rosaria efflagitantium oblatis etiam munusculis suorum fructuum: quæ cum Pater nonnisi pretio coempta admitteret, & nihilominus rosaria liberaliter dispensaret, vehementer simplices homines mirati cœperunt. Iisdem auctor fuit ut persa iurandi & blasphemandi consuetudine abstinerent, ac etiam deinceps se in mutuo commonefacerent, si cui impium aliquod verbum excidisset. Persuasit autem non alia criminis exaggeratione, quam affirmando se libenter quamque blasphemiam denario ostiatim emendicato redempturum. Tandem discedenteim multis lacrymis sunt prosecuti. Tres alij de nostris ad duo monasteria longius posita animi à studiorū contentione relaxandi causâ amandati. in utroque omnium penè monachorum cōfessiones, & nonnullas generales audierunt cum magna ipsorum consolatione. Rerum spiritualium domi nostræ commentationi solito plures hoc anno operam dedere. Iam in carceribus crebrò visendis & no-

sodochiis nostri industriadum cum maximo fructu explicuerunt: tum quodd eorum locorum Præfetis auctores fuerunt, vt honestius miserabiles homines in iis, quæ ad victimum cultumque corporis pertinent haberentur; tum quodd effecerunt ut plurimi praua doctrina horum temporum repudiata, in rectam reuocarentur viam. Certè ab heresi absolutos numerarunt omnino quatuor super viginti. Nullos verò antè de vitæ statione migrare passi sunt, quam cōfessione sincera superioris vitæ peccata expiassēt, & sacro Christi corpore sumpto se communiissent. Atq; ex horum numero plurimi extitere, quinundquam, alij qui tribus, octo, viginti, triginta annis errata sua non detinxerant. Plerique patientis & industrij sacerdotis operā valdè indigebant. Miseris morte damnatis præclarè subuentum, quin & illis quorum fœda sanies membra depasta alterius sacerdotis aditum excluserat. Id quoque sedulò prouisum ut impunitatis occasiones, tum aliunde, tum à valetudinario submouerentur, & castitati multorum concordiaque consultum est. Pauper quidam & nudus in xenodochio ad confessionem faciendam fassus est se sola vestium impetrandarum spe inductum: at ubi hora accipendarum vestium aduenit, in lethalem febrim relapsus est. hoc casu consternatus palam affirmat se reticuisse in confessione scelus multis non ignotum, spondet se postera luce exomologein iteraturum. continuò à febri liberatur, atque integræ paulo post incolumenti restituitur. Puella iudicum sententiis neci addicta erat, & in profluentem sequenti die demergenda. vocatur sacerdos noster ut animum turbatæ comparet ad communionem. Nihil nec monitis nec precibus proficit. Interea carcerem ingrediuntur sacerdotes cum sacrosancta Eucharistia;

uistia; illa fuga se prospicit in proximum cubiculum. ancipites hærent omnes quid factò sit opus in tanta feminæ obstinatione. Placet Patri iteratò illam aggredi, impetratque tandem, ut saltem pro se fundi preces coram sanctissimo Sacramento velit. omnes (confluxerant enim vicini) in genua procidunt, & Patre vulgari lingua præente Litanias recitant: quarum vi fracta, cum iminota diu constitisset, tandem se in genua stillantibus per genas lacrynis demisit. Finita demùm comprecatione, itorum eam noster benignè percunctatus est, velitne se tandem Deo & hominibus conciliare? cumque assensisset, ritè confessa est, & cælesti viatico ad mortem animata. Scholæ hoc anno non minus quam alias efforuerunt. numerus octingentesimum attigit, in quibus litteratio studio non cessere virtutis veræque pietatis exercitationes; sed ita ut cum primis eminuerint in Partheniis Angelicisq; Sodalibus. Nam ut ab uno exemplo astimentur cætera, cum initio Quadragesimæ, intellexissent ipsorum preces & pia opera à R.P.N.Generali postulari, omnes se quamlibenter & liberaliter obtulere, ac præter ea quam sibi quisque priuatim facienda delegit, omnes communiter quaque hebdomade quaternis diebus Litanias in oratorio suo recitarunt; aut musicò concetu decantato quinquagenario psalmo, prælata cruce nunc duodeni, nunc viceni, corpora sua duobus per hebdomadam diebus diuerberarunt. Huic communii omnium Sodalium studio id amplius conuictores nostri adiecerunt, quod publica illa in se animaduersione non contenti, quaque feria sexta, & per sacram hebdomadam quotidie in carnem suam defauierint. **Quorum** & illa propria laus est, quod omnes nomen Sodalitati dederint, quod octauo quoque die ad pedes sacerdo-

sacerdotis accident, plurimi quoque sacræ mensæ accumbant, quod profestis B. Virginis feriis ieiunio, ciliciis & disciplinis ad communionem se comparent. Sodalis quidam à parente cogebatur nauigare in Angliam, ut ibi mercaturæ facienda exerceretur: verum ille ne fidei & pietatis naufragium faceret, maluit omnium fortunarū, quas à patre satis copioso exspectabat, anicipitem aleam iacere. Itaque petito à Sodalitate testimonio longè gentium abiit, tantillum doctrinæ in paupertate collecturus, quantum satis sit aliquando ad rusticanos homines pietate Christiana imbuedos. Quatuor alij Sodales sæculo prorsus contempto vitæ religiosæ institutum sunt complexi. Et quia scholarum hic prouentus, addam & illud scholasticum, puellares nimirum vulgaris linguae scholas à nostris Patribus subinde interuisas, effectumque ut statis diebus omnes puellæ, ordine ad templum nostrum confessionis instituenda causa emitterentur.

### *Collegium Heripolense.*

A d conciones solito maiores concursus facti, magni existunt animorum motus, & affectus incitati testes, crebræ fluant lacrymæ; occupant tempus & loca, quin è longinquis aduolant fide non sani, mirumque sine strepitu, motuque corporis agunt silentium. Hinc libri vetiti vel in profluente Mænum abiecti, vel ad nos allati. Sacra menta salutariter frequentata. Confitentes in templo nostro ad Pascha, quot nunquam aliâs, adfuere eo numero, ut premerent; ea constantia, ut sex ipsis horis exspectarent. Quare qui epulo tunc adfuere cælesti, numerati sunt bis mille & ferè quadringenti. Hæresis & errores crepti com pluribus,

pluribus, nominatim quatuor & viginti, in quibus aliquot conuersiones haud vulgares. Mulier vidua quæ hic diu inter Catholicos versata, religionem animi sui prauo iudicio postponebat, scelus rata se suscepturam, si Catholicam doctrinam admireret: at ubi crudelis & impij filij cruentas experta manus sex vulneribus confixa jacuit, & benignè sacerdotem nostrum audiuit, & acta totius vitae dolenter exposuit, parata sacrum accipere viaticum, si non prohiberet saucij corporis habitus. Destinatus erat opido cuidam Franconiae magister erudiendæ iuuentutis, qui loca diuersa peruagatus hæresim colebat Lutheranam. Is huc ad nos Catholicæ specimen adferens, cum omnia sibi facilia etiam in pristino manenti errore duceret; credidit demum condonari aut remitti nihil posse, nisi grauiora crimina recognosceret, suique exinde accusator, pro contractis in vita noxis satisficeret. Fracto igitur tamore dedit manus, fidemque professus pœnitentiaz ac sacræ communionis particeps effectus est. Alius ad nos adolescentis Gallus Heidelberga venit. Is Ministro Geneuensi natus, & illa perfidia imbutus, ut petebat, Catholicæ fide institutus est: cuius cum in secessu capita reuolueret, narrabat vigilanti sibi obseruatam imaginem cuiuspiam de nostris, isthinc illicò facessere & exceedere domo iubentis. nihilo tamen ille segnior palam oinbia peregit, hæresim eiuravit, vitam præteritam expiauit, suaque voluntatis chirographum domi penes nos reliquit. Rara Dei prouidentia in facinorosi rei salute dispensanda enituit. Captiuus is agebat in hæretico pago, ubi ius patronatus penes nostræ religionis hostem, arbitrium vitae necisque penes viros nobiles, in quibus unus tantum Catholicus. Inhabant infelici animæ lupi rapaces, & iuris retinendi

studio patronus non videbatur commissurus, ut ex iuso Lutherano Ministro reus à Catholicis deduceretur. Audendum tamen aliquid ratus vir ille nobilis pro salute proximi, bona subditorum pace, nostrum sacerdotem euocauit: qui ubi affuit, reum offendit obstinatum & inflexibilem, qui nihil rerum diuinarum aut nosset ipse, aut addiscere vellet. ubi igitur multa, sed incassum tentata, velut effusis iam omnibus remediis, sacerdos noster ad redditum viæ se dabat. Cum ecce tibi opitulante loci Prætore, quamlibet Lutherano, ac suadente ut sacerdoti bene monenti aures accommodaret, reuocari nostrum, & intendere dictis voluit, subitoque pectus illud ferteum gratiæ celestis ope, ita illaquefactum est, ut animum exhiberet doctrinæ capacem, emollesceret ad vitæ flagitiosæ detestationem, & aptam denique præberet sedem corpori Dominico, quod clam sacerdos noster importarat, excipiendo. Hinc tanta moriendi fiducia, ut mitiore oblata poena, atrocissimam non recusaret, gtauorem subire paratus, modò saluam inde referret animam. Spectaculum id erat sanè eo loci insolitum, nempe reum educi comite presbytero Crucifixum exhibente, imò palam ibi in hostico nostrum cohortari, accendere, nec sacerdotem reo deesse Catholicum, nec reum deesse sibi. Ne tamen Lutheranos spiritus concessisse de suo iure quippiam dices, tribus adductis se nequioribus Minister in corona astitit, differentem nostrum vna audiit, & abducit discipulos sibi haud dubie tacitus ingemuit. Catechesis rudium per nosocomia & varios pagos magno emolumento dispersa. Enituit in his Rabini Hebraicæ linguae callentissimi institutio, qui publicè deinde salutaribus aquis lustratus est, tum senis etiam sexagenarij, qui Sacramentum

præter baptismum, nullum in omni vita frequenterat; sed ne precationem Dominicam quidem vñquam didicerat. Is à domino suo, cuius domicilium non longè abest Heripoli, huc ad nos missus, vt recte confitendi & communicandi rationem eruditus Christiani nomen & locum impleret. Vbi nostris affuit, tanto cælestis magisterij sensu perfusus est, vt quæ catechista præcepisset, breui comprehendenteret omnia, lacrymis profusis caliginem pristinam damnaret, deniq; exomologesi & synaxi habilis, utramque gustu & lumine pietatis tanto obiret, vt dominum reuersus dominis sletum exprimeret. Dies iam eum perhibent noctesque ducere precando. Contigerat huic eidem seni ante paucos annos, vt inter tremenda mysteria, dum hostiam sublimem tollit sacerdos, aspiceret eius in manibus puerum fulgentibus oculis ac fixis se intuentem. Quod visum inde languor grauissimus exceptit, ex quo tamen paulò post conualuit. Quibusdam nec opinantibus morte minimè dubiam prædixit. Aditi leprosi non raro, sæpius nosocomia; eo animarum prouentu, qualem iam in Moguntino Collegio commemorauimus. Exercitiis spiritualibus exculti sex: in iis duo animum Societati adiecerūt, & vir nobilis in fide Catholica, quam recens acceperat, confirmatus: cuius in religione constitit ea magnitudo animi, vt liberos à matre hæretica vi ac arte auulso, filiolum scholis nostris, filiam monasterio defenderit, quod tuti ambo ab erroris contagio catholicè adolescent. idem de tertio item filio abstrahendo consilia agitat. Alius transuersæ mentis errore actus, quod simul huius incomoda vitę abrumperet, simul ultimum Christo exsolueret amorem, coram Crucifixi effigie gladium iam nudum pectori aptarat, vt superincumbens

cumbens ibi homicida sui spiritum poneret. damnauit is errorem suum, ubi spiritus maligni technas in Exercitiorum regulis clarius deprehendit. Insignis delectu ac numero iuuētus scholas nostras ornavit hoc anno. Magna in iis nobilitas tam Franconica quam externa. Pietas & industria iuxta illis in pretio. Quatuor vnius Cartthusiae solitudine recepti, quoru in numero adolescens nobilis optimæ notæ; alij ad alia transiere monasteria. Duo perpoliti studiis Philosophiæ adlecti in corpus nostræ Societatis; quod flagrati nonnulli cupidine etiam nunc expertunt. Dissimiles sint sibi Deiparæ Sodales, si pietate atque ardore concedant aliis. Solemne itaque suum tenent, yigetque flagrorum usus & cilicij. Hoc iam proprium, quod hominum maiore, etiam aulicorum, concursu publica verberatio cohonestetur. Accessit & lotio pedum hebdomada sacraiore, qualis apud Treuirenses. Expositus ad exemplum fuit, & collaudatus scholarum extremus actus, cum ad finem prælectionū adulto iam autumno supplicationem obiere. præludium sumptum in æde nostra, frequens Litania & expiatio; hinc actior ante aram præcipuam corporis castigatio. Postero die post exhortationem compositum agimen è gymnasio ad ædem nostram processit, ubi Episcopus Suffraganeus ritu Pontificali faciens, Eucharistiam denique distribuit. Consumilis Moguntinensium pietas, qui hoc anno primùm eo modo studiis finem imposuerunt, omniesque studiosi simul ad templum crucis violatæ miraculo celebre, & mille passibus ab urbe disstum, supplicantes educti fuerunt. Inter alienæ beneficentiae experientia, donum Principis est maluum argenteum lancis instar, cum duobus eiusdem metalli simpulis ad ritum sacrificiorum,

eleganti opere; & centum florenorum munus ab Abbatे non locupletissimo Maximilianus Archidux ut anno superiori cœpit, ita deinceps sacerdotem hinc Marienthemium, à quo sibi Sacra-menta administrentur, euocare pergit. Curæ fuit, submonentibus Ordinis Teutonici p̄stantibus viris, agere cum Principe, de publico Catholicæ religionis exercitio, alia in loca Ordini subiecta reuocando, insigni, si votis euenta cederent, rei Christianæ emolumento. Paschalibus diebus opida quinque lustrata, pagique complures, in quibus magna utilitate petentium, & subsidio Cu-tionum nostræ Societatis ministeria obita sunt. Industriæ fructus respondit etiam in parochia quadam deserta, quam nostri aliquamdiu curarunt. Aliquot etiam in monasteriis solatio consilioque erecti cœnobitæ, ipsorumque ac Prefecto-rum generales, ac longi temporis auditæ confes-siones, creptæque ex animis opiniones instituto-vitæ cursui noxiæ.

### *Collegium Spirensē.*

SPIRA simul edificante Domino, non in vanum, quà domi, quà foris ædificantes laborauimus. Nostrorum conciones & operam subsidiariam studiosè & omnino crebrius expetunt, præser-tim Parochi, quàm vt omnium votis satisfieri possit. Ad catechismum tradendū, præter nostros, Ecclesiæ maioris alumnos adhibere cogimur. Landshausa pagus itinere diei Spira abest; is in ipso initio Ecclesiasticarum turbarum placita Lu-theri, & audiè arripuit, & ad hoc usque tempus mordicus retinuit. Hoc verò anno Prædicante infelici morte sublato, consilia agitari cœpta ab iis, quorum intererat, de restituenda inibi Catho-lica

lica religione . nobis prouincia haud inuitis oblatæ , & suscepta alacriter , & obita cum fructu. Principio quidem cùm nostri aduentarent sacra inconsueta facturi, populumque docturi, stetere incolæ stupore ex admiratione rei nouæ defixi. Sacerdos cùm blandè eos, maximè pueros , inuitaret, vt ad se accederent orationem Dominicam recitaturi, celeri & effusa fuga è templo sese prori puere oinnes. vñus incautè respectans è fuga non sine ploratu retractus; sed præbito per sacerdotem saccaro delinitus , placide cœpit orationem Dominicam pronuntiare: quo collaudato alij subsecuti sunt, lubetè s̄que & tum & deinceps doceri se patiebantur. Sæpius huc itum, res Christiana diligenter gesta, eoque ducta, vt nunc Catholicum habeant Parochum . & spes est fore vt breui proscripto Luthero veram religionem omnes amplectantur. Piis B.P. Ignatij meditationibus ad solidam pietatem instituti sunt vñus & triginta, plerique tales, quorum profectus ad multorum vtilitatem redundaret. Ex his vir nobilis & potens dubia etiamnum fide ad nos accesserat : qui tantum deinde profecit, vt & liberis, quemadmodum Herbipolensis ille , de quo suprà, contra vxoris hæreticæ molitiones consuluerit , & ad liberañdos eadem peste pagos ditioni suæ subditos operam & laborem contulerit. Adfuiimus illis qui ad tribunalia Iudicum , capitis rei , ducebantur magno ipsorum bono. Nobiles coniuges periculosè dissidebant, ij recōciliatae intet ipsos per nostrum sacerdotem gratiæ argumentum omni plebe inspectante confessi , & sacrī mysteriis pasti , præbere voluerunt. Ægris neque noctu, neque interdiu nostra opera vñquam negata : vltro etiam quæsiti, & opus vbi erat, stipe emendicata liberaliter adiuti. Similiter extores bellorum acerbitate

Galloſ magno numero circa ferias Paschales, omni ope leuare non omisimus. Quę pariter Moguntinensium laus est, Treuirensium item, ac Molshemiensium; vbi ad misetōs vrbibus exclusos nostri Patres egressi aliquot centenos spirituali, & vbi licui corporali pabulo recrearunt. Taceo eos, qui longè lateque, ex terris etiam hæreticorum vnius confessionis cauſa Spiram venerunt. In pago quodam superiore anno per nostrum ad fidem reducto, adeò benevolē Patri eiusdem audita est exhortatio, vt ad vnū omnes confessi SS. Eucharistiam sumerent. Porro per hunc annum vnuſ & octoginta nostris auctoribus ad Catholicam veritatem redierunt. In his parens cum duobus filiis, rogatu tertij filij discipuli quondā nostri, cū in extremis ageret adolescens, ita flexus erat, vt solum vertere, sualque fortunas aliō trāſferre, quā in diutiū v lulare cū lupis hæreticis maluerit. Ædificatio tēpli nostri, cuius anno superiore iacta fundamenta narravimus, ingenti bonoru in gaudio, improborum fremitu, dum hæc scriberemus, tectum attingebat. sed ea fuit magnorum virorum in nos fides & benevolentia, vt quidquid obiectum esset impedimenti, horum vel diligentia, vel auctoritate remoueretur. Edixerat Præfectus Caluinianus, vt subditī materiam ædificationi necessariam abs se nūchi nē paterentur. inuentus vit nobilis qui magno animo constante labore edictum vt reuocaretur effecit. Suscipiendæ erant molestiæ cum magistris fabrorum operisque ferē Lutheranis infinitæ; & has amore nostri in se alij suscepérūt. Denique ad quinque florenorum millia amici hoc anno in suimptum contulerunt. præterquam quod equos ē suis rhedis ad conuehendam continent Materiam plures ē nobilibus Canonicis libenti-

libentibus animis accommodarunt, nihilq; omiserunt, quod ab amantissimis nostræ Societatis hominibus expeti potuisset.

Nunc de WIELANA Missione paucis. Wiela ciuitas libera duorum dierum itinere ad syluam Herciniam posita est. hanc miserandum in modum factiones distraxerunt. nam ciues hæretici à Magistratu Prædicantem Lutheranum sibi dari postularunt, Catholici contrà magno constanti-que animo, negarunt se impium doctorem pa- furos. Tenuit ea discordia multo iam tempore, hoc verò anno vehementius etiam exarsit; cùm factiosis alioquin etiam hominibus hæretici vici- ni facem admouerent, & Parochus Catholicus moreretur. Res erat in summum periculum addu- cta, & videbant boni ciues Pastorem in easterum perturbatione non facilè reperiri posse. igitur quòd alias nostram experti erant operam, impe- trant à Senatu legationem ad Patres Collegij Spi- rensis: per quos tristes ac gemebundos exposito ciuitatis statu, orant ne deserantur. Missi duo, qui multa ad Dei gloriam ex Societatis instituto effe- cere. Principio doctrinæ Christianæ rudimenta tradebant, pueris ingenti multitudine ad specta- culum concurrentibus; inter quos parentes annis quoq; nonnulli & dignitate graues, in suggestum ascendere, voce pueris præire, animos addere, mu- nuscula polliceri, quòd pueros exemplo prouoca- rent, ne pudore impedirentur catechistæ monitis obsequi. Et verò breui factum, vt scle ad recitan- dum quæ op̄tereret, certatiū offerrent omnes, & misericordia catechesis ab eo initio deinceps efflo- resceret. Hinc ad natu grandiores conuersa cura, imperatum ut erebrius usurparent Sacra menta; pro Lutericis cantilenis, piæ & Catholicæ vul- gò usurpatæ. Supplicatio deinde Ven. Sacramenti.

eo apparatu instituta, qui Catholicis admirationem mouit, & hæreticos attonitos tenuit. Porrò grauis exorta pestilentia pecora affligebat. Ergo cum toto passim opido stabula quotidianis cadaueribus exhaustarentur, suus sacerdos ut statis diebus in sacello S. Wendelini adescent ciues, & pro auertendo malo precarentur. Res mira: non tota fluxit hebdomas, & lues in urbe remisit, cum foris interim longè lateque vagari pergeret, & horribiles pecorum ederet strages. Matrimonia contra leges inita Ecclesiæ, ad præscriptum Concilij Tridentini correcta. sacello nouo cæmenterium exornatum. Sanctorum effigies collapsæ in templis aut situ squalidæ, vel extersæ, vel nouæ, & meliores repositæ. sacra supellex aucta. ludimagister Lutheranus loco motus, Catholicus substitutus. vacillantes in fide confirmati. Multa præterea ad Catholicæ religionis decus facta. Nono denique mense postquam venerant nostri, Spiram redierunt magno sui desiderio telicto.

### *Collegium Fuldense.*

PRÆTER concionum & doctrinæ Christianæ fructus præcedentium annorum, aliorum Collegiorum, quantum quidem sterilis Buchoniæ natura fert, non absimiles. Commemorandum quod Reuerendissimus Princeps fundator noster, eiusque potissimum inuitatu & exemplo novum alij, spiritualibus exercitiis expoliti sunt. in iis Principis frater, Consiliarij, Gubernatores, aliquique viri nobiles, insigni morum cōsecuta correctione. Non defuerunt hic quoque nostri leprosorio, nosocomio, carceribus, in quibus tam in ciuitate quam foris, multum temporis & operæ quam utilissime positum est. Nam è sexaginta hæreti-

hæreticis, qui hoc anno fidem receperunt, tertia  
fere pars in carceribus & vinculis Deo lucrifacta  
est, & pro magnis criminibus magnam quoque  
præse tulere pœnitentiam; præsertim septuage-  
naria vetula, quam forcipes cudentes, nec os-  
tentati, nec ad pollices vberaque discepunda cru-  
delein in modum appliciti, nec rogus ipse perter-  
ruerunt, ut à continuanda oratione, quam Pa-  
ter præscripserat, cessaret. Ad vitæ morumque  
correctionem adducti plures. nec paucis persua-  
sum ut omissa, aut intermissa Pœnitentiæ & Eu-  
charistiæ Sacraenta frequentarent. Illud etiam  
consecuti sumus, adnitentibus viris nobilibus,  
qui vice Principis præsunt, ut solemnis supplica-  
tio corporis Christi, quæ pluribus retrò annis in-  
terciderat, adeoque vi & armis ciuium abrogata  
fuerat, hoc demùm anno pristino splendori re-  
stitueretur. Nec obstat tumultus præcedenti no-  
cte propter admissum homicidium concitatus,  
quodque ciues in armis essent, quin altaria qua-  
tuor celebrioribus urbis locis erecta, aulæis pi-  
ctisque tabulis & imaginibus ornarentur. In his  
dum collocatur sacra hostia, Proprinceps & Præ-  
tor, unaque Consiliarij, præcipuique viri in genua  
procumbunt. Id imitati longissimo ordine viri,  
feminæ, discipuli, omnes propè cereos manibus  
gestantes. Nec defuere, quæ transeundum erat  
ut inque dispositi rami ad altaria singula, cum  
musico concentu adhibita organa, prælata funa-  
lia, innocentumque puerorum in stolis candidis  
flores spargentium grec visendus. denique ipso-  
rum hæreticorum, qui ad hoc spectaculum fre-  
quentissimi confluxerat, modestia lætitiam auxit.  
Nemo quod gerebatur auersari, nemo contrâ hi-  
scere auditus. Reuerendissimus fundator quam-  
uis exulet adhuc, præter reliqua in nos beneficia,

hoc anno nouum altare permagnificum ex alabastro & marmore sculpi curat: vix quatuor annis absoluetur opus. Dominus Decanus maioris Ecclesiae ad cætera beneficia hoc etiam adiecit ad usum sacrificiorum & communicantium, plaustrum vini optimi. Nobilis D. Marschalcus Reuerendissimi nostri fundatoris frater tantumdem vini & bouem perpinguem.

### *Collegium Heiligenstadianum.*

POST intimam sui curam tori in eo fuere nostri, ut per consueta Societatis ministeria fides propagaretur, pietas accessionem faceret. Excipiens confessionibus domi, concionibus item catechismisque nauata est opera. Præterea foris circum pagos octodecim finitimos, Quadragesimali maximè ieiunio catecheses obitæ, extititque fructus operæ. In sinum Ecclesiae recepti sunt tres supra quadraginta. Sacris nostræ Societatis commendationibus exerciti duodeuiginti, plerique pagorum opidorumq; Curiones, à quibus deinde fructus ad plurimos pertinet. Fuit inter illos Reuerendissimi Principis per Hisfeldiam Commissarius, collegiatæ Ecclesiae Decanus: qui defuncto successor designatus adire magistratum, ac munus exercere prius noluit, quam secretus ab omni strepitu negotiorum, abductusque in suburbano monasterio, ductu sacerdotis nostri, in ardorem adiuuandæ religionis, ac promouendæ pietatis, per hęc ascetica sese incitaslet. Monachus qui per apostasiam Lutherici verbi præconem diu egerat, iisdem sibi redditus, mox etiam Deo & monasterio sese reddidit. Nec tacendus adolescens, qui Magdeburgo, amplius trium dierum itinere ad nos venit confessionis gratia, seque per eadem

cadem exercitia egregiè præparauit. Extremæ vñctionis vsus, qui planè etiam inter Catholicos iacebat, tribus hoc anno persuasus est. Acerbis inter se odiis exasperati erant duo monasterij cuiusdam Prælati: hi nostris interuenientibus, charitate religiosa coaluerunt. Qui spectrorum nocturnorum terriculamentis turbabantur, facta confessione, agnique Dei sigillis muniti, melius actum esse secum professi sunt. Parthenica Sodalitas scholasticorum nostrorū, hoc primum anno flagellis uti publicè cœpit ante sepulcrū Domini-  
cum in templo nostro erectum. Res noua, multi-  
tudini quæ deuotionis caussa confluxerat, pri-  
mū cum admiratione horrorem incussit, tum  
lacrymas publicumque eiulatum elicuit, etiam  
illis si qui in Italia Hispaniaque id frequens vidis-  
sent. nimirum præ gaudio flebant, quod in locis  
hæretica prauitatem horridis autem pietatis suaui-  
tas respiraret. Factum abiit in exemplum. venere  
deinde complures enixè petentes pœnitentiæ in-  
strumenta, estq; deinceps usurpatum multis pec-  
catorum à se pœnas flagris exposcere, cutemque  
ciliiciis exasperare. Quod præterea lites compo-  
nere, ad exomologesim peccatores adducere, li-  
bros hæreticos magno numero ad nos deferre  
Sodales consueuerint, cum aliis fere Collegiis est  
commune. Excusum etiā est hoc anno ad Mon-  
tem adiutorij: nec defuerunt qui ad fidem redi-  
rent, confitentes item & sacram synaxin ineun-  
tes. Fuit inter illos generosus miles opibus fortu-  
næ & ingenij pollens: qui vt recens Catholicus,  
ita seruens religionis defensor, testamat ut publi-  
cè fidem suam faceret, habitu peregrini eum in fi-  
nem comparato, per quatuor milia passuum nu-  
dis pedibus incedens aduenit. qui cum sacerdoti  
nostro confessus ad mensam Domini accessit, vt  
hære-

hæreticis iniucundum, ita Catholicis propter nōminis celebritatem optatissimum præbuit spectaculum. Denique, quod multis annis vt assequemur laboratum est, nempe vt tūti in horto Collegij consistere, & ad templum quo vtimur, intra septa nostra manentes adire possemus, id tandem hoc anno Reuerendissimus noster, quantumuis obnitente opidano senatu, nobis tribuit. suo enim sumptu viam muris intercipi, spatiūque illud de cœmeterio, quod inter templum & hortum nostrum interiacet, Collegio clausum & liberum concedi mandauit. Limites præterea nostros protulimus, coempta ex eleemosynis domo vicina: quain in rem nobilis & strenuus Archisatrapa centum daleros constituit.

### *Collegium Molshemiense.*

V**ERIOR**E solo, lātiore quoque laboratum hīc concionum & catechesium tam intra quam extra opidum habitarū frugēm, populi frequentia cum insolita attentione testatur. vt templi spatiis alicubi exclusi pluuiō cælo ad finem vsque concionis, & sacrorum mysteriorum perseuerauerint. Et verò doctrina Christiana vulgò omnibus magno in pretio est. vnde pueruli cur assidui adeō & attenti in audiendo discendoque sint interrogati; Quia, inquiunt, indiligentia vespertino ieiunio domi luenda esset. Pluribus locis à Magistratu cautum est, ne quis à catechesi se subtrahat, mulcta pecuniaria in transgressores constituta. Sacris B. P. nostri meditationibus exerciti duodecim eo fructu, vt vel Ecclesiasticum statum eligerent, vel electum antea pro dignitate tuarentur. Ex iis Societatem nostram vnuſ, alter Caithusiam adamauit, multis priuſ apud hæreticos

ticos parentes pro fide retinenda superatis opprobriis & incommodis. Fuit ubi cœnobium integrum, hac veluti face collustratum mirificè commutaretur. Vir honestissimus, qui nunc Hagenoë Consul est, duobus abhinc annis cum apud nos exercitatus esset, non animæ tantum, sed & corporis retulit sanitatem. Cum enim doloribus herniae acerbissimè torqueretur, voulit ad B. Otilia montem causâ religionis ascendere, assumpcioq; exercitorum socio, viro item honestissimo & consulari, sese pedes in viam dedit, adhibito à nostris sacerdote, qui pro ipsis sanitatem sacrum offerret. Audivit supplicis vota Deus, & domum reuersus omni dolore deinceps se leuatum sensit. quod hoc primùm anno cuidam Patri aperuit. Consultum homini pendè desperato & mortem violentam respectanti. cum enim iussus à sacerdote nostro aquam benedictam, ceream agni Dei icunculam, & insuper confessionem atque communionem adhibuisset; sic intra triduum sibi restitutus est, ut ad Collegium cum pagi sui Prætorie veniens, gratiis referendis se imparem esse profiteretur. Conciliata pax inter dissidentes non semel. Confitentes extra Molshemium ter mille quingenti; de tota vita undesepatuaginta. reducti ad crebriorem communionem in quatuor opidis spe & opinione plures. Hæresim ciurarunt septem & viginti. Ex hoc præterea Collegio diei itinere excusum in vallem Senoniensem, prætereaque ad Gallos milites per hanc viciniam iter in Hungariam habentes. Vallenses et si natura minimè maliti, tamen partim ob Caluinianorum nimiam vicinitatem, partim ob inscitiam Curionum & incuriam, in magna errorum caligine versantur. Ad hanc dispellendam Reuerendus Dominus Abbas loci dominus nostrorum operam expetiuit.

uit. Qui missi sunt, plusquam sperari poterat, profecerunt. Primum quidem catechesi penè quotidiana cum pueris; deinde bina Dominicis ac festis diebus concione. Confitentes auditи ducenti quadraginta, in quibus septem aut octo confessionem à viginti & amplius usque à quadraginta annis cum magno sensu repetierunt. Ephebi vero pueri puellæque magna ex parte nunquam antea confessi, eadem commoditate feliciter coperunt numero quinquaginta. Denique ex catechisini in liberos præludiis, vix præ gaudio se capiunt parentes, spesque est fore, ut ipsi senes à pueris discant quæ docuisse debuerant. Tribus inter hæc elapsis hebdomadibus sub ferias Paschales, cum ad tempus domum redisset Pater, non tulerunt eius absentis desiderium. ergo post Pascha iterum ac tertio remissus, Dominicis ter concionem in tribus diuersis patochiis habuit, nec ullo die catechisini intermisit. Confessiones item auditæ non paucæ, una senis, qui supra centum sex & viginti ætatis annos habebat. Demum iurandi peruersa consuetudo cohibita. Atque hæc de Senoniensibus. Inter milites vero (quæ altera erat excursio) primum animatus ad constantiam suspendiarius, tum frequenter eaque feruentes habitæ conciones, priuatique sermones contra insolentiam & vitia militum. Pœnitentes expiati centum circiter & octoginta; de totius vitæ noxis septendecim. E damnoso concubinatu ad legitimas nuptias transierunt patia sex. Præclarum erat summorum, æquè ac infimorum de Societate iudicium: è quibus alij aureos nummos, alij mensstruum suum stipendum, equum alij per liberaliter offerebant, si, ut Pater comitaretur, impetrari posset. Nec veriti sunt ex primoribus quidam assister, plus nostrorum præsentiam ad continentos

in officio milites valere, quam leges, aut industriam omnem Præfectorum. Certè duodecim, quorum plerique nobiles, cum Præfecto militari Collegium adire, & edita fidei professione, in B. Virginis Annuntiatæ Sodalitium consueta cæ-remonia recipi voluerunt. Itum præterea obuiam duello, de quo inter duos conuenerat; nam Patris nostri monitu utrique Princeps armorum tractationem vetuit, promisitque insuper fore, ut lustrato iuratoque milite duella sub pœna capitis prohiberentur. De scholis & Sodalitate tam B. Virginis, quam SS. Angelorum, plurima dici possent, sed non dissimilia iis, quæ passim apud alios inueniuntur. Illud animaduersum, plerosque quos antea in discendo stupor & tarditas obtinebat, mitificè, posteaquam in Sodalitatē cooptati sunt, immutatos fuisse: fatenturque suis ingenii offusam quasi nubem, Sacramentorum frequentatione discussam. Porro quam eximia multorū sit de nostris opinio, ipsi etiam hæretici, adeoque Calvinistæ testificantur. inuitarunt illi nos humanissimè nonnunquam ad ædes suas, & asseruerunt se non difficulter fore Romanos, si vt nostri, omnes sacerdotes viuerent. Alius item, Si, inquit, tales intus, quales foris estis, viros utique probos vos aestimo. Nec verò contenti verbis amici, re ipsa se liberales exhibuerunt. In quibus primas iam ab antiquo obtinet Reuerendus Dominus Valentinus Agricola, qui vna vice quingenos donauit florenos; alia verò ædes amplas & præclaras. æstimatæ suæ tribus florenorum millibus, sitæ in ciuitate Imperiali Offenpurg, tutissimum in tumultibus bellicis, quos Deus clementer auertat, perfugium ac receptaculum, totiusque Collegij capax.

*Collegium Confluentinum.*

VIGIT quoque hic ut alibi, insigne inter nostros religiosæ perfectionis studium: & licet obtemperandi alacritas munere diuino per omnem corpus Societatis ita vivida sit, ut vel optima exempla propter eorum frequentiam, & quotidianam consuetudinem non notentur, unum tamen posuisse molestum non erit. Pater erat decem ipsos annos huius loci cōcionator, qui idem catechisimus in parochia tradebat, eratque studiorum Prefectus. omnia cum approbatione præcipua totius ciuitatis; ut cum vel maximè amarent, vel admirarentur. De eo litteræ R. Patris Provincialis ad P. Rectorem adferebantur octiduo ante Christi Domini natalem sabbati die sub vesperam, cum ille ad concionandum de more comparatus esset, nec aliud ulli nostrum venire in metem potuisset. Ex iis litteris patuit placere sanctæ obedientiæ, ut is Heripolim properaret, accinctus nimirum ut religiosum pauperem decebat, omnium rerum aliarum securus. tabellarium, qui litteras attulerat postera die Dominica, prima luce, salutationibus quæ motam adferrent omissis, alacriter coinitabatur. Plus vtique apud sui cupidissimos auditores, postpositis urbanitatis officiis consecutus, quam si humanitatis affectibus indulgere voluisset. Concionum nihilominus, & catechisimi fructus postea constitit & frequentia. unde nimirum est, quod stimulati conscientia è vestigio redeuntem à docendo concionatorem, atque ad confessariorum subsellia properantem pone sequentes admissorum criminum se reos stiterint, quod ad catechistæ documenta vitam sollicitè correxerint, quod plures quinquaginta

ginta totius vitæ noxas expiauerint, quòd emendato pane mendicos esurientes pauerint. Taceo de crebris ieuniis, de abiecta strati & vestiuentorum mollitie; aliisque pœnitentię operibus plurimis. Impuræ feminæ non paucæ ad castitatem sectandam, hæretici quindecim ad fidem reuocati sunt. In iustè parta, iustè redditæ. Liberatus à Patre Rectore, qui ad patibulum damnatus erat, liberaliq; viatico tum spirituali, tum corporali adiutus. Magicarum verò cautionum conuictis ad rogum usque nostra institutio non defuit: quarū ea pietas & modestia eluxit, ut passim spectatoribus lacrymas excusserint. Adolescens beneficio claudus effectus, postquam remedia magorum experti fuerant parentes, aquæ consecratæ crebriore aspersione de consilio nostrorū usus, firmitati suæ restitutus est. Bibliothecæ magnorū quorundam virorum hæreticis libris expurgatæ, nostram tum probatis aliis, tum operibus B. Chrysostomi locupletarūt. Ex iis, qui se sacris meditationibus apud nos exercuerunt, septem cum suo Priore ex uno monasterio Religiosi fuerunt, tres qui statū eundem complecti desiderarent. Sub Paschæ tempus quatuor sacerdotes nostri, cum suo quisque socio dimissi, vocatiique circum pagos & opida vicina, cum ut aliis in rebus Cutiones adiuuarent, tum ut redeuntes ab hæresi per pœnitentiam Ecclesiæ reconciliarent. Extitit fructus minimè pœnitendus. Plurimi enim auditis de passione Domini concessionibus, insignes & animoslas cum intima consolatione, suorum peccatorum fecerunt exomologeses. Nouem ex hæreseos nexibus erepti. Docti verò, ne, ut assolent, stantes, sed nixi genibus, de sacra Domini mensa ederent. Eliminati, qui feria quinta inioris hebdomadæ in templo & ara maxima comensationem instituebant. Plura deni-

que alia magno animarum bono gesta sunt. Adeò autem vbiique grata nostrorum opera fuit, ut Paschalibus peractis feriis vbi nostri fuerant, tum Senatus ipse, tum primores Magistratum honosificè gratias egerint de laboribus pro suis ciuiibus suscepto, & officio diligenter praestito. De iuuentutis moribus, & vtraque Sodalitate, quæ alibi dicta sunt, hic etiam dicta intelligantur; præsertim de celebri extra opidum peregrinatione, & crebro flagellorum vsu. Reuerendissimus Archiepiscopus Princeps Elector, cùm trigesimo mensis Iulij die consecratus eset, postridie cum Principibus ac Proceribus, qui honoris & officij caussa conuenerant, Collegium inuisere, & Narrissimum, quem in scenam produximus, spectare voluit. Placuit actio, nec minus etiam syluae gratulatoriae vario & eleganti carmine editæ: quod multis & in præsens, & postea cognitum est argumentis. Serenissimus autem Ferdinandus Bauariæ Dux, Coadiutor item Colonensis, cùm è Bauaria ad suos redditurus hac iter facearet, apud nos in Collegio diuersari, & hospitium habere voluit, quod liberius etiam consuetæ suæ pietati festo die SS. Apostolorum Petri & Pauli, qui tum incidet, vacaret. Præterea illustres genere viri, licet à vera religione alieni, cùm ad Reuerendissimum Archiepiscopum variis de cauissis venissent, Collegium quoque nostrum perhumaniter inuiserant; eorum unus inter dissenserendum de controversiæ fidei quæstionibus D. Augustini opera ex optima editione soluturum se pro bibliotheca nostra recepit. Teutonici Ordinis Commendator vir nobilis bouem bene pingue dono misit. Femina quædam agrum quinquaginta coronatis æstimatum, & è Consiliariis quidam ducentos quadraginta aureos testamento nobis reliquit.

Ædifi-

**A**dificari quoque coepit est domus Collegio nostro contigua, impensis Reuerendi Domini Hermanni Stephanij, qui, ut anno superiori scriptum est, omnia sua bona nostri iuris esse voluit.

### Collegium Paderbornense.

**O**biuit diem suum Paderbornæ Pater Georgius Natalis Colonensis, annorum vndequinquaginta, quorum duos & triginta in Societate vixerat, Coadiutor formatus abhiac annis sedecim: multum & naturæ dotibus, & modestia singulari amabilis, atque in laboribus instituti nostri propriis indefessus, inque periculis imperterritus. Cum in schola Grammatica per annos complures quinque horis quotidie pueros doceret, non omisit tamen, quin grauatus insuper morbo, horis vel antecedentibus, vel consequentibus, quatuor ferè per hebdomadam diebus pœnitentes adiuaret magno concursu, fructu maiore. Ab eo enim instructi, & documenta virtutum egregiè retinebant, & complures minimè assuetos interdum nec fide sanos, postea secum adducebant: quibus ille mansuetis perite medebatur. Anno vero nonagesimo secundo, cum à Comite Mauritio, qui prope mœnia cum exercitu ad Embricam erat, quidam in Collegium venissent nostris denuntiantes, ut quamprimum excederent, ni sua caussa velint vniuersam ciuitatem prædæ militum & excidio exponi; solus Pater Georgius in conspectum procedens, trepidantibus licet ciuibis, nulla ipse metus data significatione, sermone ad tempus accommodato, turbulentam legationē sustinuit, quoad Magistratus à Prælato quodam admonitus de suo numerō certos mitteret, qui ne quid res nostra deterrimenti caperet, prouiderent.

Denique cùm ingrauescente valetudine mitte-  
retur Heiligenstadium, vt scholarum cura libera-  
tus, Collegij illius Ministrum ageret; Colonizæ  
quidem vi morbi impeditus substitit: tamen vt  
primum se dedit oportunitas, cœptum iter ex ob-  
edientia prosequens ad nostrum Collegium per-  
uenit, vbi aqua intercute in immēsum excrescen-  
te, Sacramentis ritè munitus in magna patientia  
vitam feliciter finiit: Illius in locum scholæ no-  
stræ quendam ad Probationis domum submisere,  
mox alios daturæ. Emanat ex his præcipua pars  
fructus nostri spiritualis. Abbates Benedictini an-  
nua comitia h̄ic agentes, à nostris discipulis sunt  
cohonestati dramate ad ipsorum Ordinē accom-  
modato; is erat Carolomannus mundo triumphato S.Benedicti ipſitutum amplectens. Sodali-  
tas B. Virginis optimis adolescentibus est aucta,  
cuius virtus in his locis hæresi morumque corru-  
ptela squalentibus, egregiè suam præceptorumq;  
existimationem tuetur. Tres fecerunt professio-  
nem fidei magno pietatis sensu; unus præsertim,  
qui ita sui dissimilis effectus est, vt Carthusiam  
ingredi deliberatum habeat. Quidam dæmonis  
versutia superatus, exitium sibi voluntarium me-  
ditabatur; sed per confessionem ad animi tran-  
quillitatem salutemque traductus est. Templi in-  
strumentum præter alios matrona quædam no-  
bilis auxit, quæ vestem holosericam, auro argen-  
toque intextam, vanitatis olim cùm nuberet ad-  
ministram sacris mancipauit vſibus. Inter gene-  
rales confessiones septem fuerunt nobilium in  
arce quadam huius patriæ. Excursionibus variis,  
& concionibus ad hæreticos habitis promota est  
res Catholica, cuius veritatem respexerunt ali-  
quot. In opido quodā huius diœcesis, vbi omnes  
hæretici, vir Senatorius Lutherum deseruit, quem  
à puero

à puerō secutus erat, fremente ferè tota ciuitate. Apud hunc ante biennium è nostris duo commorantes multa cum illo de religionis negotio tractauerunt; sed pertinacior eo tempore erat, quām ut victas manus daret. Hoc tamen anno è libello quem legendum reliquerant, vanitates & ineptias sectariorum ita agnouit, ut se palam Catholicum profiteatur, consulatus honori, quem antiqua perfidia consequi poterat, salute in anteponēs. Cacodæmon possessione viginti annorum abire iussus. Concionantium numerus maior, quām annis superioribus. Res etiam domestica eleemosynis variis, & pecuniarum non leui summa multum est subleuata. Dux controuersiæ magno utrinque studio agitatæ felicem pro Collegio sortitæ sunt exitum.

### *Collegium Monasteriense.*

EVERUNT omnes hoc anno, quāuis in magna cœli temporumque intemperie, sani plerumque. Deo sit laus, ac valentes. Laboratum fermè in urbe ob viarum ingentia pericula. Per verbi diuini, Christianæque doctrinæ assiduam tractationem, mores emendantur, sensimque prisca pietas inualescit. Pax cōposita inter inimicos; maximè apud virum nobilem, qui arīna iam expediuerat ad sui hostis perniciem. Persuasum cuidam, ut collatorū legitimo malè partum sacerdotium redhiberet. Ab impuro contubernio & nefandis amoribus abalienati complures, & tuendæ castitatis præfidia magno emolumento suppeditata. De conuersis ad Catholicam veritatem hæreticis, Catholicisque confirmatis, ac similibus aliis, quæ dici poterant, non valdè dixerſa sunt ab iis, quæ haecenus in aliis Collegiis commemorata fuerunt. Hoc

proprium, quod in exitu anni nonagesiminoi, cum viuerent adhuc male consopitae pestilentiae igniculi per ciuitatem; non negleximus moribundos insigni aliquorum conciliato fauore, & animarum prouentu adiuuare. At nobilitas, à cuius natus subditi prouinciales ferè pendent, mirificè ad nos inclinat paulatim, ipsique viros clarigenitus gratulantes audiuius, quod eius Ordinis numerus Catholicorum incremento pulcro angeatur. Confessi apud nos multi nobiles viri fuerunt. Gymnasium, quod ob dominantem per compita luem conclusramus, post bimestre tantummodo silentium patefecimus, & collecta sic satis bona discipuloru copia instaurauimus prælectiones, datis in publico ludis de offenso ob numeratum populum numine, deque eodem ab Dauide placato. Præluxerunt in scholis Deiparæ Sodales: de quorum præstanti probitate præclarè arbitrantur summi insinique, ut eorum tessera præcipuam habeat commendationem. Ex his in varios Westfaliae ludos alij sunt expetiti, alij verò ad obeundam animarum procurationem, curiosè conquisi: qui deinceps illis munieribus adhibiti, præclarè conceptam de se spem & opinionem sustinent, atque etiam superant. Nobilis item Parthenius relatus domum in Frisiā familiæs sic omni arte percoluit, vt dominus cœnobium per bene constitutum videretur, ita rosaria, preces, alia sanctitatis officia frequentabantur. Necminus aedens fuit aliorum in similibus officiis studium, quos breuitatis cauilla omittimus, vt & eos, quorum in obitu præclara virtutum exempla emicuerunt. Vnus tamen omnino tacendus non est Reuerendus & nobilis Dominus Godschalcus Ledebur, Cathedralis Ecclesiæ Osnaburgi Præpositus, omni hoc tractu fama exquisitæ virtutis cele-

celeberrimus: qui ad extrema deductus propinquorum hæreticorum septus corona, Sacraenta nihilominus perquam religiosè accepit; nec submoueri à lectulo suo cilicum, funemque fetis hispidum ante mortem est passus. Fratriam quoque viduam Caluino impensè dedita adegit, ut sponderet nepotes ex suo germano fratre, piè admonitum educatos instructosque abs feso, curaturam porrò à Catholicis perdoceri. Ad extremum non videtur prætereundum miraculum, cui Sodalis ex parte adfuit. Viderat ille in finitimo quodam pago Laar SS. Euualdorum memoria inclito, reliquias in altari intactas oblitasque pulueribus, nimiumq; manibus omnium expositas. Suasit igitur Cutioni vitrum obduceret, honestiusque collocaret Ita factum. Paucis post diebus horribili incendio exarsit templum, quod fornicem turrimque præcelsam egit in præceps: sed cum rueret turlis in subiectas cœmeterij cruces, latronum imagines funditus obtrivit; Christi autem pendentis statuam ex saxo cæduo cum apposita tabella non affixit. Cum autem testudo procideret, aramque disturbaret, lipsanotheca obruta ruderibus permansit illæsa ne vitro quidem violato. Excurritus, ut dictum est, infrequentius, tamen bis Osnaburgum ante mortem Praepositi; semel cum poposcisset sacerdotem, qui firmaret Sacramentis solatioque languentem; rursus à morte admonitu executorum, qui ornatum facelli donatum huic Collegio tradere cupiebant. Vtraque vice operam dedit noster audiendis nobilium confessionibus, & communione præbēda. In quibus virgo antehac Lutherana, egregiè in posterum feruentis pietatis indicia præ se tulit. In redditu mirifica est expertus amicorum officia noster; nam præter vehicula auchendis sarcinis idonea

Canonicus reliquias Sanctorum è facello Monasterium vsque prosequi venerabundus voluit, licet perfrigidus vreret Boreas, & formidata essent penè loca omnia propter graffatorum audaciam & crudelitatem. Nec lætior illuxit Collegio dies, quam cum præstantium reliquiarum eximium thesaurum supplices excepero domestici. Hunc verò thesaurum è Saxoniæ monasteriis Præpositus impensa curaqué singulari collegerat: in quo videbatur culter quo fuit excoriatus D. Bartholomæus, S. Materniani, triumque virginum martyrum corpora, & magnorum Sanctorum varia ac conspicua ipsana. quæ auxit postea aurata turricula Reuerendus ac nobilis Dominus Antonius Nagel Canonicus Mindensis; in quam est inclusum telum integrum hamatum trifariam, quo fuerat confixus S. Sebastianus, idque ex Lunensi cœnobio promptum. Restat expeditio Strambergensis, memorabilis præcipue. Stramberga est prouincia Monasteriensis præfectura. in ea exstructum sanctæ Crucis claræ miraculis templum anno millesimo trecetesimo quadragesimoquarto; quod anniuersario cōcursu maximæ multitudinis, atque anathematum sacerorum oblatione fuit ad hanc memoriam celebetrum. Hoc tradiderat nostris cum aliquo prouento anno Serenissimus Ernestus, adieratque sub natalem S. Ioannis Baptista, cum socio sacerdote Pater Rector, postquam recentissimè renuntiatus fuerat. Iamque viderat cum admirabili voluptate pietatem aduenarum, ad Crucis venerationem vndeque affluentium, parabatque redditum; cum ecce tibi improuisò oppressus ab ingruente equitatu Belgicorum hæreticorum, post expilationem templi, abductus extra municipium in proximas miricas fuit cum comite, ubi crucem tot prodigiis,

giis, totque annis memorabilem in nostrorum conspectum productam impiè dissecuerunt, ac simul insultantes obiecere, Placētne vobis Deum vestrum tam humaniter tractari? quibus modestè Pater, Enim uerò Deus noster in cælo viuit intactus, & tamen hasce iniurias suæ Crucis vñcisci potest. Tum lytrum adacto ad pectus mucrone efflagitarunt, recusantesque per caussam votiuæ paupertatis protrusæ in viam furibūdi, & frusto ipsius crucis miraculosæ terga Patrum immaniter compulsarunt. Post in syluam ingressi exegerunt rursus grandis pretij sponzionem, & tergiuersantes iussere genua submittere, vt ab circumstantibus sclopetariis fatales iectus exciperent. Nec obstatere Patres, iam antè dum currerent sub fustario confessi inuicem. Sed nimurum erat maior sitis auri, quam sanguinis. Quare progressi cum captiuis in pagum Oldensem post prolixam de lytro disceptionem, interuentu suasuq; amicorū spōndere ducentos daleros, atque vadibus datis dimissi sunt, fremente militum vulgo ob diminutionē prioris suminæ Patribus impositæ. Sed qua fermè hora Collegium postridie (erat vigesimus sextus Iunij) inibant nostri cum incredibili domesticorum gaudio; ab expedita Catholicorum cohorte excepti sacrilegi, partim occisi, partim vincti, & in fugam turpem auersi fuere, præda recepta. Affirmantque certò eiusdem prædonis verticem ad sinciput fuisse defecatum, qui Crucifixum impia manu truncarat. Interiit etiam qui nostri lytri chirographum ferebat. Ac ne quam occasionem haberent Belgici milites, actum cum Præfectis eorum; Magistratibusque ab huius diœcis gubernatoribus, vt omnem lytri obligationem rescinderent. Et fecit quoque bonus Deus cum hac tentatione prouentum. Ita liberaliter ac

follicitè subsidia contulerunt amici, cùm viderent nos ob nummorum inopiam de solueñda sposione in cura esse. Partem etiam instrumenti sacri, quam asportatarunt hæretici, restituêre nobis prædonum victores. Sed ne propter sublatam Domini crucem euanesceret perantiqua Strambergenfis templi religio, collegimus diligenter absecutum caput Crucifixi, & dispersa quæ superfuere membra cætera, atque ut in speciem antiquam quantum fieri posset, reformatur, nunc iam agimus. Nec cæteroquin immunis fuit hic annus à pitorum egregia liberalitate. Coniuges duo nobiles centum viginti daleros in templi expensas dedere. quo præterea collatum quantum daleris trecentis aestimari potest præter peripetalinata, ornatumque varium, & tres calices argenteos, duoque pollubra cum ampullis eiusdem metalli, aliaque nec pauca nec parui pretij permulta, seu ad templi noui honorem, seu ad egestatem leuaçdam donata.

### *Collegium Hildeshemense.*

**C**ONSVENTAM operam nostri concionibus in templo Cathedrali, in scholis verò docendæ iuuentuti impendūt. Animos Sacramentis lustrarunt plusquam mille. Sex verò supra triginta, Lutherò Caluinoque relictis, ad Ecclesiæ Catholicæ fidem sese applicuerunt. Erat in his femina ad quam plusquam trecentorum aureorum hæreditas iure pertinebat: sed cùm eam non alia conditione posset adire, quām si Lutheranam se profiteretur, religionis gratiâ hæreditatis iacturam fecit, & inter Catholicos seruitutem seruire, quām inter suos lautè viuere maluit. Sunt qui ob desertum Lutherum nihil non iniuriarum sustinent. eorum

nomina

nomina pro cōcione ab hæreticis Ministris ignominiosè proclamantur; omnibus vicinis eorum consuetudine interdictitur, fores fustibus diuerberantur, variis sordibus conspurcantur, colaphi & pugni ingeruntur. Sed in his omnibus superant propter Christum. Nil autem aduersarios nostros acrius torquet, quam scholarum successus, & iuentutis apud nos progressus in pietate ac litteris; quorum existimatione interdum ab ipsorum scholis aliqui ad nostras transeunt, & quibus hoc non licet, ad alia Societatis nostræ Collegia se recipiunt. Inuentus etiam, qui cùm sub disciplina hæreticorum magistrorum manere cogeretur, confessionis & communionis Sacra menta apud nos obibat. Nostri verò studiosi diuina mysteria frequenter usurpant. Septem spiritualibus nostræ Societatis exercitationibus vacarunt. duo in religiosas familias sese contulerunt. Quidam fratrem suum hæreticum periculosè decubentem induxit, vt accersito sacerdote nostro & Luthero renuntiaret, & vitæ noxas confessione deleret, sacroque Christi corpore exitum suum muniret. Alius ab hæresi ad Ecclesiam traductus, cùm in grauem corporis morbum incidisset, & à populariis Lutheranis virgeretur, vt admitteret Prædicantem; nec aliam euadendi viam haberet, delirium simulando importunitatem eorum elusit. Alius hæretico prognatus Ministro, cùm in scholis nostris sincera religione fuisset imbutus, in patriam reuertens nobilem duxit uxorem; quam & alium præterea ad sanitatem fidei reuocauit. is sedecim plus minus Germanicis milliaribus ad locum Catholicum contendit, ut susceptam problem legitime baptizari curaret.

*Collegium Embricense.*

EMBRICENSE Collegium nuper singulari Dei benignitate seruatum est, quando illud variis antehac procellis defunctum turbo vehementissimus in nostros contortas subito proximum naufragio fecerat. Res in hunc modum accidit. Postquam Germanorū copiæ, qui anno superiore quasi provincias & loca Imperij ab externo milite liberari descenderant, re infecta recessissent; nonnullis Cliviæ locis, quæ initio occupauerant, praesidia remanserunt. At regius exercitus castello uno eorum expugnato, vehementius iis qui Embricam tenebant, minari cœpit, nî sua sponte quamprimum discederent, opidumque Duci Cliviæ (qui idem paulo ante per suos a Gubernatore illorum postulauerat) liberum restituerent. Gubernator Catholicis iniquus cum Hollandis egit, ut misso subsidio vires suas augerent. Quo facile imperato, & renitentibus frustra ciuibus, intra mœnia refracta porta, recepto; nihil tunc quidem crudelitatis exercitum est, ita ut & ciuium vitæ & fortunis parceretur, & mitterentur primo ingressu, qui à templis & monasteriis viam omnem prohiberent. Quid verò nostris animi fuerit in tam repentina rerum commutatione, facile quis conciecerit, qui Hollandorum Calvinistarum acerbissimū in Iesuitas odium, infinitis calumniis, adeoque publicis edictis, quibus à nostra disciplina iuventus arceatur, testatū non ignoret. Quanquam plerique ad hos tumultus iam assueti minus etiam tum animis turbabantur. Vnde cum terni ordine manipuli furtim domum nostram irreplissent, magno animo iis obuiam prodeentes effecerunt, ut nihil palam tentare ausi facile recesserint. Atqui

gymna-

gymnasium nostrum aperto loco medio in foro  
 positum, statim à militibus occupatum est, tamq;  
 diu retentum, quoad in hospitia diuisi essent. Ita-  
 que cùm ibi instrumentum Sodalitatis B. Virginis  
 afferuaretur, omne statim direptum est: reliqua,  
 quæ in scholis erant, vt pote cathedræ magistro-  
 rum cum discipulorum subsellijs Vulcani alimēta  
 fuerunt; adeò vt neque à fenestrarum valuis, pa-  
 uinēto, canalibus plumbeis rapaces manus absti-  
 nuerint. Postridie quām ciuitas occupata, id est,  
 decimo septimo Nouembris anni nonagesimino-  
 ni, Gubernator Germanorum D. Decanum Ec-  
 clesiarum Collegiatæ, & vnâ Patrem Rectorem ad se  
 vocat (ibat autem talati toga indutus per  
 confertam militū turbam.) Hic præsentibus Hol-  
 landorum capitaneis, salute Decano dicta, factum  
 suum excusat, & rationem accersiti auxiliij Hol-  
 landici exponit. Sui scilicet aduersus Hispanos  
 tuendi, non Principis aut Capituli lædendi caussa  
 id abs se necessariò factum. ac proinde bono esset  
 animo, mansura ipsi cum suis Canonicis omnia,  
 vt fuissent, integra. Tum ad Patrem Rectorem  
 conuersus, Vos verò Iesuitæ (suspirans de nomi-  
 nis à nobis suscepiti arrogantia querebatur) crasti-  
 na die hinc cum rebus omnibus vestris excedetis,  
 addens se viaticum, si opus sit præbiturum, &  
 comites præsidij caussa adiuncturum, vt quod ve-  
 limus, tutò proficiscamur. Caussam deinde cur ita  
 iuberet, hanc subiecit: quod reip. negotiis nos im-  
 plicaremus, vitæq; Principum insidiaremur, eam  
 que ob rem iam Francia, Anglia, Scotia, Polo-  
 nia pulsi essemus. Tum præsenti animo P. Rector  
 primùm mirari se dixit, cur accersiti hue ab Illu-  
 strissimo Cliviz Duce, indicta caussa, tam cito iu-  
 beremur excedere. tum longiorē diem flagita-  
 uit, quod præstitum tempus ad res nostras colli-  
     gendas

gendas nimis breue foret : deinde quæ obiecta erant crimina libera voce negavit, eaque se paratum quovis loco, modò æquis iudicibus disceptare liceat, diluere dixit. Hic alias Regem Franciæ Henricum Tertium, alias eum, qui nunc est obiectare, alias aliud opponere: sed Pater iu causâ optima, licet vndique peteretur, ita constanter pro Societate differuit, ut eorum inscitia partim à suis rideretur, partim ipse Gubernator nos qui sumus Einbriæ culpa liberaret, nihilq; in quo nostram quempiam culparet habere se aperte profiteretur; sed vniuersè tantum Societatem, quod malam caussam tuentibus visitatunt est, accusare. Adhæc petit à Gubernatore Pater Rector, ut suo chirographo nostram ciectionem testaretur, ne sine ratione sedes nostras reliquisse videremur. Ille verò noluit; sed longos esse militum calamos dixit, quibus consuerint scribere, gladios indicans. Cum vrgeret insuper ne sibi rem tam exiguum negaret; tandem deliberaturum se dixit, & imminentे iam nocte Patrem dimisit. Cum aduersus vim consilium in præsentia non valeret, omnia statim ad profectionem contulimus, bibliotheca aliisque rebus in vase depositis: quibus cum interuenissent Hollandorum militum primores, illato iterum de Rege Galliarum sermone, egregiè repressus & consternatus calumniator, cum aliis quoque pudore suffusis discessit; nec in posterum eiusmodi figuris commemorandis nos molestarunt. Interea per certos homines instrumentum lineum, quod magni pretij erat, clam effundendum curauimus. qui cum eius à Germanis militibus spoliati triste nobis nuntiū retulissent, re ad Præfectos delata, integræ ferè omnia restituerunt. At verò postquam nostri exilijs rumor dimanauit, nescio plūsne hæreticis lætitiae, an Catholicis mœroris

ris sit allatum; adeò ut omnibus quæ bienni-  
erant damnis, hoc vnum facile anteponeret, quod  
conuenientium ad nos comploratio clare testa-  
batur. Interea per nonnullos amicorum tentare  
visum est an tantillum moræ posset impetrari à  
Gubernatore, donec Illustrissimi Principis Consiliarios  
consuleremus, missisque ad eum libello,  
quo intentata pridie crimina refutabantur, Pater  
Rector postulabat, ut hoc permitteret. Impetrata  
est dilatio. qua occasione Senatus usus curricu-  
lo nuntium ad Comitem Mauritium Hollandi-  
rum imperatorem cum litteris mittit, quibus exi-  
lium nobis deprecatur, quod commeriti non esse-  
mus. Is ubi rem cognouit, vehementer commo-  
tus, quod contra imperium suum, sui in eo Gu-  
bernatori adstipulati essent, grauibus Capitaneos  
litteris castigauit, iubens ut nos quietos esse sine-  
rent, ac Senatui rescripsit nihil sua voluntate à suis  
in nos perpetratum, sibiique curæ futurum ut ab  
iniuria prohibeamur. At Dux Cliviæ Consiliarij  
de statu nostro edocti, Gubernatoris factum de-  
testantes, & cum eo acriter postulâtes, commen-  
datitias litteras, si migrandum omnino sit, red-  
dendas curarunt duorum opidorum Magistra-  
tibus, si ad eos diuerteremus, prolixè commen-  
dantes, ut sedibus suis benignè nos acciperent, &  
patrocinio tuerentur. Hoc tempore publico care-  
bamus; sed cum Præsentationis D. Virginis dies  
festus incidisset, multiq; de more sacris mysteriis  
operam dare cuperent; negari poscentium pietati  
non potuit. Itaque multi ex vtroque sexu tum in  
ædibus nostris, tum in proximis fletu redintegra-  
to confessi sunt, Sodales quoque Deiparæ, partitis  
inter se vicibus, in sacello domestico perexiguo  
communicarunt, aliquibus solemni ritu in con-  
gregationem admissis. Porrò mitigatis sensim ad-  
uersa-

uersariorum animis , & Mauritiū Comitis castigatione deterritis, tandem ad S. Catharinæ ferias in publicū nos rursus dedimus , re diuina in templo S. Martini , vt antè solebamus, administrata; nec multo pōst ad gymnasij procurationem, aliorumque ex instituto munerum nos retulimus, vt festo S. Nicolai instauracionē studiorum celebraremus , præmiis quoq; librorum tum primū datis. Deinceps iuuentus sensim creuit, affluentibus, qui vel timore periculi diffugerant, vel reditum distulerant. Hunc ad modum de præsenti naufragio erepti sumus , diuino munere vtique singulari, quod haud dubiè pij homines ieiunia, cilicia, humi-cubationes, ptecibus & lacrymis, pro nostra salute assiduè coniungentes impetrauerūt. Nec deinceps fuit, qui septem illis mensibus, quibus in ciuitate miles hæreticus fuit (excepto nouissimo tempore , quo celeriter aliā tempestatem decussimus) nos turbaret. Adeoque consuetudo ipsa videndi, & familiaritas tandem in benevolentiam vertit. ac præter cæteram humanitatem milites catechismum frequentes accesserunt , & attentè excepérunt. Quodque mirum multis est visum , cùm militum hospitiis vniuersa ciuitas & clerus etiam grauaretur , nihil tamen nobis unquam ab ea re molestiæ intentatum , domusque nostra ab omni onere immuni semper fuit. Nec verò fructu aliquo ex ipsis quoque militibus caruimus. à Capitaneo enim Hollandoruī rogati ad mulierē accessimus diu à dæmonio obfessam; quæ per confessionem expiata in B. Virginis sacello communione priùs sumpta exorcizata est. Sed nullum maligni spiritus indicium apparuit, qui paulo antè se ad tempus auolaturum dixerat. Nonnulli ex primoribus nobiscum familiariter pransi longè de nobis melius sentire cœperunt,

reuer-

reuersique ad suos , nostros vbique palam extulerunt. aliquot etiam ex militum grege per eos, qui nobis confitentur, ducti, vt exomologesim apud nos peccatorum facerent. Vni atque alteri moribundo affuimus,& in Paschate Sacra menta multi usurparunt ; inter quos Capitanei vnius vxor euocato nostro publice in Religiosorum templo confessa erat. Quibus rebus permotus Hollandorum Gubernator accersiuit Patrem Rectorem, ci que cum grauibus minis omni militum consuetudine interdixit, vetuitque seuerè ne cuiusquam etiam vltro rogantis confessionem audiremus . Adhæc Ministrum Caluinianum aliunde aduocandum curauit, qui suum illis verbum, & sacrilega Sacra menta ministraret. Cumque propositis pluribus locis vnum sibi ad eum vnum dari à Senatu flagitaret; illo responsum differente, schola nostra delecta est. quæ res in maximum timorem Catholicos omnes iniecit, veritos ne id, vt assulet ab hoc hominum genere fieri, adnitentibus enixe in primis & pecunia Capitaneos sollicitantibus huius loci haereticis, maximorum malorum foret denuò principium. Et iam tympanistæ per omnes vrbis vias prædicauerant, vt si quis ad audiendum verbum sc cōferre vellet, is scholam peteret. Erant tum nostri in gymnasio, & iuuentutem erudiebāt. Conuolant vndique viri & feminæ, & vt dignitatem concioni adderent, festiuo habitu se mulieres ornauerant. Quare animaduersa P. Rector fores occludi iubet, nec quemquam præterea intromitti, cùm iam aliquot silentio penetrassent: ipse autem omnis humani inops auxiliij Gubernatoris domum solus adit, & ad colloquium eius admitti rogat. Comiter acceptus præsentibus Capitaneis demissè orat, ne se tanta iniuria onerent. nec enim hoc vlla ratione, tradita sibi ab Illustrissimo Principe

cipe Cluiæ gymnasij cura, posse permettere quod destinauerint. Quærit ille num adsint auditores concionis; respondet Pater præ foribus stare, & nonnullos iam introiisse docentibus adhuc magistris. Excusare se Gubernator, quod tempus à prælectionibus vacuū expectare iussisset. At P. Rector ut ut hoc foret, simpliciter orare, illa se molestia liberaret. Ibi aliis sciscitari, cur nolimus verbum Dei in eo loco à se doceri in quo id ipsi prædicemus. Sed cum non esset altercandi tempus, perstare in precibus Pater, donec contra omnium expectationem Gubernatorem flexit. Qui dato signo multitudinem ab ostio gymnasij, quod conferti obsidebant, in oppositam curiam illico iussit concedere. Vbi Minister gratiam orationi conciliavit non magnam, quod arguento derelicto cum ad IESV nomen videret plerosque caput retegere, magnam partem in eum morem impiè debacchatus est, ut abominati illum sui cum stomacho recederent. At facti huius nuntio ad Comitem Mauritium per Ducis Consiliarios perlato, citò huic tragœdiæ finis impositus. Auctoribus enim castigatis vetuit quidquam nouari, nec rediit Buccinator nisi semel ianuis clausis & fenestris in curia apud suos concionatus. Post septimum tandem mensem cum libertas ciuitatis propè deposita videretur, præsidium subito decima-quinta Iunij discessit, tanta ciuium lætitia, ut se non caperent. Alterum enim iam annum perpetuo in metu ac periculo viuebant, nunc his, nunc illis opidum tenere quærentibus; & quater externo præsidio recepto ad humana inopiam redacti erant. Itaq; cum omnia plena gratulationis essent, natali S. Ioannis Baptiste, frequentes expiatis animis sacram Eucharistiam participarunt, eamque, dum circum parœcias defertur, gratias cælestibus agentes

agentes religiosè prosecuti sunt; quin etiam per multi omnis ætatis & generis prima luce, ex iisque nudis pedibus complures, totam urbem pre cabundi obierunt. Nec multo pòst cùm annuer saria supplicatio, quæ post Kalendas Iulias haber i solet, institueretur, præter frequentissimam populi turbam summa religione supplicantis, triginta amplius paria albatorum nuda vestigia prementium (quod pœnitentiæ his locis argumentum est) in ea apparuerunt. ac deinceps quies ab armis fuit, nosq; in instituto nostro amplificata aliquantum æstate iuuentute perreximus. Reliqua bre uissimè perstringamus. Catechismus ad S. Martini magna hominum frequentia illustratus, sic vt alter etiam in S. Aldegundis parœcia fuerit insti tuendus. Plures meditationibus B. P. N. Ignatij cum fructu exculti; tres in Societatem excepti. Pœnitentium ita multi ad nos confluxerunt, præ sente licet heretico milite, vt totos dies, præsertim circa solemnitates occupatos haberent. Ad sacram verò synaxim per tenebras ventitabant, licet interdum palliis in itinere à furaci milite spoliaren tur. Adiuti contra veneficia multi, quibus visitata orationum, aquæ consecratæ & agni Dei præsidia adhibuimus. Fuit mulier peregrina honesto loco nata, cuius neruos maleficiorum carmina ita contraxerant, vt non posset incedere: quæ deducta ad nos inter exorcismos aliquoties exanimis concidit; sed sacerdote continentí dierum aliquot labore in opere perstante liberata, pristinum gressum recuperauit, gratulansq; domum rediit. Alia huc adducta est, quod à maligno spiritu obsessa putaretur. quam cùm nostri exorcizandam suscepissent, & illa inconditos inter sacras preces & cantica clamores ederet, pluribus militū magnam religionem incussit, vt de Catholicis ceremoniis

longè sentirent melius, nostrosque deinceps honore prosequerentur. In orphanotrophio ciuitatis pueri à vetula nescio qua cupediarum puerilium aliquid acceperant, iisq; ad eis, statim multi ægrotare cœperunt, duobus celeriter extinctis; cum alij macie extenuati ultimum spiritum traherent, vocatus est auxilio noster: qui postquam domum & pueros semel atque iterum exorcizauit, omnes conualuerunt. Ex libidinum laqueis crepti, & sordibus extracti quidam. Nonnemo ex desperationis barathro emersit; cui cū ob immagine facinus admissum nusquam consistendi facultas esset, iamque ut carnifexæ finem daret, in puteum se præcipitasset; tamen benignissima Domini manus hominem perire passa non est. à nostris enim ad veniæ spem excitatus rectum tranquillandæ mentis iter inire cœpit. Denique quid de Societate existiment, frequentes, qui longè latèque pœnitentiæ consiliive caussa ad nos ventitæ, quique difficillimis etiam temporibus, munera domum nostram cum insigni charitatis significacione mittunt, satis declarant. In iis quæ ad sacram supellecilem accesserunt, eminet prætensem tabernaculo frontale gemmis, & argenteis vel littoris, vel sigillis præclarè ornatum. Miles Hollandus imaginē B. Virginis anno superiore à templi ruinæ mirabiliter seruatam serica veste primus ornauit, nec quis esset sciri voluit. Quem initati Embrienses dupli deinde eam amictu splendido circumdederunt, torquibus aliquot magnificis è collo suspēsis. Gymnasium in his temporin perturbationibus, neque suo vigore, neque utilitate caruit. nec dubitant Catholici vel ex hæreticorum ditione liberos ad nos, vt instituantur, mittere, non deterriti vel grauissimis suorum Magistratum edictis, vel itinerū periculis. Vbi nuper etiam

etiam cuiusdam viri nobilis filius captus tamen ad nos remissus est. Singulari verò Dei munere, neque quotidiano armorum strepitu, neque hæreticorum longa consuetudine moribus adolescentium quidquam dissolutionis adhæsit: sed pietate, modestia, obseruantiaque maiorum egregia, magnam moderatoribus consolationem attulerunt. Sodalitas B. Virginis numero & virtute inter tribulationes crevit: è qua cùm sæpe per Quadragesimam, tum omnibus ferè maiorum felorum per uigiliis in scholam, tunc etiam quando milites in infima ædificij parte stationem habuerunt, multi conuenientes acriter semet diuerberarunt; tanto quidam ardore, ut non contenti semel terga cecidisse, iterum flagrum deposcerent. Vnus Sodaliū, cùm grauibus molestiis afficeretur, huiusmodi aliisque pietatis muneribus perfunditus ad sacram mensam tanta repente spirituali lætitia exultauit, ut post dies aliquot eius beneficij commemoratio vberes adhuc ei lacrymas eliceret. Alius cùm enixè Deum rogasset gratiam sibi dari ad peccata lacrymis delenda, tantam earum copiam consecutus est, ut ad eas lumen vi pro iis sistendis precari debuerit. Sed finis aliquando faciendus. Ad festa Paschalia duo sacerdotes Ressam Canonicorum rogatu profecti sunt: qui in usitata benignitate accepti, decem diebus ibi substiterunt, & catechismo tradendo, habendisque concionibus incolas omnes in Societatis nostræ amore conuerterunt. Sex circiter hæretici ad Catholicos reuersi, cætera cum plerisque aliis communia.

*Residētiæ Erfurdiana & Altenensis.  
Item Missio Aquisgranensis.*

OCUPPARVNT sc̄ nostri duo sacerdotes Erfurti in audiendis confessionib⁹, & sacra communione porrigeā. Et quamquam vix altaris vnius habeant vsum in Ecclesia Collegiata, quæ eadem est parochialis; plures tamen apud eos conscientiam exonerant, & Eucharistiam extra tempus Paschæ accipiunt, quām in vlla hic parochia Catholica. immo plerumque noster numerus, quamquam exiguus, & quat ferè ex omnibus septem parochiis collectum. Horum Sacramentorum gratia nostros ferè accedunt, qui per urbem hanc iter facientes, aut hoc fine huc ē locis aliis excurrentes cælesti pane refici cupiunt. In duobus Sanctimonialium cœnobiis opera nostra posita est partim exhortando, partim confessiones excipiendo. Effectum, ut ritè professionem suam intelligerent, quotidianæ contentiones tollerentur, & in commune conferrent, quod singulæ cōtra paupertatis votum peculiariter possidebant. In hoc hominum genere cō magis labor noster fuit necessarius, quod monasteriorum septis inclusæ, & à nullo mortalium ad religionem informatæ, longè sint rudiiores, quām qui in sæculo viuentes, de Christiani hominis officio publicè docentur. Instructi præterea sunt cūm publica interdum concione, tum priuatis colloquiis nonnulli: qui vel omnino Catholicæ religioni se adiunixerunt, vel suspecta cōperunt habere sua dogmata, quæ haētenus adorauerunt. Quam in rem oportunis locis & personis idonei libelli distributi sunt. Absoluti ab hæresi quinque, & videntur optare multi illa tem-

pora,

pora, quibus liceat absque nota h̄ic locorum, Catholicæ fidei sese reddere.

ALTE NÆ perquam angustè adhuc & periculosè, nec tamen infructuosè habitamus, vt partim ex annorum præcedentium litteris, partim ex iis, quæ nunc scribenda sunt, intelligi potest. Aduerteret nobis pretiosæ reliquiæ de regia & parthenica B. Vrsulæ societate, de quæ SS. Martyrum Thebæorum legione à Mindensi quodam Canonico: quas cùm prosequeretur ex vrbe Hamburgensi Frater noster, effracto per ministros publicos explorandi caussa dolio, & Fratre per insignem iniuriam è pollicibus tantisper suspenso; ipsæ tamen inuolatæ, nec ab hæreticis conspectæ, summa cum nostrorum consolatione perlatæ sunt, & Catholiconrum ad nos conuenientium expositæ veneratio- ni. Grauior impugnatio & diuturnior à Lutheris Ministris. Incipiebat obire conciones apud nos, & consuetudine nostrorum hominum delectari frequentes ex Hamburgensi ludo studiosi, ita vt sor- desceret quibusdam Lutheranus, & arrideret fides orthodoxa, quam & vñus fuerat amplexa- tus. Hoc odorati vultures illi nihil non agunt, seu per se, seu per ludi moderatorem, donec viam illis ad nos intercludant. Pio concione verò quidquid usquam per Galliam, Belgium, Poloniam confi- ctum in odium Societatis est, id pro puro puto Euangeli venditantes, ad extreum Caucasum relegari nos vrgebant, irrito tamen conatu apud cives pacis & tranquillitatis amantes. Fuit ex illis cuiusdam intoleranda lingua petulatia, nostrum coegerit in gratiam Catholicū adire eius in vrbe concionem, de quæ ea colloquium cum ipso ex- poscere: sed nimis eo euentu, vt loco saluta- tionis immanes audiret criminationes, ac nebuloni- lis Iudaæque proditoris ornatus elogii absce- deret,

deret, insuper autem de innocuo aditu, tanquam  
 de atrocissima iniuria apud Senatū accusaremur.  
 Obtentumque nobis ut interdiceretur, ne ciui-  
 bus nostrum tugurium & sacellum vtrā patesce-  
 ret. At enim uero recitata in Senatu apologia no-  
 stra, egregiè Prædicans ille cum toto ministerio  
 repressus & pudefactus est, addita commonitio-  
 ne Iesuitas uti missos facerent, nī pro gloria igno-  
 miniam reportare vellent. Postò Frisij Caluinitæ  
 cùm in anchoris ex aduerso domunculæ nostræ  
 constitissent, intellexerant aliquos ventitare ad  
 sacra milites Hispanos. Distributis proinde vigi-  
 liis occasionem obseruabant, ut egredientes abri-  
 perent. Vnum è via, alterum è latebris ædiculæ  
 nostræ raptantes in nauem compegerunt, mini-  
 mumque aberat quin sacerdos noster sortem il-  
 lam subiret. Vtrumque, ut fama est, paucis post  
 diebus vita mulctarunt. Felicius alij decem par-  
 tim Hispani, partim Lusitani, quos Hollandi se-  
 cum ex insula Canaria captiuos adduxerant. Hi  
 enim squalore carceris cùm enecti propemodum  
 fuissent, domi nostræ spiritualibus æquè ac tem-  
 poralibus alimentis per menses aliquot recreati  
 solum patrium liberi repetierunt. Ab Hollandis  
 etiam ex insula Subba adductus erat Æthiops,  
 quem aliquot annis Ainsterdami detinuerant, be-  
 stiæ potius quam hominis vitam agentem. deni-  
 que donatus mercatori Catholico nobis forman-  
 dus traditur, & mensis spatio catechesi quotidia-  
 na instructus, sacro fonte à nobis ablutus est. Mi-  
 rabatur domina eius, quomodo tam breui tem-  
 pore totam doctrinam Christianam apud nos  
 haurire potuisset, qui integro anno vix duas vo-  
 ces apud hæreticos, *Vader onse*, arripuisse. Ex  
 hæreseos styge capita fluctuantia quatuor ad Ec-  
 clesiæ Catholicæ littus attraximus. In uno sacras  
 Baptismi

Baptisini cæremonias ab hæreticis contemptim omittas suppleuimus: quem deinde, cum etiam piè meditādi ratione adiutus esset, planè in alium hominem coimutatum esse domestici sensere. Conciones tanto numero sunt frequentatæ, ut necessum s̄pē fuerit columnna inclinante in sacra-rij trabem sustentare, ne, qui sacrī mysteriis in-tererant in capita subtus stantium, vna cum ta-bulato ruerent. Qui sacram synaxim apud nos inierunt, fuere supra centum & sexaginta. Adiecta ad concionem pomeridiana catechesis, raro qui-dem auditore, sed paulatim, ut speramus, amplifi-canda. Datum etiam aliquantum auxilij spiritua-lis duobus sacrarum virginum monasteriis in di-tione Bremensi. Angustias rei familiaris laxauit crebra amicorum charitas. Redundauit eadem in bibliothecam, quę libris aliquot, & globis Mathe-maticis ornata est.

De Aqvisgranensi Missione, quæ sub finem æstatis initium accepit, nihil dum annuarum allatum est: melius in annum sequentem, aspirante diuina gratia, maturescet.

## PROVINCIA AVSTRIÆ.

**D**ODECIM Collegiis, vna Domo Probationis, tribus Residentiis, & quatuor Missionibus Austriae prouincia Dei beneficio hoc an-no supra omnes elapsos aucta, so-cios numerat 407. In Collegiis quidem Viennæ 45. Græcij 69. Olomucij 33. Bru-nnæ 69. Selliæ 14. Labaci 12. Glacij 14. Pragæ 38. Commotouiæ 18. Crumlouiæ 23. Nouodomi 14. Claudiopoli in Transyluania 25. Albæ Iuliæ 4.

spirituale studiosissimè consignarit. Nouem mensium spatio solas vulgi confessiones exceptas ter mille ducentas octoginta octo post obitum eius numerauimus, præter generales & studiorum, & eius diei, qua in morbum incidit extremum. Alter è vita decedens fuit P. Georgius Millius Vormaciensis, decursis in Societate annis ætatem decim, Coadiutor item formatus, ad nostrum vir institutum idoneus: cuius virtus eximia iam in variis laboribus exercita & perspecta ab omnibus commendabatur. Tertius Ioannes Heuslerus Argentinensis, domesticis ministeriis destinatus; annos sex in illis, officio functus infirmarij compleuit, non sine lucro solidæ caritatis; quam mira cum patientia, promptitudine & assiduitate egrotis demonstrauit. Præterea studio & assiduitate orationis ac religiosa promptitudine ad nutum Superiorum præluxit, carusq; omnibus magnum sui desiderium moriens reliquit. Societatem nostram duodecim hoc anno ingressi, quorum quatuor è domo coniectorum prodierunt: quinque nostrorum approbatione ad aliorū Religiosorum cœnobia sese contulerunt. De more diebus Dominicis rudis plebecula vnā cum tenella ætate ad pietatē, & ad cognoscenda fidei rudimenta, accessione in dies plurium, fructuque vberiore instruitur: nam & concionatorum numerus succreuit, ne tota moles paucorum humeris inniteretur. Hi vnam ad Serenissimum Archiducem, ad populum duas ordinariè, præter crebras quæ festis diebus occurrunt, habent cōciones: cuius sementis identidem manipulos referunt cum exultatione. Horum enim concionibus inflammati, alij pudorem confitendi correxerunt, alij errores in fide à puero imbibitos magno multorum exemplo eiurarunt. Et quidem confessiones generales 190. auditæ. Ad vnam

vnam communionis speciem perducti septem.  
Tres alij circa eius vsum vacillantes confirmati.  
Tres ab octauo milliari cōfessionis gratia nostros  
adierunt. Circa sacrum Pascha ducenti supra qua-  
tuor millia in templo nostro ad sacram accesserūt  
synaxin. Cæterū ab hæresi 194. absoluī : horum  
duo prænobiles prouinciae huius proceres fuerūt,  
quos loci Ordinarius, inspectante tota fermè Se-  
renissimi Principis aula, publicè in templo abso-  
lutos Ecclesiæ Catholicæ reconciliauit. Magna  
spes nos tenet tam præclaro illorum exemplo in-  
signem & subditorum , & aliorum Austriaco-  
rum breui futuram conuersiōnem. Inter reliquos  
nobiles quidam etiam equestris Ordinis vna cum  
coniuge perfidiam deseruit : in cuius territorio  
cūm peruersi dogmatis Buccinator amplius tri-  
ginta annos hæsisset , repetente Imperatorio de-  
creto omnia Catholicorum templa parochialia;  
parochiam deserere coactus, receptus fuit ab hoc  
domino, adhuc errorum laqueis constricto in ar-  
cem propriam , ea tamen conditione , vt à suis  
exercitiis alienos subditos omnes excluderet. Hic  
ille reluctari, superbiū importuniusq; dominum  
alloqui. iste hominis insolentia exacerbatus , ex  
arce eum deturbare, Catholicos adire, eorumque  
instructionem non ingratus admittere. Quare  
veræ fidei lumine illustratus, de more facta prius  
cuidam è nostris confessione, solemnī ritu per Do-  
minum Vicarium Episcopatus Viennensis in foro  
exteriore hæresis vinculo solutus, sub vna tantum  
specie Christi Domini nostri corpore refectus est.  
Sunt in dominio ditioneque eius familiæ circi-  
ter 100. quæ omnis conuersæ domini occasio-  
ne, ad rectam viam, de qua deflexerant, reducun-  
tur. Difficilis cuiusdam nobilis adolescentis in  
nostris scholis litteris operam nauantis ad fidei  
veri-

veritatem reductio fuit, propter potentes cognatos, ob quorum auctoritatem diu cunctabatur. Tandem visione Christi & eius Matris sanctissimæ partim motus est, partim terrore compulsus, ut sese erroribus animique angoribus liberaret: quod & fecit periculo se committens amittendæ hereditatis, quæ supra ducenta florenorum millia allatura illi credebatur. Virgo Turcica fidei articulos edocta, & Iudæi quinque sacri fontis lauacro regenerati ad Ecclesiam Catholicam accesserunt. Ex illis duorum conuersio sicuti insolita, ita magnum Iudæis, parentibus præsertim ipsorum, quos hic habent prædiuites, mœtorem, Christianis verò gaudium peperit. Nullum non mouerūt lapidem Iudæi, ut calumniis, mendaciis, minis eos à consilio deterrent: sed animati roboratiq; vnius è nostris adhortatione facile terriculamenta eluserunt vniuersa. Laborant ut plures iam vacillantes post se adducant: quorum non difficilis esset ad nos accessio, si modò bonorum suorum hereditatibus ab amicis non excluderentur. Ad Catholicam communionem, clavis parente, adductus quidam studiosus. Alterius iam triduo in agone mortis constituti, cum spes omnis & à medico peritissimo, & à parentibus deposita esset, superuenit sacerdos noster, rogauitque parentes, alterum Catholicum, hereticam alteram, ut in vota filij, B. Virginis Collensi nuncupanda, consentiret. quod simul atque à promptis animis impetravit, conuersus ad filium aurium linguæque beneficio penè destitutum, incepit conceptis praetere verbis, magnam Dei matrem pro valetudine pristina inuocando. studiosus ægrè admodum vel ultimas syllabas, easque refractas repetebat. peracto tamen voto omnium stupore & admiratione postridie cibum admittere cœpit, quem multis antè

antè diebus ne gustare quidem poterat, breviisque tempore D Virginis patrocinio recuperauit sanitatem. Quidam maligno infestabatur spiritu, qui varia ei vitæ eripiendæ compendia ostendebat: quin adeò hominem exagitabat, ut exterior corporis trepidatio non difficulter interiore declararet. subinde dum ad pedes confessarij animi expiandi caussa, supplex flectebat, ab ipsa lingua ora, crimina in abdita mētis retrahebat. Tandem à nostro sacerdote variis spiritualibus præsidiis, maximè agni Dei gestatione adiutus, quæ corporis, quæ mentis, magno Dei beneficio consecutus est tranquillitatem. Alius de venia peccati consequenda despōndens animum, & iam sola morte remedium malo suo quærens, per nostrum ad saniores mentem reductus, & solitis Sacramentis munitus periculum evasit. Alius item terroribus nocturnis & phantasmatis diuexatus, de consilio Patris nostri pīj operis exequendi voto factō, omni molestia liberatus est. Mulier quædam dæmoni fēcē propter rei familiaris implicatiōnē deuouerat, iam ad certum locum chirographo se posito; quod tamen oportunè Patris nōstrī intervenientis suāsu, receptum fuit, ipsaque per pœnitentiam salutarem Deo reconciliata. Beati P. N. Ignatij subscriptio etiam in Austria virtutem cœpit declarare suam. Nam cùm materfamilias vñ cum ancillis acerbius à spectro, etiam in humana effigie apparente diuexaretur; ab iis, quibus id officij in Ecclesia Cathedrali incumbit, postulauit, ut consueto exorcismo domum suam à tali molestia immunem redderent: repulsam passa, saltem duas Missas pro redimenda vexatione offerendas impetravit. Nihil remittens phantasma, verbera insuper addidit domesticis. Consilij inops materfamilias à sacerdote nostro accepit B. P. N. Ignatij

Ignatij effigies duas ianuis affigendas; eiusdē verò subscriptionem loco magis infesto appendendam. quod simul atque peractum, omnis illa infestatio continuò quieuit. Quidam vulnus in pectore sursum quatuor digitis latum, & octo profundum acceperat, duabus insuper abscissis venis. vitam amissurus propediem videbatur; vsum certè dextri brachij quoad viueret. Acepsito nostro confessario Sacramentis solitis communitus, sacram in honorem sanctæ Annæ pro se ad placandum Deum fieri flagitauit: quod dum peragitur, meliusculè habet, & sensim recuperat de integro & sanitatem, & brachij vsum. Adolescens quidam è nostris scholis lethali morbo correptus, ex nulla re maius ægrimonie alleuamentum se percipere identidem commemorabat, quām ex cuiusque è nostris conspectu. is peracta confessione, quam sèpiùs de more iterabat, ac communione sacra percepta tanto est repletus gaudio, vt se vix per dies aliquot caperet, omnibusque præsentibus maximam pareret admirationem, quibus & obitus sui diem octiduo primum, iterum pridie prædixit. ad quem dum iam se præpararet, paradisi gaudia se intueri referebat, in quorum possessionem aliquanto post pedem erat illatus, exigua præuia expurgatione. quod sanè eius vitæ innocentia & integritas pollicebatur. Eius etiam animo olim federat, si ætas matutior accessisset, hereditatem sat amplam in pios usus dispertiri. Odia inueterata nostrorum hortatu multa deposita, & ardentes inimicitiae restinctæ. Nouem coniugatorum paria rixis intestinis dissociata, ad amoris concordiaque iugum reuocata. Ægrotis & pauperibus tam quoad animam, quām corpus succursum. Multis chartæ superstitione, & libri magici erepti, & igni traditi. Vni iam capite plectendo

do Patris nostri rogatu vita impetrata. Quidam Catholici speciem præ se ferens, multa falso dedita opera, ad fidem confessarij probandam in confessione facta intexuerat, expectans, an quid eorum sibi in iudicio obiciendum foret. Verum ubi nihil falso in confessione dictorum in extremæ sententiæ latione prælegi aduerterat; tandem sacerdotum Catholicorum sinceritatem approbavit. resipuit ergo, scrius quidem, cum iam-iam manibus & pedibus rota cōtractis, extremus ictus in collo excipiendus esset. tunc enim confessarium accersit, fictionem extra Sacramentum aperuit, & deprecatus est, ac dein se de male perpetratis candidè confessionem repetens accusauit. Inanem non fuisse pœnitentiam vel hinc colligitur, quod triduo post uxori apparuerit, ab eaque intercessionem apud Deum pro anima sua postulauerit. Decem rebellibus Pappensibus, vni in quatuor partes secando, tribus in palum infigendis, & sex capite plectendis, dextris prius amputatis, tantos nostri animos & solatium tantum addiderunt; ut cruciatus acerbissimos omnium cum admiratione perferendos beneficij loco reponendos existimarent. Ad detentos in carcere binæ Dominicis diebus exhortationes habitæ, & additæ semper aliquæ eleemosynæ, quibus eorum nuditas famesque curata. De scholis nostris hoc addendum, eas & nobilitate & frequentia, & verò etiam diligentia discipulorum, his turbulentis temporibus satis floruisse: subindeq; principes viros, quorum hac transeuntium erga nos benevolentia & humanitas non vulgaris elucet, varieta te versuum ab illis esse exornatos: triaque drama ta data; primum in Bacchanalibus de Vdone Episcopo iudicio Dei condemnato; alterū ad festum Corporis Christi, de idolo Dagon ante arcam Dei collapso,

collapso, cui & Serenissimus Archidux Matthias interfuit ; postremum ad studiorum renouationem, de S. Martino Turonensi Antistite. Congregatio studiosorum sub tutela B. Virginis simul pietatis feroore, simul plurium accessione insigniter illustrata. Quatuor sacris commentationibus exculti non sine fructu desiderato. Piorum virorum liberalitas Collegij tenuitatem & angustias circiter mille, templum vero centum florenis subleuauit: ad cuius ornatum etiam aliquot casulae accesserunt. Tandein domus, quæ sola in Collegij insula angulum occupabat, multumque vībus nostris officiebat, simul cum per amplio horto suburbano empta est ab hæretico possessore 6300. florenis. Hæc sunt, quæ domi contigerunt: foris etiam nonnulla. Duo Patres in expeditione contra Turcos cum Comite fratre Duci Mercurij fuere, qui oportunam scepenuinerō opem & moribundis & egenis tulerunt. Duo alii adhuc in Linezensi Missione commorantur. Est autem Linezium superioris Austriae caput, ad ripam Danubij situm & celebre valde emporium. Eò Patres nostri missi postulante Serenissimo Archiduce Mattheia, paulo ante hæreticis Ministris inde exturbatis: tum ut pauculos Catholicos veteres in fide confirmarent : tum ut hæreticos concionibus disputationibusque ad rectam viam reuocarent: tum denique ut de extriendo Collegio ibidem ratione inirent; maximè quod schoolæ fuissent ibi olim & amplissimæ, & iuuentutis frequentia celeberrimæ. Nostri ab initio, controversiis præteritis, moralia pro concionibus tractauere: quæ res aduersariis calumniandi nostros, quasi sub hac pelle ouina eos decepturi essent, occasionē præbuit: cumque præsertim nostri autores fuerint ciectorum Ministrorum & ludi-

Ecc magistro.

magistrorum Euangelicorum. caueant ergo laqueos, videant, ne Latinis scholis amissis, perdant & Germanicas, sicque breui teneram ætatem Papistica doctrina imbutam videant. Pulsus campanum in pompa funerum hæreticorum, cantus & scholæ coenitatus ad illud tempus concessus, cum post nostrorum aduentum sublatuſ esſet; culpam omnem in nostros, neque fruſtra conicerunt. Quare omnes omnino ciues iuramento ſe obſtringunt vitatuſoſ nostrorum & cōcionem & conuerſationem. Magistratus auctoritate ſub mulcta pecuniaria ad templa Catholica reuocantur, ſed fruſtra. Persoluerunt eam quidam priuſ carceribus cōclusi. Hinc odium magis in nostros concitatum. Fouent eos in ſpe recuperandorum Ministrorum Domini prouinciales eius ditionis, triginta circiter, quorum duo tantum Catholici. Quare qui ad fidem veram afficiebantur, animos abiecerunt, persuasi non diuturnam futuram Catholicam reformationem. Et iam quidem Turcis tradita Canisla id pro certo credunt, putantes Imperatorem non posſe animum intendere & Turcicis vaſtationibus, & religioni restaurandæ. Quod si apud prouinciales nostri instant, ut potestatem offerant Ministris suis ſecum vel diſputandi, vel familiariter conferendi, continuo repulſam patiuntur. Has ob cauſas noſtris Linezij fructum deſideratum faciendi omnis ferè hactenus aditus preclusus fuit. Sed tamen Dei beneficio in tanta hæreticorum colluie, & animorum in Catholicos exacerbatione ad veræ fidei doctrinam complectendam duodecim perduixerunt. Sub una ſpecie hiſ ſeptem meſib⁹ communica- runt ad 300. In festo Corporis Christi vni è noſtris à Domino Decano oblatus honos Venerabile Sacramentum ex moje per urbem circumfe- rendi.

rendi. In qua pompa ad tria millia hominum sequebantur, cum antè vix ultra centum numerati fuissent. Pro serenitate aëris obtinenda ad quadrantem milliaris extra urbem supplicatio ad D. Margaretæ instituta: quo die multum ab hæreticis irrlī fuerunt Catholici, sed sequenti serenitas exoptata venit, diuque perduravit. Confutatum est solidè Rectoris prouincialium scriptum contra nos diuulgatum. Apologia Patris nostri sæpius à Catholicis descripta, ipsis fuit in fide confirmationi. Domini cuiusdam filia grauiter ægrotta nostrorum expetiit preces. addidit parens eius pium opus, reficiendo templi, in quo sacris operamur, tectum. dum opus eius, & preces nostræ feruent, vis morbi continuò deferbuit. Mulier quædam Patti nostro permolestum facessiuie negotium. motbo graui oppressa ipsum accersit, in fide instrui postulans. voti particeps effecta, confessa est & communicauit ritu Catholicorum: mox acerbiore capitis dolore correpta de statu mentis deiicitur, seq; damnatam ob discessum ab Euangeliō hæreticis astantibus, & alia eiusmodi per frequenter ingeminati postero die se sanam simulans fuga se subtrahit. Tum hæreticorum alij iactare illam manus violentas sibi intulisse, alij in aquam se præcipitem dedisse, omnibusque persuadere Catholicæ fidei fructum non aliud esse quam desperationem. Sed tertio die reperta mulier illorum mendacia aperta confessione redarguit. Interrogata enim in præsentia eorundem, qui etiam insanienti adfuerant, quonam animo horrendas illas voces emisisset; vi morbi expressas respondit, se vero & Catholicam esse, & Catholicam morituram, sicque post paucas horas sub manibus nostris animam Deo reddidit. Similem calumniam hæreticorum ( vt genus est hominum

facile ad mutuandam è mendaciis suæ perfidiæ probationē) quidam extremo supplicio affectus, & sub ipsam executionem sententiæ ab hæresi conuersus, in supplicij loco publica protestatione egregiè confutauit.

### *Residentia S. Bernardi.*

**S**EX in Residentia S. Bernardi personæ anno transacto habitarunt. Diebus Dominicis & festis binæ ad populum conciones factæ sunt. Parochiæ ruralis vnius curam & onus etiam nostri impigro labore sustinuerunt, & ad fidei Catholice veritatem octo perduxerūt. Scholæ, quas ante triennium pestis dissiparat, hoc anno iterum institutæ vberè fructu agrestis iuuentutis. Denique domus ampla in alio opido nostris vñibus accommodatissima iam-iam fermè perfecta est & absoluta.

### *Collegium Græcense.*

**V**ERSANTVR in Græcensi Collegio sexaginta-nouem, sacerdotes viginti, scholarum inferiorum magistri sex, Theologiæ ac Philosophiæ professores sacerdotibus annumerantur. Profertentur autem sacram Scripturam vñus, Scholasticam Theologiam duo, Casus conscientiæ vñus, Philosophiam tres, Mathematicas disciplinas & Ethicam vñus. Studiosi Theologiæ sunt tredecim, Metaphysicæ octo, Physicæ septem, Logicæ quatuor; reliqui sunt Coadiutores. Firma & constans fuit ferè omnium valetudo. Ad laborem nobis submisit Dominus septem; aliis Religiosorum Ordinibus alios nostris è scholis. Vnum Dominus ad præmiū euocauit Georgium Iosephum, qui cùm in sacrario diligenter ac feliciter deseruit,

viret, subito peste correptus mox animam Deo  
piè commendauit, & intra paucos dies reddidit.  
Cæteri, quæ Dei est benignitas, tanto in numero  
tempore hoc periculoso optima semper vñi vale-  
tudine. Hic omnium conatus fuit, ut litteræ cum  
pietate propria & aliorum salute pari laude iun-  
gerentur. Dominicis ac festis diebus habitæ con-  
ciones ad populum tres, non sine fructu, siue in  
Deum pietatem spectes, siue ad fidem Catholi-  
cam conuersioneim. Sanctis Societatis nostræ me-  
ditationibus nonnulli exulti. Cum ad finem vo-  
cati sunt ægri, spe & solatio erecti libentius è vita  
discesserunt. Ægris ac egenis præstitū auxilium,  
animis corporibusque prouisum. Inuisum sæpius  
hospitale ciuium; habitæ exhortationes: exceptæ  
aliquoties in anno confessiones: rixæ & odiū inter  
non vulgarēs frequenter sedatum, ob quod annos  
complures sacram communionem neglexerunt.  
Errori & funestæ hæresi renuntiarunt centum &  
quinque; quorum nonnulli viri docti, nobiles, ci-  
ues plerique honestissimi; nonnulli sexagesimum  
ætatis annum excesserant, alij acerrimi olim veræ  
fidei hostes fuerant, & erroris auctores ac docto-  
res. Duæ matronæ primariæ inter prouinciaæ Pro-  
ceres, diu pertinaciter perstitere, tandem ad Eccle-  
siæ gremium rediere. altera vidua erat: hæc post  
anni & amplius deliberationem & erroris sui de-  
fensionem, tandem Patris nostri (quicum frequen-  
ter de fidei rebus agebat) preces exegit, & ipsa no-  
stein illam vigilem & insomnem duxit in oratio-  
ne, vñâ cum pedissequa similiter hæretica, ut fidei  
cognosceret veritatem. manè facta, sese humili-  
liter sacerdoti submisit, amplius edocta & in-  
structa est de omnibus ad fidem & salutem né-  
cessariis: & sic conuersa & confessa, sacra Eucha-  
ristia recreata, vitam agit verè Christianam. Euo-

eati sunt nostri , si vnquam aliâs , ad varia Styriæ opida, vrbes, castella: multæ & fréquentes habitæ conciones, multorum exceptæ peccatorum confessiones. Sanè paucos int̄a dies sacerdos vnuis è nostris, uno in opido quinquagintasex ciues pœnitentes, à scelere & hæresi absoluit , & sacra Eucharistia vna sub specie recreauit. Non pauci ad nos Sacramentorum cauila peregrè aduolarunt. In variis conscientiæ Casibus consulti sumus, & consuluimus . Concubinario erecta concubina. Persona sacrilegij rea , post vitæ totius maculas per confessionem purgatas , ad suum vnde recessat, rediit monasterium. Alia matrona sacra agni Dei in cera expressa imagine, ab infestatione molesta & frequenti dæmonis est liberata. Funebres habitæ conciones. Duos sumus comitati, qui vltimum supplicium subituri erant . Aliis auctores fuimus, vt vitam honestè ducerent. Sacro Baptismo in templo nostro tinctus Mahometanus est, è fonte susceptus à Serenissimis Ferdinando & matre. Virgo quædam rusticana annis omniō septem à dæmonib⁹ vehementer afflita & obfessa, post multorum diuersis in locis conatus, à nostro sacerdote triduo liberata est; ipso sanctissimominoris Iesu die, cui nomini & B.P.N. Ignatij meritis, cuius & reliquias obfessa inter palmas concludebat, noster sacerdos plurimū confidebat, remque omnem ieiunio, oratione, Missæ sacrificio, mortificatione, verberatione, Deo & Duiis, Virginiq; matri per se & nostros sedulò commendabat: sic tandem nonnullis nostris præsentibus & orantibus spiritus maligni cesserunt, virginemque deseruerunt. Adolescens quidam nobilis & humaniorum disciplinarum non ignarus , sed Lutherana hæresi à puero infectus , è Prussia Vratislauiam in Silesiam commigrarat , inde Marburgum

burgum in Styriam: hic cùm fortè rerum & nomen  
morum inopia laboraret, destitutus consilio &  
auxilio, dæmoni fæse magnificè offerenti addixit,  
funestissimoque hosti chirographa duo, Vrati-  
slauiae vnum, alterum Marburgi proprio conscrip-  
tum & conspersum sanguine commendavit, ut  
hæc pacti & fœderis initi testimonia exstarent.  
Hic tandem iuuenis spiritu Lutherano plenus, &  
dæmonis furore ac feruore quasi agitatus, Græ-  
cium ad nostros venit: vitæ suæ statum aperuit,  
inter pauperes, nostrorum consilio, studiosos vi-  
uit. cura omnis adhibita est, ne solus vñquam ob-  
erraret, ne desiperet: mox actum cum illo de fide;  
tandem cessit veritati, criminum exomologatio  
fecit, ac dum deinceps precibus, Missæ sacrificiis,  
ieiunio, mortificatione, flagris actum, quod Dei  
misericordia, Christi Dei parentis ac Diuorum  
meritis chirographa reciperet. nec spes precessaque  
vanæ, chirographa recepit, frequentissimaque  
concione nostro in templo ac altari, quod om-  
nium in oculis erat, exusta sunt. Opulentioribus  
persuasum, ut pauperum eo die, quo sacram sum-  
pserant synaxin, memores essent: simul matronæ  
nobiles suis in ædibus, nostrorum consilio, sèpius  
egenis epulum dedere. Vir primarius & liber Ba-  
ro, sic ex pia & frequenti nostrorum exhortatio-  
ne & consuetudine dona horruit & munera; ut  
cùm nescio quis, generosissimum ei equum & vasa  
vini optimi offerret, ut scilicet in re honestissima  
apud Serenissimum intercederet, Præstabo, inquit  
ille, sine munere, quod virti boni officium est: &  
cùm alter assureret se præmij, vel pretij nomine  
nihil donare, sed libera voluntate hæc offerre; re-  
spondit, Animum agnosco tuum candidum & li-  
beralem, & me à te præsertim oblatum sine cauila-  
tione acceptare posse beneficium: verum vel

honestissima etiam à me procul sunt dona: quippe viam facilem fortassis ad alia minus honesta munera sternerent. Et quidem cùm ex nostrorum contentione & studio, plerique se Deo iungunt, Catholicam Ecclesiam, fidem auitam & religione promouent, diuina mysteria frequentant, & sese diuino numini quasi totos offerunt; tum id potissimum præstant Serenissimi nostri Principes, & quidem Serenissimus Ferdinandus, si in Ecclesiam Romanam, & fidem auitam ardorem eius & amorē spectes. is initio annitria proposuit decreta. Primum, si quis falsi dogmatis verbive Minister colonos aut ciues ad suas conciones admitteret, aut iis sua profana mysteria communicaret, à quo quis caperetur, sibiq; sisteretur. Secundum, vt qui ius patronatus Ecclesiarum, vel Ecclesiasticorum beneficiorum possideret, ei légeret idoneum sacerdotem, quem Ordinarius Episcopus probaret: ni faceret intra duos mēses, seipsum hac vice iure patronatus usurpum, & sacerdotem nominaturum. Tertium, ne in Styriam suaſq; provincias libri inueherentur hæretici. Neque inania & sine effectu hæc decreta fuere: in diuersas enim Styriæ partes, Reuerēdissimus Secouiensis priscæ religionis & germanæ pietatis tenacissimus, cum aliis tribus viris nobilibus, non sine milite præsidario, ex Principis commissione, visitationes suscepit quatuor, felicissimeque peregit: quintām denique in Carinthia quoque his proximis mensibus absoluit. In his autem visitationibus præstatum est, vt verbi Dei corruptores, populorum seductores, vel procul fugarentur, vel vinclis constringerentur: vtq; fana ab hæreticis erecta euerterentur (decem circiter euersa sunt, & septem cœmeteria) vt plebs omnis fidei priscæ, & fidei Catholicæ reconciliaretur. Nec irritus labor, Vel

enim

enim reuersa plebs ad fidem , vel reuersuram se sacramento obstrinxit, vel Serenissimi Principis ditionem deserere est compulsa; denique actum ut libri vbiue hæretici exurerentur. Sic effectum, ut viri nobiles & potentes , & in errore Lutherano pertinaces, qui sibi ius patronatus Ecclesiarum adscribebant, Episcopum consulerent, quem sua in Ecclesia sacerdotem proponerent ab Episcopo confirmandum. addo, è commissariis vnum, propriae parentis Lutheranæ libros omnes hæreticos in matris conspectu exussisse. Atque hæc in commissionibus , quæ extra urbem Græcensem per omnem Styriam fuere, facta audiuimus, & paulo post in ipsa hac vrbe fieri vidimus: in qua ingens librorum labe pestilenti infectorum cumulus rogo demandatus est; indignatione quidem magna & luctu fidei hostium, at orthodoxorum magna voluptate. Visitationis hæc forma erat: confidebant vnam ad mensam medio quasi in templo parochiali Commissarij quatuor: conueniebat Señatus, & ciues omni nino omnes : grauis erat pœna venire recusanti. duobus diebus habebatur oratio satis longa, lingua vulgari de origine hæreticos Lutheranæ , de vita ac moribus, leuitate, sacrilegio, apostasia Lutheri, de inconstantia & imperitia Philippi Melanchthonis, de confessione Augustana, eiusq; apologia & libro concordiae, de pugnantibus sententiis cum librorum, tum Prædicantium Lutheranorum; de antiquitate, amplitudine, constantia fidei & Ecclesiæ Catholicæ, de Serenissimorum Caroli & Ferdinandi in hæreticos ac perduelles suos subditos patientia, de eorundem amore suos in ciues. Quæ cùm copiosè satis & grauiter Reuerendissimus docuisset, mox concio omnis , quæ frequentissima erat , diuissa est, viritum reuersuri pro Commissariorum arbitrio

trio. Ergo ordine singuli euocabantur; qui Catholici erant, facilè fidem sacramento confirmabant suam: hæreticis verò, qui id facere detrectabant, certi temporis spatium tribuebatur, quo deliberarent, an in fidem iurarent Catholicā, vel solum verterent. Si quis autem contumax, vel erroris aut dissensionis auctor esset; is drepentè, vel vrbe & prouinciis cedere iubebatur, vel in vincla coniiciebatur. vrbum & ditionē Serenissimi Principis deseruere non pauci, plerique tamē se fidem auitam ac Romanam suscepuros sacramento confirmarunt. Ad pietatem Serenissimorū (quam libentibus animis nobiscum communicant) quod attinet: visitant Serenissimi Ferdinandus cum coniuge, Serenissima matre, fratribus, sororibus hospitalia frequenter, largas singuli singulis pauperibus manu propria distribuunt eleemosynas, singulari animi voluptate, cum egenis ac ægris familiari quasi fruuntur colloquio. Instituerunt aliquoties publicas quadraginta horarum preces pro augenda religione, peste, fame, bello auertendo. His publicis precibus horis sibi assignatis Serenissimus Ferdinandus cum aulicis; suis item temporibus Serenissima mater cum gynecæo, nocte etiam intempesta sedulò adfuere, prostrati cæterorum more, publicè in templi nostri choro, summam ante aram, ac Dominici Corporis Ven. Sacramentum. Institutæ etiam supplicationes frequenter; magno Serenissimorum pietatis ac religionis zelo habitæ conciones. Addo, mensibus aliquot, in hunc usque diem quotidie hora una publicè psalmos decantari, & preces fundi; in quibus Serenissimi nostri vniuerso populo & clero exemplo sunt & ædificationi. Liberalitatē requiris? Patribus Cappucinis hortum cum ædibus amplum & amœnum intra noua vrbis mœnia

Serenis-

Serenissimus Ferdinandus donauit, vbi facellum nunc erectum, in quo Missæ diuinæ peragunt mysteria, dum templi ædificium quod nunc exsurgit, perficiatur. Serenissima verò mater quam templis ac sacerdotibus faueat Catholicis, hoc sic argumento, quòd in dies ferè singulos, nunc huic, nunc illi parochiæ, monasterio, facello, templo, quid ornamentorum submittat. profectò die uno triginta omnino casulas cum multis altarium ornamentis est elargita. Templi nostri ornatus, qui hoc anno à Serenissima piisque matronis collatus est, trecentorum omnino florenorum. Ad scholas nostras venio, quarum eadem fuit, quæ anno superiore frequentia, diligentia, pietas, indoles, nobilitas. Illud verò nouum, quòd in Serenissimi Ferdinandi nuptiis carmina cum emblematis fixerunt, & versuum libellum Serenissimis sponsis dicarunt humaniorum litterarum studi. Addo, tragœdias duas biduo de Saule & Dauide actione, sumptu, scena magnifica datas. Mitto donatas Collegio vestes, & ornatum comicum, variis è spectaculis splendidum, pretiosum. Mitto in Collegio nostro oratione & carmine salutatos Illustrissimos Cardinalem à Dietrychsteyn, Venetumque legatum. Mitto alia duo data dramata: alterum in conuictu nostro, alterum nostris in scholis, non sine spectatorum approbatione. Id solùm attingo, à sacerdote nostro, Serenissimorū Maximiliani & Leopoldi præceptore, instructam actionem comicam, exhibitam verò in aula Serenissimi ab Archiducibus Maximiliano & Leopoldo, puerisque nobilibus honorariis, quorū præclara est virtus & indoles. Princeps Maximilianus Theodosij Imperatoris, Serenissimus Leopoldus S. Ambrosij Episcopi personas sustinebant. Actio erat horatrum trium, grauis & elegans, non sine magna

magna delectatione, splendore, motu. Serenissimus Carolus, natu minimus, & posthumus actionem omnem gratiosè concludebat. Præter examinationa, concertationes Philosophicas & Theologicas Baccalaureorum, & magistrorum promotiones publicas, creatus est solemniter & pompa Baccalaureus Theologiae formatus ex alumnorum P.S. numero; ordinati præterea ex iisdem alumnis sacerdotes quinque, subdiaconi quatuor. Conuentus noster, ut consueuit, frequens est & nobilis, & contentione in litteris ac pietate excellens. Spiritus sancti congregatio quatuor Societati nostræ dicauit socios, sacerdotem unum, Philosophos duos & Poëtam. Fuit hic annus non sine felicitate & fructu: sed dupli malo circa finem correptus est, magno scilicet hostis Mahometani & periculo & terrore, necnon pestis contagione, quæ nos coegerit vacationes ad D. Virginis & Martyris Catharinae festum protrahere.

### *Residentia Milstadiensis.*

Hoc anno 1600. vix aliud habemus notatum dignum, quam quod iam ferè omnes Milstadienses subditi, qui multis annis in heresi vixerunt, partim operâ nostrorum, partim operâ DD. Reformatorum Serenissimi, partim exemplo opidanorum Milstadiensium, & vicinorum subditorum (qui aliquot mensibus ante aduentum DD. Reformatorum ferè ad unum ad fidem Catholicam redierant) etiam ad eandem se repperint. Libri hæretici opidanis Milstadiensis ante aduentum DD. Reformatorum, per nostros suere sublati, iam autem omnibus in toto districtu Milstadiensi existentibus penitus tolluntur. Inter alios ab hæresi reductos nobilis quidam, post frequentem

nostro-

nostrorum cum eo habitam de rebus religionis concertationē, hæresim, quam hausit ab ipso Philippo Melanchthonē, cuius olim discipulus fuit, ciurauit. Reliqua Societatis munia, & domi, & in tribus vicinis pagis per nostros exerceantur. Concionibus populus, & doctrina Christiana pueri Dominicis diebus extra cathedram erudiuntur.

### *Collegium Pragense.*

Q<sup>UAM</sup>VIS initio huius anni, ob pestis periculum, quod à proximè elapsō necdum remiserat, 21. tantum ē nostris in Collegio essent, accesserunt tamen sensim totidem alij, vt fuerimus in vniuersum hoc anno 40. sacerdotes quidem 16. (quorum fuerunt professores quatuor, concionatores totidem: reliqui confessionibus & aliis munib⁹ Societatis occupati) magistri quartus, studiosi Theologiae moralis & controversæ quinque, Philosophiae in uno cursu duo, in altero tres: reliqui domesticis ministeriis destinati. In coniectu versantur ex his sacerdos unus, qui regens est: & duo Theologiae studiosi. Admissi in Societatem studiosus unus humanioribus bene instrutus, & temporales Coadiutores tres. Nullus (qua<sup>e</sup> Dei fuit misericordia) hoc anno ex nobis desideratus. Ad Februarij initiū in Scholis Philosophiae, Rhetoricae & Humanitatis cœpimus dispersam colligere iuuentuteim: elapsis duabus hebdomadis in omnibus scholis ordinariæ lectiones cœptæ sunt. Theologia sola ob penuriam auditorum post Pascha reiecta. Cursui Philosophico bis peste impedito finis est impositus feliciter, decem ex discipulis magisterij gradu condecoratis. Inchoatus vero est alter cursus etiā feliciter, omniumq; scholarum progressus ab aliis annis nihil fuit absimi-

Iis, siue pietatē, siue in studiis diligentiam spectes. Parthenia Sodalitas commune in suum cursum etiam tenuit, tam in publicis de in ore suppliciōibus, quam in priuata Sodaliū pietate. Quæ ipsa diui Eustachij tragœdiā maximo Dynastarum, & omnis generis hominum concursu ac aplausu exhibuit. Commendat etiam huius Sodalitatis pietatem vnius eius alumni in seruandæ castitatis studio fortitudo, qui à duabus impudicis, quæ ad flagitium ipsum sollicitabant, forti se animo defendit. Italica etiam congregatio, quæ proprium habet templum in Collegio nostro, pietatis & deuotionis specimina præbuit consueta, in Sacramentorum frequentatione, pro hominum qui in ea sunt conditione, & publicis suppliciōibus. Recreati sunt valde omnes & singulari fauore & gratia Suæ Sanctitatis in primis, qui ad ornatum facelli perficiendum liberale subsidium misit, deinde R.P. nostri, qui hanc etiam dignatus est primariæ Romanæ aggregare. Ornatum est hoc sacellum hoc anno eleganti altari, & tribus sacerdotalibus ornamenti. Spiritualis fructus à nostris hominib⁹ hoc anno reportatus, non est ab aliis annis absimilis, siue concionibus, quæ pro more quaternæ, tam festis quam Dominicis diebus, Bohemicè, Germanicè, Italicè & Latinè sunt habitæ, siue confessionibus, siue familiaribus cum proximis colloquiis. Hortatus aliquando auditores concionator noster, ut minus honestas cantilenas fabulosasque (quibus hæc gens plurimum delectatur) historiis veris & utilioribus communarentur; multi ex illis in dominibus suis libros tales Vulcano tradiderunt; alij ad ipsum Patrem igni traderdos miserunt. Idem concionator grauiter notauit pro concione superbiam & fastum feminuarum, præcipue quem ostenderent in crispatis

ris collaribus:qua censura motæ duæ, quæ tactæ videbantur, omnino superbiam deposuerunt. & una quidem in modestissimo ac simplici in posticum vſa collari est. altera non deposuisse contenta, etiā ad Albæ sacerdotalis fimbrias prosolleminoribus festis ornandas, illud tanquam anathema deuouit. Sed multa sunt huiusmodi exempla ex auditis nostrorum concionibus. Illud non videtur omittendum: cùm de peccatorum confessione ritè peragenda concionator verba faceret, quendam inter alios adeò motum fuisse, vt quæ multis annis in confessione reticuerat, magno animi sensu patet fecerit Quod factum Deus miro quodam euentu approbavit. Exceptæ sunt à nostris confessariis generales confessiones (præter illas quas ab hæresi conuersi fecerunt) 120. Conuersi verò ad Ecclesiæ Catholicæ fidem 130. quorum unus egerat verbi, vt illi appellant, Ministrū: qui etiam in exteriori foro Ecclesiæ est reconciliatus ab Illustrissimo & Reuerendissimo Nuntio Apostolico. Instructus est etiam unus in religione Catholica, qui Mahometana superstitione imbutus erat, & baptizatus est. Data studiosis duobus exercitia spiritualia, quorum alter in concepto Societatis nostræ desiderio confirmatus, ad nouitiatum postea missus est: alteri etiam sua utilitas stetit. Vir, alioquin Catholicus, cùm præ simplicitate, an negligentia? templo hæreticorum frequentaret, abstineret verò totū septennium, tam ab hæreticis, quam à Catholicis Sacramentis; monitus à suis, vt se Catholicis coniungeret, nihil promouit: donec graui Deus morbo, & aliis ærumnis eum visitauit. Redditus sanitati confessarium quæsivit, & Eucharistiæ Sacramentum, quibus feliciter potitus est. Matrona quædam in hæresi educata, ætate iam prouesta, in infirmitate consti-

constituta visa est sibi videre per quietem vene-  
randum quendam prolixa & cana barba virum,  
vt tandem abiecta hæresi ad Ecclesiam rediret,  
admonentem, ac, si pareret, sanitatem pollicen-  
tem. Excitata à somno animo quid vidisset reco-  
lens, de conuersione cogitat, consilium cum do-  
mesticis coömmunicat. illi à proposito blanditiis  
addendo minas deterreret: sed nihil agunt. nam solo  
proposito conuerzionis concepto sanitate recupe-  
rata à nostris instrui petiuit. instructa est, confessa  
est, coömmunicauit, fidelisque perseverat. Adole-  
scens Anglus non dissimili ratione à Caluinianis  
ad Catholicam religionem est tractus. Videbatur  
is sibi ad cælum vocari, obuium verò habere  
B Petrum cæli clauigerum, cæli aditu prohiben-  
tem, quod mundos pedes ille non haberet: ac mi-  
nantem æternam damnationem, ut illos intra se-  
ptem hebdomadas lauaret. Hoc viso dicebat ad-  
olescens se vehementer vrgeri, & simplicitas eius  
naturalis candorque exhibitus in confessione fa-  
cienda, facilè suadet somnium illud à Deo im-  
missum. Mulier hæretica, cum qua dum viueret  
maritus, diu frustra laborauerat, tandem ipso  
mortuo, ab Hussitino conuersa, confessa est, &  
coömmunicauit. Ancilla quoque Catholica non ir-  
risiones modò inter hæreticos, sed ab hæretica  
hera etiā verbera perpetia est, ut à fide recta disce-  
deret; ipsa verò fortior persecutionibus euadens,  
ipsam quoque vitam profundere parata erat pro  
fide tuenda. Conuersus post aliquot annorum co-  
natus vir nobilis, perceptis Pœnitentiæ & Eucha-  
ristiæ Sacramentis, & fidei professione edita, &  
post aliquot hebdomadas ab Illustrissimo & Re-  
uerendissimo Nuntio Apostolico Archiepiscopo  
Spinelli Confirmationis accepto Sacramēto. Erat  
aliás magni nominis & auctoritatis Caluinista,  
liberis

liberis suis in medio hæretorum, ut mature prospiceret de Catholicō præceptore poposcit, se, suos, suaque omnia nostrorum consilio committens, siue immigrandum eis sit, siue manendum, & quiduis preferendum: quamuis grauia sibi à suis imminere non ignorabat pericula. Ex integro etiam Ecclesiæ Catholicæ restitutus alter, qui cum antea Catholicus esset, à proprio seductus erat Parocho, legitimè quidem olim ordinato, sed qui præter nomen & Ordinem Catholicum nihil catholicè ageret: sine confessione Sacramentali ad communionem admittebat, & sanguinem Domini ex cochlari portigebat; ex Lutheranorum libris concionabatur. quia tamen Catholicus habebatur, multos Catholicos reddidit Lutheranos, quorum nonnulli ad meliorem institutionem se offerunt: magna spe conuersio[n]is. Matrona item erat inter Hussitas educata duodecim annis, aduersa valitudine ad lectum afflita. accessitus noster sacerdos ad ægram de vita propè desperantem,hortatus eam est ad Sacra[m]enta Catholicō ritu percipienda. Annuit illa, moxque de ratione se præparandi edocta Sacramentalem fecit confessionem. Cumque illi sacerdos noster spem faceret recuperandæ valetudinis, si relicto vsu vtriusque speciei catholicè sub vna communicaret; communione sacra percepta statim conualuit: nec apud Hussitas sacramenta, sed apud Catholicos frequentauit. Ea re tam inusitata permotus maritus, non se potuit continere, quin post triduum eundem nostrum Sacerdotem conueniret, ac rogaret, vt suam quoque ac liberorum confessionem exciperet: quem ille benignè acceptum, beneque infide ac religione Catholica confirmatum, spirituali gaudio perfusum, dimisit; & vterque coniux vñā cum liberis magno iam animi ardore in

templo nostro Sacra menta frequentant. Profuit & alteri cuidam confessio ritè peracta apud nos non solum ad animæ, sed etiam ad oculorum salutem. cum enim penè cæcus esset, expiato, ut dictum est, animo, cum ad S. Wenceslai facellum votum perso luens sacram Eucharistiam sumpsisset, melius multo videre cœpit. Cōuersus est item alius à Lutheranismo accepta occasione ex Lutheranorum Prædicantium inconstantia, quos vidi t à Luthero ad Caluinum transisse. Iterum, inquit, fortè ad Lutherum reuertentur, & quod modò aiunt, postea negabunt. Duo etiam ex nostris cohiuictoribus conuersi, confessi generaliter communicarunt: quorum alter fuit tam obstinatus, ut nostri de eius conuersione penè desperarent. Nobilis quidam penè quinquagenarius pater Catholico matre Picarditica natus, et si multis prouincias peragrauerat, numquam tamen se resoluerat an patrem sequi vellet, an matrem in religione: tandem patris partes secutus confessus est, & communicauit. Vir quidam ex Equestri ordine nobilis, cum ex graui casu de vita periclitaretur, ita ut quinque dierum spatio nec loqui, nec cibum ullum capere posset, adhibito è nostris sacerdote mox & piè locutus ac confessus est; peractaque confessione hortatu sacerdotis, cibum quoque sumere cœpit. Prælatus cuiusdam Religionis morbo extremè laborans, nostrum sacerdotem ad millaria aliquot vocari curauit, cui suæ conscientiæ rationem aperiret; quo adueniente, mox ad Sacra menta, tanquam ad sacram anchoram recursum est, Confessionis, Eucharistiae & Vunctionis extremæ; ac statim conualuit; & sanitati pristinæ restitutus est. Reliqui Religiosi tanto exemplo sui Prælati permoti, eidem nostro sacerdoti confessiones suas fecerunt. Vexatus quidam

dam spectris terroribusque magicis, consilium à nostro sacerdote accepit, ut generaliter confiteatur, & sumeret sacrosanctam Eucharistiam. fecit ille, & adiutus est. Incarceratis quoque nonnullis opera nostra fuit utilis, non in spiritu tantum, dum ad confessiones facieudas sunt perducti; sed in corpore etiam & rebus temporalibus. Dissidentes quoque grauiter, sunt reconciliati. Quæsumum quoque diu, & diuina ope inuentum tandem remedium scandalum, quo maximarum personarum fama & anima periclitabantur; reique publicæ, & ipsi religione Catholicæ plurimum incommodabatur. Qui hoc anno in tēplo nostro communicarunt, quinque millia sexcenti numerantur. Institutæ sunt aliquot peregrinationes ab utriusque sexus nobilibus, & mediæ conditionis personis ad specum præcipuè S. Ioannis, & locum in quo D. Wenceslaus à fratre proprio extinctus fuit ( yterque locus tribus ab urbe milliaribus distat;) in quo pietatis exercitio nostros Patres propter confessiones, & communionem sacrâ comites habere voluerunt. Præcipua verò erat, quæ initio Iulij ad prædictam specum fuit instituta: in qua trecenti erant circiter; paucis exceptis, qui ob virium imbecillitatem curru vehebantur, reliqui omnes pedites iuerunt, multi etiam nudipedes. Egressi solemni cæremonia sub signis & vexillis sacris è monasterio montis Sion dicto, cum symphonia & Litaniarum cantu, tota illa multitudine respondente. Sub ipsam exundi horam imber extortus cœnosam quidem & lubricam reddidit viam; sed nihil excitatos iam peregrinantium animos impediuit, quo minus alacriter pergerent, nec ob plures postea repetitos imbres ( quibus omnes ad ipsa industria madefacti sunt) quidquam de constantia animi remiserunt. Cùm ipso cre-

pasculo vespertino ad specum ventum esset, ardentibus ad partes omnes in ea luminaribus, in multam noctem oratio genibus flexis producta est. Duo interea ex nostris Patribus aures assidue pœnitentibus dabant. Quietè verò parui temporis capta à multis sub dio aut frondosis casulis excitatis propter loci solitudinem, redditum summo manè ad orationes & confessiones. Cantatum inde sacram, quod concio Germanicè de peregrinationum contra hæreticos defensione (valdè enim ista hic ridentur) secuta est; totam verò piam illam actionem cantatum aliud sacram terminauit: in utroque sacro communicarunt homines amplius 130. Adolescens erat in comitatu hæreticus, qui meditabatur antea quidem conversionem, sed diuersis respectibus eam differebat: conspecto autem tot pœnitentium cum spiritiis & lacrymis ardore, ipse quoque peccatorum sarcina ad pedes sacerdotis nostri deposita, Ecclesiæ Deoque reconciliatus est, dilata tamen ob reuerentiam sacra communione. Illud quoque tuus mirabile vni ex nostris Patribus contigit. cùm ex valetudine, qua aduersa complures dies vsus fuerat, itinerisque defatigatione ex pluviis graui dolore capit, & totius corporis languore affectus esset, vt vix pedibus staret, & sub finem illius itineris subsistere quasi ad tertium quemque passum cogeretur; tandem penè aliorum manibus in specum sacram illatus ad Sancti sepulcrum breui oratione facta, sanum se ac vegetum è vestigio sentit, vt & confessiones audire, & sacram cantare, etiam cùm humi noctu iacuisset, sine difficultate potuerit. simile quid alteri Patri eius socio accidit, qui etiam concionari postea potuit. Processio sanctissimi Corporis Christi consuetum tenuit cursum & solemnitatem, ac tam principum viro-

virorum, quām populi frequentiam. Hoc etiam singulare habuit, quod Illustrissimus Nuntius Apostolicus sacratissimā gestauerit Eucharistiam, quo non solum suam ostendit deuotionem, sed in nos etiam propensionem. Ostenderunt nobis hoc anno præcipui regni Officiales propensum in nos animum, dum honoris caussa, epulum in Collegio nostro cum aliquot Baronibus aliis ac nobilibus lumpserunt, & tum in eo, tum alias quid de Societate sentirent ac quanti illam facerent sunt professi, palam afferentes, quidquid religionis Catholicæ in hoc regno esset, sine controuersia tribuendū esse Societati. Illustrissimus Cardinalis de Dietrichsteyn, cùm Pragam ad Maiestatem Cæsaream venisset, Collegium nostrum humannissimè inuisit, ac sacrum in templo nostro peregit; excipientibusque illum studiosis, tam ligata, quām soluta oratione, non est designatus se veluti socium illorum appellare, qui in eisdem schoulis permultos annos sub nostra disciplina litteris incubuerisset: discessurus postea in Vrbem casulam aureæ telæ elegante, qua ipse aliquando usus esset, nostro templo donauit. Resumpsimus hoc anno templi fabricam à viginti annis intermissam. & successit Deo bene propitio haec tenus feliciter, omnibus hominibus externis ferè stupescéribus, quod tam brevi tempore tanti muri ad summittatem usque sint ericti, & interiores columnæ maiori ex parte perfectæ; cùm tamē tanta sit hæc pars, ut pro sufficienti téplō sola illa sufficere posset: sicut altera qua per viginti iam annos usi sumus, sufficere alias pro nobis iudicabatur. Officiebat nonnihil huic structuræ rumor, nescio quis, sparsus, quod ultrà triginta millia daleorum ad illam donata nobis essent. Accedebat & ipsa festinatio in ædificando, quæ rumori fidei adferbat:

rebat: quare multi, qui alioqui prompti fuissent,  
 ut ædificium iuuarent, à subsidiis tantis retraher-  
 bantur. Vnde tamen, cui familiaris vñus è nostris  
 rei veritatem aperuit, quòd, inquam, rumor ille  
 falsus omnino esset, solus attulit mille ducentos  
 florenos, in tempore oportuno: nam vel cessan-  
 dum, vel pecunia mutuo quærenda erat, ut perge-  
 retur. Et spes eadem, quæ nos hactenus non con-  
 fudit, excitat, ut speremus proxima æstate omni-  
 no perficiendum ædificium. Eo quæ magis miran-  
 dum est hoc tempore è perductum esse piorum  
 subsidiis templum, quòd simul duo alia templo  
 Catholica, piorum eleemosynis erigerentur. Nec  
 defuit Cæsarea Maiestas, quæ ædificia omnia hæc  
 promoueret, mandando tria millia, & sexcentos  
 daleros in ea diuidi, quæ ad proximam æstatem  
 usui nobis futura speramus. Hactenus pro hoc  
 ædificio ter mille & quingenti daleri à variis ami-  
 cis sunt collecti & nonnemo à fide nostra dissen-  
 tiens, centum pro eo florenos donauit. Exstruxit  
 verò in ea parte, quæ structa erat prope locum se-  
 pulcræ, qui ipsi à R.P.N. Generali concessus erat,  
 magnifica Domina Maria Martinitz elegans al-  
 tare, adiecitque necessaria ad celebrandum in eo  
 ornamenta, meditaturquæ pia Domina multo  
 plura. cui gratissimum planè accidit, quòd R.P.N.  
 participem illam fecerit patentibus litteris ope-  
 rum bonorum Societatis. Quas cùm vñus è no-  
 stris Patribus illi tradere vellet, non existimauit  
 se dignè illas accipere, nisi priùs confessa, commu-  
 nicaret: ac postea multis lacrymis tantam gra-  
 tiā testata est se pluris facere rebus in hoc  
 mundo charissimis. Illustrissima etiam Domina  
 Maria Manrique vidua senior de Pernstein, hor-  
 tum nobis prope flumen, sex millibus dalerorum  
 æstimatum, non longè à Collegio, multis diffi-  
 cultat-

cultatibus, quæ occurrabant, superatis, tradidit, & in regni tabulas inscribi curauit; in quo etiam facellum pro nostrorum vñu, cùm recreationis caussa eò se conferunt, ædificari curat. Et ipsa etiam bonorum operum particeps facta Societatis, quām gratissimo id animo accepit. Magnifica Domina Ursula Lobkowitz, magnifica Domini Wenceslai Plesky vxor ut in vita piissimè vixit, insigni tolerantiæ ac patientiæ exemplo relicto, quæ omnium ferè membrorum non sine veneni ac maleficij suspicione, vñu priuata per annos aliquot vixit; paulò ante mortem tria daleroru[m] millia Collegio nostro legauit; & alia duo millia, quibus census emeretur, centum sexaginta dalerorum annuorum, in pauperes occultos distribuendus, idque Collegij Superioris arbitrio. Quam benevolentiam verbo tantum ab ipso propositam, pius & Societati addictissimus maritus scripto, quo se obligauit omnia intra annum traditurum, nobis confirmauit. Et hunc ipsum pium & zelosum Catholicum Dominum, ob singularem in Societatem propensionem participem fecit R. P. noster operum bonorum Societatis: qui similiter, ut prædictæ duæ matronæ magna animi gratitudine hanc gratiam suscepit, confessus & communione refectus. Magnifica etiam Domina Margareta de Lobkowitz vñdua piissima, mille daleros nobis testamento legauit: domui verò pauperum studiosorum bis mille & amplius, quæ licet recepta neandum sint, breui accepturos nos speramus. Concius quidam à matre ante annos duodecim defuncta ducentos daleros nobis legatos, intelligensque à parente nunquam traditos, illo defuncto statim ad Collegium misit.

*Collegium Olomucense.*

**E**x quo resumptæ sunt scholæ in Paschate post diram mensum circiter nouem pestem, fuere de Societate minimū 33. adnumeratis tribus, qui conuictui præsunt; sacerdotes quindecim, præceptores quinque (præter quatuor alios è numero sacerdotum) totidem Scholaſtici, Coadiutores temporales decem. Sacerdos vñus, qui iam tertio iuuandis lue infectis segregatus à conuictu aliorum toto eo tempore agebat, Dei benignitate sanus valensque inter quotidiana pericula seruatus est. Inter quæ ordinariæ conciones duæ Germanicæ in primariis ciuitatis parœciis, tertia Bohemica in Collegij templo neutiquam sunt intermisæ; addita etiā catechesis ad populū in primaria parœcia tēpore pomeridianō per singulos Quadragesimæ dies. Alumni & conuictores, qui grāfante lue ad tutiora se receperant, vbi nihilominus sub nostrorum cura, litteris & pietati consuetam operam impenderunt, sub Quadragesimæ initium ad ciuitatēm reuersi sunt. Instauratio studiorum sub Pascha à tanta lue auditorumque dissipatione non infrequens fuit; è quorum numero tres ad Societatis nouitiatum missi. Hac æstare Illusterrimus Cardinalis à Dietrichsteyn, Episcopus Olomucensis ab electione sua primū Olo- mucium ingressus, postmodum Collegium adiit, exceptusque est in magna confluentis populi frequentia vario dramate, illoque in primis lugubri, quo calamitosus Morauiae status ob sectarum colluuiem exponebatur, eiisque cælitus destinatus ad salutem tantus Episcopus monstrabatur. res acta magno auditorum sensu & plausu. Decreuit idem pro tempore dalcros annuatim mille, alum- nis

nis ad sacerdotium educandis : quorum non in-  
stituendorum tantum, sed ad legendorum etiam,  
dimittendorumque potestatem omnem nostris  
concredidit. Qui partim hæresim abiutarunt, par-  
tim verò ab vtraque specie ad vnam, hoc est à du-  
bia suspectaque fide ad veram syncretamq; trans-  
ierunt, octogintaquatuor numerantur. In hæreti-  
cis fuere duo viri nobiles , qui in custodia positi  
congresu nostrorum saltem animæ repererunt,  
quam vix fuissent in libertate reperturi. Fuit &  
tertius tota prouincia satis celebris ætate gran-  
dæus, qui in expectato exemplo feriis Paschali-  
bus in nostro templo Catholicā communionem  
facta exomologesi primū accepit. Quatuor et-  
iam alij capitis damnati, quibus moriendi fortu-  
nata necessitas admittēdæ ad aures atque ad ani-  
mum veritatis occasio fuit. Alius item primariæ  
nobilitatis adolescens, qui patria & hæreticis pa-  
rentibus fidei Catholicæ caussa relictis, Deum se-  
cutus ducem Olomucium venit , ibique recon-  
ciliari cum Ecclesia per nostros voluit, priusquam  
iubilē causâ Romam pergeret, scriptis ex itinere  
ad parētes litteris , quibus suum de fide suscipien-  
da consilium aperiebat, liberè contestans certum  
sibi esse hæreditatem potius, paternamq; gratiam,  
quām diuinam amittere. Fuit in eodem numero  
par coniugum ; è quibus vir ob furtum morti ad-  
iudicatus, biduo ante suppliciū Catholicus a no-  
stro sacerdote factus, sacraque synaxi ad præsens  
ferendum malum confirmatus cùm esset, inimici  
hominis operâ, atque inuisentium hæreticorum  
improbis suasionibus concussum, paucis horis ante  
vitæ extremam , visus est abiectum semel Luthe-  
ranisnum denuò profiteri. accurrit Pater, erigitq;  
hominem, & ne ipso in portu constitutus naufragi-  
gium faciat , salutarem Pœnitentiæ tabulam flu-

Et uanti porrigit, commode vxore quoque ipsa, alioqui hactenus heretica, cohortante, eiusque primo quoque tempore amplectendæ promissione se obstringente, quam se dicebat alias apud ipsum laudas; & illius recipienda moram, infortunij huius quod utriusque obuenisset, causam existere. Ille itaque ab interitu animæ secundò reuocatus fortiter corporis mortem oppetit. Vxor verò sui memor promissi fuit. Anus quædam heresi per omnem ætatem nimium addicta, morbo senij correpta, suasu filij discipuli quondam nostri, sacerdotem è nostris aduocari ad se permisit: quo fidei Catholicæ antiquitatem constantiamque ostendente, flexus mulieris animus manus dedit, & confessione facta, consequens dies sub altera tantum specie communioni sumenda dictus est. Alius quidam à duobus è nostris extra ciuitatem semiuiuus inuentus, qui à socio pecuniolæ suffurandæ caussa contusus baculis, multique locis sauciatus fuerat; recreatur primùm de tertiis vulneribus, suauique colloquio; tum salutis animæ admonitus, & pro temporis oportunitate de fide instructus post confessionem absolvitur; quodq; reliquum erat, adiutor xenodochij prefecto, illuc deferri curatur, ubi etiā post animæ sanitatem, corporis postmodum valetudinē recepit, utramque fortasse amissurus, nisi in illum nostri, Deo gressus dirigente, commode incidissent. Ex iis qui usum calicis reliquerunt, matrona quædam ad id faciendum mirabiliter compulsa est. cum enim per omnia Catholicam se profiteretur, quæque de usu Venerabilis Sacramenti Ecclesia tradit, firmiter se credere; solicitabat tamen magno pere sacerdotem è nostris, ut per eum sibi licaret utramque sumete Sacramenti speciem. renuit ille, affirmans, quorum fides una esset, & communionis

nionis modum vnum esse debere: suitas autem, ut  
altare adiens quinques ibi precatione Domini-  
ca, Salutationeque Angelica suppliciter recitatis  
à Deo flagitaret lumen, quo intelligeret, gratâne  
Deo esset sub altera tantum specie Sacramenti  
receptio. Paruit illa, & ecce ex altari inter imagi-  
nes fumus erumpit, qualis è thuribulo in sacris lo-  
let, qui ad quartam horæ partem durans mirificè  
mulierem refecit. vnde illa spiritus quodam im-  
petu ardoreque concepto, ad confessarium reuer-  
sa contestata est, nec si ipse iuberet, sub vtraque  
specie sacram synaxim amplius accepturam; vi-  
dere enim se spiritualem esse odorem, Catholi-  
cam vnius communionem. id quod apud alios  
prædicare non desinit. Alius quidam ciuis, qui  
per octodecim annos à calice abduci nequie-  
rat, æger factus bene sperare iubetur, dum velit  
salutari consilio acquiescere. obsequitur, com-  
municat sub altera tantum, fit sanus, totaq; dein-  
ceps familia eundem communicandi ritum am-  
pleteatur Hæc ad eos, qui foris, iam quæ ad dñe-  
sticos fidei, attingamus. Adeuntur nostri è lon-  
ginquo Pœnitentiæ & Eucharistiæ caussa, non ab  
iis solùm, qui domi carent Catholicis sacerdoti-  
bus (quo ex numero mulier sola inter conciues  
suos Catholicæ, lactentem gestans infantem, à de-  
cem millibus passuum ea de caussa venit;) sed ab  
aliis etiam, qui cùm pro foribus habent templo  
Catholicæ, eò se longum iter suscipere malle pro-  
fitentur, quò maiori cum pietate & fructu in tem-  
plo nostro Sacmenta obeant: inter quos matro-  
na altera pari studio sexaginta millia passuum pe-  
dibus, iisq; nudis, satisfactionis caussa, in frigore  
& aquis magna alacritate confecit. Catholicæ &  
pia mulier in extremis constituta, sacroque iam  
olco ad pugnam inuncta, confessatio de nostris  
signifi-

significat, haberi domi radicem quandam in scri-  
nio à marito asseruatam, quam à maioribus hæ-  
reditate acceperit, præstigiis infamem (ea refert  
suspensi hominis effigiem, atque sub patibulum  
effodi perhibetur) qua nisi elata ex domo sanari  
ipsa non valeat. petit eam noster, exportat con-  
cremandam, ac mulier postea, prout ipsa nar-  
auit, continuò se morbi molestia leuatam sensit, &  
denique conualuit. Quatuor partim à turpi quæ-  
stu, partim à concubinatu reuocatæ. Cum hoc  
anno Senatus supplendus esset, magno conatu  
hæretici egerunt, ut suæ sectæ homines subroga-  
rentur, resq; in periculo fuit. Sed impetratum ta-  
men Cæsareum edictum pro Catholicis tantum  
adlegendis, in eamque rem, ut etiam ne suffice-  
rentur aliqui minus sincerè Catholicæ, aliquid à  
nostris præstitum. Est nonnihil à plebecula Lu-  
therana sepulturæ cauilla tumultuatum; quæ à fu-  
nere quodam foras elato, in ciuitatem reuertens  
templū primariæ paroeciæ, quo tempore quidam  
ibi è nostris concionem habebat, lapidibus ar-  
mata, cum furore ingressa suggestum cinxit, &  
nonnihil terroris incusit: sed concionatore nihi-  
lominus institutum sermonem prosequente, co-  
hibuit illa sc, finitaque concione abiit, minas tan-  
tum iactans, si quipiam fuisset à concionatore  
in Lutherum declamatum. Libet hoc loco sup-  
plere, quod anno superiori prætermissum est in  
conuersione mirabili nobilis cuiusdam viri, ma-  
gni Caluinianorum Zaboritarumque patroni,  
quod subita hominis in melius commutatio, nullo  
mortali agente, in ipso è vita discessu minus  
videatur incredibilis, vbi illius auctor innotuerit.  
Is enim hausto pestilentiae veneno deduci se ad  
Ecclesiam per famulum iubet: qui cùm ad aliam  
quandam ab eo frequentari solitam herum addu-  
ceret;

ceret; Ad Patres, inquit ille, me ducitō. Hodie enim Angelus Domini intempesta nocte me eos adire iussit. paruit famulus licet inuitus, quòd hæreticus esset, heroque in templum nostrum adducto continuò discellit. Aduocatus noster confessum de peccatis ritè expiat, & moribundum Christi corpore refici statim curat: quem cùm etiam atq; etiam admonet sacerdos, vt seriò rem ageret; ille respondit, se, in pendēte iam iam morte minimè iocari, fidemque Catholicam, Romanam, atque Apostolicam in manu sacerdotis Societatis Iesu profiteri, prout fuerat antea ab Angelo commonitus; gratiasque magnas Deo age-re, quòd in Ecclesiæ sinu diem extremum claudere ea, vti sperabat, nocte concessum esset. Domum igitur reuersus, & ab uxore hæretica ob fidem malè accepitus, & penitus derelictus, eadem vti præsenserat, nocte inoritur; multos omnino ex primariis ciuibus exemplo suo vetboque reducaturus, si diutius viuere contigisset.

### *Domus Probationis Brunensis.*

V E R S A T I sunt hoc anno in Domo Brunensi plus minùsve sexaginta nouē personæ: è quibus tredecim veterani partim præceptores, partim domesticis officijs occupati, sacerdotes decim, Nouitij præsentes quinquaginta, præter eos, qui necessitatis caussa ex dispensatione R. P. N. Provincialis ad varia Collegia sunt missi. At qui biennium absoluerunt, quadraginta tres: quibus successerunt hoc anno Nouitij quadraginta quinque, qui ad omne Religiosi officij munus instruuntur, vt charitatis, abnegationis aut perfectionis, haud contemnendum studium in omnibus (quæ Dei bonitas est) cernatur. Confessiones generales exceptæ

exceptæ sunt aliquot: excepti ex turpi plurimorum annorum vita tres. Itum est ad infirmos: inter quos iuuenis quidam existit, in ægritudine ratione planè priuatus: cuius de vita cùm dubitarent sui, sacerdotem de nostris vocarunt. Hic cùm rem Domino Deo commendasset, inuocato saepius nomine Iesu, in eliusculè æger habere coepit. euigilans enim quasi è graui somno excitatus, suspircuit, & sana mens ei est concessa tantisper, quoad post integrum exomologesim absolutiorem accepisset. dein paulo post ad amentiam reddiit, & eadē nocte obiit. Huic non absimile videretur, quod cum alio viro quodam accidit: qui cùm à dæmone grauiter exagitaretur, ne in Christum pro homine passum crederet, confessione facta, & Eucharistia sub una specie sumpta, monstrum diabolicum fugauit. Huc referri etiam potest quod sequitur. Cuidam vxor in puerperio defuncta saeppe noctu apparuit, & terrorem iniecit. efflagitauit maritus preces & consilia Patrum: monitus est ut daret eleemosynam pauperibus, & purgaret à criminibus animum. fecit, omnisque metus cum apparitione finē habuit. Ab hæresi ad religionem Catholicam venere decem supra centum: inter quos primas facilè partes obtinuit Lutheranus verbi Minister, qui ubi more solemini ab Illustrissimo Cardinali ac Episcopo Olomucensi fuisset in templum introductus (priùs tamen à nostro, aliquot dierum spatio instructus) in suggestum ascendit frequentissima concione, ipso nimis Paschatis die à prandio, errores suos damnauit, omnibus hæreticis audientibus & frementibus hæresim detestatus, fidei Catholicæ, piorum consolatione & satisfactione, professionem ante altare emisit, & à D. Cardinali Ecclesiæ iuxta Romanæ Pontificalis cæremonias est reconciliatus. Duo quoque

quoque Barones, præcipui Morauci Marchionatus, ad Catholicam fidem conuersi vehementer desiderabant coniuges suas eiusdē fidei esse confortes; cùm multis nominibus aliis, tum vel hoc maximè, vt sicut in suis dominiis iam aliquot milia animarum per Austriam, Ecclesiæ Catholicæ aggregarant, parem feruorem exercere possent liberè in dominiis Moraicis suarum coniugum. Nam existentibus dominabus hæreticis non poterant religionem Catholicam liberè promulgare ac promouere. Ad has vñus è nostris sacerdotibus hujus domus est vocatus: cuius instructione paucis dñebus ita profecerunt, vt Catholicam fidem sint amplexæ, publiceque sacra synaxi coram subditis refectæ magno animi sensu, & omnium gratulatione, maximè dominorum suorum; quæ postmodum sponte libros hæreticos videndos & dijudicandos proposuerunt. cum his aliæ octo personæ conuersæ communicarunt: inter quas nobilis eques Picardita, qui vexilliferum in bello aliquot annis egerat, cùm multo tempore nec nostræ, nec alienæ parti adhæreret, atq; plurimum fluctuaret, cuinam tandem scse adiiceret. instrutus itaque probè Catholicæ tandem religioni se addixit. Huic quoque se adiunxit Baronissla quædam quinquagenaria, quæ pro grati & pij in nos animi significatione nouum antependium opere textili ex filis aureis ac sericis elaboratum summo altari nostro obtulit. Nostris præterea instructiōnibus mulieres aliæ honestæ, Senatorij ordinis duæ Catholicam fidem suscepserunt. Excursiones diuersæ in festis solemnioribus sunt factæ rogatu Baronum & Baronisslarum: quæ etiam fructu suo non caruerunt; in quibus sunt multæ confessio-nes exceptæ, familiæ eorum sacro pane refectæ, reconciliatæ animorū simultates inter coniuges, dissensio-

dissentio grauis & periculosa composita. Ultimo quoque suppicio afficiendos prosecuti sunt nostri magno eorum emolumento. cum enim è scriptis, unus solummodo esset Catholicæ religionis, reliquis carcer, crux, gladius, rota, conuersonis occasio, & salutis causa fuere. Aliis quoque dum agerent animam, multis praestò nostri fucrunt. Famine dominante repentina hoc anno, qualis non fuit à trecentis annis (vt testantur annales huius ciuitatis) nostra domus tam pauperibus studiosis, quam in xenodochio degentibus subuenit, singulis septimanis 150. panes erogans, idj; duobus fermè mensibus, dum nouæ fruges essent collectæ, præter obsonia & legumina cocta, quæ illis liberaliter sunt distributa. Societatis nostræ meditationibus se exercuerunt, præter D. Cardinalem, sacerdotes externi sex, & iuuenis quidam Philosophiae magister, qui Societatis institutum non multo post est amplexus. Sacerdos è nostris Quadragesimæ feriis collecta puerorum multitudine in parochiali templo Christianam doctrinam populo explicauit, quod antè ibidem numquam factum: cuius explicationi plures, quam sperabamus, interfuerunt; gratiam enim & salutarem rem, ut intelleximus, populo fecimus. Quidquid vero à tironibus nouis operariis gestum fuerit, id commune est cum præcedentibus annualibus. Datur enim Brunæ magnus campus, in quo nouitij hiemis tempore diebus Dominicis, cum rustici domi diebus festis delitescunt, excurrere possunt. Numerus quinque pagorum, inter quos nostri doctrinæ Christianæ scholam habuerunt, 300. tantum auditorum, qui maior fuisset nisi pestis metum iniecisser. Confessionem tamen & communionem per nostrorum exhortationes, extra tempus dueuti frequentarunt. Præcipuus quoque

quoque fructus animaduersus est in Confirmationis Sacramento, cuius nostri in doctrina Christiana, cum utilitatem tum necessitatem exposuerunt: quibus ita animos auditorum permovebunt, ut ex iis magna multitudo ad hoc à D. Cardinali, Episcopo Olomucensi suscipiendum confluxerit, non sine haereticorum obgannientium admiratione & spectaculo. Ad domestica reuerteror. Die 14. Decembris Domina de Thobar insignis huius domus benefactrix vita excessit: quæ pro templi structura perficienda per testamentum legauit frumentum duum millium & 300. florenorum valoris, cum etiam mille & 60. daleros in pauperes erogandos legasset. Voluerunt testamenti executores (quod haec summa durabilior ac salubrior esset) nostris, ut factum est, tradid, ac in licitos census collocari, annuo solummodo capitalis summæ censu in pauperes studiosos deinceps per nostros erogando. Illustrissimus Dominus Cardinalis pro summi altaris constructione duo dalerorum millia promisit, ex quibus hoc anno dedit 1000. Petiit & obtinuit à R.P.N. Generali in nouo templo sepulturam, quam sibi viuo parare cogitat. Rem diuinam apud nos persæpe facit: Ordines in facello nostro subinde confert: Christi Corpus fratribus distribuit: exhortationem accommodatam ad nouitios habuit: nobiscum in refectorio pransus est saepius, superiori nostra veste indutus, & communī cibo contentus: aliquot sexagenas piscium & ceruisiæ vasa, quæ centum daleris constabant, dono dedit. Turcā adolescentem captum ad nos misit, quem fidei exercitiis imbutum ipse baptizauit. Breuiter dicam, saepè nostra opera vtitur, omnia in nos benevolentiae signa exhibet: ac talia sancte in nos eius beneficia extiterunt, qualia ab optimo Principe

desiderare possemus. Declararunt & alij viri primarij suam in noui templi fabricā liberalitatem: quibus præluxit huius Marchionatus Camera-rius D.Ladislaus Berka, qui pro turri templi nostri quingentos daleros ad nos misit: & Dominus à Krayd Baro Catholicus ante mortem trecentos daleros in eundem finem dedit. Donauit etiam vnam plateam nostris vſibus sat accommodatam Senatus Brunensis, cuius cum approbatione quaternas ædes pro laxatione domus optimè deseruientes, quadringentis daleris emimus: ac mediam quidem pretij partem, nempe 200. daleros, ipfemet Senatus Brunensis nobis pro earundem ædicularum emptione per suum primatem virum nobis apprimè addictum transmisit. Atque hæc omnia facta sunt auctoritate & intercessione magnifici Domini Bercæ: cui sanè propter hæc & alias beneficia in hanc domum collata plurimum debemus. Præter hos qui suis eleemosynis structuram promouerunt, fuit huius ciuitatis Syndicus, qui nobis centum daleros donauit. Prætermitto alios Catholicos, imò Picarditas nobiles, qui trabes ex sylua remota pro tecto templi Brunam libenti animo, & cum magno huius nostræ fabræ emolumento aduexerunt. Alius asseres pro fabrica dono misit. Supellex domus variis rebus est aucta, bibliotheca nouis libris; duo reparata templa in pagis nostris, altaribus ornata. Vnum è nostris orphanis ad sacerdotium promouimus, & nostræ parœciæ præposuimus.

### *Missio Mezericzensis.*

A VDITÆ sunt in Paschalibus feriis confessiones patrum familias ciuitatis & plebis ceteræ non-gentæ. Aliis diuersis anni temporibus centum quin-

quinquaginta octo, partim à ciuibus, partim à rusticis factæ, inter quas fuere multæ generales, plurimæ eorum, qui nunquam sua crimina expurgabant. Ad Catholicæ verò Ecclesiæ gremium adducti sunt sexaginta quinque. Restauratus est præter alia Ecclesiæ Catholicæ ritus benedicendi cereos die Purificationis: quo etiā processio solemnis est habita. In die S. Marci renouatus est antiquus mos iam dudum collapsus, quo olim cum processione & Litaniis quartam milliaris Germanici partem orando solebant conficere. Facta est ibidem per nostrum frequenti auditorio concio; cantatum sacrum. Huiusmodi pietatis exercitio & peregrinationi Ladislauus Berka loci Dominus cū sua aula secunda Pentecostes feria se adiunxit, & asperum illud iter pedes absoluit: cuius exemplo ciues & hæretici animati, deposito rubore, Catholicis sese immiscuerunt, & ex herbis diuersisque campi floribus serta composuerunt, quibus deinde cruces & vexilla templi exornarunt. Celebratum est præterea SS. Corporis Christi festum maiori solemnitate, frequentiorq; populus, quam antea vñquam, interfuit. Infirmabatur graui epilepsia Magnifici D. filius vnicus: quam ob cauissam ab utroque parente peregrinationes sunt institutæ, & magno pietatis affectu persolutæ: solemnies item ad eundem finem preces, Litaniarum cantus, & alia diuina officia instituta: eleemosynæ distributæ, aliquot pauperes orphani vestibus donati. & alia his similia peracta. Post quæ omnia cūm adhuc filius melius non haberet, Magnifico dolore & lacrimis pleno, consilio ac operâ vnius è nostris insinuatum, fortè se à Deo visitatum, ac in filio lo punitum, quod pestiferam Anabaptistarum luenit, vel tenui prouentus prætextu, liberrime in aula sua tamquam economos fouveret: ad quæ, cūm

Magnificus se quām primum illos dimissurum (sicuti fecit) promisisset; mīdām dictū, filius melius habere cœpit, ac vix trium deinde dierum spatio à morbo adeò periculo planè est liberatus. ac horum quidem Anabaptistarum exclusio omnes, etiam hæreticos, plurimū exilarauit. Pacificati intē se, qui implacabiles inimicities & odia gerere videbantur. Nosocomiis visitandis aliisque piis operibus in salutem proximi non defuimus. Præter hæc solita Societatis exercitia alter nostrorum singulis diebus Dominicis & festis concionatur, alter tum temporis confessiones audit: sacram Missæ officium, cui Magnificus Dominus adesse consuevit, celebrat: interdum ad vicinos pagos excurrit, vbi absentiam & defectum Parochorum concionando celebrandoque supplet, aliaque Sacra menta necessitate exigente administrat.

### *Collegium Commothouiense.*

**A**LVI<sup>to</sup> Collegium Commothouiense hoc anno Socios vnde uiginti, sacerdotes octo, quorum duo valetudinarij, unus Professor, magistros quatuor, Coadiutores septem. defuncti vita duo. P. Balthazar Hostouinus, Bohemus, Professorum prouinciæ Austriæ Societatis nostræ antiquissimus, laboribus & senio fractus. Alter Bartholomæus Masuck, Bohemus, Logices studiosus, qui ipso ætatis flore, cùm nondum vigesimum tertium ætatis annum excessisset, est phthisi extensus, ob perfectionis studium magnæ spei iuuenis. Brunam ad tirocinium Societatis concessere quatuor; tres studiosi Rhetorices, quartus officio hortulanus. Studia tribus mensibus tardius ob pestem inchoata, tertio nimirum Ianuarij: nec ta-

men omnes scholæ simul apertæ; sed Rhetoricæ tantum cum Poësi. Discipuli, quo pauciores, eo virtute, pietate, litteris insigniores. accessione eorum facta, quam primum domus pauperum, quæ communi totius ciuitatis conflagratione perierat, hoc anno nobiliori forma, & plurium cubiculorum adiectione restaurata fuit. Sub finem anni collecta scholarum messe, & iuuenum animis ad nouarum lectionum sementem aptatis, data 23. Octobris tragicocomœdia conuersionis Doctoris Gentium, magna populi frequentia, & celebri virorum nobilium, doctorum & honoratorum è vicinis ciuitatibus conuentu. Sub finem actionis tragicæ libelli selecti, qui laborum præmia, eruditionis partæ testimonia, liberalitatem Reuerendissimi & Illusterrissimi Archiepiscopi Pragensis, non sine publica laude dati. E lustris hæreticorum ad ouile Christi Ecclesiam Catholicam receperunt se trigintasex. Totius vitæ peccata relegerunt nouemdecim. Confessiones non integræ correctæ. Nefandum foedus, quod cum dæmone quidam inierat, per sacram confessionem rescissum. Ad infirmorum confessiones excipiendas, tum domi tum foris euocati nostri. Dissidia inter coniuges, amicos, parentes & liberos sublata. Nosocomiū singulis propè diebus Dominicis visitatum, vbi Euangelij lectione, & breui exhortatione præmissa, pauperibus datæ eleemosynæ: quin etiam præcipuis festis corundem confessiones in templo hospitali exceptæ, & altero die sacro pane refecti. Nec vinciti in carceribus neglecti, colloquiis piis ad pœnitentiam, & sacrâ exomologes in ducti, instructi in fide, adiuti pauperiores stipe: è quibus tres, qui publica morte scelerum pœnas daturi erant, ad Catholicam fidem conuersi sunt. qui dum ad locum supplicij educerentur,

tur, nostris consolantibus forti & æquo animo iustitiae sententiam exceperunt. Domi restituta catechesis à prandio diebus Dominicis, intermissa ob pestem. Concionum fructus non pœnitendus. Habitæ in pagis conciones frequenter, aliquando binæ, aliquando ternæ. Brixiae, ciuitate regia Parochio defuncto, concio funebris per vnum è nostris habita. Sacro Baptismo ob Parochi absentia ultra duodecim paruuli tincti. Nec intermissæ excursiones Grupnam ad D. Virginem. conuentus populi ipso natali B. Virginis solito frequentior, devotionis ergo plurimis, etiam è locis hæresi infestis, eò confluentibus. Adfuit magna nobilitas vtriusque sexus, singulari & humilitate (pedibus enim multa millia passuum orando & psallendo, subsequentibus curribus & equitatu, conficiebat) & pietate (nam purgatis sacra confessione animorum sordibus augustissimum Christi Corpus sumebat.) conuenere ultra triginta sacerdotes, qui propè omnes sacris operati. Hortus suburbanus adiectione horti & agelli cuiusdam ciuis, pretio centum trigintatrium dalerorum, multo iucundior ac amplior redditus, sicuti & deductione aquæ, qua hactenus caruit, & extirpatione partis murorum, quibus exteriorum ingressus & aspectus arcetur. Bibliotheca nonnullis libris aucta, quos quidam Parochus moriturus Collegio legauerat. Cum in præcipuam parochiam dominatus Libochouiensis per quosdam in præiudicium fundationis Collegij, Parochus introductus fuisse (ius enim conferendi omnes parochias dominiorum fundatoris nostri, Collegio concessum) Illustrissimus & Reuerendissimus Archiepiscopus hac de re monitus, ut ius nostrum illæsum maneret, Parochum ad Collegij petitionem instituit & confirmauit.

*Collegium Nouodomense.*

PERSONÆ, quibus hoc anno constitit Collegium Nouodomense, numero pares fuerunt anni superioris, sacerdotes quinque, magistri tres, sex Coadiutores; ad Societatem adiunctus unus. Concilio Bohemica præcedenti anno inchoata cum fructu continuatur, cui, quod Bohemicæ linguae maior quam Germanicæ in ciuitate sit usus, lectio catechistica adiuncta est; concilio tamē Germanorum pristinum retinet locum. Vtraque vicinis etiam in locis, ad quæ deuotionis caussâ certis temporibus concursus populi fieri solet, cum motu animorum habita. Qui partim diuersarum hæresum errores abiecerunt, partim vtriusque speciei usu in Eucharistia sumenda relictó, ad unius sumptionem redierunt, quinquaginta sex numerantur. Ex quibus septuagenarius quidam, tanquam ad hoc illi fuisset a Deo vita tempus prorogatum, dum hæresi cum peccatis per confessionem se exuisset, cælesti cibo refectus ex viuis abiit. Similem Dei benignitatem experti tres alij. Sed & Anabaptista cum uxore, & liberis veritatis lumen aspergit. Quorundam veræ conuersionis argumentum fuerunt hæretici libri ad nos delati. Confitentium autem numerus tam Paschali, quam aliis anni temporibus initus, multò fuit maior quam præcedenti. Generales confessiones partim totius vitæ, partim certi temporis quadraginta quatuor exceptæ. Multi, qui nunquam in particuliaria sua peccata confessi; nonnulli, qui sine prævia confessione sacram Eucharistiam sumpsere; quidam etiam, qui aliquot annis hoc Sacramentum intermisere, instructi, debito more conscientiam suam expiarunt. Quorundam animi gra-

uioribus criminibus, quæ in confessionibus aliquot silentio presserant, expurgati sunt. Duo, qui pluribus annis usque ad maturam senectutem in turpi concubinatu publicè vixerant, ut honesto matrimonio iungerentur, industi. Grauiter dissidentes uonnulli conciliati. Alij ad meliorem vitæ frugem reuocati. In nosocomio pauperibus, reis in carcere, extremoque suppicio afficiendis spirituale auxilium utiliter suppeditatum. Pauperes infirmi aliquot in platea collecti nostrorum operâ in xenodochium promoti; quorum unus moribundus in fide instructus, confessus & sacra communione refectus, breui post animam Deo reddidit. Periculoso quidam morbo laborâs, dum confessione animum expurgasset, ciboque cœlesti pauisset, voto peregrinationis emisso, habere cœpit melius, paucisque diebus post surrexit incolumis. Septennis puer nocturnis spectris saepius infestatus, orbiculo agni Dei per nostrum sibi doto, atque ut quinquies orationem Dominicam & salutationem Angelicam quotidie recitaret imposito, omni molestia diabolica liber extitit ad tempus. Nam euoluto circiter anni spatio, cum particulam agni puer attruiisset, precesque impotitas neglexisset, denuò cœpit iisdem agitari molestiis, membris omnibus tremere, opem contra virum gigantea forma, magnisque oculis horridum, quem ad se aduentantem conspiciebat, implorare. Redeunt parentes ad nostrum, nouum expertū consilium. Noster attritum agnū cereum cum novo commutat, lustralem aquam partim puero cubitum concessuro potandam, partim in cubili spargendam addit. Sequuntur consilium parentes, postridic reuersi sanctè asseuerant puerum ab omni infestatione denuò tutum existere. Hæc dum nostri proximis studiosa iuuētus spar tam

tam suam excolere minimè negligit. quippe, quod præcipuum est, pietatis exercitio, frequenti Pœnitentiæ & Eucharistia sacramentorum vsu, magnum præbuit aliis ad virtutem incitamentum. Diligentiā verò atque in litteris progressum, tuim alias, tum maximè Abrahamum comicè exhibendo ita declarauit, ut maximam laudem adepta sit. Meruisse propterea magno suo iure videtur, id quod proxima studiorum renouatione est consecuta, vt classe Poëseos Grammaticæ studiis adiuncta eius consuleretur vtilitati, & animi ad ampliores faciendo progressus inflammati souerentur. Rudiores etiam sacerdotes nonnulli ad officia parochialia debitè obeunda aliquanto temporis spatio sunt informati: quorum fructus nonnunquam, vt speramus, eruinet. Fecit & Collegij fabrica bonum hoc anno progressum, quantacunque temporum difficultate reclamante. quam vt proximo anno speramus ampliorem; sic & fructus spirituales ex hoc Nouodomensi agro colligendos diuina opitulante gratia, vberiores fore confidimus.

### *Collegium Crumloviense.*

**N**VMERVS Sociorum, quos aluit Collegium anno præmisso tresdetriginta; sacerdotes octo, humaniorum litterarum magistri quatuor, septem Rhætoricæ studiosi, reliqui domèstici curatores. Ab his non postrema certaminis pars cum iis peracta, qui cœno damnatarum opinio-  
num inhærebant. Lutheranæ sectæ buccinatori semel iterumque oblatæ assertiones, doctrinam de bonis operibus & Sanctorum inuocatione, vt aut veram amplecteretur, aut falsam ostenderet. recepit ille quidem: sed hoc genus vt est apud suæ

G g s                    factio-

factionis homines loquax & clatum, ita plerumque mutuū & clingue apud dissidentes. Quare nihil ab eo etiam monito extorqueri potuit. Enim uero quem ad frugem scripta pellicere nequierunt, supplicationibus piorum flexus Omnipotens, mandato tamen Cæsaris exegit, postquam annis quinque nouum Euangeliū hīc deblaterrasset. Nos odium sustinuimus plurimorū edicti procriptionem nostris adscribentium. At bene habet. absit modò ille, nos innoxij maleuolentiam aliorum fructus amplitudine solabimur; quem insecurum confidimus non temerè. Pulso igitur duce iniuitatis, venenū eiusdem euomuere nouem supra viçenos, auspicio sat fortunato. Horum duo iam inueteratæ malitiæ senes vndennaginta numerabant ætatis annos: paulò iuniores alij plerique: vnus adolescens æui & ingenij bonitate præstans, Ministro Lutherano natus, & hæresi cum lacte materno imbutus; proindeçque in ea ita pertinax, ut Lutherum sibi vita cariore non semel affirmarit. Veris tamen post alterum mensem rationibus tandem cessit, victus tuin caussę bonitate, tum doctoris industria pertinaci. Iam propositi tenax est condiscipulis exemplo. In eadem falki colluicione vir Atheus aditus non raro, & monitus ut sibi consuleret respuit ille, & irrisit semper. Sed Deus non irridetur: nam qui ad verba iam pridem obsurderat, etiam ad verbaram non flexit. bis enim periculoſo casu alias mortis periculo creptus, tandem hoc anno dum superiorum ædium partes, rem nullius penè momenti fabricaturus ascenderet, tertio, coquæ præcipiti lapsu fracta cœrule, elisoque cerebro, subitanæ morte infelicem animam exhalauit. Sapere potuisse etiam senex exemplo auix suæ; quam ille iam sciem in suum errorē peractam paucos

eos ante menses apoplexia subito exspirasse conspexerat. Sed stulti plagi non emendatur. Atque ista cum apertis hereticis. Est præterea Crumlouij; sicut in aliis vicinis urbibus & prouinciis non infrequens concio, quæ se Catholicam & dici vult, & haberi: sed ab vniuersalis Ecclesiæ modo diuinum epulum adeundi tam aliena; quiduis ut ab ea citius quam calicem extorqueas. Evidem non video quemadmodum sincera nominis Catholicæ nota cum hac eorum firmitate congruat. Nostris hominibus nihilominus operæ plus verius dixerim, facessunt, quam aliae damnatae nationes. Cæterum, adiutore Deo, duos ad sexaginta eidem abstraximus. Omnia antesignanum iure statuerunt illum, qui octoginta eto annos partim hereticum, partim etiam orthodoxum calicem hausit. Sed venio ad Catholicos, quibus haec domi forisque opera impensa. Exomologeses Paschæ tempore acceptæ supra bis mille; quatuor & viginti fuerunt omnium annorum. Illustris illa hominis æui maturi à quadraginta ferè annis nunquam bene confessi; & adolescentis, qui multis in præcedentibus peccata celauerat, quæ salutari pœnitudine ductus aperte detexit magna animi sui quiete. Adde his illos, queis pœnitentia Sacramenti visa lenior, ex consilio & consensu Patrum, in se desæuiere vindice, seu flagello, seu cilio. Sed nec illum ab his separabis, qui à confessione viatico diuino munitus in cœnobium Cisterciensium se recepit Deo famulaturus. Vacillantes in fide plurimi confirmati. Pauperes, ij præsertim, quorum studiis paupertas oberat, collatitia stipendi adiuti. Quidam à dæmonibus obsessi ferebantur, illi donata, quam piè demitterent in pectus, agni cœlestis bullæ persanati. Sacerdos unus à turpi consuetudine, quatuordecim mulieres ab obscenitate

nitate prostituendi corporis sunt retracti. Contentiones, iræcæ & similitates plurimorum aboli-tæ: inter matrem & filiam vna non minus offensa, quæ pernicie infamis: altera Parochum inter scholæ moderatorem, & Senatum opiduli cuius-dam, quam sæpe vano conatu fundi Dominus tollere adnitus. eius verò causa partes distractæ, etiam annuerſariam Corporis Domini perceptionem lege præscriptam neglexerant. Sed nostrorum dexteritate ita mitigauit Deus omnes (viginti circiter) ut se mutuo complexi, & peccatis ritu Catholico patefactis vniōnis mysteria simul, eodem loco, & ab eodem sacerdote perceperint. Viro dynastæ persuasum, ut in suo palatio magnificè ornato fœdas imagines deleret, honestioresque substitueret. Ad ægros & extremum agentes sp̄itum aliquoties vocati sumus. Recusabat vñus non rectæ fidei, ita suadente medico, Sacramentum infirmorum. vbi noster hominem accessit, inque rem ægri verba fecit, euicit. Vixtus infirmus, acutissimis deceim & octo mensium dolibus leuatus, exemplo pio ad placatum abscessit Deum. Feliciorne alter languido item & defecto corpore, qui ut se per salutaria mysteria coniunxit cū Deo, ab ipsa statim Extrema iunctio-ne, solutis nodis linguæ loqui cœpit, & habere melius, ut omnes admirarentur? Sed nec damnatis fontibus industria nostrorum defuit: nam omnes in morte firmati. In uno prouidentia Dei singula-ris animaduersa; vbi se ad testim damnatum intellexit, voluntaria morte ignominiam declina-re constituerat, septem, clām reseruato cultro pectori & gutturi iam inflictis vulneribus, re per apparitorem detecta, vocatur etiam Pater: qui hominem ad incepti facinoris odium perductum, cum Deo sanctaque Ecclesia reconciliauit. Feriis

hebdomadæ magnæ ornatum honorarium Domini monumentum (aliquorum iniquitate alias impeditum) structura noua, & cultu solemni assidentes adolescentuli cum Christi insignibus, angelico cultu diuinæ laudes cantu assiduo personabant: iidem in horas singulas dictabant materiam Christi cruciamenta meditantibus. Excitauit ea res proinde impios piosque, ut frequenti corona molem erectâ curiosius aspectarent. Suus etiam solemnis Dominici Corporis habitus homines aliis annis visitatus. Item officiosa Angeli custodis cura, & exitium superbissimi Aman data in theatro frequenti nobilitati, non mediocri spectatorum sensu, & laude actorum. Finio commemoratione iuuentutis, & piorum in nos liberalitate. De discipulis id vniuersè dici potest, eorum fructus ab aliis annis nequaquam degenerasse. Adolescens parente orbatus quotquot domi reperit codices insanæ doctrinæ, ad Collegiam exuntendos detulit. Alius cum facultatem vescedi carnis, eò quod hospes alios cibos denegaret, à confessario imperasset, paucis interiectis diebus ad confessarium reuersus, ait se nolle ulterius vi illa facultate, etiamsi solo pane sibi visitandum foret: quod cum faceret, suo exemplo haereticum hospitem eò mouit, ut ipse sibi, & roti familiæ esum carnium interdixerit. Quibusdam hoc legitimum, ut parentes haereticos inuisuti non se se itineri credant, nisi armis obiectis aduersariorum diluedis, bene instructi. Duo adiunxerūt se nobis, alter aptus rei domesticæ, disciplinis liberalibus alter: uterque magnæ speci. Sunt qui adhuc flores aperiant, ubi maturuerit tempus, in fructu ituri. Collegium leuatū non nihil ære alieno, creditore sponte debitum remittente. At sacra supplex aucta veste, tela, cyathis duobus, & ampulla ex argento.

Colle-

## *Collegium Glacense.*

VIVUNT in Collegio Glacensi socij quatuordecim, sacerdotes septem, magistri duo, Coadiutores quinque. Conclaves singulis Dominicis habentur ternæ. Earum operâ abieccere hæreticam perfidiam viginti. Molitor quidam, dum periculose ægrotaret, accessit pro more & consuetudine Prædicantem, eius ut consilio viceret, cuius auxilium sibi paratum putabat. At ille pelli suæ timens, ne forte quid contagiosæ luis adhuc in illius domo resideret, venire renuit. Hoc in periculo constitutus molitor, & desertus à suis pastoriis, quorum haec tenus fide nixus fuerat, nostros in clamare cœpit. Adsumus, confessionem excipimus, quam ille eo animi sensu peregit & fructu, ut quantum damnum ex perfidia Prædicantis reportasset, gratissima animi significatione agnosceret. Antequam diem obiret suum, auctor uxori fuit & suasor, ut sacris in posterum Catholicis interesset: quod & promisit, & hucusque diligenter præstat. Tentata etiam virginis cuiusdam in fide constantia est, sed tentata tantum. Nam cum insciis parentibus suis hæresim exuisset; ad eandem resumendam nulla eam verbera cum atrocibus parentum verbis coniuncta, compellere potuerunt. Mulier præterea rusticana vi quadam melancholæ grauioris ita agitata, ut conspectum hominum fugeret, & seipsum prefocare cogitaret, diuinorum beneficio mysteriorum sibi redditæ, & quieti. Confitentium ad Pascha numerus fuit sexcentum quadraginta nouem: inter quos octo vel nouem omnem anteactam vitam pœnitendo reoluere. Discipulorum numerus maior & frequentior, duorum scilicet Baronum & quinque nobi-

nobilium accessione. Data est populo ipso die Corporis Christi sacro, in patente area, fauente cælo, actio poëtica de Elia sub iuniperò. A qua quidem actione ut ciues suos hæreticus Prædicans abstraheret, præter morem, & ipse concionem habuit: qua in concione apertè intellectum est, non Lutheri placitorum eum, sed Caluini asseliam esse. Nam & blasphemis nominibus salutarem hostiam insectatus est, & quām plurimis contumis, quoniam rationibus non potuit, ut ipsum festum euerteret, laborauit. Peruenit huius indignitas rei ad aures Cæsarî, qui calumnias in Dei sacra indignissimè ferens, edictum dedit, ut omnes hæretici Clamantes, qui in parochiis suæ Mæiestatis essent, intra sex hebdomadas Comitatu cederent. Promouit hoc negotium temeritas Senatus Leuinensis, qui Catholicos ciues suos, eò quod nostro suasu, ad Archiepiscopum Pragensem, pro Catholicô suo sacerdote per vim à Capitaneo deposito, sibi restituendo supplicassent, in carceres coniecerant. Res præclarè inchoata hactenus propter varias Cæsarî occupationes executioni mandari non potuit. Spes tamen nos magna tenet, quoniam quidem Capitanus, & nonnulli Senatores Leuinenses adhuc Pragæ constricti tenentur, quod res felicem sit finem substituta.

### *Collegium Labacense.*

**A**ND fidem conuersi viri nobiles quatuor, & defuncti Præsidis vxor, & quædam è prima nobilitate femina: quorum exempla ita alios stimulant & disponunt, ut speremus breui omnino non paucos Carniolæ proceres cum maximo suo & totius provinciæ emolumento fidem Catholicam amplectu-

amplexuros. Nec Prædicantis cuiusdam penè senio confecti hîc transeunda est conuersio. Cum Serenissimi Principis decretis id vrgeretur, vt indicta die iam ex vrbe & opidis proscripti Prædicantes è tota excederent prouincia, cautumque esset, ne quis nobilium quemquam proscriptorum sub proscriptionis pœna, & grandi bonorum iactura foueret: segnius nonnulli Archiducis imperium executi sunt quare visum fuit iudici prouincia committere, vt delitescentes in latibris vrsos & lupos Prædicantes disquireret, deprehensos abriperet, & in carcerem coniiceret. Dum is ergo executioni insistit, fama vbique peruolans, atque periculum aduentus intonans efficit, vt præter præconem senem elabantur omnes. Is itaque abripitur, & arcis custodiæ traditur. Nobiles Protestantes iudicis facinus indignè ferentes, multa imprimis secum; demum ad Principis clementiam confugientes supplici libello hunc unum senem sibi concedi, etiam atque etiam rogitant. se neutiquam deinceps pasturos, vt Prædicantis munus obeat, pollicentur. Nostri verò omniuo ad se spectare censentes, vt Prædicantem elim à Labaceli Episcopo sacerdotio insignitum, tanquam ouem errantem ab hæresi & apostasia, Deo bene iuuante, quam primùm vindicent; dum Græcij res agitur, & nonnullam temporis intercedinem rei instructio sibi vendicat; senem adeunt, periculum ob grauissimam colluuiem, qua se defiendo coinquinasset, ostendunt; nec diuturnæ vitæ spatium supereffe, cum iam plenus dierum pedem unum (vt dici solet) in cymba Charentis habeat: iis demum veræ contritionis igniculis hominem accenderūt, vt non solùm statum & crimen, in quo versaretur, agnouerit; sed obnoxie postularit auxiliatrices nostrorum manus,

ne animæ suæ detrimentum pateretur, & post multa consecrationis suæ testimonium producens se verum sacerdotem esse, & ritè consecratum, demonstrauit. Nostrî hominem bene sperare iubent, deinde fidei doctrinam per libellos in memoriam reuocant. Exiguo demùm temporis interuallo eò res est adducta, vt prius confessus ab Episcopo debit is cæremoniis ac precibus, pleno cum ædificationis affectu, summoque pietatis seruore, frequenti concione, ab omni censura Ecclesiastica sit liberatus. Et ne ab hæreticis libertati iam restitutus detrimenti quidquam caperet; à nostris actum est, vt seculo loco sub Prælati cura, quoad tutius prodire possit, vitam pacificè duceret. Celebrandi ritus adeò oblitus erat, vt necessum fuerit eum de nouo; vt tironem instruere. Liberi ac illius Berta xenodochij disciplinæ sunt traditi. Alius quidam Prædicantis filius in fide Lutherana à teneris vnguiculis apprimè patre præceptore instructus, humanioribus deinde ac Iurisprudentiæ studiis excultus, ac proinde non vni Germaniæ Protestantium Vniuersitati notus, cum curiositatis ergo absurdâ quædam religiōnem concernentia auditurus, templum nostrum adisset, omniaque simulans, in omnibus concionatorem obseruasset; ita compunctus abscessit, vt veritatis indagandæ caussa post paucas horas Collegium adierit, concionatorem conuenerit, & post variam de multis disceptationem omni ex parte Catholicæ fidei veritate circumuallatus, magna animi sui immutatione victus tandem dederit veritati manus. Graues inter magnates magni momenti controversiæ nostrorum interuentu sedatae ac compositæ fuerunt; & ne quidquam discordiæ deinceps animum utrumque jacesteret, iunctis coram dextris redditum est in concordiam.

Nec excurrendi fructuosè, & bene merendi de vicinis defuit oportunitas. Vicinum enim opidum in prouincia sat celebre hæretica lue iam pridem infectum ac penè emortuum, in primis membris reuixit. Postquam enim à nostris visitatum fuit, præcipui incola: ad fidem, & melioris vité frugem redierunt. Dominicæ corporis ea hoc anno est instituta sollempnitas, vt non modò hæretici in admirationem rapti, verū ipsi Catholici cum stupore sint admirati. Cùm enim augustissimum & immortale ferculum ab vrbis Antistite per vrbis vias ac cōpita circumferretur, hæretici scommata inhibentes ad omnia intencī ora tenebant. Catholici qui SS. Sacramentum concomitabantur, aut ægri è fenestrīs prospectabant, magno effusi gaudio, rei tam sacrae bene precantes, ac maiestati diuinæ ob populi ac religionis incrementum, omnia in acceptis referentes, has protulere voces: Quadraginta annis haud visa est tanta huius diei celebritas. Etenim sic eam ob impiorū hæreticorum impudentiam fuisse labefactatam asserebāt; vt vir aliquis honestus comparere, & latentem sub speciebus Deum nullo modo comitari voluerit, licet clerus accinctus sacris quotannis prodixeret. Nec plebeia tantum phalanx, sed nobilium vtriusque sexus nostrorum hortatu adfuit sat numerosa frequentia. Ruricola: etiam è vicinis pagis adsciti, vexillis ac sertis instructi bini incedentes primum agmen tenebant, eo videlicet ordine dispositi, vt pueri pueris, puellæ puellis, vxores vxoribus, viri viris coniuncti processerint: quorum deuotus solempnitati accommodatus concentus summo simplicitatis pietatisque affectu expromptus, prospectantibus & audientibus, aut piis lacrymas, aut pietatis incredibilem ardorem excitauit. Augustiorem hunc diem reddidit exstructus

structus per compita viarum longè superiores annos superans apparatus, tormentorum festiuæ displosio, salutatio, qua discipuli nostri SS. immortalitatis pharmacum variis locis dispositi latine ac carniolicè excipiebant. Ternæ etiam rogationum dierum supplicationes, quarum unam tantum, aut segnis consuetudo, aut remissior zelus introduxerat, nostrorum hortatu integrè resumptæ sunt ac triduo celebratae, in quibus ad populum conciones habitæ non absque fructu. Ægris etiam ac malè firmis in priuatis domibus ac valetudinariis, tum etiam moribundis spiritualia remedia intrepidè collata sunt, die noctu-  
que. Qui carceribus includebatur, nostrum quoque senserunt subsidium, unde non pauci vinculis soluti, suisque restituti sunt: ex quibus nonne-  
mo ciuium, cùm de fama periclitaretur, nostro auxilio famam retinuit. Constitutis in xenodo-  
chio solemnioribus diebus cupientibus expiari; vt  
ltre nostri aures obtulere; quorū nonnunquam in opia eleemosynis subuentum. Pauperibus etiam eleemosynæ emendicatæ, frugaliter erogatae. Hæc foris. Domi nūc sumus duodecim, sacerdo-  
tes quatuor, Fratres octo, & si unum excipias, vt-  
cunque valemus omnes; penè omnes tamen per ordinem aduersa valetudine hoc anno tentati sumus. Scholas nostras ob pestis sauitiam biennio relictas, iam verò denuò inceptas, & haud contemnenda iuuentute auctas exitialis illa contagio nondum perinisit eò excrescere, vt ad priorem numerum adolescentum exsurgant. Præsentes tamen studiosi tribus classibus distincti impigre & integrè ex omnibus Grammaticæ partibus instituuntur. Puerorum etiam ad doctrinam Christianam instructio suum sortitur fine: nec pueri tantum, sed ætate iam adulti, & ij qui omnino

etiam adolescentiæ robur excesserunt, catechesi-  
dant aures. Archidux mater perpetuò liberalis,  
casulam cum duobus antependiis, ut vocant, ac  
tribus peplis, quibus statuæ & aræ exornantur,  
ædi sacræ attribuit; omnia auro & argento con-  
spicua. Serenissimus Ferdinandus pro fabricæ in-  
cremento duo florenorum millia donauit. Magna  
etiam exstitit hoc anno nobilium Procerum &  
Prælatorum erga nos benevolentia: quæ non so-  
lum enituit frequenti accessu ac studio pietatis,  
sed liberali donatione reddita est illustrior. Reue-  
rendissimi Episcopi tantus erga Societatem no-  
stram exstat amor, ut non solum in communi pe-  
nuriæ nostræ liberaliter ac variè subinde subue-  
niat, verum singulos omni charitatis obsequio  
prosequatur. Vnde quendam ex Patribus nostris  
è graui morbo ægrè conualecentē ad se mitti vo-  
luit, quem præter omnium spem, paterno in om-  
nibus affectu, conuenientibus mediis sanum re-  
stituit. Eiusdem etiam beneficio non leuis inter  
Capitulum & nostros controuersia hoc anno est  
composita. Molendinum enim à defuncto Cano-  
nico ab hæreticis emptum, ipsis Canonicis præ-  
sentibus nobis crebrò dum viueret oblatum, sed  
eo quod in cleri fundo situm esset, ac ipse subito  
morbo correptus, causam peperit controuersiæ:  
qua, ut diximus, magno labore composita, supra  
mille ducenti Collegio cessere floreni. Præpositus  
quidem organum quadringentis florenis compa-  
ratum templo; Collegio ruricolas nouem dona-  
uit. Nobilis quidam è Proceribus dum sibi exce-  
dendum è rebus humanis aduerteret, 500. flore-  
nos Collegio legauit. Senatus etiam ex orichal-  
co pensile candelabrum ornamentum mirificum,  
competitoribus aliis neglectis, nostri templi cho-  
ro attribuit. Deuotus sexus feminine varia ex  
tela,

tela, serico, seta, filisque aureis & argenteis artificiosè elaborata, calicum vela templo donauit.

### *Collegium Sellense.*

ANNVS hic maxima ex parte in Collegio quatuordecim aluit, sacerdotes quinque, professores quinque, reliquos Coadiutores. ad finem accessit unus, cuius opera quanquam nostris esset non parum necessaria, non tamen potuit esse diuturna. quippe paucorum dierum interiecta mora, siue aeris nouitate offensus, seu verò, ut pallor oris indicabat, interiore prius vitio lassus febri abripitur: quæ eum non prius deseruit, quam mutata ægritudine alia lento eum morbo ita exhausit, ut morienti vix pellem ad ossium tegumentum reliquerit. Toto verò ægritudinis tempore cum singularem in ferendis doloribus tolerantiam semper præ se tulisset, tum verò illud crebrò usurpabat, si quando alienus à seipso, quidquā sanæ fidei, aut suo in Religione suscepta proposito aduersum diceret, ut ne pro suo haberetur; facto deinde dictum firmavit. Morti enim proximus petita à Deo, & ab omnibus qui aderamus, offensarum venia, votorum formulam iteratò nuncupare voluit: quod quia defectus viribus præstare voce non potuit, animo quod ori defuit adimplevit. Munitus ergo ritè Sacramentis omnibus placidissimè ad Dominum, cui seruierat, emigravit. Celebratum funus apparatu nostro, quem tamen benevolentia ciuium non mediocriter exornabat: quippe cum seniores opidi ardentibus facibus, tum verò alijs coitatu defunctum ad sacras ædes magno numero prosecuti, ad finem omnino humationis perseverarunt. Quia pro eo qui nunc est sociorum numero angustior nostra fuit habita-

tio, adiecta sunt terna cubicula, quorum medium pro bibliotheca, quæ hoc anno cum ex Italia, cum ex Germania omnis generis & facultatis aucto-ribus noua nostris impendiis instructa est. Quia etiam ut commodius ea quibus ad quotidiani-um mensæ usum culina indiget, suppeditaren-tur, prædium quod hactenus longiusculè satis à domo in altero pago aberat; in proximam Colle-gio villam præterito anno inchoatam, præsente verò pro ea quam habemus rerum ad domesticos usus necessariarum copia, sufficienter instructam commigravit. Laboratum hoc anno magna fame. quod mirum est in regno frumenti feracissimo, & vicinarum circà gentium quasi penore quodam frumentatio. Et quamquam exiguum esset in do-mo nostra frumentum, nihil tamē nobis unquam defuit, Deo seruis suis liberalissimè prospiciente; quin etiam ex illa ipsa nostra penuria plurimorum egestas subleuata est. sustentati per aliquot menses pauperes centum & eo amplius, qui continuo fores Collegij luctu complebant, & grauissimis de fame, quam extremam patiebantur, querimo-niis. Scholæ nostræ quanquam ob eandē famam post Pascha dilapsæ penè fuerant, ad renouatio-nem tamen studiorum magna ex parte restitutæ sunt. Classis etiam Rhetorices reliquis quinque adiecta, quæ ab initio statim sexdecim discipu-los accepit. Studiosorum numerus bis centum attingit. egregia certè iuuentus, & ingeniorum bonitate rara. Solemnam Paschalium festorum celebritatem celebriorem multò fecit confiten-tium numerus. expiatum capita, & cælesti cibo pasta 300. toto verò anno propè 800. & si studio-los addideris, 1000. Eorum etiam qui perpetuam factas reuocarunt, & tocius, vel longissimæ aetæ vitæ generales instituerunt, numerari octoginta possunt;

possunt; quod certè inter obsoletos in fide Catholica homines, & à tot annis pertinacissimè hæresi affixos, non parui æstimari debet. Quidam persona graui morbo affixa lectulo, ubi primum peccata confessione expiasset, emendari morbum sensit, totumque virtuti Sacramenti adscripsit. Filium iude ex inualetudine pariter decubentem cohortata est, ut suæ ægritudini eodem remedio mederetur, id quod non difficulter persuasit. Alius etiam grauissima infirmitate diuinitus haud dubiè oppressus non aliud inuenit salutis remedium, quam ut voto se ostenderet peccata sua quam prium expandi, & cælesti cibose inuiriendi: & quia hactenus utramque speciem participare solitus fuerat, contrarium persuasus, confessus est, communicauit, sanatus est. Reuocati sunt hoc anno ab hæresi plus minus triginta septem, ex his aliqui grandes hæretici, & à lacte in perfidia enutriti. Quidam à Reuerendissimo Episcopo Nitriensi ad nos instructionis & confessio- nis gratia missus, publicè in templo hæresim abiurauit præsente tota studiosorum corona. Nec procul abest à fide concionator vicini pagi, qui conuersatione & congressibus nostrorum cœnolitus in tantum est, ut puerulum qui tunc recentiter fuerat illi natus, à quodam ex nostris baptizari voluerit, se etiam grevi Ecclesiæ breui restitutum iri pollicitus: atque adeò iam in concionibus nihil contra sanam doctrinam, inulta etiam pro nobis suis auditoribus instillat. Magna ex parte hoc anno Parochi munia nostros obire oportuit. Itaque sacro fonte tinti ferè paruuli septuaginta. Et quia locus hic primus est quem hæreses tabes polluerat, ex quo deinde ad reliqua Hungariæ loca lues eadem dimanauit; ut sensim ad neglectos titus, & contempta nefariè sacra

omnia denuò colenda reuocaretur, impetratum  
est haud ægrè à Reuerendissimo Nitriensi, vt Sa-  
cramentum sacri Chrismatis administraret. id  
quod promptissimè præstítit, magnaqué homi-  
num frequentia, primum hunc post consecratio-  
nem suam Episcopalem actum, confirmatis circi-  
ter 400. peregit. quo tempore etiam, quia non  
ita pridem mortali omnino casu, & qui humana  
ope sanari non poterat, inuocatione B. P. Ignatij  
quidam ex nostris Fratribus reuixerat, & ita R. P.  
Generali nostro visum fuerat, vt ea res publica  
auctoritate firmata ad se mitteretur; omnibus qui  
in domo eramus legitimè examinatis, authenti-  
cum hic instrumentum confecit. Fecit & illud, vt  
pagum nostrum ultra flumen Vagum, cuius fra-  
ctibus hereticus concionator Parochi titulo frue-  
batur, sua auctoritate ab illius iure eximeret, dum  
Catholicus olim præficiatur, qui redditus illos di-  
gnè percipere possit. Experti sunt & hoc anno ci-  
ues & coloni nostri, quod credere antè noluerant,  
quanta rebus sacris vis ad mala depellenda inesset.  
Homo hereticus cum infantulum haberet ægra  
ita valetudine, vt salus illius desperaretur, ad no-  
stros confugit accersitum aliquem, qui infantein  
inuiseret, & si qua ope posset, adiuuaret. sacerdos  
noster, vbi primum Euangelio S. Marci lecto ma-  
nus ægroto imposuit, conualescere ille statim cœ-  
pit, nec ita multo post omnino conualuit. Augu-  
sto verò mense in curia cuiusdam inquilini in-  
tempesta nocte, haud ita procul à Collegio, in-  
gens exortum fuit incendium, & iam utrimque  
tertia domus ignem conceperat, & periculū erat  
ne tectum quoque nostrum corriperet; cum qui-  
dam è nostris particulam agni cerei, cum reliquis  
indusij B. P. Ignatij flammis iniecit, atque ita ne  
vlerius diffunderetur cohibuit. Bencuolentia de-

mum & liberalitas erga nos amicorum non mediocriter est probata. Reuerendissimus Nitriensis regium Bibliorum opus donauit; calcem quantum nobis toto hoc anno pro variis ædificiis opus fuit, obtulit: duas casulas filo aureo argenteoque textas templo præsentauit: præmia in promotione suo sumptu curavit, & actiunculæ quæ tunc habebatur interfuit: atque ut omnibus modis suum erga nos animum ostenderet; postridie primam lectionem nouæ classis Rhetorices sua præsentia, cum quatuor Canonicis sui Episcopatus, & quodam nobili viro cohonestauit. Generosus vere Dominus Matthias Oströßich centum daleros Collegij fabricis donauit. Magnificus Dominus Palfi (quem virum vtinam nobis & huic regno præpotens Deus seruasset diutius!) cùm hac iter faceret, à nostris frugali prandio exceptus, & inter cibum à studiosis carmine est salutatus; quæ res tantum priorem erga nos benevolentiam auxit, ut pro ornamento & nostrarum scholarum & regni Collegium duodecim alumnorum erigere voluerit: & iam informationem totius rei acceperat; sed præuentus immatura morte, immatura inquam, non gloriæ, cui abundè satis vixerat, non ætati, quæ quinquagesimum annum attigerat, sed patriæ, nobis & bonis omnibus, id quod constanter incepérat, finire non potuit. Antequam porrò triclinio exiret, amplexus quotquot aderamus omnēs humanissimè more nostro, magnam vim lacrymarum profudit: culinam deinde ingressus, coco, Benedicat, inquit, tibi Deus; biennium & amplius est, quo tanto gustu, quanto hodie cibum numquam cepi.

*Residentia Thurociensis.*

**I**N Residentia Thurociensi octo fuimus hoc anno, sacerdotes quatuor, totidem Coadiutores. In missionibus duo sacerdotes bonam partem anni consumperunt: alter à nativitate Domini usque ad Pascha, alter multo diatius, interrupto tamen tempore non raro, quod eum Superiores domum reuocarent. Omnes uno aut altero excepto, morbis variis tentati valetudinem pristinam receperunt. Observationem disciplinae domesticæ in tanta paucitate nostrorum, & multiplice occupatione, tum faciliorem, tum etiam iucundiorum fecit vigilantia Superiorum. Decem ab heresi ad Catholicam fidem reducti. Duæ mulieres terroribus agitatæ ad tranquillitatem beneficio Sacramentorum Confessionis & Eucharistiae, vsu aquæ benedictæ & agni Dei, reductæ sunt. Duabus agnus Dei in partu periclitantibus admotus, auxilio post Deum fuit. Non pauci ad deponendas totius virtutum maculas integra confessione adiuncti. Etsi verò Paschæ tempore omnes qui domi fuerunt diuinorum mysteriorum participes fuerint; non desunt tamen, qui diebus festis, vel Dominicis, vel apud Parochum, vel apud Patres nostros de peccatis confiteantur, & sanctissimum Eucharistiae Sacramentum percipient. Tres alumni Collegij quondam Thurociensis sacris iniciati, antequam in parochias sese conferrent, exercitiis spiritualibus ad tantum munus obeundi sese compararunt. Eos posteaquam in templo nostro, magna hominum frequentia, prima sacrificia Deo obtulissent, in parochias dimisimus. Harum vnam S. Georgij dictam, nouem annis iam tenuerant hereticis quam legitimo

legitimo iuris processu in comitiis regni, cura Superiorum, auctoritate regiae Maiestatis, & Iudicium regni, iuridica sententia hoc anno recepi-  
mus ipsa feria quinta Paschatis; pulso Lutherano Ministro Catholicum sacerdotem dedimus. Pa-  
ter Rector aqua benedicta templum & cœmete-  
rium reconciliauit, respondentibus ad psalmos sacros cæteris Patribus. Eodem die duo sacra ibi-  
dem dicta, concio Catholica habita, fugatis fren-  
tentibus & confusis hæreticis, exultantibus Ca-  
tholicis, lætitia gestientibus præcipue nostris,  
quos dolor amissi illius templi nouem annis ex-  
cruciarat, & Deo gratias pro tanto beneficio ma-  
ximas agentibus. Sed à templis, ad populum re-  
deamus. Famis tempore, quæ à Quadragesima  
fermè usque ad Septembre, vehementer affixit,  
quamvis frumento nimis tempestiuè vendito,  
non plus quam necessarium erat domui nostræ,  
& prædiorum familiae frumenti superesset, benignè  
tamen factum est multis esurientibus, pane, legu-  
minibus & pulmentis ex vario genere olerum  
effectis. In magna gratia fuerunt etiam furfures,  
qui pauperibus victum in illa necessitate præbe-  
bant. Cum alij plerique plurimis diebus pane in  
non gustassent; nonnulli ditiores, quæ porcis ante-  
a proiiciebant, iam in panem redegerant: alij ex  
montibus herbas, radices atque varias fungorum  
species, posteaquæ astas conualuit, miseri homi-  
nes fami profligandæ legebant. Vultus ipsi ma-  
cie fameque tabescentes misericordiam moue-  
bant. Quæ ratio victus diuersos morbos, qui ad-  
huc non paucos lectulis affigunt, tota ditione  
vulgauit, nonnullos extinxit. In vicinis Comita-  
tibus etiam pestis exarsit, à qua Deus adhuc Thu-  
rocienses defendere dignatus est. Auctum est  
huius Residentiæ prædium hoc anno agris emptis  
ceatum

centum octoginta daleris, & domo veteri , cuius ædificium, stabula atque horreum, poste aqua renouatum fuerit, non pœnitendos fructus afferet. Solemnibus processionibus, de quibus aliis annis perscriptum est, accessit hoc anno in festo S. Georgij, vna ad templum eiusdem Martyris nuper recuperatum: quæ fuerat annis nouem, quibus Lutherani templum occupabant, intermissa.

### *Missio Nedeziana.*

**N**EDEZIVM toto anno sæpe unus Patrum excurrit, rogatu generosi Domini Danielis Paneratij, qui in propria aula oratorium erexit in suum & populi subiecti usum, quoad templum à fratre hæretico per vim occupatum , Catholicæ Ecclesiæ restituere possit. Tribus magnis à nostra Residentia distat milliaribus , quæ frequenter Pater pedes, salutis animarum studio inflammatus eundo illuc, & domum redeundo, confecit. Quo in itinere à nobilibus quibusdam ebriis potu & hæresi inuasus, licet ardentissimè cuperet aliquid molestiæ perpeti Christi causia, post plurima conuictia, probra, maledicta verborum, & vinculorum minas, Dei beneficio saluus & intactus abiit. Nec defuit fructus. Quadringenti ex hæresi ad Catholicam fidem reuersi , Sacramentali confessione sunt expiati. In his nonnulli à quinque milliari bus occulte venerunt, licet graibus pœnis cautum esset à ciuitate, cuius ciues erant, ne id facerent. Duæ personæ, quarum altera suspendium elegerat, altera enecare se veneno decreuerat, & iam arancum eo fine deuorauerat, sed innoxium, ad meliora consilia reuocatae. Vencchia & superstitiones, quibus aut damna iuferebant, aut aliorum morbis mederi se putabant seducti homines, auditis

auditis concionibus Patris nostrî nonnulli omiserunt. Odia grauia & capitalia inter magnæ estimationis viros, & coniuges composita, & reconciliata sâpe gratia. Multis usuris finis impositus, in ultatum restitutio facta. Quidam Domini à nimia severitate in subditos, & iniusta pecuniarum exactione abducti. Vni visione quadam via ad salutem patefacta. Non ita pridem ex fæce hæreticorum emerserat, sed tiro adhuc & rudis in Catholica fide, ob hæreticorum sodalium vexationes, deficiebat sensim ab orthodoxa religione. Tandem in grauem morbum incidit, & ecce nocte quadam à diabolis cernit se abduci in cruciatus æternos, quibus iam pedes sentiebat torqueri. Adebat B. Virgo & mater cum uno sacerdote è Societate Iesu, ex dæmonum manibus miserum eripit, sacerdoti tradit, ut confiteatur peccata monet, ad constantiam hortatur. Ille sibi redditus noctus sacerdotem nostrum, peccata fatetur, cælestem cibum sumit, in Catholica religione perseuerat.

### *Missio Prusensis.*

IN hac parochia Prusensi quamdiu Pater noster sacris operatus est, magno numero singulis Dominicis, Quadragesimæ potissimum, homines ad Pœnitentiam & Eucharistiam confluebant. Non pauci totius vitæ maculas confessione absterrunt: nonnulli etiam, quamvis imminentem mutationem scirent, à Lutheranis ad castra Ecclesiæ confugerunt. Fuit ipsiusmet Prufci ciuis, qui cum uxore & liberis magna cum pietate Sacra menta percepit. Alius, cui nunquam antea persuaderi poterat, in subitum morbum incidens, Catholicus effectus, confessus, comunicauit catholicè, mortuus & sepultus est. Plerique translatione sacrorum

rum facta, neglecta sua parochia festis Paschalibus Horoucium in oratoriū Madachanij, factorum & Sacramentorum caussa venerūt, detestantes idolum Lutheranum. Ut verò taceam multos visitatos infirmos, & rebus diuinis in ea calamitate adiutos, baptizatos infantes, copulata matrimonia, quæ mortuo Parocco sacerdos noster omnia exequebatur, in magna penuria paucorum scholasticorum, ipse met aliquoties domos rusticorum obibat, & Prusci, & in pagis, atque emendato pane scholasticos reficiebat; saepius a Dominis eisdem vietum exorabat. Quia verò sacerdoti nostro ultra Paschalia festa per obedientiam Horoucij versari non licuit, dedit operam loci Dominus, ut sacerdos Catholicus, ex alumnis Collegij quondam Thurocensis eidem oratorio præsideret; cui domum honestam, mensam ex suo penu, & quinquaginta daleros assignauit. Vicini quoque Catholici nobiles pro viribus adiuuāt, vteidem sacerdoti nihil desit. Nec satis habuit Dominus Madachanius domi suæ oratorium erexisse; ex alia parochia duobus inde miliaribus Hungaricis distante, cuius patrocinium defuncto Lutherano possesso in ipsum hæreditario iure deuolutum est, Ministrum Lutheranum expulit, & sacerdotem Catholicum ibidem constituit, frementibus vicinis nobilibus & magnificis viris Lutheranis. cuius Ioannis Madachanij fides ut esset toti ciuitati Trenchinensi testator, cùm Legari munus nobilitas imponere vellet, ut negotia Comitatus in publicis comitis regni ageret; negauit illa ratione se munus illud obiturum, eō quod quædam à Comitatu proposita contra Catholicam fidem, & suam conscientiam essent. Hęc de Missionibus. vocabamur etiam ad alia loca à diuersis Dominis; sed  
 penuria

penuria operariorum piæ voluntati satisficeri non potuit.

## TRANSYLVANIA.

**S**i quando Transyluania statuſ non perturba-  
tus modò, verū etiam afflictus & variis cala-  
mitatibus oppresſus fuit, hoc certè 1600. anno  
maximè. Cuius ingentia mala ad exeuntem vsque  
Septembrem durauerunt. Communis cladis &  
nos participes fuimus, vt pote qui Collegiorum  
noſtrorum redditus magna ex parte amiseramus:  
qui tamen tyranno profligato, omnium ordinum  
consensu cōfirmati ſunt, & noſtrorum in regnum  
cùm fides tum mortis adita pericula honorificis  
verbis laudata. quia de tyranno profligato & noſ-  
tris grauibus periculis locuti ſumus, non abs re  
futurum erit ſequentia breuiter adnotaffe. Anno  
Virginei partus 1599. mensis Octobris 28. Mi-  
chael Transalpinæ Vaiuoda inſperatus ingenti  
copiarum apparatu in Transyluaniam ſeſe inſu-  
dit: cuius exercitum etſi bis victus, Marte ſecun-  
do fudit fugauitque Serenissimus Princeps Andreas  
Cardinalis Bathorius. Idem cum ducentis  
& pluribus nobilibus, dum in Moldauiam fugere  
conaretur, vt exercitum repararet, intra angustias  
Alpium à Siculis rusticis inclusus 31. eiusdē men-  
ſis cæſus eſt. Caput Albam allatum & in noſtro  
templo aſſeruatum, eouſque dum reliquum cor-  
pus iuſſu Vaiuodæ aducheretur, quod 24. No-  
vembris capiti aptatum, ſubcollantibus regni  
Senatoribus in maius templum delatum, & terræ  
mandatum eſt. Proſecutus etiam funus Vaiuoda  
facein accensam gestans, & iuſtis (quæ Reue-  
rendissimus electus Episcopus Demetrius Napra-  
gij,

gij, octo ex nostris sacerdotibus præsentibus per-  
egit) interfuit. Poinpa fuit pro illo tempore magni-  
fica, quæ Hungaros maximè lacrymas exciuit.  
Secundum hanc victoriam & funus varij prouinc-  
iam casus exceperat. Primum enim Vaiuoda se se  
iure iurando obstrinxit, iure se cum omnibus actu-  
rum, bona nemini adempturum, nisi merito & à  
iudicibus damnato. Deinde legationem ad Sa-  
cram Cæsaream Maiestatē misit, ab illius se nutu  
& arbitrio velle se pendere dictitans, nec se, nisi  
pro locum tenente agnoscere. Quæ res spe magna  
cunctos erexerat, futurum, ut omnia tranquillè  
pacificeque transigerentur. Sed ab incunte Maio  
repente mutari omnia, ruereque in peius. Nobili-  
les aliquot viri contra fas & ius non contrucidari  
modò, sed etiam bona diripi, metu & trepidatio-  
ne animi omnium emori. Ruentis statui reipub:  
aliud remedium inueniebatur nullum, quām vt a  
nobilibus, quos in cæstra prope Thordain coëge-  
rat Michaël, ad Illustrissimum D. Georgium Baſta  
mitteretur Sacra Cæsareæ Maiest. Caslouiæ Ge-  
neralem, auxilium contra tyrannum petitum. qui  
suç Maiestatis voluntatē secutus venit, & 14. Sept.  
Claudiopolin ingressus, dum vt ad hospitium  
diuerteret, rogaretur, priùs templum adire, sa-  
cruinque audire, & R. P. Rectorem illo tempore  
xgrum inuisere voluit. Salutatus carminibus à  
nostris studiosis, comedsum ad hospitium, & illo  
adhuc vespere ad castra se se recepit. Die 16. cum  
Germanis Hungarosque mouit castra versus Al-  
bam contra Vaiuodam. & 18. Septemb in medio  
ferè itinere, verè commissum prælium: quo virtute  
strategemateque maximè Illustrissimi Domi-  
ni Baſtae Vaiuodæ exercitus fusus fugatusque est,  
cum Cæsareanorum exercitus vix ad viginti mil-  
lia hominum percuenerit, hostium quadraginta  
quinque

quinque millia superauerit. Desiderati eo prælio ex Vallachis, Cosachis, Bascianis, Siculis ad quindecim millia: ex Cæsarianis vix trecenti. Fugientem Vaiuodam victor exercitus insecutus est, & è tota Transyluania exegit: qui in Vallachia à Polonis semel, iterumque à Turcis profligatus, ad clementiam Sacrae Cæsareæ Maiest. confugit. Ab eo tempore prouincia respirauit, & est tranquilla ad hodiernum usque diem, qui est 28. Decembris. Desudarunt nostri diuersis in locis 32. Claudiopolí in vniuersum 24. quinque Albæ, duo Varadini, duo Zackmarii & Darotij, qui iam degunt Claudiopoli: ex his fuerunt sacerdotes octodecim, Fratres scholastici septem, Coadiutores totidem.

### *Collegium Claudiopolitanum.*

LICET multi variis tentati sint morbis, & inter cæteros R. P. Rector medium fermè annum; tamen functiones nostræ constantem non sine multorum admiratione cursum tenuere. Diebus festis ternæ conciones habitæ, duæ Hungaricæ, domi altera, altera in Monostor, tertia Germanicæ. His accessit in templo nostro post prandium doctrina Christiana, & in funeribus præcipuum Catholicorum aliæ etiam conciones; etiam hæreticis admirantibus & laudantibus. Processio huius anni in festo Corporis Christi superauit & frequentia & pompa superiorum annorum supplicationes. Magistri fuerūt octo, qui Casus conscientiæ, capita fidei hac tempestate in controversia posita, Philosophiam, Rhetoricam, Humanitatem tradiderunt & Grammaticam auditoribus hoc statu rerum frequentibus etiam nobilibus. Ab honestissimorū ciuium filijs scholæ nostræ

visitari cœptæ, quorum parentes nullis adduci possunt vexationibus, ut illos auocent, quia vide- licet liquido deprehendunt operam apud nos minime ludi, ut in Attianorum scholis. Respexit Deus nostrorum pios conatus, & qui gementes semina terræ mandauunt, cum exultatione vide- runt laborum fructus suorum. In Paschate plures (quod miraculo non caret) quam vñquam antea Pœnitentiæ Sacraimento iratum numen placarunt; quorum feroꝝ & in diuinis alacritas, haud dubiè vires non mediocres addidit precibus qua- draginta horarum, quæ pro communi prouinciæ salute fusæ sunt. Tres bonæ indolis iuuenes Ro- manam ad nouitiatum missi. In vrbe varia hæresum portenta execrati, sacraque facta exomologesi in album Ecclesiæ Catholicæ relati nonagintaqua- tuor: inter quos tres magni nominis & nobilitatis feminæ, illo tempore, dum ob metum desperato- rum militum intra mœnia Claudiopolitana sece- continerent, & subinde nostrum adirent tem- plum, duo item nobiles & genere & virtute bel- lica iuuenes: quorum exemplum matrem etiam prouestæ ætatis ad fidem attraxit. in cuiusdam senatoris arce, duabus vicibus 28. potiore ex parte milites strenui, & vxor ipsiusin senadoris cum suis pedissequis, & familia tota. qui omnes & alij plures confessi sunt, & cælesti pane refecti. Hære- ticus Minister exactus est ex Maco, cuius pagi media pars dumtaxat est nostra, licet multi recla- mauerint. Sacro baptismatis fonte abluti octode- cim adulti. Sacrilegas confessiones repetuerunt aliquot. Iuuenis studiosus virtutis suæ specimen non vulgare dedit, dum sæpius inuitatus atque il- lectus blandimentis muliebribus, illa partim fuga, partim grauibus verbis magnificè vicit. Mulier, quæ grauissimo capitis dolore torquebatur, ab

omni

omni molestia liberata, statim atque sacerdos imposita capiti illius manu pronunciauit illa sacra verba, *Super agros manus imponent, & bene habebunt*. Mulier, quæ grauiter dubitabat an in sanctissimo Eucharistia sacramento eo prorsus modo quo à nostris acceperat, totus Christus vñ cum diuinitate & humanitate contineretur, bis vidit supra hostiam dum populo spectanda in altum attolleretur, columbam nitidam. Alia ex gravi ægritudine appenso agno Dei conualuit. Alia cùm pridie salutiferi Natiuitatis diei ad pauculas prunas operitur tempus matutinarum precum, quæ noctu decantatæ fuere, & in globulis precatiis salutatione ab Angelo Deiparæ factam identidem repeteret; comparuit ante illius ora iuuenis honesta & liberali forma, quindecim rosaria manu tenens gemmis & lapidibus pretiosis affabré exornata, splendoreque mirabili totam illustrans zdem: quæ rosaria cùm numerasset mulier, iuuenis subito ex oculis euanuit. illa mox votum nuncupat se in honorem Reginæ cæli quindecim coronas recitaturam: iussa est à confessario dum promissum exsolueret, orare, cui rem totam hoc quo narrata est ordine candidè retulit. Frequentant hominis Caluiniani duo filij scholas nostras: alter annorum septem circiter, quinque alter: quorum maior vbi à magistro esum carnium interdictum intellexisset ab Ecclesia, nullis ministris etiam colapho accepto adduci potuit, vt iis sabbatinis diebus vesceretur. Mater illorum cùm graui morbo periclitaretur, suasu paedagogi votum nuncupauit se nunquam carnes feria sexta & sabbato manducaturam; & conualuit. Hisce diebus argumentis duobus ostendit Deus, quām Arianorum pestis illi displiceret. Nam in ludo Arianorum adolescens quidam, Petrus nomine,

Collegæ, ut ipsi vocant, scholæ illius frater, in extrema cum morte lucta conuocatis omnibus, qui fortè tunc aderant suis commilitonibus, fratrem grauiter incusauit: Ecce, inquit, frater, precibus importunis eò reluctantem perduxisti, ut Catholica fide abiurata Arrij tui stipendia sequerer: videlicet iam ob hoc meum scelus omnem domum malis repletam dæmonibus, qui non aliud, quam animæ meæ præstolantur egressum, ut illam in perpetuos inferorum cruciatus deferant? Cui cùm ter miserandus frater acclamaret, Angelos illos esse bonos, quos ille videret, quare animum ne desponderet; omni spe salutis abiecta, clamore ingenti edito infelicem animam reddidit. Superintendens etiam Arrianus in die Nativitatis Christi, cùm multa in recens editum infantem blasphemæ, multa in Societatem nostram seditione euomuisset, ut & nos exemplo Varadinensem & Gialuensem, qui & ipsi Catholicos sacerdotes solum vertere coegerūt, & quidem impunè, Claudiopoli exturbaremur; secundum concionem in ægritudinem incidit, & postquam triduum vel quattriduum sine voce, lecto affixus grauiter tortus esset, ex summis corporis doloribus ad grauiores animi cruciatus translatus est, lugentibus hereticis, & neendum irati numinis vindictam agnoscensibus; orthodoxis vero miserantibus quidem illius interitum, sed tamen ob gloriam Christi demonstraram, & nostram propugnatam innocentiam, maiorem in modum lætantibus. Pater noster excurretat comite Parocho pagi nostri, ad quendam vicum nobilibus refertum: vbi finita concione, & familiari colloquio conclamatum ab omnibus, ut ad antiquam religionem post tot aduersos tum vitæ, tum fortunarum casus redeatur: & quod Deus bene verat, adeatur

R.P.

R.P. Collegij Claudiopolitani Rector; à quo impetratur ut sacerdos ille saltem tertia quaque hebdomada ad ipsos excurrat, erigatur è vestigio templum, si non magnificum propter cæmenti & materiæ inopiam, certè ex ligno, ne ad vicina loca ad hæreticos ire cogantur: se enim ex vna hac plus didicisse, quam triginta & amplius annos ex Caluinianorum Ministrorum frequentibus concessionibus. Vnicus repertus est inter alios opibus & fortuna potentior, qui intercessit, probè sibi Papisticam religionem esse perspectam, nec è re loci illius futuram sacrorum innouationē. quare se auctore Catholicum sacerdotem non aduocatum iri. Iussus est ad breue tempus è triclinio excedere, ut illo absente, quod opus esset factō, diligenter inter se discuterent. Tandem consentientibus animis & voluntatibus conclusum, ut prius consilium ratum fixumque maneret: cui si unus ille calculum adiicere nollet, sub poena decem dalerorum à puto co minuni arceretur: si dominus illitus vel ignem conciperet, vel à latronibus inuaderetur, nemo sub eadem multa suspectias illi ferret. Hæc ubi concluserunt, aduocant illum refratorium, quid in commune decreuerint, aperiunt, ideoque maturè, ni sententiam mutet, executuros. Excusare ille se territus, ratione in consilium non adhibita se paulo antè locutum dicere, idem sc, quod alij, sentire velleque. Templum ergo iam edificatur.

### *Collegium Albense.*

TOTVS hic annus, si exteriora aspiciamus, gravis & molestus nostris extitit, ut pote in medio & ante truculentorū ora hostium; quæ res effecit ut scholæ aliquamdiu intermissæ fuerint. Episco-

palis Cathedra hoc anno nobis data, ut ordinariè  
 ex illa ad populum verba faciamus; quod & præ-  
 stitum non sine fructu, et si non absque summa  
 difficultate, eò quòd homines barbari lingua  
 Hungaricæ ignari cateruatim ad monumenta  
 prisorum ducum intuenda conuolarunt, & in-  
 conditis clamoribus concionatorem interturbá-  
 runt. Cetum circiter, ut ex fide dignis accepimus,  
 ad Ecclesiæ caulas redierunt. quorum quidem cir-  
 citer sexdecim nostris confessi, reliqui Canonicis.  
 Plures sexdecim qui nunquam coram sacerdote  
 ex omologesi fecerant, & interea mensam adi-  
 te Dominicam non perhorruerant, ad sincera in  
 scelerum expiationem adducti. Ad sacra & con-  
 ciones diebus festis, quæ iam omnino in negle-  
 ctum venerant, eo præsertim die, quo infereban-  
 tur efferebanturque imerces ( qui quothebdo-  
 madis unus erat) populus assuefactus; ut quando-  
 que non minùs frequentes comparuerint, quam  
 alias diebus Dominicis: quibus ut animū adderet  
 Reuerendissimus Dominus Demetrius Napragij  
 Cancellarius Transyluaniae, electus Episcopus,  
 semper ferè, nisi à Vaiuoda distiperetur, unà cum  
 aula sua interfuit, aliquot non raro ex proceribus  
 hæreticis secum adductis. In Paschate tanta fuit  
 eorum multitudo, qui se de criminibus patratis  
 accusarent, quò digni essent epulis Angelicis, ut  
 ad dies aliquot duo sacerdotes vix suffecerint.  
 quod hoc turbulentissimo rerum statu, armis vn-  
 dique strepentibus, & domi nefariis militibus  
 omnia diripientibus mirum videri vel maximè  
 debet. Quo tempore personæ aliquot à nefariis  
 superstitionibus abductæ, & inter duos coniuges,  
 qui capitali odio dissidebant, pax conciliata. Ab  
 iniusto coniugio deterritæ duæ. Tres mulieres ut  
 primùm animi vulnera Ecclesiæ medico curanda  
     aperue-

aperuerunt, è grauibus morbis incolumes euaserunt. Vna iam biduo facultatem loquendi amiserat; sed viso sacerdote, & recreari cœpit, & ita commode loqui, ut occulta delicta pandere potuerit, ac post triduum lectum reliquerit. Quædam ne suspedio gulam sibi frangeret (cui mantile quoque circumvoluerat, & ad hæc etiam alienata mente è clavo pendebat) prohibita. Causam in se sœuiendi filia nupta dederat, quam absente marito vi miles schismaticus abduxerat, sed non sine præsenti numinis diuini vindicta. nam paucis post diebus, dum exercitus lustratur, socij plumbea glande casu traiectus interiit. Quædam ægrorū in hæresi educatus, dum in extremis esset, & in eodem morbo tres ante quatuorve dies conuersus, morequé Catholico ad illud periculosum iter instructus, de animæ salute desperauit: ita ut nulli ne vxori quidem aliud loqueretur, quam de se actum esse, ac in tabulatum duntaxat oculos figeret, & toto corpore ruberet, arderetq;. vxor, quæ modis omnibus illius conuersionem tentauerat, & iam extremum animæ periculum acerbius ferebat, accurrit ad nostrum sacerdotem, quem etiam atque etiam rogat & obsecrat, ne maritum animam agentem, & de misericordia Dei diffidentem deserat: ad quem cum aduolasset, multis precibus monet & urget, ut verbum aliquod edat, spem concipiat optimam: Deum enim indulgentissimum esse, dummodo noui post confessionem admissi sceleris pœnitentia, & ex integrō confiteatur. Ad extremum vix multis clamoribus impetrat, ut se & dolere dicat, & confiteri paratiſſimum esse. Post triduum circiter ubi melius habere cœpit, iuratus afferuit, ignem se vidisse infernalem, & ideo præteritæ vitæ criminibus exanimatum. Conualuit paulo post, & in

fide suscepta etiamnum perseverat. Vexabat hæreticum in uliebri modò forma, modò iuuenis, modò muscę, modò alia quapiam diabolus, quem nunc in manibus, aliquando in pectore, nonnunquam in capite & aliis membris sentiebat: à quo, ut ab uxore profugeret, sollicitabatur. Quare ut ab hac vexatione liberaretur, accessit Caluinianos Ministros, eosque rogauit, ut sibi supprias ferrent. Responderunt illi se hac in re nihil posse: quare si liber esse yellet, Albam ad Iesuitas pro auxilio petendo proficisceretur. Fecit, & postquam instructus totius anteaetæ vitæ sceleræ recensuit sacerdoti, & insuper Eucharistiæ Sacramēto, post agnoque Dei munitus est, omnia dæmonis terribulamenta diffugerunt. In festo Corporis Christi supplicatio solemnis habita, tubis tympanisque concrepantibus.

## *Missio Darotiensis & Zackmariensis.*

IN Darotz undecim mensibus tres sacerdotes, & unus frater diuersis temporibus commorati sunt. Qui repudiatis contia fidem erroribus, expiatisque totius vitæ peccatis, & epulis pasti diuinis, gremio Ecclesiæ Catholicae recepti sunt, sexaginta septem fuerunt. Ex quorum numero duæ magnæ nobilitatis personæ extiterunt: quârum conuersione sicut orthodoxi multum gaudent, ita Caluinianæ hæresis Ministri acerbè tormentur, videlicet magnis suis defensoribus ac patronis amissis. In festo Corporis Christi supplicatio solemnis instituta, quæ hoc in loco à memoria hominum exoleuerat, magna Catholico-rum lætitia, & admiratione hæreticorum Femirâ Catho-

Catholica cuiusdam iudicemoderatoris vxor, cum ab amicis & sanguine iunctis diu multumque vexata fuisset, eo nomine quod fidem deserere noluisset, maritum haereticum etiam atque etiam obsecravit, ut sincerè diceret, quidnam de religione Romana sentiret: se, Scripturæ sacræ ignorans, eam, quam ipse laudaret fidem, in pretio ac professione habituram. Accepta prius fide silentij maritus, bona fide respondit, inter omnes quæ hac tempestate vigerent religiones, Catholicam optimam verisimilamque esse; proinde, se auctore, usque ad ultimum spiritum eam retineret. Interrogatus ab eadem, cur quam inter cæteras ab omni remotiorem errore iudicaret, non amplectetur; respondit famam & prouentus impedimento esse, quæ statim atque Catholicus fieret, amitteret: quibus in fide confirmata mulier etiamnum persecuerat.

ZACKMARI fides sacrosancta, iam olim deleta est; tamen tribus mensibus, quibus è nostris sacerdotibus unus ibi moratus est, dedit operam diligentissimam, ut incolas ab errore reuocaret: nec nihil profecisset, nisi Caluiniani feroce summa vi pro suggestu magistratus ac populum ab audienda doctrina Catholica deterruissent. Nam exemplò duos ciues ob haeresim abiectam senatu excluserunt, alios aliis pœnis absterruerunt. Reperti nihilominus aliqui, qui præteritæ vitæ crimina Pœnitentiæ Sacramento deleuerunt. Idem sacerdos accersitus a quibusdam nobilibus in aliud castellum, cum ibi concionator haereticus publicè ex loco superiori idolatriam Catholicis inuiteret; sine mora eodem in loco respondit, falseque obiecta diluit. Qua re confirmati Catholicæ, haereticæ vero de sua secta ut dubitarent, adducti.

*Residentia Varadinensis.*

**V**ARAD. NI nostri, qui duo fuerunt, magnis in initio difficultatibus exagitati. Nam inuidia & potentia quorundam procerum, nec exercitia Societati consueta in arce libera fuere, nec æris campani pulsus; adeò ut Catholicis denuntiatum sit, futurum ut ex ponte in fossam deturbarentur, si in arcem rei diuinæ audiendæ caussa ingressi fuissent. Exhausta tamen difficultas. & iam Capitanci hæretici non modò comes se exhibent, sed etiam alter illorum affirmauit, sua se concionatorem interemptum manu, si contra Patres aliquid dixerit feceritve. Tempa duo Catholicis attributa, Hungaris alterum, alterum Germanis. Aliquot pellices suasu nostrorum vel ex munitione expulsæ, vel ad legitimum matrimonium compulsæ. Ad Pascha sicut in agro haec tempestate admodum sterili, accusarunt se in sacra confessione de peccatis Hungari circiter quinquaginta: ex quibusc tres hæretici alij vel nunquam exomologesin fecerant, vel à decem scdecimve annis diuinis epulis abstinuerant. ad Natalem Domini diem Hungari viginti, unus hæreticus, ceteri prioribus similes, Germani vigintiquinque. Dissidentes præterea aliqui sunt reconciliati. Sacro fonte abluti infantes sedecim. Matrimonij Sacramentum castris administratum.

## PROVINCIA BELGICA.



PROVINCIA Belgica viginti locis  
quasi stationibus quibusdam di-  
uiditur. Collegia sunt Louaniense,  
Tornacense, Audomarense, Dua-  
cense, Antuerpiense, Leodiense,  
Traiectense, Brugense, Iprense,  
Cortracense, Gandense, Insulense, Vallencenense,  
Montense, Bergense. Residentiæ verò Bruxelleu-  
sis cum missione Castrensi, Cameracensis, Luxem-  
burghensis, Atrebaten sis, Seminarium Anglicanum  
Audomaropoli; Missio denique Hollandica. In  
hisce Socij 496. resident. mortui sunt nouem, ad-  
missi vigintiquinque.

### *Collegium Louaniense.*

CENSENTVR è nostris Louanij quadraginta-  
septem, sacerdotes tredecim, studiosi viginti-  
duo, Coadiutores duodecim. Vacationum tem-  
pore Theologiæ studiosi ad unum omnes exerci-  
tiis sese spiritualibus excoluerunt; aliquot pau-  
pertatis religiosæ experiendæ studio peregrina-  
tum ierunt mendicando, rudes catechesi insti-  
tuendo, alij aliis demissionis exercitationibus Dei  
gratiam demereri ad sui victoriam studuerunt.  
Ad externos labor nostri etiam deriuauit. Con-  
fessiones supra centum triginta generales auditæ.  
ex diuersis opidis hic aduentarunt, quorum non  
nulli per hebdomadas aliquot sedem fixerunt, ut  
conscientia diligenti examine discussa, & per pec-  
catorum confessionem expiata deinceps in san-  
ctitate Deo seruant. Pudicitia plurimum consul-  
tum, variisque libidinum cœno extracti. Sancti-  
monia

monialium monasterium nō minus maleficiis & spectris dæmonum, quam luxata mutua charitate, laxata regulari obseruantia miserè turbatum; nostrorum adhortationibus, alloquiis operaque in confessionibus aliquoties posita, omni molestia prorsus liberatum, religionis integritati, altèque paci restitutum est. Sacratoribus diebus mille ducentis, subinde amplius, sacrosancta synaxis porrigitur. Hæresim quam imbiberant tres coram testibus abiurarunt. Alius in ea perfidia enutritus dum rapitur ad supplicium; adiutus à nostris, ita piè mortuus est, ut non mediocri admirationi omnibus fuerit. Spiritualibus cōmentationibus imbuerunt animum supra quinquaginta. Quatuordecim ex his ad Societatem animum adiecerunt: septem voto potiti; aliquot, aliud religiosorum ordinum institutum amplexi sunt. Duo Theologicorum seminariorum Præsides & Doctores primarij bonam familiæ suæ institutionem ac quietem acceptam ferre se ac debere testati sunt exercitationibus hisce spiritualibus: quibus ut animos imbuant, cum publicè, tum priuatim alumnos suos hortantur sedulò. Bacchanaliorum diebus celebrata supplicatio horarum quadraginta in æde nostra. Studiosi Iuris & Theologiae voluntariam per verbera castigationem, ad quadrangintaquatuor suscepérunt: quæ res aliis magnum addidisse calcar creditur, studiumque imitandi. Illud de Sodalibus omnium Sanctorum dixerim, neminem ferè esse, qui non priuatim flagellis in carnem fæuiat, aut cilicium quod subinde usurpet non habeat. Ad antiquum Annunciatæ Virginis Sodalitium accessit hoc anno noua ciuium honestorum congregatio. Conueniunt igit statis diebus ad exhortationem, quæ vernacula lingua ad eos habetur. è minori Sodalitio Parthenico

thenico octo ad diuersa Religiosorum instituta se  
recepérunt. Præter statas catecheses Latino, Gal-  
lico, Flandrico idiomate propositas, aliquoties in  
ipsis plateis & locis urbis celebrioribus habita est  
à nostris doctrinæ Christianæ explicatio magna  
ciuium approbatione, & fructu. Sacræ supellec̄tīli  
præter casulas duas pretiosas, & alia nonnulla, ac-  
cessit hierotheca argentea, inaurata, eximiæ pul-  
chritudinis, quæ plusquam mille florenis stetit.  
Census annuus auctus testamento sacerdotis cu-  
iusdam centum florenis. legarāt is plura, sed  
quoad cetera non substitit testamentum.

*Collegium Tornacense cum  
Domo Probationis.*

D E G V N T in Collegio Domoque Probationis  
Tornacensi septuaginta septem: sacerdotes vi-  
gintiduo, professores sex (ex quibus duo cum sa-  
cerdotibus recensentur) Coadiutores quatuorde-  
cim, reliqui nouitij. Iuuentus quæ scholas nostras  
frequentat, in dies, vt numero, ita virtutum ac lit-  
terarum progressu sit auctior. ex ea plures in reli-  
giosas familias cooptati. Itur à nostris in pagos  
concionis & catechesis instituendæ gratia fre-  
quentissimè: visuntur subinde sociorum paria vi-  
ginti, qui diuinum hoc semen iacent. Confessio-  
nes frequentantium vis est sæpe maxima: diebus  
vt Dominicis hora matutina tertia, secunda et-  
iam solemnioribus pro foribus templi nostri,  
præstolentur permulti. Cætera Christianæ rei of-  
ficia geruntur, vt solent, strenue. & licet plurima,  
eaquæ grauia huius rei edita sint argumenta; quia  
tauen cum iis, quæ annis præcedentibus allata,

aut

aut aliorum Collegiorum notis communia sunt,  
scribere supersedemus.

### *Collegium Audomarense.*

ALIT hoc Collegium trigintasex è nostris, sacerdotes sedecim, præceptores sex, quorum duo adnumerantur sacerdotibus: studiosos Cassum vndeциun, ex quibus sacerdotes duo; Adiutores octo. Dissipatæ multorum inimicitiae ac reconciliata gratia Duo Magistratus principes mutuis maledictis lassiti placati sunt. Concitatum inter patruelis acerbum odium pecuniae nomine magno tandem labore sedatum. Alij grauibus distracti inimiciis, ut etiam Paschali tempore à Sacramentorum vsu abstinerent, præter omnium spem & exspectationem offensiones sibi condonarunt. Ortæ inter coniuges duos dissensiones ad diuortium cum impulissent, mulieri mente vehementer agitatæ spiritus nequam infedit: à quo continentem se asserebat vexari pertrahiique ad nefariam societatem incundam, oblatis sibi cum aliis muneribus, tum eleganti vestium ornatu. Eius inopia liberali quorundam largitate subleuata; cum multæ adhortationes acceptissimæ, vsusque Sacramentorum, liberata molestiis viro suo restituta est, redintegrata gratia. Magnum duabus è prima nobilitate periculum creabatur excitatis odiis, quæ breui eruptura videbantur. Sed eorum extincta sunt semina, effectumque ut in unicem sese litteris benignissime consalutarent, quoad in aspectum & colloquium veniendi esset facultas. A quibusdam nobilibus illud inpetratum, ut in eorum ditionibus pomeridianarum precatiōnū tempore homines popinarum aditu prohiberentur. Rem alienam permagnam nonnulli resti-

restituerunt. Supellex templi aucta est elegantius calice, casulis, antependio, velis ac cortinis bombycinis, quæ splendorem & ornamentum non paruum nostro templo conferunt.

### Collegium Duacense.

**V**ERSANTVR Duaci è Societate triginta octo, sacerdotes septemdecim, quorum quinque cum totidem aliis Professoribus iuuentuti instituendæ incumbunt. Sex Philosophiam audiunt, ceteri decem sunt Coadiutores. Mille circiter censentur Auditores, si Theologos adnumereres, & ij quidem penè cuiuslibet nationis, Angli, Hiberni, Scotti, Germani, Hispani. horum pietatem abundè Deus compensare videtur, cum ad varios Religiosorum Ordines, ad Societatem non paucos frequenter adsciscat. Præter communia illa Societatis nostræ exercitia, visitationes carcerum, hospitalium, ægorum, catechismi explicationem, quæ nihil omnino remittuntur, hoc vnuim de reconciliatione dissidentium occurrit; extinctam esse quinquennem discordiam, quæ Baronem quendam a cognatis implacabili odio diuiserat. Lis quæ dissidium inuexerat, ad arbitros, quos sacerdos noster deligeret, reiecta; hinc discordia composita. Pœnitentium in templo nostro ea est frequentia, quæ decem confessarios penè obruat. Neque domi tantum nostrorum desudauit industria, diffudit se quoque ad opida pagosque adiacentes. Quodam in loco centum facile totius virtutæ peccata expiarunt: è quibus plerique ex pagis sat remotis cælo licet terraque niue ac luto fœdissimis affluxerant. Ad culmen usque perductum est ædificium nouum, ad latus portæ domesticæ apprime necessarium, tum excipiendis infernè extensis

ternis in adirum, tum etiam collocandis supernè domesticis infirmis. Quam in rem Magistratus pro sua in nos munificentia mille florenos contulit.

## *Collegium Antuerpiense.*

SVNT Antuerpiæ de Societate vigintiquinque, sacerdotes tredecim, quorum duo cum aliis quatuor magistris litteras humaniores profitentur, Coadiutores octo. Infelicem vitæ nostræ sortem cum meliori commutauit P. Firminus Caius vir modestus & religiosus. Ministrum egit Antuerpiæ annis sex, magna diligentia & fide. obiit ætatis anno quadragesimo sexto, ab aditu religiosi status vndecimo. Iuuentus quæ scholas frequenterat, supra vigintiquinque quadringentos numerat. Ex ea plurimi variis religiosis familiis nomina dederunt. Qui catecheses audiant Dominicis diebus, variè collecti mille & amplius censemur. Vitæ totius confessiones auditæ quamplurimæ. horum nonnulli vel nunquam, vel minus rectè fuerant confessi. successit in plerisque insignis morum mutatio. Ab infami incontinentia ad honestatem reuocatae non paucæ exuerunt hæresim, ut minimum viginti: quorum alij matrimonia minus ritè contracta recognouerunt. Virgo à iudaismo, ad quem defecerat negato Christo eiusque sanctissima matre, eiurato etiam baptisino, adhibitis diris ac detestationibus omni sæculo inauditis, quas annis singulis repetebat; cum in Patrem nostrum incidisset confessionis gratia, magno animi sensu rediit ad Ecclesiam. Alius deposita arte magica, qua multos mortales luserat, & in fraudem damnunque induxerat, confessione totam vitam eluit. Ereptæ quoque non paucis supersticio-

perstitionum variatum schedulæ ac notæ Mulier pertinaciter morti deuota venenum hausit, p̄tæcipitum, aliaque vitæ tollendæ media tentauit, irrito semper (quæ Dei est bonitas) exitu. expiatis demum vitæ totius sceleribus ad bonam frugem rediit. Depositis odiis dexteras dederunt coniuges imprimis duo, qui biennium totum mutuas cædes cogitauerat; fratres quoque & sorores post dissidia aliquot annorum; viri nobiles, qui domo nunquam pedem efferebant sine armatorum iuuenum manu; Canonici etiam Ecclesiæ cuiusdam cum Pastore, quos annorum quatuor odia diuiserant; Lusitani denique potentissimi, quorum à leuibus primùm initiis glacente velut scintilla, discordia in flamas exarserat inuoluens prope modum vniuersam nationem. In discrimen ipsa ciuitas veniebat incertis præsertim Reip. rebus; dies noctesque adlaborarunt nostri, non frustra; nam positis odiis, armis atque factionibus magno omnium gaudio flamma prorsus extincta est. Nostrorum suasu restitutions à variis factæ, florenorum sexcentorum, maioris etiam summæ.

### *Collegium Leodiense.*

FAMILIA Leodiensis octo & triginta de nostris complectitur, sacerdotes viginti, magistros octo, quorum quatuor cum sacerdotibus recententur; studiosos duos, rei domesticæ administros duodecim. Ad Dialeticæ & Humaniorum litterarum classes, in quibus auditores octoginta quinque supra octingentos, Casuum duæ prælectiones accesserunt, Illustrissimi Principis rogatu in Seminarij sui gratiam, sed & deiecto vetere scholarum ædificio nouum assurgit, elegans & patens ad classes duas oportunum. Illustratum templi

Kk altare

altare maius, inductis forulis, in quibus Sanctorum capita, & reliquiae gemmis auroque splendicantes honorificè collocatae sunt, luculentum planè, & ad oculorum aspectum, & ad mentium excitationem opus. Sacraenta festis solemnioribus in templo nostro minimum bis mille ducenti obeunt. Catechismus quinque celebrioribus urbis paroeciis per hiemem, paruis magnisque explicatus, totidem foris aestate. Itum quoque solito studio ad fornaces, quæ in hac ditione plurimæ: in quibus liquatum primò ferrum, & in laminas extensem, in tenues virgulas funditur. Cui operi nocte ferè dieque incubunt viri, ut durissimi, ita ferum omnium ad salute in ignarissimi. Principio quidem ridere, magistrumque repudiare videbantur. Sed fratris nostri partim patientia, partim etiam astus ferreum hominum genus peruicit. Pauperes igitur aliquot, qui sibi dabant in litteris operam, curat eorum instar nigredine deformari, mores habitumque fingere, ignorantiam prima frōte simulare rogatos, edocitos postmodum respondere. Itaque factum, ut quod antè pudori erat & contemptui, honori esset & voluptati. Subinissi etiam cebrius vacationum tempore aliquot de Sodalitate iuuenes, qui eos Symboli articulos, priuaq; Christianæ legis clementia docerent. Stetit operæ fructus, traducti enim plurimi ad directum salutis iter non mediocriter sibi gratulantur de magistris optimis: à quibus inter cetera accepissent, animos suos esse immortales, beatæque vitæ capaces, si Dei monitis auscultarent. Serenissimus Coadiutor Coloniensis cum Serenissimo patruo Electore, sacratioris ieunij tempore excepti sunt à scholarum nostrarū Imperatoribus egregio drame. Aderat Illustrissimus Nuncius Apostolicus, Episcopus Tricaricensis,

ac propè vniuersa patriæ nobilitas, quæ ad indi-  
cta comitia Leodium, & ad scholas nostras inui-  
tati conuenerant. Multis verbis Serenissimi Prin-  
cipes Collegij nostri eximum studiū in Bauari-  
cam domuin, quam in scriptis nos exornasse cog-  
noscebant, & iuuentutis nostræ in dicendo ardo-  
rem commendarunt. Altero die, nos vt vicissim  
ornaret & recrearet Serenissimus Coadiutor, apud  
nos in communi mensa cum paucis è primaria  
nobilitate prandere, domum ac scholas omnes vi-  
sere, egregia amoris & benevolentiae significatio-  
ne voluit. Ad eam orationis quadraginta horarum  
celebritatem, quam B Virginis Sodales duobus  
illis diebus, quibus in luxum fluere solent homi-  
nes, ante quadraginta dierum stata ieiunia, insti-  
tuerant, maxima hominum cuiusvis ætatis & or-  
dinis turba confluxit; passim vt dictarent, nec se  
iis diebus vidisse parem aliquando pietatem, nec  
consimilem in ciuitate modestiam. Namurcum  
hinc Missio instituta fuit, expetita illa quidem à  
Reuerendissimo & Capitulo Namurcensi, Ad-  
uentus & Quadragesimæ temporibus. Concioni  
Patris nostri, paucis diebus exceptis, assidue in-  
terfuit Episcopus, Ecclesiastici plerique & vrbis  
primores. Eius fructum declararunt quotidianæ  
animatorum expiationes, graues iræ depositæ, & ad  
cælestes epulas celebrior accessio. Catechistica le-  
ctio ab uno sacerdote duplex habita: altera quæ  
rudioribus & ignaris, altera quæ prouectioribus  
seruiret. ad hanc præcipuus fuit hominum con-  
cursus. Muliercula quædam deceim annis obse-  
sam se à dæmone finixerat; & ad varia templa, in  
quibus præsertim numerosior populus, saepè de-  
ducta, clamoribus & peregrinis gestibus crucia-  
tum simulabat. Desudauerat inter cæteros vehe-  
metiter adhibitis exorcismis Prælatus quidam,

sed frustra. Is cùm dæmoniacam ad Patrem nostrum misisset periculi faciendi gratia, exceptit illam primùm blandis sermonibus, donec fraus pateret: qua detecta illa culpam agnouit & conquieuit; mirantibus pluribus, qui offensionem veriti conceptam imposturæ opinionem aperire minimè ausi fuerant. Cùm sermo varius de erigendo Collegio crebre sceret, periculum multis amicis subesse videbatur, ne religiosi Patres instituti S. Francisci de Observatia, quorum præcipua Namurci auctoritas, ei negotio remoras adferrent. Commissarius ergo P. Guardiani rogatu cauit in virtute sacræ obedientiæ, & sub pœna carceris, ne suorum quisquam facto verboq; ostenderet aduentum Societatis in eam urbem sibi gratum non esse. Faslus est etiam nostris P. Guardianus ingenuè nostrorum commendatione longè auctiores accessisse eleemosynas monasterio, et si aleando militi ciuitas nunquam magis exhausta fuisse videretur. Namurco Patres Dionantum concederunt magnis precibus & populi & cleri euocati: quorum primores Collegij inardescunt desiderio. Conclaves frequentes duorum mensium spatio, & catecheses habitæ: Soliditas quædam B. Virginis sacra cum eiusdem cultu, qui ferè iacebat, restituta. Denique cùm Dionantensem cathedram per Aduentum & Quadragesimam præstantissimi quique concionatores & doctores ambiant; non desistunt infimis propè precibus & cleris & populus instare Societatis ut concionatore gaudcent.

*Collegium Traiectense.*

**N**VMERANTVR Traiecti vnuſ & viginti, ſacerdotes decem, profefſores ſex, quorum duo ſunt ſacerdotes, adiutores septem. Fructus quem noſtri colligunt ex iuſtrictionibus per monaſteria, ſcholas ciuitatis, & apud excubitores in portis abunde respondet labore. Confefſiones auditæ ge-nerales centum & nonaginta, quarum plurimæ magni fuere momenti, & multorum annorum. Adoleſcens annorum vigintiquique, ex Anabaptiſtarum familia, à noſtriſ iuſtrictus, antequam Baptiſmi gratiam eſſet adeptus, continuam pa-tiebatur animi carnificinam: corpus etiam plus zquo graue, moleſtum ac tardum ad omnes functiones videbatur. Salutaribus asperſus aquis iam inde experitur & corporis & animi alacrita-tem quam ſolent (vt eius verbiſ utar) qui lautiori epulo reficiuntur. Obtenta à variis animorū conſenſio, qui in mutuum ruebant exitium. Curatum etiam, vt ij qui in matrimonio inter hæreticos contracto diutiflum, vixerant legitime contra-herent, & in eo peramanter Catholiceque viuerent. Vidua florentis ætatis, cum à diuite propoſito ingenti turpitudinis lucro ſolicitaretur, quidlibet potius perpeti maluit, quam flagitium per-petrare. Quidam capite damnatus, dum negle-ctam multorum annorum confeſſionem inte-gram demum reſtaurasſet; ita animatus ad locum ſupplicio deſtinatum aduolauit, vt calceos abi-ci-eret, responderetque obſiſtentibus ob arduum iter iuſtitie adminiſtris, nefas eſſe, ſi ipſe Christum nudum cruceque oneratum calceatus ſequeretur.

## *Collegium Brugense.*

CONSTAT Collegium hoc sociis duodeuiginti, sacerdotibus vndeциm, professoribus sex, quorum quatuor sacerdotum numero adscribuntur, Adiutoribus quinque. Ornata est non parum sacra supellex amicorum donatione. Nouarum ædium antiquis accessio facta, tautum prodest domesticæ libertati, quantum illæ obfuisserent si in tabernam diuersorian versæ nobis non obtigissent. Diuinarum rerum commentationibus exculti fuerunt solito plures. Duo à perfidia ad orthodoxam fidem reuocati; quorum alter à pueritia imbutus se fortunatum deprædicabat ante mortem Catholicorum numero aggregari. Slusas à triremium Piæfecto sæpius accersimur, cum ipsius solatio, tum remigum erudiendorum gratia. Lætus is ager, sed fructu vberior. Patres ij, qui Catholicum exercitum sequentes clade ad Ostendam edita elapsi fuga saluti consuluerunt, in hoc Collegium se receperunt.

## *Collegium Ippense.*

CONSENTVR Ibris è nostris octodecim, è sacerdotibus decem, quatuor cum duobus aliis magistris studiosis instituendis dant operam: cæteri sex rei familiaris sunt ministri. Angustiæ templi ampliatæ sunt lateralibus parietibus ad plateau usque deductis, quos excipit murus nouus, patens ac longus, claudendo horto, qui hactenus prope modum patuerat, apprime oportunus. Duo calices noui sacræ supellectili accesserunt. Latè hic patet catechismi traditio: quo in genere discipulis nostris, magistrorum suorum æmulantibus studia,

studia, permittitur à Pastore, ut in rusticano templo paruos & etiam grandiores erudiant. Suscepta hinc Missio Balliolum; Flandriæ vicus est populosus & celebris, quem Caluiniana hæresis olim infecit ac vastauit. ibi nostri bimestre solidum hæserunt, magno certè rei Christianæ incremento & animorum fructu. Exercitiis spiritualibus primores quique exculti fuerunt, catechesis instituta frequenti concursu, & applausu, & emolumento. Carceres & nosocomia magno ægrotorum captiuorumque solatio adita; multorum subleuata dissidia: religiosæ denique familiæ corum concionibus adiutæ.

### *Collegium Contracense.*

C ORTRACENSEM vineam excolunt octo & decem, sacerdotes decem, professores duo, cum quatuor aliis, qui in sacerdotum classem relati sunt, Coadiutores sex. Præcipua vtilitas ex scholis & doctrina Christiana emanavit. Adolescentes duodeni diuersas Religiosorū familias instruxerunt, magna Antistitutum voluptate, & multiplici nostrorum commendatione. Fatentur enim seminarium Religionum Societatis modò scholis contineri. Doctrina Christiana iam pridem constituta optimè (quod difficillimum semper visum hactenus) pristinam dignitatem conseruavit. Eān porrò non in fructuosam fuisse res vna declarabit. Ut hic maximè mitis est populus, minimeque malitiosus; ita promiscuis iocis, ludicrisque rebus omnibus pueri puellæque miscebantur. Impetratum hoc anno est, id maximè ut credatur infame, vix modò ut videoas puellulam in publico cum pueris quacunque occasione discurrere. Pœnitentium numerus, ut solet, haud contemnendus. Sa-

cerdos vnuſ confessiones totius vitæ exceptit ad quadraginta. vndeclim errore deposito orthodoxam religionem amplexati generali confessione se Deo atque Ecclesiæ reconciliarunt. Horum vnuſ Anabaptista pertinax fassus est cetericosam contentionem suam sacerdotis nostri modestia fractam esse. Cūm nefarius prædo venatione longissima fatigatus, virgines duas ad auia tandem fœdandas impulisset; eò duo ē nostris nec opinantes delati, iam proximas periculo eximerunt. Quodam in opido effectum concionibus, vt sacris diebus religioni ducat. si quis mechanicis rebus, quod tum non erat infrequens, manus admoueat. In virginum cœnobio ingens sopita turbatio, animiqne sedati. In aliis duobus magna nostra simul virginumque voluptate auditæ confessiones, & intestini dissidij exhausta sentina animis in verum amorem copulatis. Burburgum (Flandriæ id opidum est parvum quidem, sed territorij caput) concionator vnuſ ex hoc Collegio destinatus, præter fructum quem retulit, desiderium quoque sui ac Societatis ciuibus reliquit.

### *Collegium Gandense.*

SUNT in Collegio Gandensi personæ nouemdeciim, sacerdotes decē; docent ex his iuuentuteim tres cum tribus alis professoribus, ceteri sunt Coadiutores. Ad superos hinc emigravit P. Iudocus Hagijs Gandensis, vir modestia ac submissione animi singulari, quā in conuersatione verbis req; ipsa prē se ferebat. accedebat iuuādi proximizelus cum sui ipsius contemptu. Is cūm fructuosè sacro Aduentus tempore Alostanis fuisset concionatus, iterumque rogatus, vt Quadragesimæ ieiunio institu-

stitutum prosequieretur, in medio cursu abrumperre cogitur, domumq; non sine lacrymis reuectus, multo vberiores Gandensibus, quibus gratissimus erat, excitauit. Decessit ætatis anno quadragesimo, post ingressum in Societatem decimo-octavo. Plures à vanitate mundi abducti, arctiori vinculo Christo se sociauere. Hæretici duodecim à nostro concionatore permoti, errorem deposuerunt, institutaque piaculari confessione extulere Iesuitarum prudentiam, facilitatem & humanitatem in excipiendis iuuandisque pœnitentibus, quos rigidos, acerbos & formidabiles fuerant arbitrati. Ad scholas non mediocris facta accessio. Nunquam maiori frequentia celebrata comœdiæ, dramata ac declamationes. Coronationem Caroli Quinti, qui urbem hanc nativitate sua mirificè nobilitauit, illustri apparatu, primò Serenissimis Principibus, inde populo exhibuimus. Idem Principes cùm domum nostram inuiserent, musica in templo, in area decem diuersis linguis, in horto vbi varij fontes artificiosè erumpabant, à pastoribus Flora, Pomona, Faunis, Satyris, in scholis ab ipsissimis Musis consalutati sunt. Placuisse omnia vel hoc indicio esse potest, quod præcipui aulici, & ipsa Isabella Hispaniæ Infans nihil se in toto itinere in Hispania, Italia, Germania maiori voluptate vidisse affirmarent. Sed neque hic scholarum fructus stetit. Multi ad diuersa monasteria concessere, unus Societatem amplexus; sex in schola Rheticæ eandem votis omnibus expetunt. Quæ de Sodalitio Parthenio, quod honestissimorum virorum confessu, eoquæ numeroso constat, & solito splendore persecutat, dici possunt, quæ de doctrina Christiana, carcerum visitatione, aliisque id genus, taceo; vel quod à relationibus annorum præcedentium

non discrepent, vel certè cum aliorum Collegiorum obseruationibus conueniant.

### *Collegium Insulense.*

SUSTENTAT Collegium Insulense de Societate vigintiquatuor; sacerdotes duodecim, magistros præter unum sacerdotem, alios quinque, rei domesticæ administros septem. Domi forisque nostrorum nec pœnitendo fructu collocata est opera. Puellæ complures spreta mundi vanitate sese Christi obsequio variis in claustris manciparunt: restitutiones factæ complures, quarum una ducentorum florenorum pretio æstimabatur. Eleemosynis emendicatis liberati multi è carcerebus. Per politi duodecim spiritualibus exercitiis: inter quos sacerdotes aliquot, & vitæ dissolutoris ciues vitam in melius commutarunt. Longè plures exercitarentur, si loci commoditas permetteret. Sodalitas B. Virginis in pristino vigore perdurat insigni numero, ac ciuium splendore: cui aduersariorum maledicentia quo magis nititur tenebras offundere, eo illam amplius illustrat. Conciliati fratres quatuor, qui in mutuam necem ruebant, annisque non paucis à sacra communione ob inimicitias abstinuerant, syngraphaque publica iniurias inuicem condonarunt.

### *Collegium Vallencenense.*

Dvos & viginti alit è nostris Collegium Vallencenense, sacerdotes duodecim, quorum duo cum professoribus aliis quatuor scholas regunt, Coadiutores sex. Decessit Coadiutor unus Hubertus Lamot Leodiensis, annos natus quadragintaquatuor: vixerat in Societate annis septem. diutur-

diuturno demum lecti vsu, nonnullis corporis partibus dilaceratis, non tam de dolorum sensu, quam de æternæ vitæ aduentantis mora querebatur, & quo grauiores morbi stimuli, eo etiam leuiiores videbantur: quod desideratæ patriæ certiores nuncij apparerent. Sepultus est in area designata templo, Deoque prima arrha eo loci cecidit. Cum aliis Dei muneribus, tum in primis beneficentia B. P. N. Ignatij. ac nouis miraculis hoc Collegium illustratum est. Filiola Prætoris Onaniensis prostratae valetudinis, admotione thecæ cuiusdam, in qua particula ossis B. P. N. conclusa erat, primum morbo soluta, breui deinceps spatio penitus conualuit. In eodem pago grauida mulier ante partum aliquoties corpus graui lapsu colliserat, fœtumque ex interna corporis repetita læsione extinctum arbitrabatur: eo magis quod dolores in ipso partu per dies quindecim incredibilis perpessa, nullum interdum prolis motum persenticeret; ubi theca reliquiatam è collo suspen dit, vix per medium horam subsidio B. P. Ignatij implorato, filiu enixa est, qui in egressu communem omnium voce in emisit. Sed cum exiguo post spatio nullum vitæ indicium ostenderet, admotis sacris reliquiis respirauit infans, ac sese mouere coepit. Ad templum baptismi gratia delatus, tridecim diebus superuixit. Puer secundæ classis Grammaticæ auditor, exhibitis frustra medicorum præscriptionibus stomachi tormentibus mitigandis ac placandis; concepta deinceps magna spe B. P. N. reliquias exclamat atque efflagitat. Licit illi vesperi eas amplecti atque exosculari: quieuit nocte illa, & manè exsiliit è lecto, nulloq; morbi reliquo vestigio templum nostrum gratias acturus accessit. Eius frater natu minor, aliquot post mensibus in morbum comitialem cum incidisset,

disset, parentes perculsi præsentiorem diuinam, quam medicorum opem experti, ad B.P.N. iterato consugiunt, ac facta prece, applicatisque reliquiis repente in eoruin conspectu, secuta est filij perfecta curatio. Adolescentem alium Poëtices auditorem tertiana aditu scholarum prohibebat. is spe magna incensus cum sibi numen ac B.P.N. conciliasset, eo die quo recursu febris putabatur, omnino repressa est atque extincta. Hæc ne quis in dubium vocaret, testium asseueratione comprobata & consignata fuerunt cum publicis ciuitatis, tuis priuatis sigillis D. Antistitis, D. Ioannis, Prætoris Onaniensis, Capituli ac Decani aulæ Comitis. Concursus pœnitentium euadit in dies maior. auditii sunt de tota vita facile centum. Solemnibus diebus cum quingenti præcedenti anno ad sacras epulas accederent, accesserunt præsenti mille, præter eos qui loci angustia exclusi aliò se conferte coacti sunt. Virgines duæ è voluntatum castris se Christi vexillis adiunxerunt. alia voto astricta insistentis procu molestiis eam obiecit constantiam, qua victus tupsis amator supplex iniutiarum omnium veniam precaretur. Accessit templo annuus reditus ad alendum perpetuum lumen ante Venerabile Sacramentum assignatus a Principe femina: cuius prætercaliberalitate atque aliorum bibliotheca nostra pulcherrimis libris nobilitata, breuissimo tempore creuit, adeò ut meritò locupletibus ac bene instrutis bibliothecis annumerari possit.

### *Collegium Montense.*

SUNT in Collegio Montensi vigintiduo de Societate, sacerdotes duodecim, quorum tres profitentur litteras cum tribus aliis præceptoribus,

bus, rei domesticæ administrare, qui Pœnitentiū frequentia ingens festis præsertim solemnioribus: iis sacerdotes duodecim vix sufficiunt. Respondebat communicantium numerus, quibus (quod aliis Collegiis vsu venit) singulariter aliquis deputandus est, qui continenter accedentibus cælestes dapes exporrigit. Mulieres nonnullæ rei familialis inopiam pudore prostituto subleuantes, conquisitis elemosynis ad meliorem vitæ frugem reuocatæ sunt. Adolescentem quendam adegerat egestas ad restum; qua iam collum constrainxerat; sed illicò memori eorum, quæ à nostro sacerdote audierat olim, collum soluit, & facti pœnitens confessario conscientiam vitamque commisit. A duello reuocati duo. Virgines non paucæ nobiles, partim ex Canonicarum collegio, partim ciuium familiis honestioribus mundo nuncium remiserunt. Nonnullæ non verentur in xenodochiis & carceribus ancillarum instar ministrare: quod non modò honestæ, sed & nobiles matronæ eorum exemplo æmulantur; eaque certatim faciunt, quæ ceteræ delicatiori stomacho refugere solent ac horrere. Collapsa scholæ catechisticæ disciplina nostrorum hortatu restituta est. Præsunt ciuitatis primores huic operi, & iuuentutem continent præsentes ac moderantes. Exercitiis spiritualibus excitati nonnulli religiosum statuim; alij sacerdotium secularibus nuptiis prætulerunt.]

### *Collegium Bergense.*

**C**OLLEGIVM Bergense ab ipso sui exordio personas duodecim habuit, ex quibus sacerdotes sex, professores tres, uno adnumerato ex sacerdotibus, Coadiutores quatuor. Nihil æque senatu curæ fuit admisso iam Collegio, quam domum scholas-

scholasque aptare nostris vslibus, donec à funda-  
 mentis excitatis ædificiis propria domo, templo  
 ac scholis cum tota supellestile frui liceat. Felici-  
 bus auspiciis aperte classes octauo Augusti. Ad  
 moniales habitæ duobus in locis adhortationes,  
 quaque hebdomade. Hospitale frequentatum,  
 vbi ægri ad patientiam & confessionem incitan-  
 tur. visus quoque carcer non infrequetiùs, vnicus  
 quidem ille, sed toti ditioni communis: atque  
 inibi habita de rebus sacris priuata colloquia, ca-  
 techeses ac conciones, nonnulli nostrorum ope-  
 râ liberi abire permissi sunt. Ea nostri industria  
 vsl sunt ad inducendum frequentem Sacramen-  
 torum vsum, qui vel etiam solemnibus festis lan-  
 guebat. Cum octo sint in vrbe scholæ, itum est fe-  
 triæ sexta ad vnam alteramve scholam in orbem,  
 admonitiq[ue] pueri, tradito iam catechismo, vt ad  
 confessionem adessent statu die, petita ad id à pa-  
 rentibus venia. Quo factum est, vt non pauci è  
 pueris, ipsi quoque parentes octauo quoque die  
 ad confessionem accedant, per pueros officij sui  
 moniti. Foras plerumque Dominicis festisq[ue]  
 diebus excursionem ad pagos varios, magno Pasto-  
 rum gaudio, rusticorumq[ue] frequentia ac fructu.  
 In his maxima ex parte data opera catechismo.  
 Concessum etiam Dunkerkam, portum nobilem  
 Bergisq[ue] vicinum, vbi vt plurimum quovis anni  
 tempore, Hollandi ad ducentos maritimis Dun-  
 kerkanorum excursionibus captiui detinentur:  
 è quibus plerique nomine tenus Catholici do-  
 ctrina Christiana instructi, animatiq[ue] ad fidem  
 seruandam salubri Pœnitentiæ Sacramento (cuius  
 vix nomen audierant) expiati sunt: hæresim ve-  
 ro quindecim abiutarunt.

*Residentia Bruxellensis.*

**A**d Residentiam Bruxellensem Missio Castrensis pertinet: in vtraque duodetriginta numerantur, sacerdotes septemdecim, Adiutores undecim. In confictu illo, qui ad Neoportum initus, & in quo exercitus Catholicus post editam hostium non exiguae stragem fusus fugatusq; est, tres quoque e Patribus nostris desiderati sunt: P. Petrus Buselin Cameracensis, ætatis annum agens tricesimumseptimum, ab aduentu in Societatem decimumquintum. præfuit Missioni annis quatuor magna omnium ædificatione, præsertim Caleti; ubi medio propeinodum anno ingenti animi magnitudine peste infectis, ac dysenteria laborantibus opitulatus est. Nihil frequentius usurpare solebat; quām desiderare se vitam Christi ac religionis caussa profundere, aut in Indiaim, atque ad nationes barbaras proficisci, vt eam, quam à Deo acceperat, eidem animam martyrio consecratam redderet. Scripsit de Martyropædia seu Martyram institutione libellos tres, quos postremò discedens Superiori Bruxellensi tanquam in nemosynon reliquit. Alter P. Otto Campensis, qui e Germania ad inilites Germanos adiuuandos accitus, multos ab haætesi reuocauit, strenueque rem diuinam ac salutem animarum procurauit. Tertius P. Laurentius Euerardi Buscudensis annorum trigintatrium, ab inito religioso statu anno decimoquinto, decessit. Flagrabat hic animorum zelo: temporisque id omne arbitrabatur frustra consumptum, quod animis iuādis non in pensum, cùm liceret per Superiores, efflueret. Fructuosè nostri Bruxellis, ubi omnis generis ac conditionis visuntur homines, occupantur:

pantur: ut sacelli angustia aduentantes non capiat; assiduè tamen a primoribus frequentatur, audiendisque penitentibus toto anno Dominicis festisque diebus vix confessarij septem sufficiunt. Tres à Calvinisimo auulsi. eorum unus Geneuæ natus, à Beza baptizatus, & in gymnasio Genevensi instructus catechismum ibidem perlegi solitum, distinctumque in singulas Dominicas, tenebat ad vnguem; sacerdoti nostro ut aurem commodauit, se vinci passus est, repetitisque publicè baptisini ceremoniis ad Ecclesiam rediit, ac etiamnum perseverat Sacraenta frequentans. Sanctimoniis biennio in sacrilegij luto volutata, erecta est & stabilita: altera ne labetur, confirmata.

### Residentia Cameracensis.

**N**O V E M in vniuersum Cameraci versantur, sacerdotes quinque, Coadiutores reliqui. Nostrorum conuersatione ac vsu plurimi nouam viuendi rationem Christiano homine dignam instituerunt Germanorum multæ maleficæ ante supplicium extremum auditæ egregium spectanti populo exemplum pietatis reliquerunt. Lapsi à fide erecti septuaginta, vacillantes confirmati, eruditæ laborantes ignorantia non pauci. Cum rusticis messis præcipua. A concione & catechesi accidunt confessionis gratia, sacerdotum genibus. Quolibet die sacerdote nostro adueniente confluunt ad ædem sacram, agricultura, aut opificiis, diurnoque lucro potiora rati quæ salutem eorum promouent. Ad vicum illum, cui concio indicta est à Cutionibus, conueniunt cæteri pagi viciniores, idque vicissim. Pastores ipsi spiritualibus commentationibus excitati, nostro-

rum ſoperâ, pro confessione vtentes, suis vt idem faciant auctores ſunt & duces. Ex Gallia ſæpius cùm Ecclesiastici tum laici, piandæ conscientiæ gratia veniunt. Nonnulli auditis concionibus, priuatis etiam colloquiis permoti suas pellices abieccere. Sagarum quarundam filiæ in re Catholica planè rudes, & à matribus dæmoni deuotæ nefandaque societate coniunctæ, fidei ac honestatis lumen aspexerunt.

### *Residentia Luxemburgensis.*

LUXEMBURGI è Societate octo in vniuersum habitant, ex his sacerdotes tres, studiosus unus, Coadiutores temporales quatuor. Præcipuus fructus ex lectione catechistica collectus est, quæ cùm variis locis in vrbe ac foris, tum maximè mendicantibus in plateis, quòd locus nondum paratus eſſet, instituta fuit. Sacratoribus diebus extra festa Paschalia olim aut nulli, aut paucissimi toto opido communicare solebant, nunç vel trecenti numerantur. Superstitiones, iuramenta aliaque vitia non leuia minuuntur in dies. Cùm hic in nundinis turpes aliquot imagines, & alia quædam hæresim redolentia proſtarent venalias à nostris Senatus admonitus mox imagines, & cetera ſelegi, & in ignem coniici curauit, ipſoſque venditores exilio mulctauit.



### *Residentia Atrebatensis.*

ATREBATVM totius Arthesiæ caput, vt duplicitibus mœnibus, ita duplici Magistratu distinguitur. Pars altera quæ Ciuitas dicitur, Episcopo; altera, quam Atrebatum indigitant, Principum patet imperio. Illa insigni Canonicorum collegio

& perantiqua sede Episcopali, hæc prouinciali concilio nobilis. Populus, quod mirere, quamuis animo martiali, sicubi tamen in toto Belgio, litteratorum hominum abundat frequentia. Quorundam amicorum atque adeò priuoruim rogatu è misli sunt sub fiuem anni 99. sacerdotes duo, ac totidem Coadiutores. Omnes, quoad destinata nostris vñibus domus instrueretur, peramanter excepti, vñique hospitio R. Electi Vedastini, & ab Episcopo ad obeunda nostræ Societatis munia perlibenter admissi: quæ non minus feliciter, quam strenuè auspicati sunt. Diebus sacris habitaæ conciones ab uno ad sacras virgines, aut quod maior necessitas postularet, in suburbio: ab altero Atrebatii stato loco tanto concursu, ut confertissimam turbam templum bene capax ægrè cum capiat, ingentemq; hominum copiam excludat; alij scalas, alij templorum Ivaluas, aut loca superiora condescendere, alij concionis tempus ad horas quinque præuententes patienter concionatorem, etiamnum sustinere cogantur. Perseuerat enim in hanc diem eadem frequentia, & audientium auditas. Indixerat concionator noster concionem in agro suburbano. Is confluxus peregrinorum fuit, qui ab hominum memoria visus est nunquam. Nullus ad tabernam, vt moris est, deflexit potandi gratia. sed summa modestia pars rosaria decurrentes, pars de concione tractantes domum redierunt. Concionum recordatione compressa saepè in publicis conuiuiis bibendi licentia; extincta dissidia; iuuenculae non paucæ perosæ vanitates arctioribus se pietatis officiis addixerunt. Indutus frequentior Sacramentorum vñsus. Initio Dominicis quibusque diebus quadraginta, nunc quinquaginta supra centum, celebrioribus trecenti & amplius confessione apud nos expiati cœlesti

lesti pane reficiuntur. Nullus adhuc propemodum dies effluxit, quo pœnitentibus nostrorum saltem alter aurem non accommodarit. Catechesis hebdomadatim sexies omnino traditur; celebri apparatu, maioriq. numero diebus Veneris & Dominicis. & feria quidem sexta præter grandiores, partim ciues honestos, partim operarios, qui maluat ad horam opere relicto se puerulis adiungere, quam lucrari; facilè mille ducenti; Dominicis supra bis mille quingentos censemur. Cessant interea spectacula, quorum usus non infrequens, quod actores ipsi fatentur, quia spectatores versi sunt in Iesuitarum auditores. Visitati carceres, nosocomia, & pagi cum optato animarum lucro.

### Seminarium Anglorū Audomarense.

SUNT in Seminario Anglicano socij octo, sacerdotes sex, Coadiutores duo. Alumni porro seminatij tres circiter supra octoginta numerantur, plerique omnes bonam de se frugem pollicentes, ut in iis instituendis non inutilis opera ponit censeatur. Horum nonnullus, ut primogenitus ita paternorum bonorum hæres, reuocatus à parentibus, ut libertate & deliciis in patria frueretur, cum etiam eum sacerdos hortaretur, ut in eo parentibus acquiesceret, constanter reuerti renuit; dicens se mallo fratri iuniori bona omnia quæ sibi iure hæreditario obuentura essent; cedere, quam hunc locum cœptumque feliciter studiorum cursum deserere. Duo Angli ex occasione in has partes delati nostrorum operâ ad Ecclesiæ gremium redierunt instituta vitæ totius confessione.

## *Missio Hollandica.*

**Q**VIA de rebus in Hollandia gestis hoc anno  
 nihil accepi, reddam ea quæ anni præcedentis  
 sunt, quæq; seriùs redditæ, quām ut cum punctis  
 annuis transmitti potuerint. Ex tribus sacerdoti-  
 bus, qui Hollandicum agrum excolebant, obiit  
 diem extremum P. Ioannes Bargius Amstelre-  
 damensis annos natus quadraginta octo, cùm an-  
 nis vigintiduobus multa in Societate officia ob-  
 iisset cum laude. Annis undecim, quibus præfuit  
 novitiis, disciplinam religiosam, vocationis no-  
 stræ spiritum, ac ordinem nouitiatus plurimum  
 promouit. Feroore iuxta, ac diligentia certanti-  
 bus in iuuandis gentilibus suis Hollandis cum  
 edidit fructum, quem cùm non facilè verbis  
 queam assicuri, attexam unius epistolæ fragmen-  
 tum, quam ad R.P. Prouincialem paulo ante mor-  
 tem destinauit. Eo reditus, inquit, meus Catholi-  
 cis fuit gratior, quo discessus eos grauius affe-  
 rat. Occupationes in Hollandia & Ultraiectina  
 ditione, paucis quoque diebus in Zelandia & Gel-  
 dria diurnæ quidem fuerunt vt cumque modera-  
 tæ, sed assidue. Nocturnas in Frisia, easque assi-  
 duas diurnis necessariò coniungere oportuit no-  
 uem hebdomadarum spatio. Locorum mutatio-  
 ne, periculi metu, vtendum perpetuò per opida  
 sex, pagosque vigintiquatuor. transigebantur no-  
 tes hac ratione: Persoluebam sub vesperam Ma-  
 tutinum officium. à sexta deinde hora pœnitenti-  
 bus aures dabam, aut non tintos baptismate  
 eluebam ad medium usque noctem. Sequebatur  
 concio de rebus fidei, iis præsertim, quibus ab  
 hæreticis aut prauæ vita mortalibus secernimur.  
 Oblato deinde Missæ sacrificio, in quo parati di-  
 uina

mina mysteria percipiebant, brevis eorum, quæ in concione dicta erant, subiiciebatur repetitio. Demum hora post noctem medium tertia, cuique integrum erat se domum recipere: manebant qui confiteri cuperent, vel communicare, qui baptismo iniciari, aut matrimonia non legitimè idita, redintegrare. Ante lucem nauicula in alium pagum vectus sequenti vicissim die nocteque institutum prosequabar, post somnium nimirum trium subinde horarum, & nonnullam corporis refocillationem. hactenus epistola. Quæ de rebus in Missione Hollandica gestis adferri possunt breviter subiiciā. Superstitionibus, chartis, characteribus impiis ac notis, quibus etiam pīj Catholicī fidere ac niti videbantur ad febres pellendas, ita feliciter indictum bellum, ut iis sublati agni in cera consecrati effigies cultusque successerit. cuius efficacitate vir egregiè Catholicus tertiana, vbi ē collo suspēdisset, omnino liberatus est. Ad Ecclesiarē Catholicarē gremium ciurata hæresi redierunt sexaginta, quorum senex quidā septuaginta sex annos natus fœda hac labe quadraginta amplius infectus annis, cum ingentibus lacrymis præcedentis vitæ noxas detegens in gratiam cum Deo ac Ecclesia rediit. nauta quoque sexagenarius, secutus primum Calvinum, deinde Mennonem, cùm quietem apud utrumque non inueniret, orthodoxæ fidei, libros impios igni contradidit. In fide vacillantes stabiliti sunt quamplurimi, euulsaque ea opinio, quæ apud Catholicos inoleuerat præstare concessionatorem hæreticum audire, quām omnino sacerdote carere, ac instar pecudum salutis imminorem vivere. Confitentium excreuit numerus ad mille ducentos nonagintasex, quorum plurimi iis Sacramentorum præsidiis nunquam, alij ab annis viginti, triginta, vel etiam quadra-

ginta vñsi non fuerunt. Inter hos senex quidam septuagenarius cum vxore eiusdem fermè ætatis, tantam inde animo lætitiam persensit, vt optaret hoc tam excellenti septus præsidio, quo annis viginti caruerat, instar Simeonis in pace dimitti. Repetentium quod impiè confessi essent exomologes, vitæ totius auditæ ducentæ quinquaginta septem; quædam annorū decursorum septuaginta. Qui matrimonia non ritè contracta redintegrarunt, censemur facile ad sexaginta quinque paria, quorum nonnulli annum septuagesimum, alij etiam octogesimum attigerant. Non defuerunt plutes, qui per leucas aliquot grauidas etiam uxores adducerent pedestri itinere, cùm ut sibi Deum conciliarent, tum ut legitimo ritu contraherent. Baptismo lustrati quæ adulti, quæ paruuli numerantur centum quinquaginta octo, inter hos adolescens Iuris studiosus egregia indole parentibus hæreticis ortus, amicorum hortatu Catholicæ religioni adiecit animum: qua sufficienter imbutus sacris baptisini ceremoniis initiatus est. Aduenerat confessionis gratia energumena quædam; ea benedictum cereum tenente, diabolus eius dentibus, qui tamen ob fremitus præcedentes vacillabant oinnes, tales stridores excitauit, qui omnibus horrorem incuterent. postridie iuuenis pane cælesti confirmatus incredibilem animo cepit voluptatem.

## PROVINCIA POLONIÆ.

**C**ONSTAT prouincia locis septemdecim, præter aulicam Missionem & Prouinciam cum sociis, qui nullo certo loco continentur. haberque ex nostris homines 466.

*Domus professæ Cracoviæ  
ad S. Barbaram.*

**F**UIT hic annus aliquantum grauior, propter assidua penè pestis, seu contagionis pericula, quibus loca primùm circumuicina, deinde hæc ipsa ciuitas regni sedes, per plures menses iactata fuit. Aluit tamen Domus hæc viginti ex nostris, inter quos duodecim erant sacerdotes, octo Coadiutores temporales, & duo nouitij, qui à S. Stephano statim temporibus submitti solent. Vacatum pro more concionibus, confessionibus, & aliis Societatis ministeriis, cum eo fructu, quem diuina bonitas largiri dignata est. Ac in primis ex variis hæreticorum lacunis, ad gremium sanctæ mattis Ecclesiæ reducti per nostros triginta septem: è quibus nonnulli fuere, qui singularem erga se Dei prouidentiam experti sunt. Puella erat teneræ ætatis parentibus orbata, quam matrona quædam hæresi contaminata in suam tutelam acceperat. hæc cum non sine periculo salutis suæ apud heram infidelem degeret, hac tandem ratione periculum omne evanit. Obiicitur oculis illius venustissima Deiparæ Virginis species, per quam beatissima Virgo puellæ locuta est, eāq; nomine proprio compellans mandauit, ut absq; villa mora ad capessenda fidei orthodoxæ dogmata,

sese præparet. Paruit illico puella, & clam è domo  
sese subripiens in ecclesiam nostram se recepit,  
ibique maculis conscientiæ detersis in fidè con-  
firmata est. Concionibus & familiaribus collo-  
quiis multi ad fidem & pietatem Christianam ac-  
curatiū colendam animati sunt. Libri hæretici,  
quorum usus perniciosus esse poterat multis, à  
suis dominis impetrati, & flammis addiciti sunt.  
Ægrotis, vinclis, capite damnatis, spiritualia sub-  
fidia suppeditata. Subuentum etiam nonnullis,  
qui grauiissimis temptationibus oppugnati, extre-  
num salutis periculum adiisse videbantur. Ado-  
lescens quidam erat nobili cuidam viro ab obse-  
quiis: hic lecto affixus, cum morbo quodam gra-  
ui premeretur, dæmonum etiam varios impetus  
fortiter sustinuit, quibus eum nunc per lenocinia  
ad se pertrahere conabantur, nunc in extremum  
desperationis barathrum trahebant. Pugnabat  
acriter iuuenis, & contemnens omnia confessari-  
um postulabat: instabant contrà humani gene-  
ris hostes, & spectris quibusdam inanibus illum  
distrahebant; ostentabant equum album militari  
fastu insigniter ornatum, porrigebant in manus  
frameam auro pictam, omnem fortunę successum  
spondentes. Sed cum ille artibus istis veteratoriis  
non cederet, sed confessarium identidem flagita-  
ret; tandem etiam produxerunt iidem hostes &  
impostores spectrum unum sacerdotis & confes-  
sarij specie, offerentis suam operam ad excipien-  
dam confessionem illius. At hac quoque fraude  
deprehensa exhorruit iuuenis, & exspuens in di-  
ctam spectri obiecti faciem, signoque crucis se  
muniens omnem aduersariorum conatum elusit:  
deinde confessarium tanto ardentius expetere  
coepit, & tandem etiam ut accerseretur per con-  
tubernales suos, conflictas penè totius testes ob-  
tinuit.

tinuit. Adeſt euocatus vnuſ ē noſtris, ſolatur feſſum ex pugna tironem, confeſſionē eius excipit, denique à peccatis abſolutum omni ſimul metu, & tentationum incuſu liberat. Subuentum etiam per noſtrōs peste infectis; cūm enim aliquot ſacerdotes ē noſtris ad ſolatiuſ & ſubſidiuſ proximorum deſtinatii fuiffent, nullis laboribus pepererunt, vt in tanta neceſſitate conſtitutis ſubuenirent. Vnuſ etiam, qui Superioris inter illos obtinebat locū, partiū labore, partim etiam contagione proſtratus ſuccubuit, & cefſit morti; daturus, vt ſperamus, perenni vitæ initium. Fuit hic in Societate annis pluribus Wenceslaus Samotuliensis vir laboriuſ patientiſſimus, mitis, feruens ſpiritu, zelosus, deuotioni & pietati de- ditus: cuius etiam, in extremitate poſitus, egregiuſ ſpecimen reliquit. conuocatis ad ſe ſociis, qui in eadem domo aderant, qua poterat adhuc iamiam moriturus, voce, prædicauit bonitatē diuinam, quod eum ad Societatem vocaſſet, conſeruaſſetq; in ea ad illum vsque diem; deinde ſuatum ab omnibus offenditionum veniam deprecatus eſt, denique orationibus ſe omnium commendans ſpiritu Domino paulo pōſt reddidit. Fuerunt præterea hoc anno noſtrorum operā monaſteria ali- quot diuersorum Ordinum adiuta, partim per ex- ceptas confeſſiones generales, partim per alia me- dia Societati viſitata. Nonnulli qui Societati non optimē erant affecti, imò aperte eam oppugna- bant, mutato animo ad eam amandam ſe contu- lerunt. Vnuſ erat præcipue, qui profiteri videba- tur ſe hōstem noſtrum. is cūm quodam die domi ſuæ paulo attentiū ſecum rem conſideraret, ſeſe- que colligeret, mittit illicò pro uno ex noſtris fa- cerdotibus: qui cūm ad eum veniſſet, procidit ad pedes illius, nec antē surrexit, quām peccatorum

suorum confessionem peregisset, omnem grati  
animi solitudinem pollicitus: quod & præstat  
egregie. Fabricæ templi noui non exigua hoc an-  
no accessio facta, ita ut iam ad Australē partē  
trium lacellorum arcus erecti fuerint. Speramus  
estate proxima maiores progressus. Neque  
enim Serenissimus Rex de sua liberalitate quip-  
piam remittit: imò vero, ut opus inchoatum cele-  
rius & facilius perficiatur, pensionem certam an-  
num 4000. florenorum assignauit. Sacristiæ su-  
pellex addita hoc anno estimatur floren. 150.

### *Collegium Bransbergense.*

**E**xacto anno 1600. Collegium ex nostris aluit  
plurimum triginta vnuin, sacerdotes decem,  
magistros quinque, præter duos sacerdotes, quo-  
rum alter Philosophiæ, alter Casuum & præle-  
tionibus Cōtrouersiarum occupatus est. Septem  
ex nostris Philosophicis studiis nauant operam,  
rebus & occupationibus domesticis reliqui; ex  
quo tamē numero aliqui tū seminario tam Pouti-  
ficio, quam etiam diœcesano, tum etiam conui-  
ctoribus moderandis habitatione separati præ-  
sunt. Vnus etiam ex his, quorum in rebus dome-  
sticis erat opera, Guilielmus Lambertus Anglus,  
vitam ærumnosam cum meliore commutauit,  
iam annos natus 74. in Societate 43. consumpe-  
rat, non sine laude fortitudinis & patientiæ in  
multis magnisque sepe laboribus, tam Romæ (vbi  
per decem annos in Collegio cocum egerat) vi-  
uente adhuc B.P.N.Ignatio, quam in Vngaria &  
Polonia, quò inde missus fuerat pietas etiam &  
deuotio in eo eluxit non spernenda, tam domi,  
quam foris inter externos, apud quos cum dis-  
pensatione R.N.P.Generalis frequens manebat,  
præser-

præsertim in aula Illustrissimi Cardinalis Batho-  
rei, Episcopi Varmiensis bonæ memorie. tandem  
viribus sensim cum ætate grauiter deficientibus,  
diem extremum, ad quem se sedulò comparabat,  
piè obiit. Reliqui, ut pro rei communis ratione ad  
profectum suum diligenter incumberent, effecere  
non solum priuata in hoc genere cuiusque cura,  
ac Superiorum immediatorum vigilantia, sed &  
R.P.V. singularis hinc ac verè paterna sollicitudo,  
adhibitiique stimuli. In scholis præter multorum  
ex pœstrationem in tanta rerum ac temporum dif-  
ficultate, atque etiam annonæ grauitate, tam le-  
cta, nobilis & numerosa iuuentus conspicitur, ut  
nunquam aliæ; adeò quidem ut aliquot superio-  
res scholæ, propter locorum angustiam, vix plu-  
res, imò neminem capere possint. Ex his quatuor  
nostræ Societati nomina dederunt, admissi, ut  
idem iter bello Liuonico sapiro, ingredi possint,  
audissimè exoptant. Nonnulli etiam ad aliorum  
Religiosorum transiuerere familias. Magnus  
in pietate multorum est ardor ac constantia. Ar-  
gumento sint paucula subiecta exempla, præser-  
tim eorum, qui in congregatione Virginis An-  
nuntiatæ, quæ quidem in varios cœtus distributa  
est, censemur. Duo alumni Pontificis, dum cog-  
natos suos hæresi infectos visendi gratia in pa-  
triam se contulissent, nullo prorsus conatu ab ipsis  
persuaderi, nullis vexationibus minusve pertrahi  
potuerunt, quo minus confirmatis animis præfixo  
temporis spatio eò redirent, ne minus firmum a-  
nimæ consilium mutari, aut iam firmatum ad me-  
liora propositum labefactari posset. Maior ipsis in  
altero & genere & moribus insigni adolescenti  
animus, cuius in fide Catholica à parentibus &  
cognatis hæreticis mirificè fuit pertentata con-  
stantia. Hic iuensis in seminario Pontificio ad

incliorēn suorum studiorum habendam rationem, non ob penuriam aliquam, cūm prædiues esset, bonis artibus sedulò vacabat. Vocatur in patriam. mox huius iuuenis generosum animum, vt amata studia desereret, vt Papistarū, sicut ipsi falsò vocant, detestaretur idola, vt in deligendo vitæ genere non suo proprio sensu, sed prudenter virorum & parentum potius acquiesceret iudicio ac voluntati, multis fucatis verbis atque blāditiis peruertere conati sunt. sed ipse à sentētia dimoueri nō potuit; itaq; clām abiit, in monasterium se abdidit, seruitioque diuino penitus mancipauit. Huius fortè commotus exemplo, alter etiam idem insectatus est iter, expiatisque per confessionem anteactæ vitæ peccatis, ad eundem refugij locum recta se contulit. Alter eiusdem dominus alumnus in patriam Daniam reuersus, & à Rege per occasionem domi rogatus, vbinā litteris operam dedislet; non solum magna animi libertate quod res erat confessus est, sed etiam peticulo profectus litterarum per præcipuum Ministrum regia auctoritate facto, ita nostrarum scholarum existimationem sustinuit, vt præter insignem laudem, holosericam etiam vestem, regium munus reportarit. Quo facto, nonnulli ex eadem gente permoti ad diuersa nostra Collegia, optimis studiis animos imbuendi gratia se contulerunt: de quibus sperari potest, quod vna cum bonis litteris fidem nostram Catholicam imbibituri sint. Alius eius dominus alumnus in Noruegiam patriam suam rediens, cōd non paucos adduxit, vt Catholicæ fidei adhæserint, inter quos fratrem suum virum doctum iuxta ac Theologum, feliciter deduxit: qui ne tanti beneficij accepti immemor esset, & aliis quoque, quod sibi diuinitus lumen affulsi, accendere & præferre posset,

posset, à communi hominum cœtu discessum cogitans, ad sacros Ordines & sacerdotium animum applicuit. Ad fidem rediit apostata, cui iam haud exiguo temporis spatio, cum hostibus Catholicæ fidei commercium fuerat in præcipua quadam vrbe hæresi infecta. Iste assiduos afflictæ conscientiæ tremorsus non ferens ad nos rectâ diuertit, & postquā aliquot hebdomadis in seminario Pontificio moratus fuisset, à nostris sedulò ac seriò informatus, vocationis suæ desertæ memor, ad suos, suumq; monasterium felicius reuersus est. Concesserat cum suis extra urbem in domum recreationi assignatam, propter noui ædificij streturam commorandi cauſa, Pater, cui præfectura seminarij Pontificij contigit. At verò paulo infelior fuit commigratio; incidit enim ipse in grauem infirmitatem, se commendauit suorum domesticorum orationibus. quid alijnni? vident sui Patris præsens periculum. multi adhuc teneræ ætatis adolescentuli profunda iam nocte cellarium horto vicinum occultè & mussitabundi pertunt, nudatis tergis acriter se flagellis cædunt, idque semel & iterum in summo silentio, magna cum alacritate. Recuperat valetudinem Pater, ac suorum feroi iuuenum hoc beneficium acceptum refert. Variis hæresibus nuntium remiserunt ad quinquaginta, inter hos duo, qui non paucos annos aliis vel in errore confirmandis, vel seduccendis, in pseudoeuangelij ministerio operam naurunt. His duobus aliis tertius longè felicior, qui non solum, vt loquitur Apostolus, immolatus est supra sacrificium, & obsequium fidei nostræ, sed seipsum quoque immolandum exhibuit, & Apostolico exemplo omnibus nudatus nudum Christum sequi voluit, religiosamque viam cum magno animi ardore complexus est.

Nunc

Nunc qui toto anno superioris vitæ scelera Pœnitentiæ Sacramento eluerunt, paneque cælesti animas suas pascendas curarunt, horum numerus ob frequentiam non facilè iniri potest. Totius vitæ inaculas deterserunt per confessionem supra centum. Inter hos, quos mutuæ offensæ, & diuturnæ inimicitiae disiunxerat, per Pœnitentiæ Sacramentum iterum veteris amicitiæ vinculo conexi sunt: & quos dira discordia à legitimo thoro separauerat, his eodem beneficio, pristinus coniugalis amor cordi esse cœpit. Duo alij iam adultores nunquam in vita confessi, totius vitæ peccata deposita deposita: quorum alter una cum sceleribus admissis etiam Calvinismum, cui à puero adhæserat, detestatus est, & Ecclesiæ Sacrementis munitus. Quidam nullo contracto matrimonio, quatuordecim liberos ex una sustulerat: qui confessori libenter aures præbuit, eiusque consilio se velle acquiescere firmato animo spopondit. Alij duo in maiori periculo ex desperatione sibi iam laqueum parauerant, qui per confessionem ad saniores mentem reuocati sunt. Lutheranæ sectæ quidam peregrinus, satis pollens ingenio, & naturæ dotibus, in hospitale infirmus delatus fuit: accedit unus è nostris, hortatur ut meliora sentiat, sed frustra, aliquoties. Tandem consensit, Catholica participat Sacraenta. quid tandem? ventum est ad extrema, cruciatur homo miris modis, tamquam furibundus distorquet brachia, oblatam crucis effigiem non patitur, repellit, ceream imaginem agni sacrataim horret, eius funiculum de collo pendentem rumpit aliquoties, dum aqua benedicta aspergitur, frendet dentibus. Doluit noster, qui aderat, fidei susceptæ certitudinem iteratis vocibus inculcat, si quæ celata haberet crimina, detergenda serio monet. Aderant mortis

certa

certa iudiciz. instat noster, tentat omnia. vixit  
his moriens intelligibili voce enunciat graue fa-  
cinus celatum , noster lætior absoluit morien-  
tem, neque ultra loquentem audiuit, & vix altera  
hora elapsa, finem rebus humanis imposuit. In  
templo nostro quadraginta horis pro assiduis im-  
buibus & tempestate auertēda oratum fuit. quām  
tunc audiē, quām impigrē, cūm ad exhortatio-  
nem bis primo diē in nostro templo habitam,  
tum quoque concionem etiam codem tempore  
& loco duplicatam , accurrentes vidisses? quām  
multas horas, assidua precatione, & assidua genu  
flexione conterentes? ad 900. plus minus tunc in  
nostro templo sacram communionem frequen-  
tasse (sicut & alio tempore hoc codem anno, &  
pro communibus malis auertendis , mille quin-  
gentos,) obseruatum fuit. Neque omnino piissi-  
mus Deus seriō clamantium defuit votis, cessavit  
enim tempestas , ipsa nocte , quæ festum S. Mag-  
dalena præcedit : & mox secuta est optata, & cui  
vix visa ista ætate similis serenitas , cum magna  
populi gratulatione , qui iam paulo antē matu-  
ram segetem , veluti in mediis aquis prostratam,  
magno cum luctu frustra acceperat, & inusitatam  
grandinem, quæ in vicinis locis aliquot ipsas fru-  
ges solo æquauerat, mirificè exhorruerat. Id tem-  
poris elucebat pij senatus egregia pietas tabernas  
claudentis, ebrios punientis, toto orationis tem-  
poris, quemadmodum à nostro concionatore  
monitus fuerat. Mulier per sesquialterum annum,  
vno pede clauda, cūm nusquam pedes domo ef-  
ferre posset, & in nostro templo quadraginta ho-  
rarum publicas preces institutas esse audiuisset,  
petiit à Domino, per intercessionem S. Magdale-  
nae, illam sibi gratiam concedi, ut in ipsius festo,  
nostrum templum intrare , & peccata sua confi-  
fiteri

teri posset. Venit, confitetur, communicat (tres sa-  
nè mira) è templo sana egreditur. Est Glotoreæ  
pagus, Venerabili Sacramento, ex peculiari qua-  
dam ratione sacer, quòd ibidem (vt adhuc recens  
est hominum memoria) in usitato quodam modo  
repertum sit. Huic quotannis magna populi con-  
fuit multitudo, vel voti soluendi, vel veneratio-  
nis ergo. Excurrentunt eò, quemadmodum & su-  
periori anno etiam nostri. Septuaginta circiter sa-  
cram mensam ibidem frequentarunt, plures per  
Pœnitentiæ Sacramentum suorum scelerum ve-  
niā consecuti. Magna videtur facta accessio  
pietatis & Christianæ modestiæ ex aduentu no-  
strorum, cùm priusquam nostri de lucro ibi quæ-  
rendo animum induxissent, omnes boni impro-  
borum corruptis moribus plurimum offenderen-  
tur. In Missione Vartemburgensi illud gratum ac-  
cidit, quòd ibidem ob communem necessitatem  
quadraginta horarum publica decreta supplica-  
tio id efficerit, vt spe maiori, cum animi prom-  
ptitudine absoluta fuerit, ideo fortè, quia à multis  
annis neglecta fuerat. Eadem oratio, eodem tem-  
pore habita est quodam ex nostris auctore Vorm-  
diti, sed cum maiore fructu: communicarunt cir-  
citer 500. multi non audit ob temporis & con-  
fessiorum inopiam; horis tamen tam nocturnis,  
quàm diurnis templum resertissimum visum  
fuit. Conclaves ab uno è nostris quinque habitæ,  
in rara hominum frequentia, flagellarunt seipsi  
ciues in templo sua sponte, à nemine moniti, ali-  
qui etiam per modum crucis per tres horas in ter-  
ra iacuerunt proni, coram Sacratissimo Sacra-  
mento. Confessiones ibidē auditæ generales octo-  
decim, ante emendationem male factæ quadra-  
ginta octo. Ibidem in festo Beatissimæ Virginis  
Mariæ, uno ex nostris præsente denuò commu-  
nicarunt

nicarunt ad 500. Mirabantur multi, & affinitabant similia pietatis exercitia, & ardoris animi indicia antè in isto loco visa fuisse nunquam. Femina hic quædam erat, honesta quidem illa, sed ita à dæmone, ut credebatur, infestata, ut nec templum intrare, nec domi vñquam Domino supplicare posset; semper tetrica, incœrens & afflita incederet; cùm antè magna pietatis signa semper in locis sacris fundendis precibus edidisset. Accidit ut quendam nostris ibi videret, opem sibi ab eo ferri per quendam bonæ vitæ sacerdotem petiit. Noster postquam diu auxilium detrectasset, tandem cum nullum finem petendi faceret illa, ultima Iulij (qua sciebat B.P.N. Ignatium ad cælos abiisse) animum ac spiritum colligens, iussit ut mulier illa coram se genua flesteret, positisque manibus in capite mulieris in hæc verba mulieri est bene precatus: Per intercessionem B.P. N. Ignatij, & per merita eiusdem, dignetur te Dominus ab omni plaga curare, & pristinæ sanitati restituere. Benedictio Dei Patris, & Filij, & Spiritus sancti descendat super te, & maneat semper tecum. amen. Res mira. malo toto illico depulso, mulier deinceps ab omni eiusmodi infestatione, non sine magna sua consolatione immunis extitit.

### *Collegium Vilnense.*

F V E R V N T in Collegio Vilnensi anno clapsi  
F quinquaginta septem, è quibus sacerdotes vi-  
gintiduo, in his præceptores nouem, non sacer-  
dotes autem prælectores tres, Scholastici Theo-  
logiæ ac Philosophiæ auditores septemdecim,  
rerum domesticarum Adiutores reliqui. Omnes,  
quæ diuina fuit bonitas, annum hunc transegere

incolumes: nullaque in re magis, quam in foun-  
dis vel reparandis animis suam posuerunt ope-  
ram. E scholasticis, qui numerum attingunt 800.  
plerique præcipuorum Magni Duc. Lithuaniae Se-  
natorum fuerunt, etiam hæreticorum filij, qui  
non litterarum magis, quam pietatis studio &  
profectu spem faciunt vberiimæ frugis. ac hæ-  
reticorum quidcm filij auide ad Ecclesiæ in veluti  
in matremos amplexus accursunt, ab eaque se di-  
uelli nullatenus patiuntur. In templo nostro cem-  
municantium & consitentium magnus semper  
est numerus; at festis maioribus maximus, a que  
ita conferti sacerdotem ambiunt, ut qui confessus  
est qua abeat, viam aliam, quam per summa  
capita congregatae multitudinis rependo, habere  
non possit. Vrbs enim Vilnensis per ampla est, quæ  
si hæreticos, & Græcæ fidei homines complures  
excipias, ad quadraginta millia hominum Catho-  
licorum complectitur. quibus omnibus, nec non  
toti viciniæ crebro confluentî maxima parte no-  
stræ deseruiunt operæ. Quotquot item ægri,  
quotquot moribundi morbos animorum curare,  
aliamque vitam bene ac beatè inchoare cupiunt,  
omnes non aliorum, quam nostrorum ope quo-  
tidie utuntur. Resipuere ab hæresi quinquaginta-  
sex, à schismate vigintiocto; è quorum numero  
femina grauibus multos annos conscientiæ diue-  
xata stimulis, & molestiarum & vitæ finē laqueo  
facere decreuerat. quod & tentauit. Verum non  
est passus præpotens Deus, ex magna bonitate  
sua, eam & animo & corpore penire. Puerulus  
enim pereleganti forma visus est iestim prehen-  
disse, soluisse, factumque damnasse, ac ut scele-  
rum expiationem per confessionem in Ecclesia  
Catholica perquisiceret, præcepisse Quare præsen-  
ti corporis & animæ morte liberata diuinitus,

illicò ad nostrum sacerdotem accurrit, visum aperuit, hæresim abiurauit, factaque peccatorum confessione, sacro refecta est conuiuio. quibus munera præbdiis, eam consecuta est animi quietem, quam nunquam antea fuerat experta. Alia septem annis grauem passa insitmitatem acceptis Sacramentis conualuit. Quidam recens conuersus graui morbo correptus, Sacramentis ritu Catholicō, operâ sacerdotis nostri instructus horam vltimam, si ita Deo visum esset, expectabat: absente autem sacerdote, & morbo vires sumente maiores, vxor hæretica, cum tota familia acrius instare, ut Catholicam fidem, quam nuper suscepserat, abiiceret. Adest etiam vocatus Minister errorum, & iam animam agenti errores suavi, & ad decipiendum instructa oratione, importunè obtrudit. Fit ea de re sacerdos noster certior, accurrit, ac ægri animum confirmat: qui Ministro abite iussu in fidei Catholicæ professione, aliquot post horas vita functus est. Exercitiis spiritualibus se informandos nostris dederunt quatuordecim; cum permulti, tum præcipue tres viri illustres, nostrorum monitis permoti templa in suis bonis ædificare, ac sufficientibus dotare prouentibus decreuerunt, ac re ipsa iam præstare cœperunt. Quidquid præterea, vel de coërcendis libidinibus, vel de mitigandis iris, recipiendisque inimicis in gratiam, vel de suo cuique restituendo dici solet, id in vniuersum, ne res minutæ consectemur, saepè effectum est. Exædificatum est xenodochium, in quo cum alijs innumeris, tuin hoc anno non minus centum alebantur; quibus & corporalis & spiritualis vita commoda charitas vnius è Societate ministrauit. In magna annonæ caritate, qua aliquot annis præteritis laboratum est, Vilnam omnis ætatis hominum in-

gens vndique confuebat famis leuandæ cauſſa  
multitudo: quæ res ne contagionem vrbi afferret,  
& egentium inopia pro Christiana charitate re-  
licta non videretur; tum pro concionibus, tum  
priuatis adhortationibus, plurimorum sunt ac-  
censi animi, vt secundum suam quisque faculta-  
tem, ad alendos pauperes aliquid in singulas con-  
ferrent hebdomadas; quo ex symbolo illa totius  
ciuitatis pauperum turba in xenodochio susten-  
tabatur. Nonnulli etiam intra domesticos parie-  
tes pauperes receperunt, eisque necessaria viæ  
abundè suppeditarunt. Eadem charitatem &  
curam Fratres Minores experti sunt, quorum  
summa, ne dicam extrema, necessitas, & viæ  
sustentandæ difficultas, è piorum liberalitate,  
stipe à nostris ostiatiū corrugata, fuit subleuata.  
Quædam femina nobilis feria quinta septimanæ  
sanctæ mendicos non paucos prandio lauto ex-  
cepit, ac pedes eorum magna animi submissione  
secretò lauit. Illustrissimus Episcopus Vilnensis,  
cum primùm Vilnam ad suam sedem ingressus es-  
set, ab uno è nostris in Collegio oratione exce-  
ptus est: in scholis autem de diui Nicolai in ege-  
nos liberalitate, dramate & carminibus, nouam  
ei dignitatem gratulantibus, salutatus & recrea-  
tus est. Non vulgaris eius in Collegium extitit  
beneficentia Nam vbi primùm possessionem Epi-  
scopatus adiit, 1300. flor. Collegio donauit. Non  
desunt & alij multi benefici, qui supellectilem  
templi non mediocri accessione auxerunt. Qui-  
dam vest: m sacram ex auro textili 150. flor. non  
alius lampadem argenteam 50. flor. ut nomina-  
taceam, donauit. Foras præterea 47. missiones &  
excursiones factæ sunt. Ex his fuerunt decem du-  
turniores, vt quæ quatuor, octo & amplius dura-  
runt septimanas: vbi ob magnam sacerdotum ra-  
titatem,

ritatem, populus rerum cœlestium ruditur admodum, nec præter nomen Christianū quidquam de religione, aut doctrina Christiana nouit. In iis locis vbiique rudimenta Christianæ religionis, pueris, æquè ac grādioribus, studiosè tradita sunt: quæ ita auidè passim à simplice rusticorum turba excipiuntur, vt vbi que in quā nostrorum adesse cognoverint, turmatim ad diuina dogmata audienda, noxasque aperiendas ac expiandas concurrant: multisque lacrymis deplorant, se infelices, qui non habeant, à quibus doctrinam cœlestem, & cætera salutis adiumenta petant. Edocti itaque Christiana mysteria, peccata quoque sunt confessi: 700. qui antè per multos vitæ suæ annos, ne quidem confessio quid esset sciuerant. Non commemoror autem hīc innumeros, qui frequenti nostrorum vsu iam singulis annis, eoqué frequentius cùm possunt Sacra menta frequētante didicerunt. Sacro fonte in locis derelictis abluti sunt infantes plurimi; nec defuerunt etiam adulsti, vnu sannoruū decem, alter octodecim, tertius octo, quartus triginta, qui ad illud usque tempus sacris Christianis initiati non fuere. A matrimoniiis illicitis plerique abducti. alij ritu Ecclesiæ matrimonia profana, in quibus diutius vixerant, probata reddidere, penè centum; vt plurimos præteream, qui usitato Ecclesiæ more præsentibus nostris sacerdotibus matrimonia inierunt: alioqui plurimos reperies, qui per negligētiā aut ignorantiam, aut per magnam distantiā Parochi præsentiam in matrimoniiis contrahendis non magnopere requirant. Quod autem caput est, superstitiones & idola multis in locis sunt sublata, edoc̄tique rudes, Deo vni, qui solus est omnium dator & auctor, voces precesque esse offerendas. Frequens est enim à prisca usque gentibus

tibus deriuatum in omnibus penè Lithuaniaicis pagis, statim anni temporibus diis aut potius dæmonibus, sacra fieri, ut pote collectis ex agris frugibus. Quo tempore, frumentis ad flaminem, siue sacrificulum delatis (qui ut aetate ceteris anteit, ita & rerum diuinorum scientia præcellere putatur) fit panis & ceruisia. His patera ingens impletur, ac flamen in medio populi stans Deum alloquitur: O Deus, inquit, optime propitius nos hac astate respexisti, frugamq; copiam dedisti; quare ades, & fruere, sequenti poltmodum astate plura habiturus, si nos pluibus cumulaueris bonis. Postea adducit arietem, quem itidem in conspectu omnium mactat, Deoque suo ob multiplicata pecora offert. Feminae quoque anus è medio sui lectæ operâ gallinam, ut iplis quoque Deus sit clemens, sacrificant. Quæ omnia Deo prius oblatæ, ipsimet conuiuentes comedunt. Alibi lapides non parui in horreis, in terra defossi, superficie plana sursum versus, non terra, sed stramine contecti asseruantur, quos Deyues appellant, atque ut custodes frumentorum & pecorum religiose collunt. Focus ipse ita ab omnibus obseruatur religiosè, ut nemo accedere proprius audeat; quod si quis eum attingat, eum confractumiri credunt. Mactant porcellum lactantē omni parte nigrum, quem coctum pater & mater familias, cum anu sacrificia comedunt; particulas autem tam ex porcello, quam ex aliis cibis, si qui forte parati fuerint, cum ter nouem buccellis panis, anus in horreum defert, ubi dictum Deyaes sola, temeris omnibus, placat. Ad quendam rusticum è morbo decubentem dæmon, specie deum referens, venit, suadeus, ut si pristinam recipere vellet salutem, pateram ceruisiæ sibi quotannis offerret, & sexta feria ab omni opere abstineret. Alius galli-

nam ad ripam fluminis sacrificium annuum offerebat, quod aliquando in eius fluminis transitu graue periculum adiisset: illa oblatione placatum sibi fluuium reddere studebat. Nonnulli, quoties nascitur infans, ad lacum deducunt hædum, ibi capite & pedibus præcisis, truncum in lacum iniiciunt: quo ritu Deo gratias agunt, quod partus sit editus feliciter. Vulgo credunt feminam, quæ non placato prius Deyues, Christiano eum non colenti nuberet, macie confectum iri; pecora, si quæ in domum mariti, non facta pro illis oblatione, adduceret, esse interitura Hos lapides, primùm quidem ægrè, ut demonstraret, adduci potuere, veritate quod milium graue in pœnam numinis violati inducerent. At ubi viderūt impunè a nostris suos deos abiecte tractari, & pedibus conculcari, stultitiamque suam rideri; tum & ipsi accurrere intrepidi, lapides effondere, suamque in tam vilibus diis colendis stultitiam ridere & admirari non cessabant. Porro die commemorationis fidelium defunctorum, laetus, quam unquam, plerique instruunt epulum, tum animas maiorum suorum inuitant, & ex omnibus, quæ laute sunt in mensa apposita, aliquid sub mensam pro iis abiiciunt. Prandio fasto scopis easdem, ne domesticis obflint, euerrunt. Alij ad sepultra cibos deferunt, ne vide licet animæ è terra egressæ, viuos nocturnis diuexent spectris. Alij in terra cibos defodiunt, quod terra placata fidelius animas detineat. Alij sepius in anno cibis omnis generis mensæ instructæ suppositis, tot cochlearia, cultros, orbes, pocula & alia ad coniuantur necessaria apponunt, quot animæ in uorum aut consanguineorum, sunt invitatae. Unus autem medio animas orat, ut edat, ut alacriter sese appolitus oblectent, neve campis, domibus, hortis ac omnis generis fructibus offrant.

ciant. Quamdiu verò adesse, vescique animas existimant, astant omnes circum mensas, in silentio capitibus apertis honorem præferentes. Iam verò semihoræ spatio circiter elapsæ, pater aut mater familias, ut sua officia & obsequia grata habeant, precatur. Tum poculum è mensa liquore plenum sumit, è quo cum nonnihil sub mensam fuderit, proximo præbabit, totumque exinanit. quod reliqui omnes faciunt. Postea tam panis, quam omnium esculætorum modicum sub mensam abiiciunt, ac mensæ accumbunt, & quæ apposita fuere, comedunt. Mensa demum peracta, rursum panes azymos sub mappa in nouem partes concisos apponunt, acceptoque mappæ fine, versus portam domus panes è mappa iaciunt; quos duim pueri certatim colligunt ceruisia profunduntur, omnibus faustam precem conclamantibus, ut sic vino illo agri fœcundi reddantur. Atque in his & pluribus similibus aliis ridiculis erroribus, quibus ignaram plebem dæmon tenet, submouendis & extirpandis, nostrorum pagos obeuntium versatur labor. At enim verò Missio Samogitica toti prouinciae quæ latè patet, fuit admodum fructuosa. Rogatu enim Episcopi duo totam diœcesim obiere: in qua visitatione errores abususque in Sacramentis ministrandis, ac in moribus correcti, aut penitus sublati sunt. Doctrina Christiana ut in singulis parochiis diebus festis doceatur; imò etiam, ubi templa non sunt, conuocatis in unum rusticis, institutū est. quod ut ratum ac diuturnum fiat, ipsi domini nobiles eam in se curam vltro receperunt. Multi Catholici in fide confirmati, & ad Ecclesiæ Catholicæ præcepta, utputa iejunia, accuratiùs religiosiusq; seruanda excitati. Ab hæresi ad Ecclesiam in hac Missione reducti decem. Plures de sua perfidia dubij

dubij redditii, iamque in dies plurimi erga Catholicam religionem melius affici incipiunt.

### *Collegium Pultouiense.*

**N**O S T R I in Collegio Pultouiensi anno 1600. commorati sunt unus & triginta; ex his sacerdotes decem, præceptores tam humaniorum litterarum, quam factarum lectionum itidem decem, auditores Philosophiae octo, rerum domesticarum Coadiutores septem. Desideratus est nemo ex domesticis; nam ex iis, qui nuper è Collegio Posnaniensi ad Lublinense proficiscebantur, Ludoicus Krzyzanouius in itinere hausta pestilentia diem clausit extremum. Hic iter ingressurus quasi id ipsum quod accidit præsagiens, maiore quodam præter ceteros ardore, ut se corpore Dominico præmunire posset, impetrarat. Exercitijs operam dederunt non pauci, præcipue sacerdotes ac Prælati. in his etiam Reverendissimus Vilnensis, hac ad suā diœcesim iter faciens. Hoc etiam anno Philosophia in nostro Collegio legi cœpta est: quam magno applausu exceptit iustus auditorum numerus; iamque sex in locis huius prouinciae Philosophia docetur. Initio autem huius cursus ex vniuersa Philosophia, theses ab uno è nostris defensæ: quem actum Reverendissimus noster sua voluit præsentia cohonestare. In gratiam eiusdem (id enim postularat) comœdia de S. Alexio data in magno nobilissimorum auditorum confessu. Gratam sibi eam fuisse declarauit maior in nos benevolentia, atque adeò beneficentia: quam mox experti sumus duobus florenorum millibus Collegio attributis. Cum ciuitati pestilentiae periculum immineret, re cum Reverendiissimo communicata, vi sum fuit maxime oportunè ad mise-

ricordiæ Matrem confugere. Itaque ipso Præsentationis ipsius die festo indicta est nostro in templo publica supplicatio, certaque spes a concessionatore facta liberationis, quam etiam comprobauit euentus. nam huic orationi imminentem à contagiosa lue acceptam ferunt. Horum qui de congregatione sunt misericordiæ, animi ad pia charitatis officia excitati. nam conducta domus in regione salubri, in quam per hyeme scemnuda egenorum turba, ac fame propè enecta cogeretur, quibus etiam cibaria præberetur. Missiones item ad varia loca frequenter inductæ, quare suus constitit fructus, magna videlicet animorum ad Pœnitentiæ ac Eucharistiæ Sacramenta commotione consecuta. Plurimorū item confessiones auditæ, in iis de tota vita ultra centum. Qui à non paucis annis Sacrementorum usum intermisserant, adeum inducti. Vacillantes in religione firmati; ab heresi absoluti duodecim. Apostatae, ut ad suas familias postiuninio redirent, persuasi duo. Restitutiones notabilis pecuniae factæ aliquot. Alius ab usurario quæstu retractus, simulque ut interuersa malo fœnore redderet, inductus. A tutpi & flagitiosa vita reuocati non pauci. Quædam à veneficandi consuetudine abducta, à prestigiis altera. Quædam, qui viuente uxore alteram superduxerat, multisque annis ei cohabitauerat, ad legitimas nuptias adulterâ relata rediit. Reconciliati item coniuges, qui a trigintasex annis nihil secum commune habebant, ne domum quidem plurium etiam non leua disfida sopita. Inter viros quoque illustres, graues similitates sublatæ. Anuptiis inconcessis quidam absterriti. Pellices item ut missas facerent, tribus persuasum. Porro, ut vni cuiusdam alienam, cui dudum consuererat, coniuge in abstraheret, non semel

mel intentatis diuinæ iræ minis laborauerat noſter; verū ipſe ad ſalutaria monita ſurdus, cum iter präſtantि quadriga inuectus faceret, repente de curru incitantibus nimium equis deiicitur, & crus enormiter frangit. qui caſus ei vitæ finem fecit, prius tamen per confeſſionem omnia ſua cri-mina expiauit. Vnus etiam à voluntaria morte, quam ſibi veneno afferre volebat, deterritus. De Sodalibus Partheniis illud in vniuersum dici po-tent, eos ſemper ſui finillimos eſſe. nam & epuluin pauperibus plus ſexaginta dederunt, lotione pe-dum prämissa, quam aliás ſemel atque iterum ſingulis data eleemosyna repetiuerunt. Xenodo-chia ſæpius frequentant, vbi & rudioreſ, quæ fi-dei ſunt ſumma capita docent, & aliquid ſubſidiij in vietum ſuppeditant. Bis hoc anno in ſua cor-pora publicè flagellis desauierunt, toties etiam priuatim. Moſ etiam eſt non paucis gestare cili-cia, ad abiecta ſe officia demittere; & alia huius-modi. Denique ex horum numero quinque So-cietati nomen dederunt.

### *Collegium Pofnanienſe.*

VIXERVNT in hoc ad ineuntem Auguſtum, quo priuum contagio pefcis ciuitatem aper-te infestare coepit, numero 40. ſacerdotes quin-decim; ex quibus profefſores Theologiae Schola-sticæ duo, Scripturæ ſacræ vnuſ, Cōtrouersiarum vnuſ, Caſuum conſcientiæ vnuſ, Philosophiæ vnuſ, disciplinæ Mathematicæ vnuſ, Hebræ lin-guæ vnuſ, auditor Theologiæ vnuſ; ex reliquis litterarum humaniorum profefſores quinque, stu-diosi Theologiæ ſex, Philosophiæ quinque, Co-adiutores nouem. Accessit ab initio Aprilis ad exitum Auguſti quotidiana Scripturæ ſacræ, & rerum

rerum controversiarum de rebus fidei lectio, coac-  
ciones funebres in maxima nobilium frequentia  
variis in locis habitæ. Doctrina Christiana in  
quinque ciuitatis partibus, non sine audientium  
emolumento (quorum concursus frequens est)  
post meridiem à nostris diebus festis explicari  
cœpit. Famosus in Societatem nostram libellus  
Apologia Polonica; alter contra libros Illustris-  
simi D. Cardinalis Bellarmini de Purgatorio La-  
tino sermone refutatus. Reuerendissimus noster  
Episcopus, cùm sacra 40. horarum pro regni ne-  
gotiis indicta in templo nostro haberentur, pro  
eo quo fuit in Societatem nostram favore, non  
modò præsentia sua, sed etiam solemnii Missæ ce-  
lebratione cohonestauit. Piissancti P. N. Ignatij  
exercitationibus animam & vitam excoluerunt,  
cùm Religiosi, tum sœculares: in quibus alter sta-  
tum Ecclesiasticum elegit, alter Societatis nostræ  
institutum, ad cuius tirocinium cum aliis quin-  
que adolescentibus admissus est. Qui grauiter a se  
dissidebant, ad concordiam reuocati. Parenst, qui  
omnem venia aditum filio præcluserat, nostri o-  
pera mitigatus, eum generali peccatorum con-  
fessione prius Deo reconciliatum in gratiam re-  
cepit. Vlscendi cupiditas ob damnum illatum,  
quod vir quidam nobilis ciuis nece sarcire sta-  
tuerat, officiis & debita damni compensatione re-  
stincta. Alter vindictæ cupidus cùm annis pluri-  
bus sacro Pœnitentiæ Sacramento neglecto, ad  
hæresim propenderet, ad eluenda prioris tempo-  
ris crimina, & offensas remittendas inductus.  
Totius anteactæ vitæ scelera retexuerunt supra  
septuaginta. In excursione ad fines Polonie &  
Silesiæ, confessiones exceptæ. Cum Ecclesiæ cu-  
iudicium pagi & cœmeterij cæde violati reconci-  
liatione, ad pristina diuinorum officiorum mu-  
nia,

ria, spatio quatuor annorū intermissa, per quendam ē nostris tota penē villa vnā cum Domino Deo est reconciliata. Nec verò labor nostrorum extremo vitæ spiritu laborantibus defuit. inter cæteros Abbas quidam ad hoc salutis remedium in vita difficilior, in morbo vt & conscientiam à maculis scelerum elueret, & domui suæ prouideret, nostrorū monitis inductus. Pari ratione consultum vni ex primariis Ecclesiæ proceribus: qui simul ac suasionibus nostrorum obaudiens, æger spem diuturnioris vitæ peccatorum confessione sustulit, à mente deiectus ē vita migravit. Nobilis quædam femina morbi vehementia lecto affixa, & grauiter annum vnum conflictata, quām primum peregrinationem ad aram B. Virginis Czechourrensis vovit, à diurno morbo releuari cœpit. Non segnius laboratum circa illos, qui ē tenebris corrupti Euangelij ad lucem Catholicæ veritatis euocati. Nobiles & viri & matronæ, alii-que non postremæ conditionis vigintiseptem supra centum, hæreses varias facta peccatorum expiatione eiurauerunt. E quorum numero fuit dux hæreticæ prauitatis, quem vulgò Ministrum vocant, qui quadraginta annis in multorum perniciem lolium illud disseminauerat. Maximè verò enituit nobilis cuiusdam adolescentis, in hæresi Lutherana à puero educati indoles, qui cùm nec aspectum, nec nomen Iesuitarum sanus sustinere posset, in morbo à medicis derelictus, nostri vnius suasu & fidem & vitâ mutauit. Hic septimestris huius anni labor: cuius segetem vberiorem virus pestilentiae præpedivit, & spem metendi peropti-  
main, occasionemque discessu nostrorum penē omnium præscidit. Verum ne tunc quidem tutis in locis ab opere cessatum. Monasterium penē totum Canonicorum Regularium, qui D. Augu-  
stini

stini institutum sequuntur (vt alias solidas Societatis nostræ functiones sileam) spiritualium exercitiorum commentationibus, & totius vitæ confessionibus expurgatum ea Reuerendi Abbatis benevolentia & liberalitate, vt non modò in tantis rerum & temporum angustiis & periculis propriam aulam recens exstructam ad consuetas studiorum nostrorum exercitationes prosequendas percommmodam, in usum exilibus nobis concesserit, verum etiam necessariis egestati & necessitatibus nostris prouiderit. Cæterum, vt finem re pecuniaria imponam, ad fundandum in pauperum subsidia contubernium, accesserunt trimestri temporis spatio floreni 200. è tribus millibus & quingentis florenis in censum annuum datis, pruentus Collegij annuus accessione census floren. 2040. postmodum vendendi est adaugtus Vnum adiiciam: cæteris ob luem grassantem dispersis, nostri ad sarcinas in Collegio relicti, procellas pestiferæ tempestatis sustinuerunt, occupati soli in concionibus habendis, & confessionibus peste infectorum excipiendis. Interea quidam sacerdos Germanorum Crotoszynum (ciuitas est hæretica labe infecta) iussu Superioris excurrit. Vbi totum pestilentiae tempus non sine fructu & incolarum commodo exegit; multorum confessionibus aures præbuit, & magna frequentia hominum ad conciones ipsius turmatim confluxit.

### *Collegium Jaroslaviense.*

A LVIT Jaroslaviense Collegium in principio 1600. anni trintasex è nostris. Verum vbi luetuosus conflagrationis casus Collegium & templum tectis nudauit, & totam domum fœde deuastauit, grè etiam sacerdotes octo, studiosos litte-

litterarum humaniorum sex , Coadiutores sex contibere valuit: quandoquidem exustio totam ædificiorū molcm ita labefactauit, vt proximam minitari videatur ruinam Quocirca nonnulli socij ad varia Collegia fuere ablegati. Quamuis autem eiusmodi calamitas mense Maio ineunte euenerit, hæc tenus tamen pro futura ædificiorum instauratione parum spei affulget. Vnius è nostris sedulitas quingentorum ferè aureorum numerum , nostratium propè mille summam, aliquot factis excursionibus emendicauit: hac pecunia parietes ruinosi , vtcunque scandalis fuere coperti. Conflagrationem templi Collegij & totius opidi studiosorum dispersio est consecuta , nostrorum item plusquam mediæ partis in Collegij prædium commigratio Eo in loco quatuor circiter mensium spatio nostri commorati, domesticam disciplinam & scholaasticas exercitationes minimè intermisserūt. Sub idem tempus fuit consecutum pestilentis contagionis ingens periculum: opidis & pagis circumiacentibus ea lue passim contaminatis, nec ipsa Iaroslauia planè mansit immunis. In tali rerum perturbatione non defuere nostris de pluimis bene merendi occasions; partim concionum frequentatione , partim Sacramentorum administratione . Generalium confessionum non facilè certus iniri potest numerus. Plurimi diu male occultata crimina, salubriter detexerunt. Quidam aspectabilis dæmonis infestationem , cui schedulam proprio sanguine tintetam obtulerat, confusione facta repressam asserebat . A flagitioso viuendi vsu , à scenrandi censuerudine supra quinquaginta abdueti, sex aliis restitutio efficaciter imperata. Quatuor mulieres vagæ ad proprios matitos remissæ. Concubinæ undecim abstractæ. Odia non pauca sopita,

sopita, ebrietates, furtæ, incantationes repressæ in quinquaginta propæ personis. Nonnulli impostores, & alienæ pudicitiaæ intidiatores, ad saniorem mentem traducti. Rudiores non solum in rebus ad salutem necessariis edocti, verum etiam ut ea & alios edocerent, serio ad id fuerunt excitati. Et ut uno verbo multa complectar, non paucis ipsa conflagratio & rerum iactura fuit salutaris. Repertus quidam, qui raptam ex incendio pecuniam ad sacerdotes detulit, & ut verus ipius dominus inquireretur, postulauit Hæresi abiurata quatuor, schismate Russico repudiato quindecim, Catholicæ Ecclesiæ gremio sunt aggregati. Inter præcipuos istorum fuit nobilis adolescens nostrarum scholarum studiosus. Quinque eloquentiæ studiosi ad nostræ Societatis tirocinium Cracouiam sunt missi; Sacerdos sextus accessit, & septimus nobilis adolescentis institutor. Nostræ Societatis exercitationibus Fratres duodecim aliò ex hoc Collegio ablegandi perpoliti. Hebdomade Christi perpessioni sacra 200. partim studiosi, partim externi, publicè in templo nostro flagris instructi processere. Excursiones tum unius, tum alterius è Patribus, non sine fructu concionum & confessionum auditarum fuere susceptæ. ne sèpiùs fierent acris pestilentia impediuit.

### *Collegium Polocense.*

IN hoc Collegio personæ non excedebant anni superioris numerum 19. verum postea auctus est, ubi tumultus belli in Liuonia per Carolum Suecum hostili inuasione est excitatus. Nouitatus triginta personarum vitandi periculi causâ, & leuâdi onere Collegium Riga Polociam translatas est. Vnde iam in hoc Collegio sunt sacerdo-

tes

tes nouem, magistri tres, nouitij vigintisex, Coadiutores vndeclim, & in vniuersum sumus quadraginta nouem. Xenodochia nouitij & publicas custodias crebro inuisunt, in quibus animos afflitorum piis sermonibus fastidio patiendi leuant, stipēque ostiatim emēdicata inopiam egenitum tueri solent. Quorum opus geniti Ruthenæ tanto maiori est admirationi, quanto sagaciūs cōtempplantur iuuenes ætate florentes abstractos a corporis voluptatibus, & sui libertatē totos dare se amore Dei exercitio virtutum in conspectum cadentium. In decursu huius anni in ædē sacra noua licet non ex tōto perfecta, summa cum omnium lētitia diuina officia sunt inchoata, plurimi sacrā Eucharistia refecti. Plurimi ex Ruthenis cūm pereleganti templi apparatu, tum ordinato cultu deuotionis Christianæ excitati, diebus profectis ad conciones audiendas audē confluunt. Nec illorum votis deest clementissimus Deus, cūm signo etiā miraculoſo beneplacitum suum illis testatum esse voluerit: quod emicuit maximē in feminā quādāti, quā spatio multorum mensium vsu manus suā morbo inualescente penitus destituta fuit, adeò ut nec sibi nec liberis, familiæque suæ egestati labore solito consulere potuerit: tandem voto nuncupato inuisendi templum nouiter exstructum die festo Conceptionis Deiparæ Virginis (cuius etiā tutelę patrōcinioque est dicatum) mox vbi illud factō ipso persoluit, pristinam sanitatem manus suā recepit, totoq̄e corpore melius se valere affirmavit. E schismate ad gremium S. Matris Ecclesiæ sunt perducti quinque; ex hæreticis item duo traducti. Contractas totius vitæ maculas eluerunt confessione plures triginta. Duo ab exitio voluntario ex spiritu de-

sperationis, quorum unus laqueo finire vitam, alter se p̄cipitem in fluvium decreuerat dare, ad speciem melioris vitaे sunt reuocati. Duorum patrum coniugum illegitimae habitationi consultum est. quatuor vero paria ex illico vnu adhucito ministro Sacramenti, ad honesta connubia sunt perducta.

### *Collegium Lublinense*

QVINQVE supra viginti hoc anno è nostris aluit, quibus in fine anni quatuor accesserunt: sacerdotes noucm, præceptores inferiorum scholatum quinque, Controversiarum vnu, Casuum vnu; auditores harum duarum lectionum è nostris quinque, Coadiutores temporales octo numerantur. Obdormiuit in Domino vnu è sacerdotibus, magnoque pauperum præcipue, quorum præcipue gessit curam, cum eiulatu defunctus. Collegium hoc tum frequētia studiosorum (600. numero superat) tum genere ipso in primis celebre: ad quorum numerum insignis accessio est facta, augeturque auditor in dies. Ad studia humaniora additæ sunt hoc anno Controversiarum & Casuum lectiones. Complures è discipulis cœnobitiis sese deuouere: Societati non minus septem. Hæretici tredecim mente mutata Ecclesiæ Catholice nomina dederūt; è quibus vnu nobilis, exercitiis spiritualibus antè eruditus. Schismatici ad vñionem Ecclesiæ adducti duo. Virgo item nobilis inter Arrianos viuens, in fide Catholica magna ex parte corrupta, totius vitaे crimina eluit per confessionem. Nobilis femina in hæresi nata & educata, cùm viro Catholico nupta fuisset,

ipsum

ipsum peruerit. post annos tandem quadraginta ipsa resipuit, ad Ecclesiam rediit, & confessa est. Catholicorū, qui plures annos Sacra menta Pœnitentia & Eucharistiæ neglexerūt, exceptæ confessiones. Audita etiā cōplurium vitæ totius delicta. Quædam, cū seipsum interimere voluisset, à desperatione liberata est. Ne agitarent fœnuš, & invasuras expenderet, persuasum multis; aliis, vt redderet iniuste parta. Hospites & aduenæ præsertim tempore Iudiciorum tribunalitorum, frequentes ad conciones nostras cōfluxere. Milites non pauci ad bellum ituri Pœnitentia Sacramento sese antè præmunierunt. Liberalitas nonnullorum enituit, præcipue magnifici Domini Thesaurarij, qui 1000. florenos eleemosynæ nomine Collegio est largitus. Quadraginta horarum pestis auertendæ caussa, in sacello nostro decreta comprecatio. Novembri meuse continentí orantium similiter, & se verberantium non Sodalium modò Partheniorum, sed confraternitatis etiam ordine maximè insignis. Pauperum, qui in xenodochiis decumbunt, necessitati subuentum à nostris. Multi qui èxtremo supplicio dederunt scelerum pœnas, catholicè & piè inter cohortationes nostrorum vita defuncti. Itum quoque & excusum ad loca vicina, non sine fructu proximorum.

### *Collegium Rigense.*

E MEDIIS bellorum tumultibus & armis à Succis ex inopinato toti Liuoniæ illatis, abreptas ad P.V. annuas mittimus litteras, tanto breuiores, quanto magis circa res Collegij componendas, & auehēdas, & circa nouitios ad tutius Collegium expediendos laboratum est. Fuimus ante disper-

sionem Rigæ supra quadraginta; remansimæ, grassante bellorum incendio vigintivnus; ex quibus sacerdotes nouem, magistri tres, Coadiutores veterani quatuor, nouitij quinque. Fructus hoc anno ex Liuonum solo omnis generis hæreseos refertissimo in horreum Domini congregatus vbertare superiores longè excellere videtur. Et primum quidem Missiones duæ per Liuoniam hoc anno toto factæ; altera in diœcesim Episcopi Vendensis, magno omnium terras illas in colentium solatio, & Reuerendissimi gaudio: altera in districtum Lemselensem vsque ad ipsum mare, quæ Lotavis & Libiis maximo fuit emolumento. Posita contumacia suauissimo Ecclesiæ iugo cœuices subiecere multi. Plurimi & quidem illustri loco nati in templo nostro expurgatis animorum sordibus, cœlesti epulo refecti; vt interim eos, qui vel totius vitæ noxas eluerunt, vel confessiones malè haec tenus institutas, Christiana catechesi formati correxerunt; ad frequentiorem sacræ synaxis usum animatos, & à flagitiis& vitæ cœno ad honestatem reductos, sacroq; baptismate ablutos, tam infantes quam adultos taceam. Matrimonia clandestino consensu inita ad præscriptum Concilij Tridentini correcta. Non pauci pueri adulti, & puellæ ab infestationibus & nocturnis terroribus precibus Ecclesiæ, & sacra agni Dei imagine à collo suspensa liberati; infirmi ex pane & potu benedictis modicum libantes, pristinam recuperarunt salutem. Arbores frondosæ, quibus stulte omnino & superstitione, nescio quid numinis inesse suspicabantur agricolæ, in eorum præsentia excisa penitus & deturbatae sunt, omnium spectantium stupore, qui mortem repentinam ex eo facto nostris ominabantur. Præter superiorum

periorum annorum consuetudinem, cum dies sequentes octo, tum præcipue primus, quem Eucharistiae augustissimo ritu colimus anniuersarium, illustri supplicatione & pompâ factus est; symphonia celebris adhibita, carmina celebritati accommoda à pueris eleganti vestium ornatu recitata. Hanc pompam Illustrissima Churlandiz Ducissa iunior cum suo gyneco cohonestauit: cuius partim liberalitas in comparandis fâcibus inauratis, quæ accensæ ante thensam, Venerabile-que Sacramentum præferebantur, cum aliis ad eundem modum & usum paratis cereis, qui durante festi octaua, sub summo sacro accendebantur; partim singularis pietas, animique submissio in sacra synaxi cuin gyneco adeunda illuxit. quæ res aliis admirationi, aliis fuit inuitamento. Nec his contenta ipsius liberalitas finibus: aliquot diebus à suo discessu misit ecclesiæ nostræ vestes sacras, & altaris ornamenta daleris 1050. aestimata. Excuerat etiam tum huius Illustrissimæ aduentus & exemplum, tum diei celebritas non paucos nobiles, multos quoque hereticos à domesticis parietibus, & locis ciuitati vicinis, spectandi scilicet hanc publicam supplicationem, hactenus non visam: qui præsentes defixi admiratione ea modestia spectantes interfuerere, ut maiorem à Catholicis non requisisses. Nec verò pagi caruerunt nostrorum opera & fructu. In iis supplicationes publicæ vnâ cum quadraginta horarum precationibus, omnium applausu, & bono multorum exemplo institutæ. Agricolæ, quorum ingens ad eas confluxerat multitudo, ea occasione post patefacta conscientiæ vulnera, ritu Catholicæ Eucharistiam sumpserunt. Nitauiam (arx ea est Liuoniæ) ad loci Præfectum Catholicum, qui

templum Catholicis restituit, excusum; ægerrimè id tulit Catholicī affinis hæreticus. Hic auditō nostros templum ingressos, armatus furore & sclopeto concito gradu subsequitur, ante fores templi, ut è nostris primò egressum globo plumbeo traiiciat, præstolatur. Re intellecta Catholicus templo egreditur, temeritatem & furem hominum coarguit & mitigat. quid multis? qui animo ad nos accurrerat sanguineo, Patris nostri alloquio ita est emollitus, ut & insaniæ suæ veniam, quam facile impetravit, peteret, & malevolentiam benevolentia compensaret. Senatus amicitiæ gratia, quod nunquam factum hactenus, Collegio 100. florenos donauit, & R.P. Provinciali has oras inuisenti, grati animi caussa, consueta ciuitati donaria, per nouum syndicum obtulit. Hic etiam vir optimus, cui cum Senator, tum tota ciuitas fauet plurimum, sui in nos largissima amoris dedit argumenta. Præter vas enim vini, quod Collegio donauit, non negligit nostri instituti tueri famam, & defendere honorem.

### *Collegium Calissiense*

**C**OMPLECTITVR nostros quadraginta quatuor, sacerdotes vndecim, ex quibus duo qui Philosophiam, unus qui Mathematicam, qui item Casus conscientiæ, quique Controversias profertur singuli sunt: præceptores inferiorum scholarum quatuor, auditores Physicæ nouem, Logicæ vndecim, Coadiutores nouem. sacerdos præterea & duo socij seminario diœcesano & contubernio nobilium adolescentum præsunt.

Ex

Ex compluribus, qui Societatem expetierūt, duo scholastici, tertius Coadiutor, ad domum Probationis missi. Quod ad scholas attinet, in quibus ferè præcipua nostrorum in hoc Collegio occupatio est, 500. discipulos numerant, seclusis illis, qui in Parochialibus scholis, ex nostrorum tamē præscripto rudimenta Grammatices docentur. Viget inter hos' omnes inorūm, pietatis religionisque disciplina; sed longè exactius inter eos, qui legibus Sodalitatis B. Virginis sese astrinxerunt. Numerantur hi centum vigintiseptem; suntque ij, qui vel ingeniorum bonitate, vel doctrinæ studio, vel nobilitate, palmam aliis eripiunt. Ex horum numero fuerunt ij, quos Societatis institutum, vel complexos esse, vel expetiisse dictum est. Nec deerant quoque, qui aliorum Religiosorum Ordinibus sese adiungerent. Primi iidem fuerunt, qui ad arcendam contagionis latè serpentis ab hac ciuitate trainina, continuas quadraginta horarum preces communi consilio institutas magno ardore absoluuerunt. Hos secutæ reliquæ scholæ, magna & ipsæ pietatis significatiōe alias quadraginta horas precando continuarunt, exemploque & incitamento Prælatis Ecclesiarum fuerunt, ut hi pro officij sui ratione, reliquo etiam populo, simile Dei placandi studium iniicerent. Quoties autem huiusmodi preces celebrabantur, toties studiosi iuuenes, præser-tim autem, qui patrocinium B. Virginis peculiariter religione colunt, ita flagris corpora sua diuerberarunt, ut plerique spectantes lacrymas vbertim fundere visi sint, moti tanta fæuientium in se adolescentium pietate. Ab hætehi ad Catholicos, eiurata pestilenti doctrina, vigintisex sunt aggregati, inter quos plerique nobiles erant. unus item

schismati valedixit Iudæa puella, cùm à suis ad Catholicos profugisset, nostrorum operâ in fidei rudimentis instructa est, & ad baptismum perduta in tuto postea loco est collocata. Confessiones generales auditæ sunt ultra centum. Duorum concubinatus in matrimonium mutatus. Mulier prostituta ad vitam honestam se recepit. Tres, qui confessionem non paucis annis neglexerant, ut per eam ritè peccata sua expiatent, adducti. Restitutiones notabiles duobus potissimum persuasæ: quarum altera 600. florenorum summam attingebat. Dissidium graue inter viros nobiles, & personam Ecclesiasticæ extinctum. Quidam qui grauia peccata multis annis celabant, induiti, ut iis detectis veram animabus medicinam acciperent. Inter eos qui spiritualibus exercitiis se perpolierunt, à quibus potissimum fructus sperrandus sit; tres fuerunt sacerdotes, quartus ex familia D. Benedicti Religioli, quintus vir nobilis. Excusum etiam ad alia loca fuit. Primum enim duo sacerdotes certis quibusdam temporibus pagum adire soliti, in quo templum B. Virginis magno hominum concursu celebratur, magnumque concionando, & confessiones audiendo fructum faciunt. Deinde Fratres nostri, qui studiis Philosophiae vacant, diebus Dominicis & festis, pagos proximos adeunt, doctrinamque Christianam pueris rudibus instillant. Nonnulli etiam opidorum vicinoruim Parochi, quibusdam anni temporibus, quibus maior hominum cursus ad Sacramentum, nostros ad se inuitarunt, ab eisque strenue tam in concionibus, quam in confessionibus adiuti sunt. Denique vir quidam nobilis Caluiniana labe infectus, cùm se non alienum à religione Catholica ostenderet, dummodo

modo veritatem eius discuti à Ministris suæ sc-  
etæ, cum sacerdote quopiam nostro audiret, non  
grauatè obtinuit quod voluit. Missus ad eum no-  
ster semel ac iterum cum Ministro concertauit.  
ibi Minister, suorum iudicio egregiè doctus, cùm  
multa, & cum sacris Litteris, & cùm recto sensu  
pugnantia diceret; ita falsitatis arguebatur, vt ab  
ipsomet nobili sape interpellatus & reprehensus  
sit. Exitus concertationis demùm is fuit, vt nobilis  
quidem conuersionis magnam spem dederit:  
vxor autem eius iam antè ad Catholicam reli-  
gionem propensa, Ministerum cum sua doctrina  
valere iusserit. Illustrissimus porrò fundator, vt  
rebus, quæ cum Dei gloria & animorum fructu  
à nostris perficiuntur, mirificè delectatur, ita Col-  
legij rem promouere beneficentia sua nunquam  
cessat: hac enim æstate ad pecuniam, quæ in de-  
posito est ad reditus aliquos Collegio emendos,  
mille florenos adiecit. Areas duas scholis nouis  
ædificandis necessarias magno à possessoribus re-  
demit, augentibus pretium intolerabiliter, eð  
quòd sine dictis areis ædificium progredi non  
posse viderent. Denique absolutis iam omnibus  
contubernij à se instituti ædificiis, totum se ad  
fabricam nouarum scholarum conuertit: qua-  
rum vt iam bona initia extant, ita spes est, vt bre-  
ui fastigium videamus, si Deus incolumem tam  
liberalem nobis parentem seruauerit.

*Nouitiatus Cracoviensis.*

CUM ex anno præcedenti, pestifera lues Cracoviæ durans initio anni huius, adhuc nostros in prædio detineret; eademque rursus, in autumno renouata, cōdem nos iterum commigrare compulisset, magna Dei benignitas circa nos, curaque paterna extitit in custodiendis nostris à contagione, hoc utroque tempore, tam iis qui Cracoviæ in doino mauerunt, quam his qui ad pagum secesserunt. Sumus enim Dei beneficio incolumes utrobique conseruati, et si morbis variis nonnulli tentati. Veteranos unde此数人數目 ramus, quatuor sacerdotes, sex domesticarum resum administratos, & unum scholasticum, qui studiis absolutis tertium probationis annum est ingressus. Nouitij, quos iam triginta octo habemus, scholasticos nimirum triginta & unum, reliquos Coadiutores, omnes per gratiam Dei bene valent, & procedunt diligenter in spiritu, & mortificationis studio. In his plerique sunt egregiis animi dotibus prædicti: unius verò inter alios singularis ardor extitit, & constantia in vocationis proposito incundo, atque retinendo, qui claris & nobilibus parentibus natus, patre antè iam vita functo, nihil matris blanditias, nihil tutoris patrui, suorumque consanguineorum pollicitationes minusque moratus, præmonitis illis Cracoviam ad Probationis domum nostram latus accurrit; in itaque Dei prouidentia conseruatus est, ut cum in itinere unum è patruis suis obuium haberet, non fuerit tamen agnitus ab eo, à quo alioquin per vim etiam reductus fuisset. Nam postquam propinquai

pinqui eius rescriuerunt ipsum ad Societatem venisse; mox illum subsecutæ sunt litteræ ab eius tutori, & altero eius patruo scriptæ ad Superiorum domus: quibus uterque postulabant omnino ipsum ad suos remitti, eò quod necdum sufficien-tem haberet ætatem ad ingressum religionis, & à nostris persuasus insciis propinquis Cracouiam ad nos discessisset. Quibus cum responsum esset, ratioque redditæ vocationis eius, illi nihilominus non contenti, ea satisfactione tumultuati sunt palam, nostrisque etiam minuti, unumque ex eius patruis excitarunt; qui cum esset Cracoviæ, & per Prælatos, & per Canonicos Cracovienses, aliosque suo amicorumque suorum nomine urgeret à nostris suum nepotem remitti ad consanguineos; id tandem sua importunitate effecerunt, vt ex communis consilio, nouitius eidem patruo præsentaretur in domum R.D.Nicolai Taranouosky Canonici Cracoviensis, præsente ibidem altero Prælato, Canonico etiam Cracoviæ, cognato eius. Ibi ergo tunc in horum præsentia patruus egit cum nostro solo, de hoc ipsius vitæ proposito. Cui tum noster abundè declarauit, sibi à nullo prorsus è Societatis hominibus persuasum, sed Dei ipsius instinctu ad hoc institutum vitæ excitatum, voto insuper se sponte sua ad religionis huius ingressum adstrinxisse, multò antequam venisset Cracouiam. De ætate vero sua ex matris ipsius ore præsente etiam patruo suo, audiuisse, agere se iam decimumquartum aut decimumquintum ætatis annum. Ista & cetera multa quæ sunt obiecta, cum noster Dei auxilio fretus, quod ipsi tunc cæteri nouitij oratione instituta petebant, dextre satis per tres horas, quibus certamen durauit, diluisset, inque suæ vocationis proposito valde constans,

constans, quin etiam obfirmatus, patruo visus es-  
set. obiurgatus tandem ab ipso, re prorsus infecta  
penitusque desperata relicta ibidem est. unde  
noster mox rediit domum nostram magno cum  
gaudio suo, pergitque alacriter in spiritu cum  
cæteris proficere, nisi quod iterum à suis turbatione  
quadam sit appetitus: qui ob eius hunc in-  
gressum, Collegio nostro Lublinensi perrexer-  
unt esse molesti. Et quoniam Dei beneficio,  
nouitiorum nostrorum numerus auctior iam  
est, ita ut in prædio, ubi adhuc propter pestem  
commoramus, ædificia angustiora non sinerent  
iplos munia sua commode obire; incommo-  
dis hisce occursum aliquo modo iam est, Dei  
benignitate, & Reuerendissimi Domini Ber-  
nardii Macieneskij Episcopi Cracoviensis libe-  
ralitate: qui singularem animi sui propensionem  
erga dominum hanc declarat; ita ut non solùm  
haud multo post aduentum suum ad istam Epi-  
scopalem sedem in refectorio domus nostræ Cra-  
couiae vnâ cum Reuerendissimo Episcopo Laine-  
necensi, & Prælatis aliquot sit pransus: sed hoc  
etiam tempore pestis, in prædio nos inuiserit, ha-  
bitoque sacro in facello adhuc veteri præangusto  
atque obscuro, prandium nobiscum sumperit  
magna cum animi sui voluptate, quam omnibus  
palam tunc testatus est. Sacerdos unus è nostris  
iter faciens, incidit in nobilem quendam extre-  
mè ægrotantem in domo cuiusdam hæretici, il-  
liusque confessionem exceptit; multum deimirante  
altero, quod præter speim contigisset Catholi-  
co morituro præsentia sacerdotis, qui ad mor-  
tem se præpararet. Schismaticus item unus, alia  
occasione, & aliquot hæretici Ecclesiæ reconciliati  
sunt. Quidam ab annis viginti peccata ce-  
lans

Ians confessus eadem est. Aliqui etiam spiritualibus sunt exercitiis in domo nostra perpoliti.

### *Collegium Niesuiense.*

**C**OLEGIVM Niesuiense ædificiorum accessione nostrorum aliquanto maiorem numerum continet. Auctum est enim hoc anno Casuum & Controversiarum lectionibus: vigintio octo iam numerat, octo sacerdotes, quorum duo suprà memorati lectores, vnuſque humaniorum litterarum, duo etiam sacerdotes, cum quinque studiosis humaniorum litterarum. in reliquo numero sunt duo Grammaticæ magistri, quatuor sacrarum Litterarum auditores, cum Fratribus ad domestica negotia obeunda necessariis. Centum excedunt, qui nunquam antè confessi, hoc salutare genus remedij nunc primùm degustarunt, in quo numero potissimum locus dandus adultis, ac prouectioris ætatis. In matrimoniis inter rudes contractis ritus Ecclesiæ, crebrò vel penuria sacerdotum populorumque ignauia, negligētumque hominum talium, prætermisso, in quadraginta ferè paribus correctus est. Aliquot præterea disiuncta, nullius remedij, præter huius extremi capacia, & ne id deinceps fieret prospeatum. Ab heresi Ecclesiæ Catholice quatuordecim reconciliati: in quibus animaduersum est tantam vim fuisse recti dogmatis, scintillarum olim in animos hac labe infectos immissarum, ut quamuis diu contumaces veritati oblucentur; sensim tamen pietatis incendium alimento quopiam sese offerente excitatum, nunc primùm luculentam flammarum in apertum protulerit. Scholastici nostri, qui ex hereticis schismatibusq; nati sunt parentibus, paternos errores cum Catholica religione

religione cominutant, neque à falsitatis sectatoribus, inter quos conuersandum est, sibi eripi patiuntur. Odium impietatis adeò in teneris annis innotescere agnoscimus inde, quod libros vel minimi erroris suspicione iniecta nostrorum iudicio subiiciant, damnatisque ipsi priores manus iniicere gaudeant. Sodalitium sub B. Virginis nomine collectum non frustra id nomen usurpare contendit. Inter horum præclaræ probitatis pietatisque officia eminet ille mos, verbera sibi infligendi, & solemnibus Christi patientis feriis ab omnibus, & à multis alijs non raro: ad quod cæteris præeunt. Metropolitæ Græcorum Catholico nostræ iuuentutis inter suos gratulatio gratissima accidit, & magnificus Dominus Leo Sapiha Magni Ducatus Lithuaniae Cancellarius, abiturus in Moscouiam Legatus, faustas itineris precationes poëmate vario cantuque celebratas ita excepit, ut se vehementer recreatum diceret; & reliqui non paruæ auctoritatis viri perhonorificum id sibi fuisse ostenderunt. Nec ab Illustrissimo defuere idcirco crebra in eam iuuentutem benevolentia humanitatisque signa. Cui is quoque inter cætera suæ fundationis, veluti fructus visus est in claros viros redundare.

### *Collegium Derpatense.*

**C**O**L****E****G****I****V****M** hoc nostrum Derpatense aluit hoc anno, quanquam non continenter, vnum supra triginta, sacerdotes nouem, professores tres, qui humaniora studia recoluerunt à tirocinio duodecim, rerum domesticarum Coadiutores septem; sed audito aduentu Caroli Sueci, hostis Catho-

Catholicorum , relictis tribus sacerdotibus , & quatuor Adiutoribus , reliqui ad tutiora loca sunt ablegati . Verba de rebus diuinis pro consuetudine solita , terno semper idiomate facta . Præter antemeridianas Euangeliæ explicationes à meridie elementa doctrinæ Christianæ ad institutionem rudium Estonum exposita . Exercitationibus sacris exulti præter domesticos omnes duodecim ; ex quibus sacerdotes quinque . Vnius portrò ingenuus iuuensis , Rigensis natione , iisdem præmissis , cum vita priore , Lutheranam hæresim abiurauit , & mox statum Ecclesiasticum , non minore odio & obtræctione suorum , id omni studio impedire conantum , quām gaudio & admiratione nostrorum arripuit . Cæterū , miseri auxilium , vincit solatium experti , adeò ut etiam vni aut alteri militum , Centurioni necem intentantium , quod capitale est , vitam nostri impestarint . In mutuam gratiam nostrorum operâ redierunt quatuor supra triginta . Superioris vitæ noxas generali confessione expiarunt circiter mille ducenti quadraginta quinque . Particulares verò confessiones auditæ ultra nouies mille quadringentas trigintasex . Sacrosancta mysteria tam domi quām foris perceperunt quartus mille septingenti quadraginta unus . Wybranciorum & electorum militum Præfectus non modò ipse octodecim annorum culpas exposuit , sed etiam militibus , ut idem confessionis sacræ mysterium obirent , suis auctor fuit . Idem fecerunt nonnulli alij , hoc salutari remedio vel nunquam , vel multos ante annos usi . Inter quos miles propter homicidij crimen conscientiæ maculas abstergere veritus est ; idque viginti amplius annos ; qui tandem alterius adductus exem-

exemplo, qui casu eandem noxam incurretat, libere confessionis Sacramento animum suum expurgavit. Plurimi perperam expositas multorum annorum noxas ritore redintegrarunt. Sancto ablutionis Sacramento iniciati ducenti trigintasex. Matrimonio iuncta paria centum quadraginta septem. E diuersarum falsarum opinionum salo, transtulerunt se in Catholicam cymbam triginta. Excusum in varias partes à nostris sacerdotibus quadrages. Colonorum præterea nostri prædij Rigenis singulorum lustrata domicilia: & operæ fructus constitit. Nam præter aqua' salutari ablutos, non paucos adultiores confessionis Sacramento perpurgatos, pabuloque cælesti refectos; plures inani quadam superstitione incolis formidabiles, seu perniciosæ & existiabiles arbores proditæ & excisæ. Eiusdem vanæ religionis tribus in locis oppressi & conculcati lapides. Laterum præterea veterum congeries quinæ, exorcismis adhibitis, non minori incolarum admiratione quam utilitate conuulsæ & disiectæ. Rogatu piorum militum sacerdos unus cum Fratre ad castra decem milliaribus ab urbe sita, directus est. Vbi partim concionibus habendis, partim sacris mysteriis administrandis egregiam Catholicis nauauit operam. Permulti eorum à rapinis religione absterriti, paulo post hi simul armis spiritualibus instructi, prima velitatione numen sibi propositum sensere, fusis fugatisque hostibus, mille circiter cœsis, vix quinque suorum è numero desideratis. Sub quod tempus domi quadraginta horarum orationes institutæ, adiunctis à Parthenico Sodalito publicis flagellationibus: quod alias item eundem in finem semel ac iterum factitatum est. Nostri porto singulis festis

festis & Dominicis diebus in doméstico templo  
precationes easdem continuarunt. Gymnasia  
nostra non minus studiorum feroce quam stu-  
diosorum numero hoc anno magis magisque ef-  
florescere visasunt. Drama Eucharisticum ac au-  
tumnale more solito, non sine applausu spectan-  
tium datum. In illo Sanctissima Eucharistia insi-  
gni pompa & coitatu, in hoc grauiores studio-  
rum publicis vix haetenus viis præmiis orna-  
bantur. Sed hunc felicem studiorum progressum  
inopinatus circa anni finem Martis impetus, ac  
hostium circumquaque impunè grassantium me-  
tus interturbauit. Quo factum est ut labentibus  
patrum discipulis, grauissimorum ac nobis quam  
optime affectorum virorum consilio ac suasu,  
professores una cum gymnasiorum præfecto, qui  
idem nostros in Rhetoricis instituit; in loca tu-  
tiora ad tempus dimissi sunt. Existimatio nostro-  
rum quanta hic fuerit, vel hinc cognosci po-  
test, quod multi primarij de Ecclesia Catholica  
alias male sentientes, non modò vsu & consue-  
tudine nostrorum studiosè fruantur; sed etiam  
vel innitis ac reclamantibus impuris suis Buc-  
cinatoribus, suos filios certatim nostræ discipli-  
næ submittere cœperint, nostrumque docendi  
modum, præ suorum institutionibus passim lau-  
darint. Piorum verò & Catholicorum erga nos  
affectus est rationum nostrorum studiosissimus.  
Quidam enim præcipuae auctoratis templi no-  
stri Mariani facello exornando centum florenos  
elargitus est; ut textilia aliaque aris ornandis mu-  
nera piarum matronarum liberalitate sæpiuscule  
oblata prætermittam. Cœmeterij pars nouo muro  
cincta, noua campua grandi piorum ære cincta

ad Calend. Februarij in turrim, ipsis etiam vni  
ciuib[us] hæreticis suam operam commodantibus,  
& factum probantibus attracta. Horologium in  
scholarum & Collegij vsum & directionem com-  
paratum. Hi sunt, quos hic annus impeditus pro-  
tulit fructus, vberiores in sequentes anni, vbi ex-  
orta belli tempestas propitio numine conque-  
uerit, R.P.V. adiuti precibus, edituri.

### *Collegium Gedanense inchoatum.*

**M**ANEMVS in hac Residentia quinque, ex qua-  
bus sacerdotes quatuor, Coadiutor unus.  
Omnes strenue fructuoseque, & in ciuitate ipsa,  
& in pagis proximis, in proximorum salutem in-  
cumbunt. Conclaves solitæ, inter ruinosos, ex-  
ustos, per angustosque parietes templi habitæ. Er-  
amica modestaque nostrorum conuersatio, ita  
multorum in hac ciuitate animos ad humanita-  
tem pertraxit, vt iis quibus ante institutum no-  
strum exosum videbatur, nunc ita arrideat, vt &  
scholas Societatis nostræ optent multi, & fre-  
quenter concionibus intersint, paulatimque ar-  
etiore nostrorum consuetudine deuinciantur.  
Inter quos etiam adolescentes quidam peregre-  
gij, qui litteris in gynnasio tum Calvinistarum,  
tum Lutheranorum nauant operam, de rebus si-  
dei sermones cum nostris conferunt. Ex quibus  
aliqui pestiferum hæreticorum venenum, mater-  
no cum lacte haustū euomuerunt, alij seriam hoc  
ipsius faciendi cogitationem susceperunt: dum-  
que

que alter alterum trahit, fit ut plures de Catholica religione melius sentiendi induant animum & sententiam. Præter duos pagos nostri vnius operâ & industria ad Catholica castra aggregatos, ab hæretiis absoluti numerantur sexaginta quinque. Libelli de rebus orthodoxæ religionis sparsi & distributi multos in sua fide dubios & anxios reddiderunt. Nutantes in Catholica religione, monitis & consiliis nostrorum electi & corroborati non pauci. ex qua cum liberiori carnis sequendæ spe allectus quidam se in Calvinisticæ sectæ tenebras deieceret, in eaque ferè trium mensium spatio cæcus hæsisset; tantis postmodum conscientiæ stimulis exagitatus est, ut ad relictam virtutis lucem redire coactus, manus Ecclesiæ ciurata hæresi, confessione scelerum expiatus, sacroque Eucharistia sacramento communitus porrexit. Adhæc non parvus concionum fructus fuit relatus, ex missionibus, quæ frequentissimæ in Romulelia, vicinisque locis institutæ. Peccatorum confessione expurgati 2474. ex quibus, quantum poterant replicare memoria, præteriti temporis totius vitæ peccata retexuerunt sexaginta quinque. Præter doctrinam Christianam pueris in excursionibus sex ferè per inensem vnum habitis traditam; dissidentes reconciliati: duæ à turpi quæstu corporis abstractæ ad puriorem viuendi formam, piis documentis instituta.

*Collegium Torunense inchoatum.*

A D quatuor sacerdotes , quos domus nostra  
haec tenus aluit , accessit quintus , & duo Fra-  
tres: quorum paucorum operariorum opera, domi  
ni fortisque non sine aliquo fructu est versata.  
Conciones de more solito singulis diebus Domini-  
niciis & festis in æde Parochiali splendida tres,  
vix cum doctrina Christiana habitæ sunt, ea ho-  
minum frequentia & commendatione ; ut vir  
quidam nobilis nostro sacerdote audiente , in  
medio exclamauerit, Iam pridem Torunia misera,  
iam pridem talis tibi fuit necessaria fidei Ca-  
tholicæ institutio. Exceptæ sunt confessiones plu-  
tumæ, ex quibus non paucæ fuere generales. Ab  
haereti ad Ecclesiæ gremium traducti sunt triginta;  
ex quibus dux personæ nobiles non sine visio-  
nis cuiusdam admiratione accesserè. Vacillantes  
in fide Catholica non pauci confirmati, haereticis  
quibusdam est varius & multiplex iniectus du-  
bitandi scrupulus. Cuius quidam haereticus, cùm  
in nostrum sacerdotem in frequentia suorum  
conciuum incidisset, ad disputationem eum euocauerat. Subiit Paer disputationem. Verum ille  
cùm videret se argumentorum vi premi, turpissi-  
mè aufugerat: quem non tantum noster, verum  
etiam conciues haeretici, reuocate conabantur.  
sed surdo dabantur verba. Cùm è nostris sacerdos  
aliò ex obedientia mitteretur per Toruniam , &  
inaudiisset quid apud nos de solemnî haeretico-  
rum disputatione (nouos enim magistros pro sua  
schola & fide stabiliçda ex Germania euocauerat)  
immu-

immutato aliquâttim habitu ingressus est hominum confertam multitudinem. quo cōspicere dabant ei secundum disputationis locum. sustinuit Pater, licet imparatus, disputationem ea secundum & doctrinę existimatione, ut studiosi hæretici etiam eum Iesuitam existimantes, dominum usque nostram comitarentur. quin etiam vnam ex suis commilitonibus ad Patrem allegaverant studiosi, rogantes eum, ut etiam post prandium, in illorum saltem gratiam disputationem exornare vellet. Exercitia spiritualia tribus sunt tradita, iacte quos fuit Episcopatus huius administrator. Virgines religiosae in tribus monasteriis constituta, præsentem nostrorum operam cum in aliis, tam in spiritualibus exercitiis sunt expertæ. In sacratissimo Corporis Domini festo processio habitu est hoc anno solito solemnior, non tantum cum Ecclesiastico apparatu, & concerto musico scaui, verum etiam habitu quedam scenico, vel Angelico potius. Pulchrū erat non solum Catholicis, verum etiam hæreticis insolitum, videre tabernaculum, affabre factum, ab octo hominibus per publicas hæreticæ ciuitatis plateas, & forum maximè circumferri. quod multa hominum etiam nobilium millia comitabantur. Verum illud non sine singulari Catholicorum consolatione, quod quamprimum processio fuit finita, finem plenam est consecuta copiosa. Antequam lues pestifera corriperet, instituta fuit oratio quadraginta horarum solemnior etiam antea nunquam; musica lugubris, & altaris apparatus insolitus eam exornabat. Accessio aliqua facta est in suppellectili Ecclesiastica, & bibliotheca sanctorum Patrum voluminibus. Nonnulla etiam eleemosynæ no-

mine domui nostræ sunt oblata. Tempore pestis, quæ post messem temporalem nostram non parum impediuit spiritualem, solita Societatis officia, proximis fuere exhibita. Nam habita est ab uno eodemque sacerdote nostro duplex, ante & post prandium concio. Confessiones quoque pro illa temporis locique ratione sunt exceptæ. Et licet mors ex vicina domo per fenestram ad nostram adspectare videretur, tamen, quæ Dei clementia fuit, ab omni periculo fuit præseruata. Eodem tempore, non sine præsentí vita periculo, virginum monasterio magna charitas exhibita. Emptus oportunè hoc anno est pagus pro nostris: in eum tempore pestis nostri seie receperūt. Serenissimus Rex noster Sigismundus, singularem erga Societatem nostram propensionem ostendit, domum Parochialem cum schola nobis inscripsit. templi Parochialis splendidi ius patronatus suum in Societatem nostram transfudit perpetuò. quod ægerrimè talerunt ciues Torunenses, veterunt quene ullus apud nos, ex sua familia, quam habent ut plurimum Catholicam, confessionem concionemque maximè Germanicam frequenter. insuper conuiciis onerarunt, fabellas mendaces cominiscentes, & nostrorum nomen nescio quibus non nominibus, libris chartisque ad publicas ciuitatis portas affixis famolis, & criminationibus grauibus traducentes, etiam apud Aristites, & huius regni primarium. Expulsionem quoque nostrorum minati sunt; si quo fortassis modo possent, Societatis nostræ ministeria, maximè verò scholas, quas vehementer apertum intiment, impedit. Sedabitur verò, Deo fauente, hæc tempestas.

*Residentia Varsauiensis.*

A D priorem nostrorum numerum, quos hęc Residentia anno præterito habuit, duo accesserunt: quatuor enim Patres, & duo Fratres Coadiutores nunc habet. Aucto numero operariorum, ut labores, ita & spirituales fructus & eleemosynarum prouentus aucti. Contagionis tempore, quæ circa finem Augusti hanc ciuitatem inuaserat, & ad finem usque anni durauit, omnes nostri manserunt, sine ullo per Dei gratiam suo detrimento, licet soli essent. Nam alij sacerdotes vel discesserant, vel se omnino clauerant, qui huic ciuitati non animarum tantum, sed etiam corporum cura operam suam nauarunt. Excitati homines tum periculo ipso, tum nostrorum concionibus ad tempus accommodatis, ex omnibus ciuitatis partibus, ad nostros Patres, qui solito more in templo, adhibitis tamen remedis, audiendis confessionibus vacarunt, magna frequentia quotidie confluuebat. Infectorum peste, qui vel in domibus clausi, vel extra ciuitatem ciecti erant, confessio-nes cautè tamen exceptæ: usidem præsertim egenitoribus, toto tempore contagionis, alimenta ex eleemosynis subinistrata, ut eo facilius continerentur, ne victum querendo maiorem ciuitati contagionem adferrent. Pauperum etiam, quo-rum magnus erat numerus, non prætermissa cuæ. Iis enim partim in certis locis ciuitatis congregatis, partim postea ob fugora in conductas domunculas receptis, nostrorum opera victus da-tus: quæ nostrorum in contemnendis periculis

constantia, & in iuuandis auxilio, tuim animis  
tuim corporibus industria & charitas, magnum  
nobis apud ciucs, qui antea alienori animo esse  
videbantur, amoreim conciliauit : ita vt passim  
dicitent, nostra opera & industria, pesti ne ma-  
gis serperet occursum, & ciuitatem esse seruatain.  
Ex confessionibus hi fructus collecti. Schismatici  
duo, quorum vnu erat Moscouita, ad vniونem  
Ecclie reducti. Hæretici tredecim eidem re-  
conciliati, inter quos fuit feimina nobilis, aulæ  
Regiæ ; quæ hæreticis parentibus nata, ac cum  
viro hæretico à decem annis, in coniugio ma-  
nens, illo in sua perfidia permanente, constanti  
animo fidem amplexa est. Alter erat, qui ex Ca-  
tholico factus Anabaptista, & rebaptizatus ma-  
gnas in somnis vexationes patiebatur, & quadam  
vice, dum iam planè suffocaretur, diuinitus ad-  
monitus est vt resipisceret. venit itaque ad  
vnum ex nostris, & præmissa totius vitæ confes-  
sione, hæresim ciuitauit. narravit eidem Patri, se  
dum illa in hæresi esset Scripturam sacram probè  
memoria tenuisse, ita vt sacerdotibus multis eru-  
ditis facessieret negotium ; post receptam verò  
Catholicam religionem, omnem illam phanati-  
cam doctrinam euanuisse. Sacerdotes concubi-  
narij duo adiuti. Feiminae infames, ad meliorem  
vitæ statum reductæ. Confessiones a multis  
annis omissæ resumptæ. Coniuges ad mutuam  
concordiam reducti. Virgo quadam adeò fuit  
constans in iuenda castitate, vt cùm quidam  
iuuenis stricto gladio mortem illi minitaretur  
nisi sibi consentiret, responderit se potius mo-  
ri paratam, quam scelus admittere : quod si vnu  
faceret, clamore omnes in domo excitati-

ram. qua illius constantia iuuenis visa confusus discessit.


## Residentia Leopolienſis.

LEOPOLI sacerdotes fuerunt initio anni quinque, sub finem septem, reliqui Fratres quinque. horum operâ fructus collecti sunt hi. Confessi sunt accuratè de tota vita homines paulo infra octingenti, varij ordinis, quorum aliqui ad ultimum penè senium errata sua male preſſerant. Hæresun respuerunt triginta plerumque nobiles, & vel intuitis, vel inſciis affinibus; schismatici totidem ferè, Ecclesiæ conciliati sunt. Resipuere duo insignes Apostatæ Catholicæ fidei, & præcipue viuus, qui & aliis octoginta præbuerat ſe autſignanum, ad ciurandā ſacra Christiana, & perfidiam Turcicam amplectendam. Consortia virorum non ſine ſacrilegio & turpi ſcelere cum feminis inita ultra quadraginta, vel diſſoluta ſunt, vel facta legitima. Femina quædam repudiato marito, foedè prolapsa, adulteris, & præcipue vni multos annos adhæſerat; cumq[ue] iusta conſientia ſceleris, diſciplinam cogitaret, ab eodem lethalibus plagiis affecta eſt; tandem à nostris eò ſuperuenientibus, & impuri hominis crudelitati ſubtracta, & generali confeſſione, qua maximè indigebat, expiata. Alia ob crumen & necem viro allatam, rotæ implicita, cùm totam noctem in illo cruciatu egillet; poſtridie non ſine miraculo ſolutis funibus, è cataſta delapſa, ſacerdoti noſtro exalte confeſſa eſt. Ciuiſ quidam ſuburbanus longa ægritudine afflictuſ, & morti iam vicior, ab inēunte


ineunte ætate repetita confessione, quam multis annis intermisserat, morbo illo lethali liberatus est. Vitam infamem, nulla spe emergendi pluribus annis continuatam, & postea relictam, à multis usurpas magni momenti restitutas, turpia lucra repudiata, capitalia odia restincta, breviter perstringo, non annotato personarum numero, qui tamen magnus erat. Ad rem familiarem, & pro futuri Collegij subsidio accesserunt, quæ summam excedunt bis mille quingentorum florinorum.

FINIS ANNI SACRI MDC.

























1880